



BIBLIOTECA NAZ.
Vittorio Emanuele III

XVIII

B

62

NAPOLI

¶ Eadem pœna, eosdem
fecit esse beatos.





XVIII

B-62

54



• JOH. ISACII PONTANI
DISCVSSIONVM
HISTORICARVM

Libri duo.

Quibus

Præcipuè quatenus & quodnam mare li-
berum vel non liberum clausumque ac-
cipiendum dispicitur expenditurque.

Accedit, præter alia,

CASPARIS VARRERII LVSITANI
de Ophyra regione & ad eam Navigatione
COMMENTARIVS.



HARDERVICI GELRORUM,
Excudebat NICOLAUS à WIERINGEN
Gymnasij Typographus.

1640. IDC. XXXVII.



Nobilissimo juveni

CHRISTIANO

FRIISIO

Viri Perillustri

D. CHRISTIANI FRIIS,

*Toparchæ in Cragerup, Equitis aurati,
Regiæ Majestatis Danorum magni Can-
cellarii, ac Regni Senatoris, præstâtissimo*

FILIO.



unt inter Hispanos, & in
his præsertim clarissimus
VASQUIUS, & inter a-
lios quoque scriptores,
exteros nostrosque, & eos etiam
juris summè consultos, qui Marc
esse liberum, mariaq; etiam qua-
liacunque naturæ ac gentium lege
habenda communia, sequuti, ut
videtur, authores suos, assertum
voluerunt. Quibus se opponere ex
adverso non timuerunt alij. Nam,

ut

ut isti omne Mare apertum ac liberum communeq; omnibus faciunt, ità alteram adversamque hi amplexi sententiam, omne vicissim mare, nullo in universum excepto, claudi haberique obseptum posse, demonstrare satagunt; Hi velut Janus aliquis Clusius, illi ut Partulcij meritò celebrandi. Hanc dirimere litem quis sibi unusumat? Et quis quoque in se hancce suscipere, sit licet Hercules, provinciam sustineat? Et onus id esse, etiam Æthnâ gravius, non videat, cum uterq; extrema sibi ac summa concedi efflagitet? Quid igitur? Nos nec in hanc, nec in illam partem proni, mediâ incedere viâ, & asserere nec liberum esse Mare omne, nec etiam claudi quodcunq; aut omne posse: & id non tam Themidis ullius

ullius suadâ, quàm ipsâ rei dictante naturâ asserimus asserendumq; tutius putamus. Et id dum agimus, ità agimus, ut illud æquor citis, ut sic dicam, quâdrigis transvecti, ad ea, quæ historiæ sunt, stylum quantocius atque imprimis vertamus. Etenim in foro hîc nostro positi, modò oceanum illum magnû, modò minora maria lustrantes, & quid ibi Græciæ olim aut Romanorum gentiumq; aliarum classes vel tenuerint vel tenere potuerint, per seriem veluti ac rerum omnis ævi memoriam euntes, inquirere singula propius voluptati habuimus. Sed præcipue ad orbem nostrum, seu, ut appellare eû Straboni placuit, borealem hanc Europam, oculos ac mentē referre consilium fuit. Hîc, licet mare omne

ac universum possidere hominis
non sit, quàm tamen latè suas clas-
ses boreæ illi populi huc illucque
egerint, quàmque passim maris po-
tentes fuerint, vetustissimi autho-
res nos docent, & tū vel maximè,
cum interiores ac Galliæ propiores,
nullis armati navigiis ac classibus
memorantur. Plinius, qui Bergas
Norvegiamque nominat, ex eâ in
Thulen, id est Islandiam, naviga-
tum adjicit. Et Tacitus Scandina-
viæ populos extremumque boream
commemorans, eos *præter viros ar-
maque classibus valuisse* asserit. Sed
quid ego hæc hocce loci comme-
moro iteroque, suis quæque infe-
rius pagellis, ubi se offerunt, pro-
pius pleniusque discussa tractataque?
Ad te potius, nobilissime Frisi, ora-
tionem referam. Nam te peregrin-
nantem

nantem superiori anno per fœde-
ratū hoc Belgium, & ejus tot, tamq;
vetera, quàm nova, quibus certare
propemodo cū eruditâ Italiâ nunc
posset, visentē Athenæa, & nostrum
hoc quoq; Gelricum, ex promissio-
cum visurum expectarem, invidit
id nobis subitanea tua in proximā
Britanniam, & inde Galliam, pro-
fectio. Interim haud ultimo feli-
citatē loco habeam, quod te, unā
cū eruditissimo D. Frederico An-
dreâ, tuorum studiorum ut & au-
læ præfecto clarissimo, Amsteloda-
mi atq; inde Trajecti ad Rhenum,
ante id iter, salutare & alloqui: &
te præsertim, illâ non minus heroi-
câ corporis eminentiâ, quàm ani-
mo quoque illustriss. patrem, seren-
issimæ Majestatis ejus magnum
Cancellariū, Christianum Frisium

egregie referentem videre coram
conrigit : dum & de studiis assi-
due, sed iis maxime, quæ gentium
ditionumque ac status cujusq; ra-
tionem historiamque propius ex-
plicarent, sermones nobiscum cæ-
deres ibidem, ageresque. Quin &
eodem tum temporis momento,
cum de isto, quod nunc in mani-
bus est, ad Daniæ potissimum res
& historiam pertinente argumen-
to, nonnulla interjicerentur, præ-
clara multa, quæ boreæ oras popu-
losque, & horum præcipue navi-
gationes spectarent, in medium ad-
ducentem te disserentemq; audire
perquàm volupe nobis fuit. Quo-
circa nec aliò etiam quàm ad te,
FRISI præstantissime, eundum
mihi, nequæ alij, quàm tibi, litera-
riam hancce opellam nostram, ut-
pote

pote qui de eâ quàm optimè poteris
judicare, deferendam existima-
vi: Deum opt. Max. orans roganſq;
ut te per oras Europæ cultioris feli-
citer peregrinantem ducendo, tibi
ſanctiſſimo ſuo nutu ſpirituq; ad-
ſit, ac lætum poſtremò optatumq;
ſuis omnibus ſiſtat reponatque:
Dab. Hardervici Gelrorum ipſis
Cal. Martiis CIO. IDC. XXXVII.

T. Generoſitati

deditiſſimus

JOH. ISACIUS PONTANUS.

Capitum

LIBRI PRIMII

Syllabus.

CAPVT. I.

MAre Caledonium etiam hyperboreum dictum, Thule, seu, ut nunc vocamus, Islandia Norvegis adserta. Orcades certis legibus Scoto permissa. Pag. 1.

CAP. II.

Britannis vitilia navigia non classem fuisse: nec ullas eos Vennetis, Gallia populo, naves, sed socios subministrasse ex Casare ostenditur. Pag. 3.

CAP. III.

Oceani Septentrionalis dominium nuspiam Britannis, antequam à Romanis essent superati, verum Norvegis potius & illis borea populis authores asserere. Pag. 6.

CAP. IV.

Oceani Britannici dominium, quod sub Claudio & Domitiano Augustis fuit, à Romanis captum ac constitutum, antea Britannis nullum fuisse ostenditur. Vennetorum, Gallia populi, in mari olim potentia. Pag. 9.

CAP. V.

Constantij Chlorig & Diocletiani tempora indicata. Francorum tum in mari dominatus. His oppositus à Romanis Carausius. Idem se Francis jungens ope eorum insulam Britannia

CAPITUM

Britannia sibi vindicat. Quid classis Britannica explicatur. Pag. 15.

CAP. VI.

Comites Hispaniarum. Comites Saxonici littoris. id littus quod fuerit: quid item Tacito, Gallicum mare; & Ammiano Marcellino, tractus maritimus. aliaque Pag. 18.

CAP. VII.

Nectaridius maritimi tractus, non Saxonici littoris, Comes dictus. Claudiani versus aliter, quam censuit Seldenus, accepti expositique. Britannia alius ab Orbe nostro orbis. Pag. 23.

CAP. VIII.

Britannos non liberaſſe ſe Romanorum imperio, ſed à Romanis paulatim deſertos, opem Saxonum, Anglorum ac Danorum imploraſſe: Eiſque unà cum inſula, quodcunque eſſet, ceſſiſſe dominium. Gauſfredus Monumethenſis author fabuloſus. Pag. 28.

CAP. IX.

Dani Alfredo Anglo-Saxonum Regi auxiliares latè dominium per Britanniam exercent, mari ac terrâ prepotentes. Pag. 38.

CAP. X.

Danorum validiores in Britannia ſub Angloſaxonibus res. ijque, hiſ excuſſiſ, in ſe ſceptrum transferunt. Danegildum quid, ex Gul. Cambdeno monſtratum. aliaque obſervata. Pag. 42.

CAP.

SYLLABUS.

CAP. XI.

Edgari Anglo-Saxonum Regis liberaliora de maris sui dominio eologia. Canuto Magno Danorum Regi, qui Angliam post eum tenuit, verius ea tribuenda. Pag. 51.

CAP. XII.

Gulielmus Rollonis Dani abnepos Conquestor dictus, superato Haraldo, novum Anglia imperium inducit. Ejus ex stirpe hodierni Reges. Salvus conductus an dominium indicet. Littoris Britannici praefectus apud Eginhartum qualis. Pag. 55.

CAP. XIII.

Venia transeundi ac praeternavigandi concessa aut petita quatenus dominium significet. Dissensus Seldeni & Cambdeni, circa Regine responsum, Daniae legatis redditum. Conciliandi idem conatus. Pag. 64.

CAP. XIV.

De immensa quam tribuit Anglia Albo-ricus Gentilis, marinâ jurisdictione, paucâ posita. Liber piscandi commeatus tam exteris quàm Angliæ subditis aliquando concessus. Halecum apud Anglos fumo induratarum praeceminentia. Halecum alibi affluentia & captura; earumque defectus. pag. 68.

CAP. XV.

Meridionale, quod Anglia adjacet, mare, ulteriusque patet, Gallicum Mare Tacito dictum. item Aimonio quid Oceanus Gallicus. Pag. 76.

CAP.

CAPITULUM

CAP. XVI.

Actiones aliquot posita, aliæque obiter indicata. Mare Anglicanum itemque Flandricum certis diplomatibus expressa finitæque.

Pag. 78.

CAP. XVII.

Mannia insula Norvegia olim, non Britannia propria, vocabulo Mannoe utraque Mannia Norvegiæ intellecta. Mannia regli clientelares Regibus Norvegia. Mannensium Chronicon. Pacto ad Scotum transcunt Ebudæ sive Hebrides insula.

pag. 81.

CAP. XVIII.

Sanctio Parliamentaria de Mari Hibernico, verbotenus posita, ac demonstratum de eodem mari aliud referri in annalibus Guljelmi Cambdeni.

pag. 107.

CAP. XIX.

Norvegos esse indigenas, non, ut eos appellat Seldenus, exteros in Scotico mari inhabitatores. Norvegorum insuper ex Orderico Vitali in mari eodem dominium; aliæque aliunde demonstrata,

pag. 112.

CAP. XX.

Explicatur Taciti locus de vasto boreæ mari. Albericus Gentilis, qui Tacitum pro se advocat, ex Tacito obiter redarguitur.

pag. 125.

CAP. XXI.

Maris borei ac Islandia circumflui usurpationem penes Reges semper Norvegia fuisse. Davia Norvegiaq; Regum Erici & Johannis diploma

diploma

SYLLABUS.

diplomata hanc in rem posita propiusque expensa. aliaque eodem spectantia. pag. 127.

CAP. XXII.

Posita verba ex literis, quas citat Seldenus, Regina Elizabetha. eaque explicata. Hullensium Anglorum piscatio in Mari circa Norvegiam inhibita. ejus causa. aliaque eodem pertinentia. pag. 145.

CAP. XXIII.

Groenlandia ejusque littus mareque id hyperboreum cum imperio omni Norvegis adsertum. Balanarum circa id littus captura. Pulmonem hoc mare Pythea Massiliensi; ite jecoreum, vulgo leberzee dictum Adamo Bremensi. Groenlandia praesulū index. quando adnavigari Groenlandia desita. ejusque causa.

Capitulum

LIBRI SECUNDI

Syllabus.

CAP. I.

M*aris niverſi dominio nullum Iuris genus obſiſtere, quod putat Seldenus, an locum habere poſſit, quaſitum. Pag. 165.*

CAP. II.

Maris univerſi ac terra dominium penes ſummum eſſe numen. Ea neque poſſeſſa unquam, neque ejus eſſe natura ut poſſideri ab nullo aut cludi queant. pag. 167.

CAP.

CAPITULUM

CAP. III.

Marium particulare apud Seldenum enumerationem, eorumque dominium, ad vasti oceani dominium momenti parū adferre; imo & particularia maria, quæ vastiora sunt, imperio perdifficile contineri ostensum. p. 170.

CAP. IV.

De Maris olim apud Massilienses, qui omīssi Seldeno, itemque Venetos dominio: ejusque periodo. pag. 171.

CAP. V.

Hannonis Pœni navigatio. itemque Hispaniensium: & Arabum ex mari suo in Hispaniam, transito bonæ spei promontorio, profectioes maritime. Salomonis Regis ad Ophyrā missa classis. pag. 176.

CAP. VI.

Populi vocis apud authores non una acceptio. aliud portuum ingressiones marisque; vestibula, aliud apertum publicumque mare. p. 179.

CAP. VII.

Enumerata aliquot peculiaria maria earū gentium, quæ hodie florent aut florere nuperime. pag. 181.

CAP. VIII.

Garcia IC. sententia posita, eaque aliter quam à Seldeno accepta. pag. 182.

CAP. IX.

Privatorum aliquot marium à Seldeno enumeratorum recensui; de singulis obiter nonnihil dictum. pag. 183.

CAP.

SYLLABUS.

CAP. X.

De natura maris & aeris quaesitum. ostensumq; non omne aut quaecumq; mare, sicut nec aer aut calū, posse dominio subijci. p. 188.

CAP. XI.

Littora quomodo ut limites capiendi? item mare, licet vastissimum an capax dominiū? pag. 190.

CAP. XII.

De dominio Maris & Telluris, & quomodo ea ab Imperatoribus sumpta. pag. 199.

CAP. XIII.

Iterum de Mari; & quatenus id vel proprium vel non proprium habeatur. pag. 201.

CAP. XIV.

Excutitur prolixè Responsum Imp. Antonini de Lege Rhodiā. pag. 203.

CAP. XV.

Lex Rhodia, Lexque maris quid Seldeno. deque naufragiis pauca addita. pag. 219.

CAP. XVI.

De maris communione; & quatenus ea admittenda, dissertatum. Vasquius Hispanus ejusque sententia propius explicata illustrataque. pag. 227.

CAP. XVII.

Mare magnum eque atque exiguum dominiū capax non esse monstratur, addito totius disputationis epilogo.

Cetera, quae sequuntur. suos quaque titulos praefertunt.

Pag. 247 pro Helenan hanc leg. Helenam etiam hanc. in Erratis lin. ultimā leg. 423. pag. 424. lin. 17: leg. ceremoniis, reliqua Errata vide sub finem.

JOH. ISACI PONTANI
DISCUSSIONUM
HISTORICARUM

LIBER I.

CAPUT I.

Mare Caledonium etiam Hyperboreum dictum. Thule seu, ut nunc vocamus, Islandia Norvegis adserta. Orcades ante annos haud multos certis legibus Scoto permixtae.



It ut eruditissimus ita multijugæ lectionis Johannes Seldenus Anglus, quod edidit nuperrime *Mare clausum*, ita edidit, ut dum mare omne, & ut ipse loquitur, qualecunque mare, claudi haberique clausum posse demonstrare conatur, oppiddò latos hujus æquoris fines, non tam aliis, quàm Britannia præsertim suæ aperuerit. Si etenim totum illud, ut idem sciscit, omniaque austrum, orientem, occidentem

A boream-

Lib. I. cap.
26.

boreamque versus qua patent maria, quæque longissime ac late Britannos circumfluunt, sequæ ad Hispanos Indiasque; occidentuas expandunt, ad eosdem Britannos, ut dominos pertineant, olimque; pertinuerint, nonne excludi quodammodo ceteros necesse sit? Nam de septentrione ut præcipue nunc dicam verba ejus hæc sunt: *Ad septentrionem oceanus hic, Hyperboreus, Caledonius & Deucalidonius nuncupatur, in quo sparsæ insulae Orcades, Thule; alia, quæ Britannica seu Albionica item Britannides dictæ, mari alluenti nomen dedere.* At concedamus ita censas ac nuncupatas nonnullis eas insulas; tamē si & hyperboreus oceanus idē dicatur dictusque; sit, quid id ad Britannias? Quin & fatetur Gyraldus Cambrensis in topographia Hiberniæ, omnes non Orcades modò sed & alias, licet Britanniæ & Hiberniæ quam Norvagiæ viciniore insulas, Norvagiæ antiquitus fuisse obsequio ac reverentia subditas: quod Norvagorum scilicet gens, ita addit, præ ceteris oceanum veluti colere, ac classibus suis assidue frequentaret. Et hodie Orcadenses etiam si certis conditionibus, quæ in historia memorantur, Scoto jam pridem cesserint, memorant nihilominus Daniæ Norvagiæque annales apud eos scyphum adhuc servari, quem
divi

divi Magni Norvagorum Regis, qui primus ad eos Christi fidem attulit, fuisse de-
 predicant, Hic est ille Magnus, cognomen-
 to *Barfod* dictus, cuius suo loco memini-
 mus dicereturque de eodem in sequentibus.

In Historia
 nostra Dani-
 ca.

CAPUT II.

*Britannia vitilia navigia non classem fuisse:
 nec ullas eos Venetis, Gallia popu-
 lo, naves, sed socios subministrasse
 ex Cæsare ostenditur.*

HInc de Britannorum, antequam in
 Romanorum potestatem redacti fue-
 re, dominio marino tractaturus Seldenus, Lib. 2. cap. 2.
 primo loco Caium Julium Cæsarem addu-
 cit, utpote Romanorum primum qui insu-
 lam intravit ac vicit, resque à se ibi gestas
 literis mandavit. Ejus sub adventum non
 navigantes dumtaxat & piscantes mari suo
 usos ait, verum etiam neminem, præter
 mercatores, ad navigare insulam, aut por-
 tus & oram maritimam explorare, passos
 addit. Ubi notandum, cujusmodi tum in-
 digenarum res fuerint, quæ oram solum ma-
 ritimam ac suam, ut dicit, mare coluere.
 Et magis id pateat, cum addat Cæsar, pri-

mo suo in insulam appulsu inusitatas longarum navium species incolis timorem injecisse; & secundo, navium omnigenarum numero ita perterritos, ut à littoꝛe discederent. Quippe qui ad navale bellum omnino essent imparati: nec classem, sed naves tantum haberent vimine contextas ac coriis bubulis circumtectas. At Veneti, qui erant Galliæ sub Ligeris ostium populi, Vannes hodie appellant, ex adverso Britanniae, quàm tunc peritia rerum nauticarum floruerint, & classes cujusmodi ac naves habuerint, quæ ex robore totæ constarent, docet idem Cæsar, adjiciens ducentas ac viginti eorum naves paratissimas ac omni armorum genere ornatissimas è portu profectas classi Romanæ adversas constituisse. Sed hoc dominatui Britannoꝝ marino non obsistere Seldenus putat, cum petita è Britannia à Venetis auxilia à Cæsare memoretur. Memoratur quidem à Cæsare illud; nec è Britannia tantum, sed ab Osismiis quoque & Menapiis, Morinis, Nannetibus ac Lexobiis advocata ea addit, sed focios fuisse non navigia memorat. Veneti autem illi cum à Cæsare victi classem omniâque simul amisissent, existimat Seldenus etiam eam, quæ à Britannis auxilio ipsis esset missa classis, amissam: & idem

idèd Cæsarem nonnisi vimineas Britanno-
rum naves, cum insulam intraret, reperisse.
At eam suspicionem locum non habere, in-
de colligere est, quod verisimile non sit,
itâ omnium navium classe, si quam habu-
issent, nudasse se Britannos, ut nullam pe-
ditus domi ad littoris sui defensionem sibi
reservarint. Quin & locum non habere id
præmissa quoque ostendunt; & maxime,
cum etiam alii scriptores Romani non nisi
de viminibus Britannorum navibus verba
faciant. Et Panegyristes ille de ævo Cæ-
saris loquens, *illâ, inquit, atate nec Britan-
nia ullis erat ad navale bellum armata na-
vigis.* Et præterea quod suspicatur Sel-
denus, illis, postquam in Romanorum po-
testatem venissent, ut in officio contine-
rentur, armatas haud dubio naves interdi-
ctas, id eâdem, quâ memoratur facilitate
ac fide, rejici posse quis non videt? stan-
dumque verbis, quæ citavimus, Cæsaris,
qui eos ad bellum navale omnino impar-
tos professus, id haudquaquam dixisset,
si ullâ unquam classe instructos conperis-
set.

CAPUT. III.

*Oceani Septentrionalis dominium ruspiam
Britannis, antequam à Romanis essent
subjugati, verum Norvagiis potius
& illis borea populis auctores
asserere.*

lib. 2. cap. 3.
Maris clausi.

QUod igitur continud subijcitur borei
maris dominos fuisse Britannos ante-
quam subjugarentur à Romanis, idque id-
eo, quia apud Tacitum, ubi in hanc septen-
trionalem plagam Julii Agricolaë naviga-
tionem recitat, memoretur, *Britannos vi-
sa classe Romanorum obstupescitos, tanquam
aperto maris sui secreto, nullum jam victis
perfugium esset ereptam clausaque: Et Thu-
len, maris hujus insulam, quia Albategnius,
geographus Arabs, in Britannia collocet. Ve-
rum responsus perfacilis est. Nullum enim
hinc colligi Britannorum in id mare domi-
nium potest. Si enim obstupesciti classe
Romanorum: si ut recessum & perfugium
proximas has oras insulasque habuerint, in
quas se abderent atque occultarent, ecquis
elici hinc aut colligi dominatus possit; præ-
sertim apud eos, quibus haud minus, imo
multo*

multo minus quam Britannis Australioribus omnia ad bellum aut classem haberentur, ut loquitur Cæsar, imparata? Nec juvat quod Thule Albategnio Arabi in Britannia collocetur, non magis, quam quod Annæ Comnenæ Alexiæ filiæ, Thule insula pro Britannia fuerit intellecta. Quippe non Arabes modo, sed & Græci fere omnes, præsertim inferioris ævi, quam regionum septentrionis ignari fuerint, docet luculenter Procopius, qui Scandiam sive Scandinaviam intelligere volens, Thulen appellat, & decuplo majorem esse Britannia ait, ubi hæc habet, libet enim paucula adjicere: *Est Thule hac insula longe maxima, quippe qua decuplo major sit Britannia à qua longius abest, ut in borea sita. Hac ipsa in insula deserta pleraque sunt & ingentibus vacua spatiis loca. Quæ vero frequentiora adificiis & hominum cultu, nationes tredecim numero incolunt, affluentissima quadam mortalium multitudine, regesque singulis nationibus præ-* sunt. Ut omittam addere, quæ idem Procopius toto cælo à vero devians de Brittia quapiam memorat, sitam in Oceano ex adverso ostiorum Rheni, inter Thulen & Britanniam; quique ex *Armoricis facit Arborichos* ut alibi monstravimus. Præstat igitur inter authores vetustos sequi eos,

Alexiad, lib. 2.

Lib. 2. bel. Goth.

Lib. 4. bel. Goth.

In Descript. Reg. Dan.

qui rebus consentanea, & quæ hodie ita esseprehendimus, literis prodiderunt. Cujusmodi inter Græcos præcipuè Strabo, & Latinorum Plinius, & ante utrûmque Pytheas Massiliensis, qui SEPTENTRIONALEM hanc EUROPA M, ut idem appellat omnium primus classe lustravit, comperitque sex dierum spacio abesse à Britannîâ, boream versus, Thylen. Et illi accedens mox Plinius: qui non è Britannîâ, sed Bergas, (hodieque eo nomine celebres) & Nerigon, (nunc Norvagiâ dicimus) diserte nominans, inde in Thulen navigatum olim ostendit; ubi inquit: *Sunt qui & alias prodant, Scandiam, Dumnâ, Bergas; maximamque omnium Nerigon, ex qua in Thulen navigatur.* Quibus Plinianis, vel potius illa Pliniana si addantur istis, quæ ex Gyraldo Cambrensi modo laudata (quibus demonstratur, Orcades & illas, licet Hiberniæ & Britannîæ viciniore insulas, obsequio tamen ac reverentia Norvagiis fuisse perpetuo subditas & ab illis assidue classibus commerciisque frequentatas) reddentur illustriora singula: & hoc, quodcunque maris hujus est dominium, sive appellare imperium libet, haud aliis, quam boreæ huic populo deberi intelligetur simul propius: Boreæ inquam sive Scandiaviæ

Strabo lib.
1. & 2.

Lib. 4. cap.
16. 4.

naviæ populo, quem, præter viros arma- In libro de
que classibus valuisse, Tacitus testatus fuit. Ger.

CAPUT IV.

Oceani Britannici dominium, quod sub Claudio & Domitiano Augustis fuit, a Romanis ceptum ac constitutum, antea Britannis nullum fuisse ostenditur. Venetorum, Galliæ populi, in mari olim potentia.

MOx clarissimus Seldenus integro, quod sequitur, quarto capite Libri jam dicti, qui est secundus, demonstrare conatur, debellatis postmodum à Claudio Cæsare australioribus Britannis, & in ditionem accepta Vectæ insula, accessisse imperio Romano cum illis, velut victoriæ appendicē, Britannici Oceani dominium. Quod eatenus nemo neget, ut scilicet à Romanis id dominium ceptum ac constitutum, non vero usurpatum antea à Britannis sit, utpote, quibus, ut est ostensum, vitilia tantum navigia, non classes, aut naves ejusmodi ullæ fuerint, quæ bello navali essent idoneæ, aut quibus propulsari vis nulla major posset. Et licet, quod Cæsar

A s

ipse

Libro 4. bel.
Gal.

ipse testatur, ideo etiam in Britannia contendere animum induxerit, quod Gallis inde hostibus suis, subministrari auxilia intelligeret, non tamen naves unquam aut classem inde subsidio Gallis missam uspiam legitur. Imo ne tum quidem, cum Veneti sive Vannes Galliae maritimi populi, se Cæsari bello navali opponerent. Nam eo tempore, ut est jam modo memoratum, cum eos Cæsar non mari modo, sed terra quoque aggrederetur, *auxilia è Britannia*, ut ipsa habent Cæsaris verba, non naves aut classis à Venetis accersita. Quippe abundabant ipsi navibus & cæteros Galliae populos rerum nauticarum usu longe antecedeabant. Sed verba Cæsaris omnino huc adducenda sunt, quæ ita habent: *Hujus civitatis (Venetorum) longe est amplissima auctoritas omnis ora maritima regionum earum, quod & naves habent Veneti plurimas, quibus in Britanniam navigare consueverunt; & scientia atque usu nauticarum rerum ceteros antecedunt; & in magno impetu maris, atque aperto paucis portibus interjectis, quos tenent ipsi, omnes fere, qui eodem mari uti consueverunt, habeant vestigales. Inde naves eorum earumque formam hunc in modum ob oculos nobis proponit idem Cæsar: Ipsorum naves ad hunc modum factæ armataque erant.*

Lib. 3. bell.
Gal.

erant. Carina aliquanto planiores, quam nostratum navium, quo facilius vada ac decessum astus excipere possent. Piora admodum erecta, atque item puppes, ad magnitudinem fluctuum tempestatumque accommodata: navis tota facta ex robore, ad quamvis vim ac contumeliam perferendam. Transtra ex pedibus in latitudinem trabibus, confixa clavis ferreis, digiti pollicis crassitudine. anchora, profunibus, ferreis catenis revinctæ. pelles pro velis, alutæque tenuiter confectæ, sive propter lini inopiam, atque ejus usus inscitiam, sive, quod est magis verisimile, quod tantas tempestates Oceani, tantosque impetus ventorum sustineri, ac tanta onera navium regi velis non satis commode arbitrabantur. Cum his navibus nostra classe ejusmodi congressus erat; ut unâ celeritate, & pulsu remorum præstarent; reliquæ, pro loci natura; pro vi tempestatum, illis essent aptiora & accommodatiora. neque enim his nostra rostro nocere poterant: tanta in his erat firmitudo: neque propter altitudinem, facile telum adiciebatur, & eadem de causa minus incommode scopulis continebantur. accedebat, ut, quum favire ventus cœpisset & se vento dedissent, & tempestatem ferrent facilius, in vadis consisterent tutius, & ab aestu derelictæ nihil saxa & cautes timerent. quarum rerum omnium nostris navibus casus erant ex-

timeſcendi

timeſcendi. Cuiusmodi naves ſi fuiſſent Britannis cum eos exinde Cæſar impeteret, quantum ei faſceſſiſſent negotii! nunc nihil eos vel tentafſe in adverſum. claſſe aut navibus, ſed pedite ſolum & equitatu arcere à littore adventantem Romanum conatoſ reperias. Rationem & cauſam ejus adfert panegyricus Maximiano Cæſari dictus, qui & modò laudatus, *quod Britannia ſcilicet nullis eâ ætate ad navale bellum armata erat navigiis.* Quæ ſane ut & prius jam allata, ejusmodi eſſe; quæ omne in univerſum Britannis MARINUM eo ævo DOMINIUM denegent abrogentque, ecquis magnopere inficias iverit? Pergit inde clariffimus idem vir additque, undarum imperium inſulæ dominium ſemper ſecutum, & ideo Senecam de eodem Claudio Cæſare & hoc mari cecinifſe:

In Octavia
A. 1.

*Paruit liber din
Oceanus, & recepit invitus rates.*

Mare Britan-
niæ liberum
ante Roma-
norum ad-
ventum.

Quæ de OCEANO dicta; quem hætenus, id eſt, ante Romanorum & Claudij præſertim, Cæſaris adventum, fuiſſe LIBERVM & ſui juris ait. Nam addit ſtatim:

*En qui Britannis primus impoſuit jugum.
Ignota tantis claſſibus texit freta.*

Sui

Sui igitur juris & LIBER si fuerit OCE-
ANVS, antequam à Romanis subjugaren-
tur Britanni, quomodo itaque ejus domi-
nati, aut ejus, ut domini, tenuisse imperi-
um dicentur Britanni? Hoc quam parum
faveat Seldeno, imo causam hanc destrue-
re quis non videt?

Hæ res erant insulanorum eâ tempesta-
te à parte australi; à boreali cujusmodi fu-
erint, jam videamus. Ait Seldenus sep-
tentrionalius Britanniae mare Claudii clas-
se navigatum non fuisse, ac primum sub
Domitiano Romanorum navali expeditione
id cognitum domitumque. Et eam in
rem hæc Taciti verba adducuntur ex vi-
ta Agricola: *Hanc oram novissimi* (Cale-
donii) *maris tunc primum* (sub Domitiano)
Romana classis circumvecta, insulam esse Bri-
tanniam affirmavit, ac simul incognitas ad id
tempus insulas, quas Orcadas vocant, invenit
domuitque. dispecta est & Thule, quam ha-
tenus nix & hiems abdebat. Quæ Taciti
verba alibi etiam nobis discussa nisi emol-
liamus dicamusque, classe tum primò Ro-
manorum circumvectam Britanniam, &
esse insulam certò ab illis pronunciaturum,
quomodo locum habeant? cum jam ante
Casar, Strabo, Mela, Pliniusque quem non
semel ipse citat Tacitus, esse insulam di-
ferte

In Descri-
ptione Cho-
rographica
regni Danie.

fertè indicaverint? & ipse id Tacitus verbis, quæ superiora paulum præcedunt, *insularum scilicet, quas Romana notitia completitur, maximam agnoscens, haud tacuerit.* Et inde quod inventas tum primo Orca-
das addat, quomodo etiam locum habeat, cum eas ante Domitiani hanc expeditionem Plinius non nominet modo, sed quot sint nobis annumeret? domitas tum igitur à Romanis concedi fortasse Tacito possit, at inventas ac orbi primū proditas vix potest. Ac denique iisdem Taciti verbis innuitur, eā quoque navigatione dispectam inque apertum productam Thules insulam, quæ hieme & nivibus eousque suis occultata mortalium conspectum fugerat. Quod nec ipsum omnino vero consonum, cum *Pythæas Massiliensis*, de quo ante memini, Græcique ejus jam ante historiam prodiderint: Et inter Latinos, præter ceteros, Plinius *navigari in Thulen à Norvagia solitum*, quomodo ostensum, jam ante tradiderit, ut ita hæc Taciti haud ulterius quam ad eam Romanorū navigationem restringenda sint, tum scilicet singularum harum ditionum insularumque majorem obtigisse Romanis notitiam ac certitudinem. Sed hæc taliaque Romanorum facinora quid ad Britannos, aut eorum adstruendum maris

ris dominium? num quia, quod postea Tacitus dicit, visâ Romanorum classe navibusq; obstupefacti dolerent, ereptû quasi jam sibi ac clausum esse, in quod recederent seque occultarent? At id dominium nullum, sed metum ac impotentiam eorum significat; utpote qui à classe & iis omnibus essent imparati, quibus belligerari ac repelli, præsertim mari, vis posset, ut est jam iterum iterumque memoratum superius.

CAPUT V.

Constantii Chlorig & Diocletiani tempora indicata. Francorum tum in mari dominatus. His oppositus à Romanis Carausius. Idem se Francis jungens ope eorum insulam Britannia sibi vindicat. Quid classis Britannica explicatur.

QUE deinde memorantur clarissimo eodem Seldeno capite insequenti; quod in ordine ejusdem Libri secundi quintum est, de Romanorum dominio in mari Britannico, ut insulæ appendice, à Domitiano ad Constantium Chlorum Cæsarem & Diocletianum usque, ea ejusmodi sunt, quibus haud

haudquaquam Britannorum, sed ea, quæ ipsos superavit, Romana potentia ad cœlum evehitur ac celebratur. Et quidē post classis Britannicæ præfectum, qui memoratur *Sejus Saturninus* claruisse sub *Adriano* & *Antonino*, altum est de maritimis rebus Britanniae & pene etiā de ipsa Britannia silentium ad Diocletiani fere tempora. Causa, præter cetera est, quod Ammiani Marcellini, qui post Tacitum Tacitumque excipiens ea tempora enarravit, tredecim priores libri desiderentur. Inde à *Diocletiano* missus est classis Britannicæ præfectus *C. Carausius* ad coercendos præsertim Francos. Etenim eorum aliquot, post acceptas à Probo circa Propontidem sedes, memoranda eluxit audacia. Corruptis siquidem ii navibus aliquot prædatoriis Græciæ Asiæque oras depopulati; Syracusas, navalibus victoriis inclytas, magnā editā clade, suæ potestatis fecere. Inde plerisque Lybiæ littoribus ac portibus non impune adpulsi, ac tandem rejecti à copiis, quæ Carthagine veniebant, Gaditani freti angustias pertruxerunt, ac sine ullo suorum detrimento in Franciam, quæ tum ad Rhenum in Germania erat, ut alibi ostendimus, navibus iisdem reversi fuere. Hinc à militibus interfectus *Probus*, animos haud

In origi-
bus Franci-
cis cap. 3.
b. 4.

haud leviter Francis in universam auxit, & Saxones, licet à Rheno remotiores, Albis tamen & Oceani accolæ, nonnihil hinc quoque polliceri sibi videbantur, ut proxima quæque maritimis excursionibus prærepta Romanis, in possessionem, aut saltem prædam suam, converterent. Ad hos, ergo utrinque coercendos, missus à *Diocletiano* *Carausius*, humili quidem loco natus, sed strenuus bello, & jam parandæ classi ac propulsandis clanculariis deprædationibus præfectus, infelicius dicam, aut segnus, se adversus utrosque à parte Romanorum gessit, cum rapinis potius & lucro, quàm præliis intentus prædam atque omnia hoc pacto parta ipsamque Britanniam, sumpto imperio, sibi retineret. Eaque retentâ rebellare adversus Romanos cœpit. Quem octavum deinde post annum *Allectus* & diademate & vitâ per dolum exuit, simulque Britannici regni jus totumque *Carausii* exercitum, qui potissima sui parte ex Francis constabat, in sese transtulit insulamque pene triennium tenuit. Sed *Allectum* vicissim, cum ad recuperandam Britanniam mitteretur *Constantinus*, *Asclepiodatus*, Prætorianis præfectus, iusto prælio juxta Londinum occidit, & Francos in urbe reliquos fudit & fugavit. Quæ ex

B Zozimo

Zozimo & Panegyricis huc traustuli ut intelligeretur Francorum transmarinâ societate atque armis nobilissimam illam insulam tot annos adversus Romanos fuisse defensam: ac simul constaret, classi Britannicæ præfuisse eosdem Carausium dico Allectumque nec dictam aliter *Britannicam*; quam ea, cujus meminit Tacitus, quæ Britannorum quoque non erat, sed Romanorum; ubi ait: *Circumsteterat Civilem & alius meum, ne quintadecima legio adiunctâ Britannicâ classe affligeret Batavos, qua Oceano ambiuntur.* Britannicâ classe, quam nimirum in Britannia habebant sibi; in auxilium evocaverant Romani.

CAPUT VI.

Comites Hispaniarum. Comites Saxonie littoris, id littus quod fuerit: quid idem Tacito, Gallicum mare; & Ammiano Marcellino, tractus maritimus. aliaque.

INvalescentibus deinde Francis ac Saxonibus, post tempora Constantini Magni, non terrâ modò sed mârî quoque Romanorum circumquaque imperium, quâ dabatur, impetere illi atq; infestare haud desinebant.

sinebant. Hinc Nazarius: *Franci ipsi, præ-* in pāne
ter ceteros, truces, quorum vis cum ad bella ef- rico.
fervesceret, ultra ipsum oceanum, æstu fervo-
ris evecta, Hispaniarum etiā oras infestas
habebat. Et Ammianus Marcellinus, Gal- lib. 27
licos tractus Franci & Saxones isdem con-
sines, quo quisque erumpere potuit terrā vel
mari pradis acerbis incendiisq; & captivorum
funeribus hominum violabant. His ut occur-
 reretur, Romani, præter fluminum Rheni
 Danubiique classes, & illas item, quæ ex-
 cubabant ad defensionem maris Adriatici
 Thyrrænique, erat vel maxime ob eosdem
 necessaria classis Hispaniæ Galliisque, quæ
 boream spectant. His qui præsidebant clas-
 sibus rei quæ maritimæ curabant, *Comites*
eo ævo ac duces dicebantur, ut Comites
Tingitanæ, comites Hispaniarum, de quibus
 Imperii Notitia. Ex qua quoque Notitia
 intelligitur præsidium fuisse militum Car-
 ronensium sub dispositione Viri spectabi-
 lis Ducis tractus Aræmorici. Sic à Rhe-
 ni ostiis & paludibus ad Garumnæ usque
 ostia, vel ad Santonos usque, veteres vo-
 carunt eum omnem tractum *littus Saxoni-*
cum, quod omnem illam oram Saxones my-
 oparonibus hoc tempore infestam habe-
 rent. In duabus Belgicis erat unus *dux Sa-*
xonici littoris ad Sequanæ ostia; ab illis ad

In Lectioni-
bus Aufoni-
an.

Cap. 6.
lib. 2.

Lib. 27.

Garumnâ erat *dux tractus Ebruicani & Aremorici*. Per Ebruicanos intelligendi Auleri. In Notitiâ Imperii pro *Ebruicani* perperam est *Nervicani*, quod monuit Scaliger. Totum hunc tractum, quâ est Oceanus, Tacitus, in Vitâ Agricolaë, GALLICUM MARE appellavit, à Gallis asserum, defensumq;. Jam quod nostrum præcipue institutum spectat, quæritur hîc quis & quo loci fuerit, qui in eadem Notitiâ *Comes litoris Saxonici* dicitur per *Britanniam*? Seldenus existimat littus hoc fuisse Britannia aduersum; Curam interim ac Comitatum litoris fuisse penes magistratum in Britanniam administratione constitutum; ac Comites eos ducesque sedes habuisse proprias in Britannia. Quin & verba Ammiani Marcellini adferens de Nectaridio in Britannia *Comite maritimi tractus*, ait *præfectum seu Comitem tractus maritimi, & Comitem litoris Saxonici* unum eundemque habitum habendumque. Ac inde Capite septimo, postquam locum iterum Ammiani laudasset, ubi Franci & Saxones Gallicenos tractus terrâ marique infestasse memorantur, subjungit: *Adde & Saxones Bajocassinos in littore Aremoricano apud Gregorium Turonensem, lib. 5. cap. 26. cum incolas vetustos commemorari. Adeo ut*

*res obscura non sit, quam obrem Saxonici nomen
 littori adverso inditum. Et deinde continuò;
 At verò nullibi legitur Saxones tunc tempo-
 ris, littora Britannica, sive insedisſe sive ad pel-
 lere ſclitos, aut Britannicum quid, præter ma-
 re, infeſtaſſe. Hoc Seldene clariffimè, quòd
 legi nullibi exiſtimas, rationem hìc fuge-
 re te puto. Nam ſane Ammianus, quem
 ad teſtimonium jam iterum iterumque ad-
 vocaſti, nonne diſerte, ubi de Neſtaridio
 loquitur, hoc affirmat lib. 27 hiſtoriæ ſuæ,
 ubi nuncium ait, indicaſſe, Britannias barba-
 ricâ conſpiratione ad ultimam vexatas inopi-
 am. Neſtaridiumque comitem maritimi
 tractus occiſum & Buchobaudem ducem ho-
 ſtilibus inſidiis circumventum? Quænam e-
 tenim hæc barbarica conſpiratio, niſi Sa-
 xonum, quod ex verbis eiſdem Ammia-
 ni, quæ ſequuntur, ſatis intelligi poteſt?
 Ubi Attocoti & Scotti nominantur, qui-
 buſcum agere ac conſpirare hoc tempore
 ſoliti Saxones. Iterum, ſed libro antecede-
 dente Ammianus: Gallias Rhetiasque ſi- Lib. 26.
 mul Alemanni populabantur: Sarmata Pannonia
 & Quadi: Piſti, Saxones & Scotti &
 Attacotti Britannos ærumnis vexavere conti-
 nuis. Ecce continuis addit, ut idem, quod
 de Neſtaridio ac Buchobande jam memora-
 vi, ſed Ammiano libro inſequenti reci- Lib. 27.
 tatur,*

tatur, de gente hac eadem, Scotis & Attacortis sociâ, capiendum. Et iterum Ammianus: *Dux incliti nominis Theodosius, ab Augusta, quam veteres appellavere Londinium, profectus, cum milite industria comparato solerti, versis turbatisque Britannorum fortune, opem maximam tulit, oportuna ubique ad insidiandum praeveniens loca. Barbaris inquit, id est, Saxonibus; quos ibidem paulo ante dixerat, praeter ceteris hostibus timeri ut repentinos. Et denique de Valentiniano agens inquit, Inter hac tamen caute jam conversos ad metuendam rabiem Saxones semper quolibet inexplorato ruentes, delatosque tunc ad maritimos tractus, quorum spoliis bene redierant onusti, malefido quidem sed utili commento peremit, prædâ raptoribus vi fractis exoussâ. Isidemque Britannos, catervas superfluum hostium conferentes, spe meliorum adsumptâ in libertatem qui etiam restituit placidam, nullo penitus redire permisso grassatorum ad sua. Invaserunt igitur atque infestarunt etiam eo tempore insulam ejusque littus Saxones. adeo ut ambigi non abs re hinc possit, an Comes maritimi tractus, ut nominare jam diximus Ammianum, ulterius & extra insulam sit accipiendus maritimus tractus. Sed id taliaque cum rei, de quâ agitur, caput non spectent, in medium relinquere,*

Lib. 28.

Lib. 30.

quere, quam de iis magnopere contentio-
nis funem ducere, multo mavelim.

CAPUT VII.

*Nectaridius maritimi tractus, non Saxo-
nici littoris, Comes dictus. Claudiani ver-
sus aliter, quam censuit Seldenus, acce-
pti expositique. Britannia altus ab Orbe
nostro Orbis.*

E Claudiano deinde & numismatis, quæ
adferuntur ab eodem clarissimo viro Cap. 8. lib. 2.
ad demonstrandum, quod olim fuerit in-
sulæ & oceani individuum imperium, o-
mnino fuisse maximum ac conjunctum ne-
mo non concesserit, si de Romanis eorum-
que potentia accipiatur. quorum sub armis
& patrocinio defensa est, tutaque adver-
sus Saxones præstita, tam insula quam
insulani. Quod verò Nectaridium littoris
Saxonici Comitem faciat, authorem, quod
sciam, non habet, præter Ammianum Mar-
cellinum. At ille non *Saxonici* sed *maritimi*
tractus Comitem cum dicit, nec de Saxo-
nico sed insulæ potius Britannię littore ca-
piendum id jam ante monuimus. Et mox
Claudiani celeberrimi poetæ versibus, ad De laudibus
Stilicoqis.
lib. 2.

Flavium Stiliconem Honorii minoris tutorem, quibus Britannia quasi loquens se ope & operâ Stiliconis munitam ait •

ne littore toto

Prospicerem dubiis venturū Saxona ventis.

In Eutropio.

Et aliis ejusdem Claudiani, ubi Pietas Dea ita Honorium affatur:

*Quantum te principe possim,
Nō lōginqua docēt, domitō quod Saxone Tethys
Mitior, aut fracto secura Britannia Pictō.*

His, inquam, quod intelligendum v. c. l. Seldenus velit, quasi mare tantum illi pacatum reddiderint, ac idem Britanniae tutati sint ac servaverint, ac denique ab usu ejus Saxones abegerint, quasi inquam in terram Saxones excensionem nunquam fecissent, aut facere essent soliti, id locum haudquaquam habeat, ob ea, quæ proximo jam Capite à nobis sunt indicata. Ibi enim ex Ammiano, Saxones cum Pictis, Scotis & Atacottis, qui intra insulam erant, conspirare solitos, ac invasisse miserumque in modum afflixisse sæpenumero insulanos, ac illis præcipue fuisse terrori ob repentinos eorum insultus, ex verbis ejusdem authoris

thorìs, quæ sunt disertissima, manifestum
fecimus. Et statim, quod additur, maris
tutamen cum insulæ planè fuisse conjun-
ctum, ex ejusdem Claudiani illo ad *Mau-*
lium Theodorum ostendi, ubi canit poeta,

*Hispana tibi, Germanaque Tethys
Paruit & nostro diducta Britannia mundo,*

Id ex iis, si propius inspiciantur, haudqua-
quam ostendi aut liquere existimo; sed
Manlium potius diversis provinciis fuisse
præfectum, indicari. Trahunt huc præce-
dentia illa :

*Sic cum clara diu rerû documenta dedisses,
Non te parte sui, sed in omni corpore sumsit
Imperium, cunctaque dedit tellure regendos
Rectores.*

Hinc continuò subjicitur :

*Hispana tibi, Germanaque Tethys
Paruit, & nostro diducta Britannia mundo.
Diversoque tuas coluerunt gurgite voces,
Lætus Arar, Rhodanusque celer & dives Iberus.*

Et deinde,

*Unus fit cura viri quodcunque rybescit
Occasu, quodcunque dies divexior ambit.*

B 5

Ecce

Ecce diferte non unâ orbis plagâ ejus circumscriptum imperium, sed ortum, & occasum, Iberos, Gallos, Britanniamque eum agnovisse, & in eos summum ac supremum fuisse ejus imperium innuit; ei-que rectores poluisse. Hoc enim est, quod dicitur,

*cunctâque dedit tellure regendos
Rectores.*

Tellure autem ait, ne de solo forte marino dominio accipiamus. Et indicant hoc quoque *Arar* & *Rhodanus*, quæ Galliæ interioris sunt flumina. *Germana* verò *Tethys* de littore *Aremorici* tractus *Saxonico*, sicuti *Hispana* de *Galliciæ* & illo, versus *Lusitaniâ*, maritimo districtu potest accipi. nec debere ad *Rhenum* aut aliam *Germaniam* illa *Tethys Germana* trahi, satis ibidem injicit poeta, cum addit canitque :

*ô quoties doluit Rhenus, quâ barbarus ibat,
Quod te non geminis frueretur judice ripis.*

Si tamen verba illa, *Hispana Tethys*, de Oceano *Hispanico*, quâ is proximè *Hispaniam* alluit; & illa, *Germana Tethys*, intelligere

gere quispiam mare Germanicum velit, quā id Germaniæ est proximum, haud magnopere adversabor: mōdō Germani hi esse Saxones intelligantur, qui eo tempore maris, ut est dictum, dominabantur, & ultra Albim in ipsā Chersoneso Cymbricā, ubi eos etiam Ptolomæus collocat, sedes habuerunt. Unde & idem Claudianus hoc totum mare, quod nunc *Germanicum* dicimus, & in quod Rheni se ostia ex adverso Britanniae effundunt, *Cimbricum* appellavit, ubi inquit,

Lib. de bel.
Getico.

*Te Cimbrica Tethys
Divisum bifido consumit Rhene meatu.*

In numismatis denique *Antonini Imp.* quæ pingitur figura muliebris nunc rupibus nunc globo in oceano insidens, an eam, quæ à Seldeno adfertur, etiam alii interpretationem agnoscant, ignoro, nec otium est inquirere, aliud properanti. Interim de orbe alio, boream versus, eum orbem accipiendum quis magnopere refragetur? cum præsertim Britanniam toto orbe divisam, & nostro, ut habet Claudianus, diductam mundo & orbem velut alium auctores fere omnes intelligant? nummi quos dixi, isti sunt:

CAPUT



CAPUT VIII.

Britannos non liberaſſe ſe Romanorum imperio, ſed à Romanis paulatim deſertos, opem Saxonum, Anglorum ac Danorum imploraſſe: Eſq; una cum inſulâ, quodcunque eſſet, ceſſiſſe dominium. Gauſfredus Monumethenſis author fabuloſus.

Post hæc de maris Britannici dominio sermonem inſtituit vir idem clariff. ex quo Roma-

Romanorum imperium exuissent incolæ. Ita enim loquitur, idque his, quæ laudat, Zozimi verbis, *Romanum imperium exue-* Lib. 6.
runt, constitutâ pro arbitratu suo republicâ. Histor.
 Quæ verba Zozimi decurtata, si, uti habentur apud authorem, integra apponamus, videre erit aliam rei hujus ac mutationis faciẽ. Ità enim Zozimus dicto loco: *Transrhenani barbari cuncta pro libitu invadentes eo tum incolas insulæ Britannie, tum quasdam Celticas nationes redegerunt, ut ab imperio Romano deficerent, & Romanorum legibus non amplius obediētes, arbitratu suo viverent. Itaque Britanni sumptis armis, & pro salute sua periclitati, civitates suas à barbaris imminētibz liberarunt, ejeētis Romanis præsidis, & propria quâdam republicâ ex arbitratu suo constitutâ.* Quibus ex Zozimi verbis intelligitur, Britannicæ incolas non sponte sua, sed à barbaris transrhenanis eò adactos ut ab imperio Romano deficerent ejusque obsequium exuerent. Et quinam hi transrhenani? nisi veteres eorum hostes Cimbri Saxonesque; & quorum jam diu insultus ipsi exceperant averteranque Romani. At modò fatiscentibus eorum viribus, ac inclinante sub Theodosio juniore & Honorio & Valentiniano III. Augustis universâ re Romaeva, nec illis sustinendis pares

pares ipsi diutius fuere. Et licet promovisse, illis auxiliaribus, aliquanto jam visis fuissent incolæ, aded ut etiam à barbaris internè imminentibus liberare civitates suas & ejicere Romana præsidia cœperent, non tamen diuturnum id fuit, ut indicat querela & verba venerabilis Bedæ, quæ posita libro ejus 1. Ecclesiasticæ historiæ gentis Anglorum.

Lib. 3. histor.
nostræ
Danicæ,

Cum igitur, quod & alibi meminimus, in extremam jam, quod dicitur, tegula res Romana versaretur & hinc Italia, inde Hispaniæ Galliæque quasi discerptæ à peregrinis gentibus tenerentur, illisq; omnibus superveniens Attila majorem adhuc tempestatem minaretur, Romanorum legiones, quæcunque haberi poterant, ad subsidium revocatæ, & Ætio, supremo militiæ duci, commissæ. Britanniam tum veluti alium Orbem & extra continentis terminos collocatam, tres diversæ nationes habitabant: *Britones*, qui indigenæ erant, Romanis parentes, itemque *Picti* & *Scoti*; qui ut advenæ, ex Hiberniâ nimirum ut multi existimant profecti, borealiorem insulæ partem colebant. Hi Britonibus perpetuo infesti & licet Romanorum sæpenumero præsidiis repressi haud tamen quiescere potuerunt, præsertim cum difficillimis

ficillimis ac multiplicibus bellis Romanos
 distineri, eorumque legiones partim ex in-
 sula avocari, partim lente parceque in e-
 andem reduci animadverent. Scoti igitur
 sine morâ cum Pictis arctiori percussio for-
 dere collectisque undiquaque copiis (quas
 inter Norvagienses & Danos fuisse Matth.
 Westmonasteriensis ad an. CCCCXXIV.
 videtur innuere) Britannos invadunt ve-
 stantque. Britones ut sese recolligerent,
 auxilio jam omni destituti ad Ætium con-
 fugiunt. Ille fatigatus motusque eorum
 precibus, utpote adhuc in fide Romano-
 rum consistentium, unam ipsis e Gallia le-
 gionem suppetias misit. Quâ illi confisi
 repulsisque ac profligatis semel iterumque
 hostibus, rem fortiter agere, & inito cum
 Ætianis ducibus consilio, vallum inter
 Romanorum provinciam & fines Pictorum
 constituere, futurum in omnem eventum
 adversus incursionem haud invalidum mu-
 nimentum. Dumque hoc pacto unius legi-
 onis præsidio conquiescit Britannia, infe-
 stis signis Galliam petunt gentes, adeo ut
 suos ex insulâ subito ac necessario revoca-
 rit Ætius. Scoti, re intellecta, confestim
 Britannos repetunt magnoque impetu unâ
 cum Pictis murum superant. Et actum fu-
 isset de Britonibus, nisi Valentinianus Im-
 perator,

perator, qui aliquam multas copias Parisiis adhuc retinebat, insularis auxilium rogantibus subsidio adfuisset. Tum Vallus ille sive murus denuo sed ex lapide communitur & additis insuper ad excubias habendas castellis aut speculis multò quàm prius validior redditur. Verum Scoti mox Pictique fractis jam aut languescentibus imperii viribus, ubi multò quàm ante ferocius in Britannos incumbunt, iterum ad Ætium, Galliarum ac militiæ præsidem, legati à Britonibus missi, qui auxilia flagitant. Sed Ætio jam ad reprimendum Attilam summo animo ac viribus intento, haud quidquam impetrare potuerunt. Quæ dum fiunt, occupant Scoti extremam insulæ partem, quæ à Grampio colle ad boream spectat, quam & hodieque tenent ac suo nomine Scotiam nuncupant. Inde Britannicæ procures cum viderent tantam tempestatem à Scotis æque ut à Pictis assidue impendere, de duce aliquo ac Rege nuncupando consultare incipiunt. Itaque, habitò consilio, Vortigenus eligitur quod esset inter suos non tantum autoritate, sed etiam virtute ac generis nobilitate præcipuus. Vortigernus igitur ad regni clavum vocatus nihil antiquius habuit, quàm de republica cogitationē accuram suscipere, quo

Scotiæ nomen inditum.

quo nimirum patriæ fatum, quod jam præforibus erat, omni ope consilioque averruncaret. Cumque diu multumque, quid maximè è re foret, quæsitum agitatumque esset, procerum præcipui rebus suis ac viribus diffusi externa auxilia circumspicienda judicarunt: Quapropter ex consensu populi vicinos è regione ad ortum borealem *Anglos* ad collum Cimbricæ Chersonesii locatos, *Vitas* Bedæ, nunc *Gutas*, ut habet Ptolomeus, sive *Jutas* vocatos, unà cum *Saxonibus*, qui tum præcipuè omnes rei militaris famâ longe lateque, sive terrâ sive mari gerenda res esset, illustres ac celebres habebantur; accersendos decernitur. Atque ita missi quamprimum sunt, qui eos ad opem laborantibus amplissimis promissis, ac demum auxilium non abuentes in Britanniam protinus ducerent. Quo nuncio recepto, unà cum *Viris* & *Saxonibus* Angli, læta bello gens, & quæ ultro stipendii faciendi erat avida, confestim delectâ fortissimorum juvenum manu navibusq; impositâ, ducibus Hengisto & Horso, ii fratres erant, Martiis animis viri, Britanniam appellant, annum circiter, salutis humanæ CCCLIX. Egressos in terram honorifice ac comiter Rex accepit, assignatis insuper in Cantio ad habitandum sedibus.

bus. Ac mox adjunctis sibi insulanorum auxiliis in Pictum & Scotos, agrum late vastantes, contendunt: prælioque commisso insigni victoriâ potiti sunt. Rex successu gaudens novam gentem, & cujus auspiciis vim hostilem profligarat, liberali cum primis stipendio remuneratur. Quamquâ sint, qui non evocatos patriâ, sed ut homines vagos & qui sponte sua prædandi animo ad littora insulæ ubi forte myoparonibus suis advenissent, Regi Vortigerno conciliatos autument. A qua opinione ut abhorream, faciunt Pauli Diaconi verba qui diserte Anglorum gentem à Rege Vortigerno invitata commemorat. Hengistus igitur, ut erat non tantum manu fortis, sed & sensu celer & ultra barbarum promptus ingenio, cognito regis animo, qui jam totus in Anglorum virtute conquiescere videbatur, tum etiam perspectâ ad transmittendum bellum ac commercia, regni ac regionis oportunitate, id sibi agendum putavit, quibus ipse modis sibi suisque quod jam dudum, ut hostes, populares ejus tentaverant, possessionem ac sedem stabiliorum in regione tam commodâ tamque amoenâ paulatim firmaret. Itaque omnium primò locum, qui ad colendum erat concessus, haud perfunctoriè communire ejusque

jusq; fines deducere, impositis etiã præsi-
diis, accuratius custodire curæ habuit. De-
inde, non cessantibus Pictorum incurzio-
nibus, de novo gentis suæ supplemento de-
que majore militum manu convocanda
cum Vortigerno cœpit agere. Et Vorti-
gernus quidem, futuræ sortis nescius, ne-
quaquam consilium aspernatur. Itaque fa-
mâ jam ultra oceanum late divulgatâ sive
ab Hengisto per nuncios excitî, sive ab i-
pso, domum hoc nomine remisso, conscri-
pti (utrumque enim traditur) multò quàm
prius majore multitudine ex iisdem nati-
onibus viri simul ac fœminæ, naves con-
scendunt; magnâque classe completâ, in
Britanniam comigrant.

Quæ ceteraque ibidem, ex fide classico-
rum authorum memorata, ejusmodi sunt.
quæ ostendant non tam liberasse se Roma-
norum imperio Britannos; quam identi-
dem Romanos, ut manerent, auxiliaque
adducerent, à Britannis fuisse prensatos o-
ratosque, & tandem cum sufficere ulterius
rebus ipsimet, ut est monstratum, haud
possent, aliò & ad hostes antea insensissi-
mos vertisse se; & ab illis qui inferre plagas
sueverant, malis suis remedium adeptos.
Angli igitur Saxonesque Chersonesi Cim-
bricæ populus, ac Dani denique, terrâ ma-
rique

rique bellatores acerrimi, summum hîc imperium nacti, esse penes unum, etiam ante Egberti Regis tempora, qui terrâ marique cuncta modoraretur, regni regimen voluerunt. quod plenius planiusque deducit historia.

At quæ habet deinde sub finem ejusdem
 Lib. 2. cap. 9. capitis Seldenus, ista nimirum: *Et Britannis certe rerum navalium adeoque tutela maris sui curam fuisse eo in ævo maximam inde liquet, quod in historiâ Britannicâ de Arthuro illo rege decantatissimo & Malgone principe legitur, eos sex comprovinciales Oceani insulas (ut Galfredi Monumethensis verba sunt) Hiberniam videlicet atque Islandiam, Gotlandiam, Orcades, Noruagiam, Daciam dirissimis præliis sua potestati, sive adjecisse sive recuperasse; etiam & Gronlandiam & omnes alias terras & insulas Orientalis Oceani usque ad Russiam & multas alias insulas ultra Scantiam usque dum sub Septentrione; Ea esse non dico vera, sed verosimilia, ecquis audebit asserere, præsertim si oculos flectat ad statum insulæ ac insulanorum, quem modò memoravimus isto tempore deploratissimum: & quo ut starent ac superessent suis, aliorum esset ope & copiis factum? Et inde quis fani satis cerebri authorem hunc dicat, qui Gronlandiam in Balthico seu Orientali Oceano*

ceano, Gotlandiam verò inter Hyperborei maris insulas, si diis placet, nobis collocat? cum esse Gotlandiam Balthici maris, Gronlandiam verò extremi borei insulam, nemo nesciat? Et ità scripsisse eum, aut saltem scribere debuisse, hominum integræ mentis haud ullus inficias eat. Sed à Monumethensi Galfredo (is enim præclaræ historiæ hujus author nominatur) expectare meliora frustraneum fit. Quem docti omnes merito suspectum habent, & cujus fides, ut verbis hoc dicam amici nostri v. cl. Gerhardi Vossii, à multis damnatur. Qui & hoc addit: *Sane multa quidem fabulosa in Gausfredo reperias: sed non tanta hîc Gausfredi est culpa, quam arbitrantur. Nec enim ipse ea consinxit, sed ab aliis conficta, ex adversariis, quæ à Gualthero, archidiacono Oxoniensi acceperat, de Britanico sermone Latine vertit. Vixit & scripsit post Gausfredum, sed multo meliori judicio ac delectu, author, ut eum Polydorus Virgilius celebrat, veridicus Guiljelmus Neubrigensis, qui de Gausfredo hunc in modum differuit in Præfatione Historiæ suæ rerum Anglicarum: At contra quidem nostris temporibus, pro expiandis Britonum maculis, scriptor emerfit, ridicula de eisdem fragmenta consingens; eosque longe supra virtu-*

Lib. 2. de
Historiis Latinis
cap. 52.

tem *Macedonum & Romanorum* impudenti vanitate attollens: *Gaufredus* hic dictus est, agnomen habens *Arturi*; pro eo quod fabulas de *Arturo*, ex priscis *Britonum* figmentis sumtas & ex proprio auctas per superdictum *Latini* sermonis colorem honesto historia nomine palliavit. Qui etiam majori ausu, cujusdam *Merlini* divinationes fallacissimas, quibus utique de proprio plurimum adjecit, dum eas in *Latinum* transfunderet, tanquam authenticas & immobili veritati subnixas prophetias vulgavit.

CAPUT IX.

Dani Alfredo Anglo-Saxonum Regi auxiliares late dominium per Britanniam exercent, mari ac terrâ præpotentes.

Lib. 2. cap.
10.

HInc *Seldenus* Anglo-Saxonum regni initia memorans eorum navales celebrat copias. Et meritò celebrat; cum iis potissimum, exortis jam inter Saxones & *Britannos* diffidiis, res illi suas adversus *Britannos* tutati factiq; superiores evaserint, ut est à nobis memoratum ordine libro *Historiæ nostræ Danicæ* tertio. *Alfredus* vero,

rō, cujus deinde idem meminit, is est qui
 ex stirpe regis Anglo-Saxonum Egberti
 natus, ejus certā serie nepos fuit. Hic ete-
 nim ille Egbertus est, qui omnia illa diver-
 saque ab Anglis Saxonibusque occupata
 ac variè divisa Britanniae regna regulosque
 in unum coegit. Quique antiquato ipsius
 Britanniae vocabulo, ut ejus generis ac gen-
 tis memoria perpetuo obtineret, simulque
 ut jure uno eodemque nomine universus
 censeretur populus, primus Britanniam,
Angliam ipsamque gentem ad memoriam
 majorum, quos à Cimbricā Chersoneso
 profectos jam ante memoravi, *Anglos* ap-
 pellavit, idque ut immotum semperque
 mansurum edicto quoque sancitum voluit.
 Egberto defuncto, filius Edelvuolfus suc-
 cessit qui obiit anno Christi DCCC LVII,
 relictis quatuor filiis, qui ordine regna-
 runt: Edelivaldus quinque menses: Edel-
 brechtus quinque annos, Edelredus sex an-
 nos: ALFREDUS postremo, filiorum
 ejus quartus, novos post id è Daniā boreā-
 que, stabilito jam apud Britannos Saxonum
 Anglorumque regno, æmulos seu hostes
 Danos pactus, cum indies in eum classes
 illi submitterent, diu varia ac difficilia cum
 eis bella gessit: sicuti & posterius ejus tota-
 que regia progenies: donec tandem *Sueno*

Britannia
 dicta Anglia
 circa ann.
 850.

atque inde filius ejus *Canutus Magnus* Daniæ Rex, accepto post *Edmundum* 11 toto Anglorum imperio, filios suos *Haraldum* & *Canutum* successores habuerit.

His cum in modum præmissis positisque; clariora jam erunt, quæ eodem hoc capite decimo deinceps memorantur à Seldeno de maris sub Alfredo Rege dominio ejusque classibus: Eas nimirum summâ necessitate ab eo coactas collectasque, ut nimirum Danis opponerentur, qui ipsi ereptum veniebant, quod à majoribus suis Anglis Saxonibusque constitutum acceperat imperium. Et ut erant eo ævō uterque populus, hic qui modo Britanniam victor tenebat, Angli Saxonesque; & ille, qui eam de novo jam impetebat, Dani appellati, maris ac classium potentes rei que nauticæ oppidō gnari, ita certabant velut inter se, quis longiores aptioresque in mare naves educeret; alter ut se ac sua, quæ parta habebat, defenderet; alter, ut eadem popularibus suis, quasi invidens eorum successibus, è manibus extorqueret. Quin ut se defenderet adversus hostes suos Danos, non nisi ope ipsorum Danorum, quos sibi pro tempore fiduciariorum ac clientes Alfredus habuit, obtinere potuit. Et hoc est, quod innuit eodem hoc capite Seldenus, cum

cum ait: *Tum Gurmudus seu Guthrum, Rex Danorum, ut fiduciarius Alfredo cliens suas habuit in Nortumbriâ & Angliâ Orientali sedes ac territoria perampla. Non quidem Rex Danorum eo tempore, dum in Anglia ageret, Gormundus erat, sed anno demum 921. ad regni clavum vocatus est, ac dictus ob diutinam in Angliâ habitationem, Gormo Anglicus. Ibi autem agens totum propemodo Hontingthoniæ tractum tenebat; qui & ejus à nomine Garmoncester appellatus est, attestante vetere versiculo, quem citat Cambdenus, Gormouis à castri nomine nomen habet. Quàm verò idem Alfredo, ob auxiliares, quas ipsi præstabat, copias, charus haberetur, indicat antiquus scriptor Picus his verbis: Rex Danorum Guthrum (quem Gormundum vocant) cum triginta proceribus, & omni pene populo baptizatus, in filium ab Alfredo susceptus, imposito ei nomine Atelstano. Hic igitur mansit, dataque sunt illi provincia Orientalium Anglorum & Northunbrorum ut eas sub fidelitate Regis foveret hereditario, quas pervaserat latrocino. Quæ postrema sat indicant, ita ei datas, sive potius icto cum Alfredo fœdere permissas has ditiones, ut eas jam ante armis suas fecerit. Habuit idem hic Gormo fratrem Ericum nomine, qui ante &*

unà cum ipso longe lateque apud Anglos
item Orientales imperitabat, modo la-
cessens ipsos Anglos, modò auxilia sua ac
copias iisdem jungens tèrrori omnibus ac
formidabilis terrà mariq; habebatur. Sed
idem in hostem præcipitantiùs delatus ac
minus feliciter pugnans occubuit seb an-
num D C C C C X I I I.

CAPUT X.

*Danorum validiores in Britannia sub An-
glo-saxonibus res, iique, his excussis,
in se sceptrum transferunt. Da-
negildum quid, ex Gul. Cam-
bdeno monstratum. alia-
que observata.*

INsequenti hinc Capite, quod est libri se-
cundi undecimum commonstrare porro
Seldenus conatur elucere imperium mari-
num Anglo-saxonum & Danorum in Bri-
tannia regnantium ex tributis & clientum
fiduciariorù officiis ad rem nauticam per-
tinentibus. Sed hinc distincte ob oculos res
& historia ponenda. Nam qui nominantur
Anglo-saxones & Dani; nò amici, sed hostes
L. rimq; erant infensissimi. Et quidē tribu-
torum

torum primum Anglo-saxonibus, sub rege *Ethelredō*, à Danis imperatum fuit anno Christi 992. Danorum sanè validiores tum res fuisse, exactio, quæ Anglo-Saxonibus imposita, indicio sit; & demum tam multæ eorundem victoriæ, quibus postremò potestatis ipsorum insula est facta. At hæ classes in Britanniam è Daniâ missæ. nec in adversum quæ tantata, arcere eos à littore aut prohibere exscensionem in terram potuere. Et tempore quidem *Ethelredi* Regis, cujus hoc capite *Seldenus* meminit, cum Dux *Essexiæ* *Brithonothus*, collectis copiis, obviæ ire ac reprimere adventantium Danorum impetum connisus esset, suis cum omnibus præliando occubuit. Rex *Ethelfredus* succedaneum se objicere vel nolens vel metuens pacisci cum eis decemmillibus auri pondo satis habuit: Idque eâ lege, ut, Angliæ regno relicto, in oras patrias versoriam capefferent. Notant chronologi primum id tributum fuisse, quod Danis depensum Angli solverint. Et regressi tum quidem in patriam Dani. Verum longe ab expectatione creduli regis res cecidit. Vix enim annus interjectus, cum auro atque eventu priori electi denuò in insulâ adoriuntur, nec ut prius tumultuario milite, sed classe justâ instructi negotiū gerere

rere instituunt. Rex cum nihil tale futurum speraret, quippe quietis quàm belli amantior, tum pacto & fide datà confisus ad repugnandum vix quidquam reperiebat præsidii. Necessitate tamen, duro telo, adactus classem confestim virosque instruxit. His præter Alstanum & Ælschevinum antistites, Alfricum præcipuè ducem præfecerat, virum animo & corpore ferocem, sed fidei erga regem haud satis integræ. Is itaque adventantibus Danis obviam factus seque ad prælium quasi parans, sed aliud mente agitans, ad Danos deficit. Quæ res adedò insulanos perculit, ut nullum pene operæ pretium effecerint. Dani uerò idoneâ tempestate in terram delati ad prædas agendas se effudère. Qui ex illis ingressi Northumbriam, dum sibi quisque studet, ab agrestibus aut cæsi plerique aut profligati sunt. Alii, qui Londinum oppugnaturi petierant, resistentibus animosè civibus, sponte suâ obsidionem solverunt. Nec segenius tamen Anglum urgebant ac divexabant, vastando agros, âperiendo limites, urendo domos obviosque fundendo; dum tandem Ethelredus viribus impar atque animo consternatus de pace & quiete redimendâ legatos iterum miserit. Qui missi venerunt, eâ conditione cum Danis pacti,

Et, ut in annos singulos Anglia, veluti in
 formam redacta prouinciæ, certam stipen-
 dii summam penderet. Ethelredus, qui e-
 xistimabat hoc pacto compositis rebus, pa-
 cem se qualemcunque tunc nactum, non
 de bello & imminetibus curam aut cogi-
 tationes suscepit, sed otio potius atq; aua-
 ritæ intentus suis indies gravior incubuit :
 adeo ut dum alios facultatibus exuit, alios
 oneribus premit nonnullos calumniis ac
 delatoribus objicit, sibi inuidiam atq; exe-
 crationem pene omnium conciliavit. Ho-
 rum nec ignari Dani hanc præsertim regis
 socordiam rem suam facientes, haud im-
 prudenter speculati sunt, neminem celeri-
 us opprimi, quam qui nihil timeret, & fre-
 quentissimum initium esse calamitatis se-
 curitatem. Sueno igitur, qui Norvagiæ
 magnam partem Daniæ adjunxerat, &
 Sueciæ rege, propinquo suo, ad arbitrium
 suum utebatur, tum memor repulsæ ab *Ed-
 gardo*, Ethelredi parente, sibi olim exuli il-
 latæ, de invadendâ Angliâ belloque in *E-
 thelredum* faciendo primò cum paucis,
 mox adhibitis pluribus consilia agit, op-
 pressi eum posse & dicit & persuadet. Ac
 mox dictis facta jungens, Westfaxiam ce-
 terosque fere Anglorum totâ Britannia ed
 adigit, ut, quod erat pactum conventum,
 detule-

jussa atque imperium ejus essent sequuti, ad persolvendum quod erat imperatum, stipendium parati adessent. Torchillus quoque classi suæ, quæ in Thamesi ad Gronvicum constiterat, quod pactum fuerat, ut tempestivè simul redderetur, similiter studio habuit. Hic Torchillus, etiamsi à partibus Ethelredi regis, ex pacto ac promisso, ut supra patuit; tum stare videretur, Suenoni tamen, utpote populari ac regi suo fidelior, ei præsertim (quod notat Malmesburiensis) & auctor & adhortator esse non desit, ut, aliud tum agente Ethelredo, Angliæ occupandæ occasionem haud intermitteret.

Quibus ex omnibus satis liquere puto: quale Danegildum hoc fuerit, de quo disputat prolixè in eodè hoc Capite Seldenus; existimans ad mare tantummodo tutandū pacandūque, ab Angliæ id regibus imperatum. At quibus imperatum? nonne indigenis, idque ad defensionem ipsorum? defensionem dico, quam unam solamq; expectandā jam ab hostibus suis habebant. At ea esse qualis fuerit, agnorum, quod dicitur, cum lupis conjunctio, ecquem latere magnopere possit? quamvis Seldenus fiduciariam quandam clientelam videtur nuncupare, nec valde pugnabo si irā ei

ei placeat. Interim quæ de eodem habet popularis ejus, vir clarissimus ac præstantissimus suæque, dum viveret, illustrator Britanniae Gul. Camdenus, libet hîc subtexere: *Tributum*, inquit, *Danegildum* misello populo ad horum Danorum latrocinia reprimenda impositum, quod cujusmodi fuerit, hac ex legibus nostris descripta indicant: *Danegildi redditio propter piratas primitus statuta. Patriam enim infestantes, vastationi ejus pro posse suo insistebant. Ad eorum quidem insolentiam reprimendam statutum est DANEGELDUM annuatim reddi &c.* hucusque Camdenus. Nec mirum eâ ufos fortunâ illâ temporum tempestate Britannos, cum & Romanos, ingruentibus hinc inde, ac sese imperio opponentibus, Gothis, Vandalis ac Francis, eodem adactos legamus, & pacem etiam eos non semel ab iisdem mercatos, ut indicat vel illud Claudiani:

*Illî terribiles quibus otia vendere semper
Mos erat, & fœda requiem mercede pacisci.*

De quo in Originibus nostris Francicis & alibi egisse memini. Dein ultima illa ejusdem verba, hoc eodem capite XI: *Nam neque cum vicinis quibuscunque tunc temporis*
D certamen

Lib. 4. cap.
10. Originum Franc.

atque inde filius ejus *Canutus Magnus* Daniæ Rex, accepto post *Edmundum* i i toto Anglorum imperio, filios suos *Haraldum* & *Canutum* successores habuerit.

His eum in modum præmissis positisque; clariora jam erunt, quæ eodem hoc capite decimo deinceps memorantur à Seldeno de maris sub Alfredo Rege dominio ejusque classibus: Eas nimirum summâ necessitate ab eo coactas collectasque, ut nimirum Danis opponerentur, qui ipsi ereptum veniebant, quod à majoribus suis Anglis Saxonibusque constitutum acceperat imperium. Et ut erant eo ævo uterque populus, hic qui modo Britanniam victor tenebat, Angli Saxonesque; & ille, qui eam de novo jam impetebat, Dani appellati, maris ac classium potentes rei que nauticæ oppidò gnari, ita certabant velut inter se, quis longiores aptioresque in mare naves educeret; alter ut se ac sua, quæ parta habebat, defenderet; alter, ut eadem popularibus suis, quasi invidens eorum successibus, è manibus extorqueret. Quin ut se defenderet adversus hostes suos Danos, non nisi ope ipsorum Danorum, quos sibi pro tempore fiduciariorum ac clientes Alfredus habuit, obtinere potuit. Et hoc est, quod innuit eodem hoc capite Seldenus, cum

cum ait: *Tum Gormundus seu Guthrum, Rex Danorum, ut fiduciarius Alfredo cliens suas habuit in Nortumbriâ & Angliâ Orientali sedes ac territoria perampla. Non quidem Rex Danorum eo tempore, dum in Anglia ageret, Gormundus erat, sed anno demum 921. ad regni clavum vocatus est, ac dictus ob diutinam in Angliâ habitationem, Gormo Anglicus. Ibi autem agens totum prope modo Hontingthoniæ tractum tenebat; qui & ejus à nomine Garmoncester appellatus est, attestante vetere versiculo, quem citat Cambdenus, Gormouis à castri nomine nomen habet. Quàm verò idem Alfredo, ob auxiliares, quas ipsi præstabat, copias, charus haberetur, indicat antiquus scriptor Picus his verbis: Rex Danorum Guthrum (quem Gormundum vocant) cum triginta proceribus, & omni pene populo baptizatus, in filium ab Alfredo susceptus, imposito ei nomine Atelstano. Hic igitur mansit, dataque sunt illi provincia Orientalium Anglorum & Northunbrorum ut eas sub fidelitate Regis foveret hereditario, quas pervaserat latrocino. Quæ postrema sat indicant, ità ei datas, sive potius icto cum Alfredo fœdere permissas has ditiones, ut eas jam ante armis suas fecerit. Habuit idem hic Gormo fratrem Ericum nomine, qui ante &*

unà cum ipso longe lateque apud Anglos
item Orientales imperitabat, modò la-
cessens ipsos Anglos, modò auxilia sua ac
copias iisdem jungens tèrrori omnibus ac
formidabilis terrà mariq; habebatur. Sed
idem in hostem præcipitantiùs delatus ac
minus feliciter pugnans occubuit se b an-
num D C C C C X I I I.

CAPUT X.

*Danorum validiores in Britannia sub An-
glo-saxonibus res, iique, his excussis,
in se sceptrum transferunt. Da-
negildum quid, ex Gul. Cam-
bdeno monstratum. alia-
que observata.*

IN sequenti hinc Capite, quod est libri se-
cundi undecimum commonstrare porro
Seldenus conatur elucere imperium mari-
num Anglo-saxonum & Danorum in Bri-
tannia regnantium ex tributis & clientum
fiduciariorum officiis ad rem nauticam per-
tinentibus. Sed hic distincte ob oculos res
& historia ponenda. Nam qui nominantur
Anglo-saxones & Dani, non amici, sed hostes
utrimq; erant insensissimi. Et quidẽ tribu-
torum

torum primum Anglo-saxonibus, sub rege *Ethelredō*, à Danis imperatum fuit anno Christi 992. Danorum sanè validiores tum res fuisse, exactio, quæ Anglo-Saxonibus imposita, indicio sit; & demum tam multæ eorundem victoriæ, quibus postremò potestatis ipsorum insula est facta. At hæ classes in Britanniam è Daniâ missæ. nec in adversum quæ tantata, arcere eos à littore aut prohibere exscensionem in terram potuere. Et tempore quidem *Ethelredi Regis*, cujus hoc capite *Seldenus* meminit, cum *Dux Essexiæ Brithonothus*, collectis copiis, obviam ire ac reprimere adventantium Danorum impetum connisus esset, suis cum omnibus præliando occubuit. *Rex Ethelfredus* succedaneum se objicere vel nolens vel metuens pacisci cum eis decemmillibus auri pondo satis habuit: Idque eâ lege, ut, Angliæ regno relicto, in oras patrias versoriam capefferent. Notant chronologi primum id tributum fuisse, quod Danis depensum Angli solverint. Et regressi tum quidem in patriam Dani. Verum longe ab expectatione credali regis res cecidit. Vix enim annus interjectus, cum auro atque eventu priorî electi denud insulâ adoriuntur, nec ut prius tumultuario milite, sed classe justâ instructi negotiū gerere

rere instituunt. Rex cum nihil tale futurum speraret, quippe quietis quam belli amantior, tum pacto & fide datâ confusus ad repugnandum vix quidquam reperiebat præsidii. Necessitate tamen, duro telo, adactus classem confestim virosque instruxit. His præter Alstanum & Ælschevinum antistites, Alfricum præcipuè ducem præfecerat, virum animo & corpore ferocem, sed fidei erga regem haud satis integræ. Is itaque adventantibus Danis obviam factus seque ad prælium quasi parans, sed aliud mente agitans, ad Danos deficit. Quæ res aded insulanos perculit, ut nullum pene operæ pretium effecerint. Dani uerò idoneâ tempestate in terram delati ad prædas agendas se effudère. Qui ex illis. ingreffi Northumbriam, dum sibi quisque studet, ab agrestibus aut cæsi plerique aut profligati sunt. Alii, qui Londinum oppugnaturi petierant, resistentibus animosè civibus, sponte suâ obsidionem solverunt. Nec segnius tamen Anglum urgebant ac divexabant, vastando agros, aperiendo limites, urendo domos obviosque fundendõ; dum tandem Ethelredus viribus impar atque animo consternatus de pace & quiete redimendâ legatos iterum miserit. Qui missi venerunt, eâ conditione cum Danis pacti,

Ati, ut in annos singulos Anglia, veluti in
 formam redacta prouinciæ, certam stipen-
 dii summam penderet. Ethelredus, qui e-
 xistimabat hoc pacto compositis rebus, pa-
 cem se qualemcunque tunc nactum, non
 de bello & imminentibus curam aut cogi-
 tationes suscepit, sed otio potius atq; aua-
 ritix intentus suis indies gravior incubuit :
 adeo ut dum alios facultatibus exuit, alios
 oneribus premit nonnullos calumniis ac
 delatoribus objicit, sibi invidiam atq; exe-
 crationem pene omnium conciliavit. Ho-
 rum nec ignari Dani hanc præsertim regis
 focordiam rem suam facientes, haud im-
 prudenter speculati sunt, neminem celeri-
 us opprimi, quam qui nihil timeret, & fre-
 quentissimum initium esse calamitatis se-
 curitatem. Sueno igitur, qui Norvagiæ
 magnam partem Daniæ adjunxerat, &
 Sueciæ rege, propinquo suo, ad arbitrium
 suum utebatur, tum memor repulsæ ab *Ed-
 gardo*, Ethelredi parente, sibi olim exuli il-
 latæ, de invadendâ Angliâ belloque in E-
 thelredum faciendo primò cum paucis,
 mox adhibitis pluribus consilia agit, op-
 primi eum posse & dicit & persuadet. Ac
 mox dictis facta jungens, Westfaxiam ce-
 terosque fere Anglorum totâ Britannia ed
 adigit, ut, quod erat pactum conventum,
 detule-

detulerint stipendium. Idque fuisse librarum circiter sedecim millium chronologi referunt. Et respirare nonnihil jam Anglia coeperat, erantque pacatiora omnia; cum ecce mox Danicus Comes *Torchillus*, quem aliquot instructum prætoriis navibus subsecutus continuo est *Hemmingus* & *Eginulphus*, postquam varie vexassent indigenas ac iterum iterumque cum iis, soluto pretio, pepigisset *Ethelredus* Rex; & ultimo occupatâ Essexiâ; atque inde Angliam Orientalem advecti, ac prope Gibilvicum classe egressi, ducem Ulffketillum, qui ibi tuendo limiti confederat, invasis-
sent fugassentque: & tota denique, qua patet, Orientalis Anglia ad imperata concederet, ut est prolixius in historiâ nostrâ memoratum, denuo cum illis est pactus *Ethelredus*, promissis traditisque quadraginta octo librarum millibus; Et additis præterea his conditionibus, ut pacem ac securitatem regno incolisque præstarent, ut arma ac defensionem pro iisdem, si invadi hostiliter insulam contingeret, prompte parateque susciperent. Quas & illi conditiones ita susceperunt, si vicissim commeatus & annona à rege regnoque sibi præberetur, Quæ cum negata quoque haud essent, decessit è Thamesi classis, re-
lictis

lietis in usum & obsequium regis navibus
 quadraginta quinque. Has inter clades
 auditū continno est *Danegildi* vocabulum.
 Inde iterum iterumque digressus cum clas-
 se armatā regressusque in insulam Sueno,
 cum eo jam Anglo-Saxonum res deductas
 animadverteret, ut ad ignavum redacti
 stipendium, tributo quod *Danegildum* vul-
 go vocabant, redimere quotannis pacem
 cogerentur, & anno superiore immenso
 ære pacatis, qui cum navibus, duce Tor-
 chillo Comite Danico, Thamesin erant in-
 gressi, satis ostenderint, non nisi ipsorum
 Danorum armis aut stare se, aut opprimi
 posse; tum atroci illa, quam instituerat
 paulo ante Ethelredus gentis suæ cæde ac
 lanienâ commotus, universâ belli mole in
 Angliam conversâ, infestam Sandvico clas-
 sem intulit. Ac mox Londino potitum e-
 um, ubi Ethelredus accepisset, statim ille
 extremum & unicum suum refugium, Da-
 nicam Torchilli classem, magno, ut ante
 diximus, ære pactam, ad manum ac nu-
 tum habens, eâ ad insulam Vectam profe-
 ctus est; ac ibi paulisper subsistens rectâ
 ad Galliæ Normannos suumque affinem
 Richardum dilatus est. Sueno interea sub
 pellibus se continens, id inter cetera cura-
 bat ut vicini omnisque Angliæ populus, qui
 iussa

Vide Histor.
 Dan. lib. 5.
 pag. 143.

jussa atque imperium ejus essent sequuti, ad persolvendum quod erat imperatum, stipendium parati adessent. Torchillus quoque classi suæ, quæ in Thamesi ad Gronvicum constiterat, quod pactum fuerat, ut tempestivè simul redderetur, similiter studio habuit. Hic Torchillus, etiamsi à partibus Ethelredi regis, ex pacto ac promisso, ut supra patuit, tum stare videretur, Suenoni tamen, utpote populari ac regi suo fidelior, ei præsertim (quod notat Malmesburiensis) & auctor & adhortator esse non desit, ut, aliud tum agente Ethelredo, Angliæ occupandæ occasionem haud intermitteret.

Quibus ex omnibus satis liquere puto: quale Danegildum hoc fuerit, de quo disputat prolixè in eodè hoc Capite Seldenus; existimans ad mare tantummodo tutandū pacandumque, ab Angliæ id regibus imperatum. At quibus imperatum? nonne indigenis, idque ad defensionem ipsorum? defensionem dico, quam unam solamq; expectandā jam ab hostibus suis habebant. At ea esse qualis sueverit, agnorum, quod dicitur, cum lupis conjunctio, ecquem latere magnopere possit? quamvis Seldenus fiduciariam quandam clientelam videtur nuncupare, nec valde pugnabo si irā ei

ei placeat. Interim quæ de eodem habet popularis ejus, vir clarissimus ac præstantissimus suæque, dum viveret, illustrator Britannæ Gul. Camdenus, libet hîc subtexere: *Tributum*, inquit, *Danegildum* misello populo ad horum Danorum latrocinia reprimenda impositum, quod cujusmodi fuerit, hæc ex legibus nostris descripta indicant: *Danegildi redditio* propter piratas primitus statuta. Patriam enim infestantes, vastationi ejus pro posse suo insistebant. Ad eorum quidem insolentiam reprimendam statutum est *DANE GELDUM* annuatim reddi &c. hucusque Camdenus. Nec mirum eâ usos fortunâ illâ temporum tempestate Britannos, cum & Romanos, ingruentibus hinc inde, ac sese imperio opponentibus, Gothis, Vandalis ac Francis, eodem adactos legamus, & pacem etiam eos non semel ab iisdem mercatos, ut indicat vel illud Claudiani:

*Illi terribiles quibus otia vendere semper
Mos erat, & fœda requiem mercede pacisci.*

De quo in Originibus nostris Francicis & alibi egisse memini. Dein ultima illa ejusdem verba, hoc eodem capite XI: *Nam neque cum visinis quibuscunque tunc temporis*

D

certamen

Lib. 4. cap.
10. Originum
Franc.

certamen aliud iniisse *Anglo-saxones Danos-*
que nostros, præter id, quod aut de insulis Bri-
tānicis aut de Mari suo institueretur, legimus,
sicuti obscuritatem habent, & illa præfer-
tim verba : *de insulis & mari suo* cum de i-
psâ Britannia ejusque possessione certatum
inter utrosq; constet; ita nec id sat capio,
quod *Anglo-saxones Danosque, nostros,* id
est suos faciat. Nam Ethelerdi Regis as-
pectu, quem cedere regno ac ditionibus
suis erepto regni sceptro, Dania Rex Sue-
no ejusque exercitus coegit, quomodo eos
appellare suos Anglo-saxo posset? nisi id
Torchilli Comitis Danici aliquo intuitu
fiat, dum is, ex pacto, suâ classe pro rege
Ethelredo excubias qualescunque, ut est
memoratum, agit. Sed illæ ipsæ quàm
fluxæ sublestantque excubiæ fuerint, præter
quæ dixi, ostendit eventus & historia: cum
scilicet hoc unum idem Torchillus egerit ut
à Suenone, Danorum Rege, in filium ejus
Canutum Magnum, Angliæ regnum re-
gnique diadema translatum fuerit.

CAPUT XI.

*Edgari Anglo-Saxonum Regis liberaliora
de maris sui Dominio elogia. Canuto
Magno Danorum Regi, qui An-
gliam post eum tenuit, veri-
us ea tribuenda.*

HIS continuò subjungit Seldenus testi- Libro 12
cap. 124
monia five elogia potius, quibus *Ed-*
garus Rex, & post eum, *Canutus Mag-*
nus censu vulgò appellatique fuere. Et his
marinum præcipue asseri ipsis Dominium
existimat. Edgarus hic, ecquis fuerit, ex
antecedentibus liquere puto, Anglo Saxo-
num scilicet Rex, pater Ethelredi sed qui
Ethelredo pacatius egerit. Hujus solennis
(ità porrò Seldenus) erat titulus: *Ego Ed-*
garus totius Albionis basileus, nec non mari-
timorum seu insularum Regum circum ha-
bitantium. His deinde addit Seldenus, de
se eundem memorare Regem: *Mihi con-*
cessit propitia divinitas cum Anglorum impe-
rio omnia regna insularum Oceani cum suis fe-
rocissimis regibus usque Norvegiam, maxi-
mamq; partem Hibernia cum suâ nobilissimâ
civitate Dublinia, Anglorum regno subjugare.

At ea quis non liberalius ab Edgardo Rege memorata concedat, qui sciat quidquid est insularum in boreæ oceano, quæ Norvagi-
am spectat, perpetuo Norvagiæ Regum fuisse? Nec potuisse aut posse ea *Edgardo* tum asseri; cum ne Anglorum quidem imperium, quod memorat, ipsius universum fuerit; sed illud sibi partim *Ericus* Danorum princeps, partim ejusdem frater *Gormo* vindicaverint, de quibus memoratum jam ante? Et habent præterea domesticæ Danorum memoriæ, quæ Frothoni eorum Regi, (qui diu post annum Christi nongentesimum rebus præfuit) utriusque & Daniae & Angliæ sceptrum tribuant? Verum ex titulis Regum si de eorum dominio facienda conjectura, quid de imperatore *Conrado* dicemus? qui anno Christi 1139, enarrans imperii sui statum, scribere ad *Johannem Constantinopolitanum Imperatorem* veritus haud est, sibi non Angliam modò & Daniam, sed Hispaniarum quoque regnum & Franciam dicto audientem haberi. Hujus epistolæ exemplar apud *Otho- nem Frisingensem* servatur; ubi, præter cetera, hæc legas: *Adhæc Francia, Hispania, Anglia, Dania ceteraque regna imperio nostro adjacencia, quotidianâ legatione suâ, cum debita reverentiâ & obsequio nos frequentant,*

Vide Hist. dr.
nostram Da-
nicam lib. 5.

quentant, ad ea quæ imperii nostri mandata sunt, se prompta esse tam obsidibus, quàm sacramentis affirmantes. Quod verò deinde adjicitur, de rege Danorum *Canato Magno*, qui rerum post *Eihelredum*, *Edgari* filium, apud Anglos potitus fuit, eum verbis expressissimis testari, oceanum Britannicum suæ esse ditionis; meritò id testatum concedo, etiamsi latissime quis, non ad Norvagos modò, sed ultra quoque accipere oceanum velit; sed ità, ut ibi insularum quidquid boream versus sit, non ut pertineat ad Britannos, sed ad Norvagiam Daniamque, cujus utriusque non minus quàm Britannia Rex erat, universum accipiat. Quamvis interea & hoc fatendum, innuere ac commonstrare eodem maximum hunc regem, non sine summâ animi demissione, voluisse, maris & undarum quod sibi vindicare dominium homo posset, id nullum esse, si vis ac indoles, quæ est à summo numine huic elemento indita, propius inspiciatur, ut mox ad cap. xii. lib. i. dicetur uberius, libro, qui sequitur, Discussionum harum secundo.

Hinc Seldenus, ut Scotis quoque & Pictis, utpote Britannia ejusdem ad boream populo, aliquod simul marinum imperium tribuat, adducit ibidem Aimonii

itemq; inserti authoris de anno DCCCXLVI.
 hæc verba : *Scoti à Normannis per annos
 plurimos tributarii efficiuntur, insulis circum-
 quaq; positis, nullo resistente, potius immoran-
 tes.* At quid illud potest testimonium ad
 demonstrandum aliquod ibi fuisse Scotis
 in mari dominium, cum, ut verba habent,
 eos sibi Norvagi tributarios haberent ?
 & eos, aliosque si qui essent, haud multo
 post, ut statim exinde subdit Aimonius,
 unà cum extremâ Britannia, quæ & Scotia
 dicta, in totum perdomuerint ? Verba Ai-
 monii ità habent : *Wærsfilda regio ultima
 regni Norvagorum, inter septentrionem &
 occidentem sita, contra Aquilonem Britannia
 summitatem respicit: cujus principes & popu-
 lus eis subjici recusabant. Quibus perdomitis,
 cum reversi essent &c.* Perdomitum ecce ac
 subjugatum à Norvagis non modò si quid
 in proximo insularum ejus maris Scoti te-
 nerent, sed ipsa quoque aquilonaris Bri-
 tannia. Aded ut facile intelligi hinc queat,
 cui illarum gentium marinum per id tem-
 pus dominium debeat, victricine, an ve-
 rò devictæ ac tributariæ ? ut omittam, e-
 osdem tum Norvagos sive, ut vocabant,
 Normannos haud conquievissè circa bo-
 reæ has oras, sed ad Gallia quoque mariti-
 ma, couversâ classe, Sequanæ fluvio inve-
 stos,

Lib. 4.
 cap. 20.

atos, Parisiorum Lutetiæ obsidionem fecisse: ipsumque adeò Regem Calvum, campis & castris exutum; eo angustiarum ac necessitatis compulisse, ut bonam regni sui partem obtinendam ipsis colendamq; concefferit: quæ aliaque ejusmodi, prolixè à nobis ex classicis atque ævi hujus chronologis collecta, memoravimus alibi.

Libro historiarum Danicæ

4.

CAPUT XII.

Guilielmus Rollonis Dani abnepos Conquestor dictus, superato Haraldò, novum Angliæ imperium inducit. Ejus ex stirpe hodierni Reges. Salvus conductus an dominium indicet. Littoris Britannici præfectus apud Eginbartum qualis.

Hinc Seldenus clarissimus, Angliæ Regum, post Normannorum in insulam adventum, marinum dominium declaraturus, ejus testimonia, quæ putat esse luculentissima, in octo præcipue capita, Ordinis ac methodi causâ, tribuit. Horum est

Lib. 2.
cap. 13.

I.

Custodia, præfectura, seu Admirallatus Maris Anglicani seu territorii seu provincie Regia.

D 4

Domi-

II.

*Dominium insularum littori Gallicano
prajacentium.*

III.

*Impetrata Exteris transeundi per hoc ma-
re venia.*

IV.

*Libertas piscandi in eo exteris vicinisque
indulta, & tutela piscatoribus præ-
stita.*

V.

*Leges & termini exteris, qui invicem ho-
stes, Anglo utriq; amici, per hoc ma-
re mutuo depredarentur, præstituti.*

VI.

*Tabula in sacris Scriniis publica, quibus
dominium ejusmodi obster, idque tum
à Rege ipso tum ab Ordinibus Angliæ
parlamentariis, velut aliud agentibus,
ut res certissima, diserte asseritur.*

Juris

VII.

Juris patrii Commentaria moresque recepriffimi, quibus five aferitur five admittitur ejusmodi dominium.

VIII.

Veterum aliquot nota minoris testimonia.

Sed hîc ut rebus lux clarior accedat, & ne quis Angliæ Regum marinum dominium, ac inde simul eadem in Britannia Normannos nominare exaudiens, diversum quidpiam, & hos ab illis esse alios sibi fingat, vel imaginetur; Scire refert, Romanos rerum dominos, postquam insulam Britanniam suam fecissent, diu ac multa ibi secula imperium tenuisse: Atque inde fatifcente re Romanâ, quod supra est demonstratum, successisse ac insulæ dominium sibi parasse gentem è Cimbricâ chersoneso qui Angli-Saxones ac Vitæ nuncupati: Et illis vicissim; post item secula aliquot, à validiore populo, circa eandem Chersonesum colente, qui tum Dani appellati, superatis domitisque, imperium insulæ ad Danos eodem recidisse: Et eorum quidem primum fuisse *Suenonem* Daniæ Regem; hinc

hinc filium ejus *Canutum Magnum* & eum secutos mox *Haraldum* & *Hardecanutum* filios: ac iis sine liberis mox defunctis, uterinum ex *Emmâ* matre,, fratrem *Hardecanuti*, *Eduardum*, Confessorem vulgò dictum, sceptrum accepisse: sed is cum dolo foceri sui *Godvini* esset inescatus, *Haraldum*, *Godvini* ejusdem filium, ex *Thyrâ* Danica genitum, regem assumptum; Sed eo mox à *Guljelmo* Conquestore Normanno, quodd se promissis ab eodem delusum diceret, classe atque armis superato, devolutum postremò ad *Guljelmum*, Normanniæ Ducem, Angliæ sceptrum. Cujus exinde prolapiæ felicissima posteritas impetinum ibidem tenuit hodieque tenet.

Quibus eum in modum ex historiâ repetitis, facile jam erit intelligere, maris hoc tempore dominium penes *Canuti*, Danorum Angliæque Regis, posteros, non tam florens, ut initio, sed accisius fuisse: & ideo prævaluisse tandem eis *Guljelmum* hunc Normanniæ Ducem. Qui licet è boreali hac etiam plagâ genus traheret, utpote *Rollonis* (qui primus in Galliæ littore à se & gente suâ appellatam Normanniam constituit) abnepos, tamen ægrè Danorum Regem *Suenonem* *Esthritium* *Canuti Magni* nepotem habuit, quod *Godvini* & *Haraldi*

raldi primum technis deceptus, post *Ed-
 ardu*, absenti sibi Angliæ sceptrum vide-
 ret præreptum, & nunc vicissim, excluso
 aut interempto *Haraldo*, id suæ potestatis
 Normannum fecisse. Nec latere hoc Nor-
 mannum potuit, qui idcirco nihil prius
 habuit, quàm Danici belli tempestatem,
 quam impendere videbat, avertere & sibi
 vel gratiâ vel pecuniâ quietem redimere.
 Quâ in re præcipuè est usus *Adelberti* ar-
 chiepiscopi Bremensis operâ. Hic enim
 muneribus Guljelmi persuasus summo ad-
 laboravit studio ut inter Suenonem &
 & Normannum pax coiret. Et eam licet
 aliquatenus consecutus Archiepiscopi so-
 lertiâ *Guljelmus* videretur, non tamen in
 plenum frui potuit. Nam Sueno etiam si
 ipse domesticis atque aliis rebus distentus,
 nihil in adversum moveret, tamen filii ejus
Haraldus & *Canutus*, assumptis comitibus
Esberno & *Torchello*, cum classe ducenta-
 rum & quadraginta navium anno millesi- MLXIX.
 mo sexagesimo nono ostium Humbri flu-
 minis hostiliter ingressi. Cumque in ter-
 ram descendissent, & fama eorum late di-
 vagaretur, obvios habuerunt magnâ cum
 armatorum manu *Edgarum* Ethelingum &
 Comitem *Waltosum*, qui à Guljelmo No-
 tho, dum is levissimis de causis in omnes
 Angli-

Anglici & Danici generis nobiles desævire, ex Angliâ profligati apud Scotos se extorres continebant. Hi occasione Danicæ classis illud agendum putaverunt, ut, copiis suis cum *Haraldo* & *Canuto* conjunctis, Guljelmum communibus viribus oppugnant. Itaque percusso inter se fœdere, Ebroacum versus iter instituunt cunctaq; ferro & igne populantur. Inter ceteros archiepiscopus urbis *Alphredus* tanto terrore adventantium Danorum exhorruit, ut animi internecino mœrore affectus continuo expiravit. Interea, qui urbi relictæ erant præsidio Normanni, ubi per speculatores cognoverunt Danos vix bidui abesse, consilium capiunt incendendi suburbana præsidia, ne usui hostibus forent, seque intra urbem continerent. Injuncto itaque castellis igne, subortus repente ventus vagantem flammam aded in altum lateque evexit, ut igneæ scintillæ magnâ cum copiâ urbem versus diffusæ majus intra quam extra muros incendium fecerint, quo pene ædificia universa cum æde divi Petri in totum absumpta sunt. Quocirca quod erat intra urbem præsidium civiumque plurimi exire compulsi, in hostem, quem vitare studuerant, incidunt. Hic à Danis Normanni, cum ad urbem, quæ jam in

in favillas quasi conciderat, regressus non esset, aded confertim cæsi, ut ultra hominum tria millia trucidata chronologi referant. Inde manubiis ac spoliis completâ classe ac verso quàm celerrime in Northumbros procinctu, eos in fidem ultro se dedentes recipiunt. Jamque totam pene, quæ est ad boream Angliam Danus tenebat, seque ad oppugnandum Londinum parabat, nisi anni hiems, solito vehementior, expeditionem tardasset. Talibus igitur adversariis dum regni sui initio constitatur hostesque experitur *Guljelmus Notmannus*. jure meritoque sibi ac regno universo de præsidiis præfectisque & admiralliis (ut eos Seldenus ac publicæ tabulæ vocant) qui mare custodirent, omni studio prospexerit. *Botecaris* & *botesuens* vocabula, quæ iisdem in tabulis occurrunt, hodieque Danis usitata sunt, pro *cimbarum*, *lemborum* ac *myoparonum ministris*, *remigibus* ac *classariis*. *Bote* enim *cymbam*; *karle*, *virum*; *suen*, *ministerium* seu *famulum* ipsis notat.

At qui inde sequenti capite versus adducuntur vernaculi poetæ Anglicani, qui sub Richardo 2, annum circiter Christi 1399 claruit, quibus Richardus voluerit, maris tutelam, id est, navigantibus securitatem præstari

Lib. 2. cap.
14.

præstari inter Middelburgum Zelandiæ & Orewellam Angliæ, iis non video quomodo ob id Angliæ Regi Richardo universi maris ejus dominiū attribui debeat? Nam & Belgii fœderati aliæq; prætorix naves cum negotiatorū suorum onerarias vel in Angliæ, Galliæ aut Daniæ Norvegiæve portus deducant, quis inde jure concludat, marium eorundem penes easdem, aut quibus illæ obsequio sunt, esse Dominium? Neget Gallus, negabunt & ceteri.

Lib. 2.

Quod verò cap. xviii deinceps à Seldeno memoratur, in verbis Eginhardi, vitæ *Caroli Magni* scriptoris coætanei, non quidem *maris Britannici* sive *Aremorici*, sed *littoris Britannici præfectum* nuncupari *Rutlandum*, verum quidem est: Sed an eo nomine non is, qui mari, ut provinciæ, sed qui littori, ut dignitatis limiti, præest, designetur, quod idem vult Seldenus, dubitare faciunt, quæ de Carolo eodem alibi memorantur. Etenim is *Oceani Gallici* littus non lustrasse modo, sed classem insuper in eos, qui mare illud infestarent, emisisse, diserte refertur Aimonio. Verba appono, quæ ita habent: *Redeunte vernâ temperie, medio fere Martio Rex Aquifragano digressus, littus OCEANI GALlici perlustravit: & in ipso MARI,*
quod

Lib. 4. cap.
90.

quod tunc piratis Normannicis erat infestum, classem instituit, præsidia disposuit, &c. Et observandum, qui hîc *Oceanus Gallicus* dicitur Aimonio, à Gallis scilicet defensum assertusque, eundem haud aliter olim Cornelio Tacito *Gallicum mare* dictum, ut est à nobis suo suprius loco memoratum. Et Cap. 67 denique in verbis Aimonii licet *littus Oceani Gallici* nominetur, non tamen hæsisse circa continentem aut maris oram præsectorum curam, indicat ipse Carolus, qui dispositis circumquaque præsidiis classem addidisse memoratur. Et idem exinde à posteris ejus, quique longâ serie sequuti fuere, factitatum quis à vero alienum dixerit? Aded ut prolixè quæ disputat deinceps capite insequenti xix Seldenus, quod Libro eod. dem 2. scilicet, in Dominio insularum littori Gallicano præjacentium, perpetuò à Regibus Angliæ retento, possessio maris, in quo sunt sitæ, à majoribus accepta eluceat; ea sine dubio ad Normannos, qui Angliæ à se devictæ suæ quoque territoria ac ditiones intulère, referenda videatur. Quæ & aliis, ad quos spectent, despicienda relinquo, ad alia, & quæ nostri magis instituti sunt, festinans.

CAPUT XIII.

Venia transeundi ac præternavigandi concessa aut petita quatenus Dominium significet. Dissensus Seldeni & Cambdeni, circa reginæ responsum, Daniæ legatis redditum. Conciliandi idem conatus.

Seldenus
cap. 20.
lib. 2.

QUOD deinde ex Veniâ transeundi seu præternavigandi, exteris vel indultâ vel petitâ, maris asseritur Dominium ac possessio, hoc quidquid est, esse temporaneum fœvit, dum bella inter principes ac vicinos tenent. Tum enim ne commeatus & bellicus præsertim apparatus hostibus advehatur omnia agere principes solent, ut adversarii vires, quæ aliunde sustentari quoquo modo possint, accendantur. Quæ si aliâs aperto in mari siant, jura Gentium violari, tolli commercia ac fœdera non immeritò cuncti fateantur. Nec illud maris Dominium uni alicui Regum, sed cunctis principibus ac rebus publicis, quæ mare accolunt, commune haberi omnes norunt. Sic Hispani, Galli, Dani suum quisque

que districtum fartum tectum tuetur, & quâ possunt, id insuper agunt, ne etiam illi, qui hostes non sunt, aut haberi, saltem nolunt, quidquam adversariis, quod esse eis commodo possit, terrâ marive aut aliâs adportent. Itâ Belgii fœderati Ordines, eorumque prætoriarum naves, Hamburgensium, Bremensium aliorumve classes ab illis littoribus ac portibus, qui hostium sunt, non arcent modò, sed in eos irrepere contra edicta conantes, vel ex iisdem prodeuntes capiunt ac suæ potestatis faciunt, si præter leges iisdem intulisse quidpiam compertum fuerit: Et id sæpenumero iis in locis ac maris finibus, cuius ipsi Domini non sunt. Quod verò Daniæ memorantur, Sueciæque reges, ut & Hansaticæ civitates enixè sæpiusque ab *Elizabethâ* Angliæ regina flagitasse, ut liber illis esset per mare Anglicanum in Hispaniam transitus, jure hoc ipsis negatum aspectu eo, quem memoravimus, durante scilicet in Hispanum bello, ne ipsi quidem diffiteantur, & ided certis legibus tutus transitus ab illis petitus. Qui & concessus fuit, ut acta ostendunt anni MDCXCVII. Tum enim *Georgius Carevius* Cancellariæ primicerius in Borussiam à Regina missus, ut edoceret Regem & Ordines Poloniæ atque Civitates

vide Camd.
ad an. 1597

tates Prutenicas, quæ Dzialino legato responsa: simulque Reginam ex gratiâ permittere, ut frumentum & omne genus mercium (præter bellicum apparatus) in Hispaniam libere transmitterent; etsi ex jure gentium & Civili, ad hostem missa interdici liceret; utque Hanseatici antiquis fruerentur privilegiis in Angliâ; modo illa ut privilegia ex principum gratiâ indulta, & non ut pacta ex juris rigore exposcerent. Privilegia enim, ex Principum gratiâ subditis, nedum extéris, concessa, pro temporum ratione, Reipublicæ bono, aliisque de causis posse suspendi, revocari etiam & rescindi. Hanseaticos hoc in Daniâ & Sueciâ, belli similiter tempore, expertos; & in Angliâ Eduardo VI, Philippo Mariaque regnantibus. Aliam regnorum, aliam civitatum esse rationem &c. Quo eodem anno legati à Rege Danorum Christiano IV. in Angliam missi, hi erant nobilissimi & amplissimi viri *Witfeldius* & *Berncovius*, & à Reginâ benignissime excepti, responsum, inter cetera, quæ ipsorum postulata spectabant, retulerunt; quod *utrimq; inter reges regnaque renovanda fœdera; boni si qua essent Dania Regis subditis ablata, restituenda, nec deinceps intercipienda, certis legibus Regina adpromisit.* Leges hæ erant, ut
(excepto

(excepto bellico apparatu) frumentum ceteraque mercimonia in Hispaniam trans-
mittere fas ipsis esset. Toto hinc cœlo dis-
sentit & abit, quod Seldenus responsum
iisdem legatis redditum, adducit. *Reginam*
scilicet, nullâ ratione posse adduci ut illud con-
sensuat fieri. At consensisse, & ita respon-
sum à Reginâ, ut posui, doceat etiam ad
eundem hunc annum 1495. clarissimus
Cambdenus, Seldeni popularis. Et verò
ecquis verisimile dicat, quod urbibus Han-
faticis, ut jam ostensum, indulserat, id ne-
gavisse eam Danorum Regi? Verum quæ
sequeuntur exinde singulorum navigationes
rem, ut diximus, habere, satis evincant,
& ostendent præterea, quæ suo aliquando
adducemus utriusque principis instrumē-
ta classica, si numen faverit: Interim ut
conciliemus, dixerim, Seldeni quod ad-
ducitur responsum, non tam à Reginâ,
quam ejus consiliariis profectum: idque
colligi ex iis, quæ ibidem parenthesi inclu-
dit, illis scilicet: *Viri nempe primarii erant*
à sacratioribus consiliis Regina, qui responde-
bant. Viri scilicet illi primarii, tale fortasse
quidpiam, ut fit, injecerint, priusquam ul-
timum ac decretorium hoc reginæ respon-
sum scripto comprehensum ac signa-
tum, legatis redderetur. verba Cambdeni,

Eodem
cap. 20.
lib. 2.

Parte I V.
hiff. Angl.
adan. 1597.

quæ respexi, hæc sunt : *Hoc anno à Christiano I V. Dania Rege venit Arnoldus Witseldus Regni Cancellarius, cum Christiano Bernecovio, qui reddita Georgiani Ordinis periscelide, quâ Regis patrem Fredericum Regina honoraverat, antiqua inter Angliam & Dania m fœdera renovari, & ne Danorum bona in mari interciperentur petiit &c. Regina legatos benigniffimè complexa, fœdera renovanda; bona, fi qua fuerant intercepta, restituenda, nec deinceps intercipienda, certis legibus promiffit. Certæ illæ leges, quæ fuerint, fuperius jam memoratæ.*

CAPUT XIV.

De immenfa, quam tribuit Angliæ Regi Albericus Gentilis, marinâ jurisdictione pauca pofita. Liber pifcandi commeatus tam exteris quam Angliæ fubditis aliquando conceffus. Halecum apud Anglos fumo induratarum præ eminentia. Halecum alibi affluentia & captura. earumque defectus.

Lib. 2.

Quæ deinceps difputat Seldenus capite, quod fequitur 21. de venia pifcandi ab Angliæ Regibus concedi exteris
uti

uti & Capite deinde sequenti de Termino
iisdem præfigi solito, esse id domini mari-
ni insigne vetus ac manifestum; facile con-
cedi potest, si dominium accipiat finitum
ac limitibus suis circumscriptum. Nam id
late profecto & oppido fuisse expandi ab
Alberico Gentili quis non fateatur? cu-
jus verba hæc sunt: *Vides quam protenda-*
tur Regis nostri (Angliæ) imperium in meri-
diem, septentrionem, occasum. Hibernia me-
ridionalia terminantur ad Hispaniam; occiden-
ad Hispania regna Indica. Quæ etiam ipsa
adducit capite 22. probatque Seldenus &
arguit simul Johannem Gryphiandrum
Jurisconsultum, & ab eo perperam intel-
lectum Albericum ait, cum finibus certis
circumscribi marinum Angliæ Regis im-
perium ex ipso probare studeat. Sed ver-
ba ipsa Seldeni ponam quæ ita habent:

In advocate
Hisp. lib. I.
cap. 8.

Male sane Gentilem intellexit Joannes Gry-
phiander, qui de rebus maritimis fuisse disse-
rens, locum quem citavimus, ita ex eo brevi-
ter assert, ac si Jacobi Regis Edicto illo juris-
dictio ejus simpliciter finibus illis fuisset coer-
cita. Hæc Seldenus. Gryphiander ita lo-
quitur. *Anglia jurisdictio marina quamvis*
in meridiem, septentrionem & occasum porri-
gatur, tamen Edicto Jacobi hodierni Regis,
certis finibus in Mari circumscripta est. Quæ

Tract. de
insul. c. 15.
§. 5.

ubi adduxisset Gryphiander, addidit se id facere authore Alberico Gentili. Sed concedatur malè hîc authoritatem obtendere Alberici Gryphiandrum præsertim cum superius citatis Alberici verbis, continuo ab eodém Alberico subjiciatur: *Et sic est immensum lata jurisdictio Regis nostri marina. Nec eam cogit secutum quoddam Regis Edictum, quo sunt fines quidam notati, ultra quos nolit Rex potestatem porrigi territorii sui in bellicis his gestis Hispanorum & Hollandorum*: malè inquam authorem hîc laudavit Albericum Gryphiander, tamen Alberico ecquis accedat applaudatq; aded immensum Regi suo jus ac jurisdictionem per Neptuni hoc æquor metanti? præsertim cum ipse Rex suo in Edicto metas agnoscat ac singulis terminos suos figat? Sed de his disputare alios quàm me, malo. Interim non possum quin adducam hîc responsum, quod redditum olim Bernardino Mendozæ, Hispani in Angliâ legato, frementi ac res à Draco in oceano Indico raptas repetenti. Ei inquam, Regina tum nomine, ita responsum, ut planè id evertat Alberici Gentilis ac Seldenii positiones istas, quibus etiam Indicum versus occidentem mare vastumque illum oceanum Anglici Regis imperio dominioque circum-

cumscribere, ac veluti claudere, satagunt. Est autem istud: *Hispanos iniquitate in Anglos, quos commercio contra jus gentium prohibuerunt, hac sibi mala accersivisse. Dracum praesto futurum ut in jure respondeat, si quid contra jus egisse certis indiciis & testimoniis convincatur. Opes illas eo consilio sepositas esse, ut Hispano satisfiat, licet Regina grandiore pecuniam, quam Dracus intulerit, contra rebelles, quos Hispanus in Hibernia & Angliam excitarat, profuderit. Præterea illi non intelligere; cur sui & aliorum Principum subditi ab Indis prohibeantur, quas Hispanici juris esse persuadere sibi non posset, ex Pontificis Romani donatione, in quo prærogativam ejusmodi causis agnovit nullam, nedum auctoritatem, ut Principes obligaret, qui nullam ei obedientiam debent; aut Hispanum Novo illo Orbe quasi infudaret & possessione investiret. Nec alio quopiam jure quam quod Hispani hinc illinc appulerint, casulas posuerint, flumen aut promontorium denominaverint, qua proprietatem acquirere non possunt. Ut hac rei aliena donatio, quæ ex jure nihili est, & imaginaria hæc proprietas obstare non debeat, quominus ceteri principes commercia in illis regionibus exerceant, & colonias, ubi Hispani non agunt, jure gentium nequaquam violato, deducant, cum præscriptio sine possessione hand valeat*

Exeat apud
Cambde-
num ad an.
1589

leat; nec non Oceanum illum vastum libere navigent, cum maris & aeris usus omnibus sit communis. Nec jus in Oceanum populo, aut privato cuiquam possit competere, cum nec natura, nec usus publici ratio occupationem permittat.

[lib. 2.]

Porro & illud hîc obiter adjiciam ex Capite eodem 21, quod initio posui, ubi à Seldeno citantur Cambdeni hæc verba: Opera pretium videatur adnotare uberrimam & questuosissimam in subiecto mari halecum (sive leucomenidarum aut Chalcidum si ita malis) piscaturam Hollandos & Zelandos exercere, cum veniam prius, veteri instituto, ex hoc castro impetraverint. Veniam enim piscandi semper concesserunt Angli, honore sibi reservato, utilitate verò exteris quasi per desidia resignatâ. Incredibile enim fere est, quantam pecunia vim ex hac in nostro littore piscaturâ Hollandi sibi corrogent. Deinde addit Cambdenus, quæ à Seldeno omissa: Haleces hæc (ignosce quæso si paucis divini erga nos beneficii extra ordinem meminero) Britanniam nostram non sine divino consilio, numerosis examinibus quotannis circumnatant &c. Quibus ex verbis præstantissimi Cambdeni intelligitur, piscandi in aperto hoc, sive mari sive littore, veniam semper concessisse Anglos, honore quasi contentos, utilitate

tate verò, dum ipsi eam insuper haberent, exteris resignatâ. Sed & veniam eam, ut bene mox subdit Seldenus, ex foederibus cum vicinis principibus sæpenumero remissio-
 rem fuisse, & tam indigenis, quàm exteris promiscue paruisse hoc mare nullâ indultæ libertatis ratione habitâ. Et verò illud est, quod suggerat, præter cetera. Tractatus pacis ac mutui commercii, qui initus est Londini ann. 1459. inter sereniss. Angliæ Regem *Henricum* septimum & *Philippum* Archiducem Austriæ, Ducem Burgundiæ &c. Hollandiæ Zelandiæque Comitem. Quo in tractatu Cap. xiv. hæc legas : *Piscatores utriusque partis partium prædictarum cujusque conditionis existant, poterunt ubique ire, navigare per mare, securè piscari, absque aliquo impedimento, licentiâ seu salvo conductu &c.* Quod autem adjicit Cambdenus, *quasi per desidiâ*, cedere Anglos eam piscaturam exteris; accipi non ut inertiae exprobratio aut gentis lugillatio debet. Nam, ut inquit poeta, *non omnis fert omnia tellus*, ita nec omnibus concessum salire haleces, & eo quidem modo, ut mos est Belgarum, ac tali condire muriâ, quâ longe lateque distrahi & in annum fervari non unum queant. Hujus ingenii primus inter Belgas author memoratur

E 5 circa

circa an. Christ. 1416. *Guljelmus Buckeldius* qui anno exinde 1446. Biervlieti extremum diem clausit. Et tanti quidem fecisse hoc inventum ejus Augustus ille imperator *Carolus* quintus dicitur, ut anno MDLIV. Biervlietum unâ cum sorore *Mariâ Hungariæ Reginâ* adpellens sepulchrû *Bucheldii* adierit, veneratusque sit, haud sine memoriâ ejus tantique ad omnem posteritatem ab eo ejusque industria profecti beneficii celebratione. Sed hoc ut Belgis, Hollandisque, quasi indulgentę summo numine, propriû quodammodo datum, itâ aliis vicissim concessa alia. Et ad Anglos ut veniam, quis non dono similiter peculiaris cujusdam Genii concessam ipsis rationem fateatur, eum in modum fumo easdem haleces indurandi, ut, licet alii idē tentent, Anglicæ tamē, Engelsche bucking dictæ, palmam omnibus auferant, & earum, ut canit poeta,

Usque ad Casareas ferat admiratio mensas.

Quod & de apuis simul eorum infumatis, quæ harengæ soboles & quasi halecis pullos dici queat, æstimari similiter, licebit; cum eas gentium ac terrarum nulla nisi Anglia nobis suppeditet: ipsi nostratesque *sprot* appellant.

Hinc

Hinc postremò clarissimus idem Cambdenus, quod numerosa hæc halecum examina, velut singulare divini erga Anglos beneficii munus celebret, meritò id ac pie ab eo fieri, doceant tractus, quibus illa indulta olim, nunc erepta non sine dolore eorum videmus. Memorat Saxo, quem Grammaticum dicimus, seculi sui præco, Daniæ quondam in oris, circa præsertim Scaniæ districtū, quem Falsterboam nuncupant, eam piscium & halecum præcipue fuisse affluentiam, ut manibus non modò & absque nassis aut piscatoriis verriculis caperentur, sed ità sæpenuerò freta & sinus omnes earum repletos frequentia; ut impacta subinde navigia vix remigii conamen (sunt ejus verba) eriperet. Quod deinde beneficium ad Norvagos transiit, & ibi cum substitisset aliquandiu, alio & ad hæc Scotiæ Angliæque oras jamdudum migravit; ut est humanarum rerum quædam sive vicissitudo sive Nemesis occulta, quæ nihil quod modum excedit, & maxime cum luxus bonorumque, quæ cœlitus obtingunt, abusus & usucapiones intempestivæ concurrunt, esse diuturnum aut proprium permittit. Quod & Satyricus olim animadvertens, in ævi sui profligatissimos mores verum jecit, qui & hîc habere

Juvénalis.

habere locum potest, dicereque cum eo liceat:

Atq; ita defecit nostrū mare, dum gula sedit.

CAPUT XV.

*Meridionale, quod Angliæ adjacet, mare
ulteriusque patet, Gallicum Mare
Tacito dictum. item Aimonio
quid Oceanus Gallicus.*

CONTINUD deinde quod sequitur apud Seldenum Cap. XXI II. libri ejusdem secundi, ubi Eduardus Rex, ejus nominis tertius, nominatur certo in Edicto, quod ibi videre est; **DOMINUS MARIS ANGLICANI CIRCUMQUAQUE**, haud favere videtur sententiæ, quæ posita superiori Capite, Alberici Gentilis, qui, præter tractum meridionalem ceterosque ut vult, Anglo adtribuendos, ab Hibernico insuper mari ad Hispanias usque & Indiæ occidentis littus, maritimam Angliæ Regis jurisdictionem pertinere statuit. Cujusmodi etiam sunt, quæ in eodem Edicto Eduardi tertii leguntur, ea nimirum: *si ad partes domini nostri vel ad partes Scotia præsum-*
pserint

pferint declinare, Galeæ nimirum Gallorum, quæ erant in littore Normanniæ & Britannia Gallicæ, domini scilicet Gallici. Et maxime, quod occurrit in tabulis Parliamentariis Henrici quinti Angliæ item Regis, videtur nec Seldeno favere, volenti similiter mare idem totum, quod Gallias & Angliam interluit, esse & fuisse perpetuo Anglorum. Ei inquam vix favere videantur hæc earundem tabularum verba: cum Rex dominus noster supremus, & illustres ejus progenitores perpetuo fuerint domini Maris, & jam ex gratiâ divinâ evenerit, dictum dominum nostrum Regem, dominum esse littorum utriusque partis maris, indicare inquam hæc videantur, perpetuo quidem fuisse eum, Henricum nimirum v. dominum maris, nimirum Anglicani circumquaque, ut habet, cujus statim memini, Edictum Eduardi tertiæ Regis: Et nunc ex Dei gratiâ etiam obtinuisse eum, Henricum inquam v. ut dominus esset utriusque littoris, Angliæ & Gallici, & ided vectigal irrogare eum cunctis per mare illud transeuntibus; quasi antea scilicet factum id haud fuisset: Et hoc utcumque sit, colligendum saltem videatur, hæsisse jam ante rem & juris controuersi habitam. Certe jam olim & antiquissimis seculis etiam Gallos, suum
mare

Cap. 101.
lib. 4. de
Gef. Fran.

mare littusque, ut & jus ejus, tutatos nihil sit certius, & ideo, quod supra est positum, Tacito hoc *Mare Gallicum* nuncupatum. & Aimonius præterea, cujus itidem superius memini, tempore Caroli Magni, *Oceanum Gallicum* idem dixisse reperitur. Et Taciti quidem verba, quæ sunt in vitâ Agricolaë, ita habent: *Siquidem Hiberniâ, medio inter Britanniam atque Hispaniam sita, & Gallico quoque mari opportuna, valentissimam imperii partem magnis invicem usibus miscuor.* Ex quo intelligi lat sit, quæ fuerit, versus hunc tractum, positu Gallicum hocce mare, ut de cetero nunc non dicam.

CAPUT XVI.

Actiones à Seldeno positæ, aliaque obiter indicata. Mare Anglicanum itemque Flandricum certis diplomatibus expressa definitaque.

lib. 1.

Hinc quæ adferuntur à Seldeno Capitibus insequentibus 24. & 25. de jure Patricio deque testimoniis minoris notæ dominium Angliæ marinum indicantibus, præ-

præterire & aliis uberius discutienda relinquere, quam obiter attingere satius puto. Sicuti nec illud responsione nostrâ magnopere indiget, quod Capite ibidem libri 2. vigesimo sexto memoratur, exteros velorû demissione dominium Regum Angliæ marinum agnoscete; cum id cuique principum suo in territorio districtumque debeat, præstandumque nemo non esse consentaneum judicet. Neque illud quoque attingendum mihi summopere, quod differitur exinde cap. 27. super libello, sive Actione antiquitus editâ in *Reginæ Grimbaldum*, Francicæ classis præfectum; quod ejusmodi propiorem, & aliorum, quos ista magis spectant, quàm nostram disputationem desiderent. Neque admodum similiter immorabor iis, quæ ex legatione adducuntur Flandrorum ad Edwardum 2. quasi ea Flândri dominium Angliæ marinum luculenter & *ἔξῃ* recognoverint. Nam ibi si verba inspiciantur propius, haud ea trahenda ulterius, quàm ad Anglicanum mare districtumque ei oræ debitum, versus partes nimirum de Graudem, intra potestatem Regis Angliæ positas, ut habent disertè verba Recognitionis memoratæ, ista nimirum: *Ante omnia supplicabant (Flandri) ut diceretur*

ibidem cap.
4. 29.

Et us

Et dominus Rex de potestate sua Regiâ inquiri,
 & iustitiam faceret de quadam depredatione
 quibusdam hominibus de Flandriâ nuper
 de vinis & aliis diversis mercimoniis suis su-
 pra mare Anglicanum versus partem de Crau-
 den infra potestatem dicti domini nostri Regis
 per homines de regno Angliæ (ut dicebant) fa-
 cta; asserentes quod vina ac mercimonia præ-
 dicta eisdem Flandrensibus depredata, addu-
 cta fuerunt infra regnum & potestatem dicti
 domini Regis, & quod ad ipsum Regem perti-
 nuit sic facere pro eo quod IPSE EST DO-
 MINUS DICTI MARIS & depreda-
 tio prædicta facta fuit supra dictum mare
 intra potestatem suam. Quæ singula sole
 liquidiora sunt, & propius si inspiciantur,
 Seldeno adversa magis quam faventia,
 cum nihil excedens urgeant, sed ad certum
 & intra Regis potestatem situm mare le-
 ctorem amandent. Quin & addit eodem
 Capite Seldenus ex schedis vetustis, quæ
 ductus archetypos, ut vocat, literarum
 Henrici Regis quinti tum ad Comitem Ca-
 rolesii, tum ad decuriones Ipræ, Gandavi
 ac Brugarum præ se ferunt, in quibus ma-
 nifeste hæc leguntur: *deins la jurisdiction,*
 & *lestem de la mer de Flandres*, id est, in-
 tra jurisdictionem & extremitatem maris
 Flandrici. Quo loci *Mare Flandricum* haud
 aliter

ibidem cap.
 29.

aliter accipiendum, quàm, de quibus dictum, *Mare Anglicanum*, itemque *Mare Gallicum* ab authoribus Regumque diplomatis alijs memoratum, suum cuique tribuentibus.

Cap. præcedente & alibi.

CAPUT XVII.

Mannia insula Norvagiæ olim, non Britanniae propria. vocabulo Mannoer utraque Mannia Norvagiæ intellecta. Manniæ Reguli clientelares Regibus Norvagiæ. Mannensium Chronicon. Pacto ad Scotum transeunt Ebudæ si ve Hebrides insulae, &c.

Quod Mona insula (Mannia vulgo dicta) inter Angliæ continentes provincias antiquitus sit numerata, ut Vectis & Lundeia, quomodo asserit libro eodem secundo Seldenus, si de eâ accipiat Monâ, quæ Tacito est nominata, Britanniae aded vicina, ut in eam ex continente nando milles transmiserit, quæque post Romanorum imperium ab Anglosaxonibus victa in nomen etiam eorum concessit, Anglesei dicta, haud magnopere fortasse repugnem; at de aliâ, quæ ad boream remotior, medio,

Cap. 302

F

ut

In topogra-
phia Hiber-
niæ.

ut ille loquitur, libramine inter Britanniam & Hiberniam est posita, controversum faciat imo neget Giraldus Cambrensis qui sub Henrico 11. Angliæ Rege claruit. Is etenim, quod & positum superius, diserte ostendit, omnes non Orcades modò, sed & alias, licet Britannię & Hibernię quam Norvagię viciniore insulas Norvagię fuisse antiquitus obsequio & reverentiã subditas. Verba ejus sunt: *In Oceano boreali trans Ultoniam & Galwediam sunt insule varia, scilicet Orcades & alia multa, quarum fere omnium dominium & subjectionem Norwegienses obtinuerunt, licet aliis regionibus longe propinquius adjaceant &c.* Et chronicon præterea Norvagię vernaculum & hanc & illam Tacito intellectam & nominatam Monam nunc *Anglesei* dictam, pluralitatis, ut sic dicam, vocabulo, quod utramque notet, *Mannoer*, id est, Mannias insulas appellat. Fuisseque addit utriusque Regem siue Regulum Magnam Haquini Norvagię regis filium: ut est à nobis ad an. 1262. in Historiã Danicã memoratum. Nec ita modo Giraldus & Chronicon, quod dixi, sed Chronicon insuper, quod edidit omnium primus Guljelmus Cambdenus, Manniã nuncupatum, satis indicat antiquissimis sæculis haud alios quàm

quam Norvagos insulam eam, ut hæreditariam, sibi tenuisse. Et anno præsertim 1047. & insequentibus, cum adversus *Haraldum* Danum, Angliæ Regem, circa Scotiæ confinia, infelicitèr pugnasset Rex Norragiæ *Haraldus Harfager*, adjicit idem Chronicon, Gundredum, qui stragi præter ceteros superstes fuit, ex Insulâ mox Islandiâ, quo se receperat, movisse ac suæ potestatis fecisse, defuncto jam priorè Gundredo, Syricii filio, universam Manniæ insulam, ac sibi eandem reddidisse hæreditariam. Ita enim habet: *Godredus cum paucis, qui secum remanserant de insulariis, australem insula partem tenuit, & reliquis Mannensium Aquilonarem tali pacto concessit, ut nemo eorum aliquando auderet jure hæreditario sibi aliquam partem terra usurpare: unde accidit ut usque in hodiernum diem tota insula solius Regis sit, & omnis redditus ejus ad eum ipsum pertineat.* Quod deinde Chronicon ut ostendat, non insulæ tantum ejus, sed maris quoque dominaturâ circumquaque eundem, dominiumque obtinuisse, adjicit continuò, occupatâ insuper Hiberniæ metropoli Dubliniâ, Scotos quoque eidem redditos tributarios. Nam ait: *Post id Gundredus subjugavit sibi Dubliniam & magnam partem de Layne & thir. Scotos verò usque perdo-*

circa an. Christ. 1416. *Guljelmus Buckeldius* qui anno exinde 1446. Biervlieti extremum diem clausit. Et tanti quidem fecisse hoc inventum ejus Augustus ille imperator *Carolus* quintus dicitur, ut anno MDLIV. Biervlietum unâ cum sorore *Mariâ Hungariæ* Reginâ adpellens sepulchrû *Bucheldii* adierit, veneratusque sit, haud sine memoriâ ejus tantique ad omnem posteritatem ab eo ejusque iadustria profecti beneficii celebratione. Sed hoc ut Belgis, Hollandisque, quasi indulgentę summo numine, propriû quodammodo datum, itâ aliis vicissim concessa alia. Et ad Anglos ut veniam, quis non dono similiter peculiaris cujusdam Genii concessam ipsis rationem fateatur, eum in modum fumo easdem haleces indurandi, ut, licet alii idē tentent, Anglicæ tamē, Engelsche bucking dictæ, palmam omnibus auferant, & earum, ut canit poeta,

Usque ad Casareas ferat admiratio mensas.

Quod & de apuis simul eorum infumatis, quæ harengæ soboles & quasi halecis pullos dici queat, æstimari similiter, licebit; cum eas gentium ac terrarum nulla nisi Anglia nobis suppeditet: ipsi nostratesque *sprot* appellant.

Hinc

Hinc postremò clarissimus idem Cam-
 bdenus, quod numerosa hæc halecum exa-
 mina, velut singulare divini erga Anglos
 beneficii munus celebret, meritò id ac pie
 ab eo fieri, doceant tractus, quibus illa in-
 dulta olim, nunc erepta non sine dolore
 eorum videmus. Memorat Saxo, quem
 Grammaticum dicimus, seculi sui præco,
 Daniæ quondam in oris, circa præsertim
 Scaniæ districtû, quem Falsterboam nun-
 cupant, eam piscium & halecum præcipue
 fuisse affluentiam, ut manibus non modò
 & absque nassis aut piscatoriis verriculis
 caperentur, sed ità sæpenumerò freta & si-
 nus omnes earum repletos frequentia; ut
 impacta subinde navigia vix remigii cona-
 nen (sunt ejus verba) eriperet. Quod de-
 inde beneficium ad Norvagos transiit, &
 bi cum substitisset aliquandiu, alio & ad
 asce Scotiæ Angliæque oras jamdudum
 migravit; ut est humanarum rerum quæ-
 am sive vicissitudo sive Nemesis occulta,
 uæ nihil quod modum excedit, & maxi-
 e cum luxus bonorumque, quæ coelitus
 ottingunt, abusus & ulucapiones intem-
 estivæ concurrunt, esse diuturnum aut
 oprium permittit. Quod & Satyricus
 im animadvertens, in ævi sui profliga-
 timos mores verum jecit, qui & hîc
 habere

Invenalis.

habere locum potest, dicereque cum eo liceat:

Atq, ita defecit nostrū mare, dum gula sedit.

CAPUT XV.

*Meridionale, quod Angliæ adjacet, mare
ulteriusque patet, Gallicum Mare
Tacito dictum. item Aimonio
quid Oceanus Gallicus.*

Continud deinde quod sequitur apud Seldenum Cap. xxi. libri ejusdem secundi, ubi Eduardus Rex, ejus nominis tertius, nominatur certo in Edicto, quod ibi videre est; **DOMINUS MARIS ANGLICANI CIRCUMQUAQUE**, haud favere videtur sententiæ, quæ posita superiori Capite, Alberici Gentilis, qui, præter tractum meridionalem ceterosque ut vult, Anglo adtribuendos, ab Hibernico insuper mari ad Hispanias usque & Indiæ occidentis littus, maritimam Angliæ Regis jurisdictionem pertinere statuit. Cujusmodi etiam sunt, quæ in eodem Edicto Eduardi tertii leguntur, ea nimirum: *si ad partes domini nostri vel ad partes Scotia præsumpserint*

rint declinare, Galeæ nimirum Gallorum,
 æ erant in littore Normanniæ & Britan-
 æ Gallicæ, domini scilicet Gallici. Et
 axime, quod occurrit in tabulis Parle-
 entariis Henrici quinti Angliæ item Re-
 s, videtur nec Seldeno favere, volenti
 niliter mare idem totum, quod Gallias
 Angliam interluit, esse & fuisse perpe-
 o Anglorum. Ei inquam vix favere vi-
 antur hæc earundem tabularum verba:
 *Rex dominus noster supremus, & illu-
 res ejus progenitores perpetuo fuerint domi-
 Maris, & jam ex gratiâ divinâ evenerit,
 Tum dominum nostrum Regem, dominum
 e littorum utriusque partis maris, indicare
 quam hæc videantur, perpetuo quidem
 isse eum, Henricum nimirum v. domi-
 um maris, nimirum Anglicani circumqua-
 e, ut habet, cujus statim meminisse Edi-
 um Eduardi tertiæ Regis: Et nunc ex Dei
 atiâ etiam obtinuisse eum, Henricum in-
 iam v. ut dominus esset utriusque litto-
 , Angliæ & Gallici, & ided vestigal ir-
 gare eum cunctis per mare illud transe-
 tibus; quasi antea scilicet factum id haud
 isset: Et hoc utcumque sit, colligendum
 item videatur, hæsisse jam ante rem &
 ris controuersi habitam. Certe jam olim
 antiquissimis seculis etiam Gallos, suum
 mare*

Cap. 107.
lib. 4. de
Gef. Fran.

mare littusque, ut & jus ejus, tutatos nihil sit certius, & ideo, quod supra est positum, Tacito hoc *Mare Gallicum* nuncupatum. & Aimonius præterea, cujus itidem superius memini, tempore Caroli Magni, *Oceanum Gallicum* idem dixisse reperitur. Et Taciti quidem verba, quæ sunt in vitâ Agricolaë, ita habent: *Siquidem Hiberniâ, medio inter Britanniam atque Hispaniam sita, & Gallico quoque mari opportuna, valentissimam imperii partem magnis invicem usibus miscuorit.* Ex quo intelligi lat sit, quod fuerit, versus hunc tractum, positu Gallicum hocce mare, ut de cetero nunc non dicam.

CAPUT XVI.

Actiones à Seldeno positæ, aliaque obiter indicata. Mare Anglicanum itemque Flandricum certis diplomatibus expressa definitaque.

lib. 1.

HInc quæ adferuntur à Seldeno Capitibus insequentibus 24. & 25. de jure Patricio deque testimoniis minoris notæ dominium Angliæ marinum indicantibus, præ-

ræterire & aliis uberius discutienda re-
 nquere, quam obiter attingere satius pu-
 o. Sicuti nec illud responsione nostrâ
 agnoscere indiget, quod Capite ibidem
 bri 2. vigesimo sexto memoratur, exte-
 os velorû demissione dominium Regum
 ngliæ marinum agnoscete; cum id cui-
 ue principum suo in territorio districtu-
 ue debeat, præstandumque nemo non
 se consentaneum iudicet. Neque illud
 uoque attingendum mihi summopere,
 uod differitur exinde cap. 27. super libel-
 o, siue Actione antiquitus editâ in *Reginerû*
Wimbaldum, Francicæ classis præfectum;
 uod ejusmodi propiorem, & aliorum,
 uos ista magis spectant, quàm nostram
 ispunctionem desiderent. Neque admo-
 um similiter immorabor iis, quæ ex lega-
 one adducuntur Flandrorum ad Edu- ibidem cap.
 dum 2. quasi ea Flândri dominium An- 4. 29.
 liæ marinum luculenter & *ἐξέχουσ* re-
 gnoverint. Nam ibi si verba inspician-
 it propius, haud ea trahenda ulterius,
 uàm ad Anglicanum mare districtum-
 ue ei oræ debitum, versus partes nimi-
 um de Graudem, intra potestatem Regis
 ngliæ positas, ut habent disertè verba
 ecognitionis memoratæ, ista nimirum :
Ante omnia supplicabant (Flandri) ut di-
Eius

Etus dominus Rex de potestate sua Regiâ inquiri, & iustitiam faceret de quadam depredatione quibusdam hominibus de Flandriâ nuper de vinis & aliis diversis mercimoniis suis supra mare Anglicanum versus partem de Crauden infra potestatem dicti domini nostri Regis per homines de regno Angliæ (ut dicebant) facta; asserentes quod vina ac mercimonia prædicta eisdem Flandrensibus depredata, adducta fuerunt infra regnum & potestatem dicti domini Regis, & quod ad ipsum Regem pertinuit sic facere pro eo quod IPSE EST DOMINUS DICTI MARIS & depredatio prædicta facta fuit supra dictum mare intra potestatem suam. Quæ singula sole liquidiora sunt, & propius si inspiciantur, Seldeno adversa magis quam faventia, cum nihil excedens urgeant, sed ad certum & intra Regis potestatem situm mare lectorem amandent. Quin & addit eodem Capite Seldenus ex schedis vetustis, quæ ductus archetypos, ut vocat, literarum Henrici Regis quinti tum ad Comitem Carolesii, tum ad decuriones Ipræ, Gandavi ac Brugarum præ se ferunt, in quibus manifeste hæc leguntur: *deins la jurisdiction, & lestrem de la mer de Flandres*, id est, intra jurisdictionem & extremitatem maris Flandrici. Quo loci *Mare Flandricum* haud aliter

Ibidem cap.
29.

aliter accipiendum, quàm, de quibus dictum, *Mare Anglicanum*, itemque *Mare Gallicum* ab authoribus Regumque diplomatis aliis memoratum, suum cuique tribuentibus. Cap. præcedente & alibi.

CAPUT XVII.

Mannia insula Norvagiæ olim, non Britannia propria. vocabulo Mannoer utraque Mannia Norvagiis intellecta. Manniæ Reguli clientelares Regibus Norvagiæ. Mannensium Chronicon. Pacto ad Scotum transeunt Ebudæ si ve Hebrides insulæ, &c.

Q UOD Mona insula (Mannia vulgo dicta) inter Angliæ continentes provincias antiquitus sit numerata, ut Vectis & Lundeia, quomodo asserit libro eodem secundo Seldenus, si de eâ accipiat Monâ, quæ Tacito est nominata, Britannia aded vicina, ut in eam ex continente nando miles transmiserit, quæque post Romanorum imperium ab Anglosaxonibus victa in nomen etiam eorum concessit, Anglesei dicta, haud magnopere fortasse repugnem; de aliâ, quæ ad boream remotior, medio,

In topogra-
phia Hiber-
niæ.

ut ille loquitur, libramine inter Britanniam & Hiberniam est posita, controversum faciat imo neget Giraldus Cambrensis qui sub Henrico 11. Angliæ Rege claruit. Is etenim, quod & positum superius, diserte ostendit, omnes non Orcades modò, sed & alias, licet Britannia & Hibernia quam Norvagiæ viciniore insulas Norvagiæ fuisse antiquitus obsequio & reverentiâ subditas. Verba ejus sunt: *In Oceano boreali trans Ultoniam & Galwediam sunt insulae varia, scilicet Orcades & alia multa, quarum fere omnium dominium & subjectionem Norwegienses obtinuerant, licet aliis regionibus longe propinquius adjaceant &c.* Et chronicon præterea Norvagiæ vernaculum & hanc & illam Tacito intellectam & nominatam Monam nunc *Anglesei* dictam, pluralitatis, ut sic dicam, vocabulo, quod utramque notet, *Mannoer*, id est, Mannias insulas appellat. Fuisseque addit utriusque Regem siue Regulum Magnam Haquinum Norvagiæ regis filium: ut est à nobis ad an. 1262. in Historiâ Danicâ memoratum. Nec ita modo Giraldus & Chronicon, quod dixi, sed Chronicon insuper, quod edidit omnium primus Guljelmus Cambdenus, Manniæ nuncupatum, satis indicat antiquissimis sæculis haud alios quam

quam Norvagos insulam eam, ut hæreditariam, sibi tenuisse. Et anno præsertim 047. & insequentibus, cum adversus *Haraldum* Danum, Angliæ Regem, circa Scoiæ confinia, infelicitèr pugnasset Rex Noragiæ *Haraldus Harfager*, adjicit idem hronicion, Gundredum, qui stragi præter ceteros superstes fuit, ex Insulâ mox Islantiâ, quo se receperat, movisse ac suæ potestatis fecisse, defuncto jam priorè Gundredo, Syricii filio, universam Manniæ insulam, ac sibi eandem reddidisse hæreditariam. Ita enim habet: *Godredus cum paucis, qui secum remanserant de insulariis, australem insula partem tenuit, & reliquias Manninsum Aquilonarem tali pacto concessit, ut nemo eorum aliquando auderet jure hæreditario sibi aliquam partem terra usurpare: unde accidit ut usque in hodiernum diem tota insula solius Regis sit, & omnis reditus ejus ad eum ipsum pertineat.* Quod deinde Chronicon ut ostendat, non insulæ tantum ejus, sed maris quoque dominatura circumquaque eundem, dominiumq; obtinuisse, adjicit continud, occupatâ insuper Hiberniæ metropoli Dubliniâ, Scotos quoque eidem additos tributarios. Nam ait: *Post id Gundredus subjugavit sibi Dubliniam & magnam partem de Layneethir. Scotos verò uà perdo-*

mit, ut nullus qui fabricaret navem vel scapham, ausus esset plusquam tres clavos inserere. Sed operæ pretium existimo, ne sine teste loqui videamur, ipsa Chronici verba in rem præsentem adducere, quæ sunt ejusmodi:

CHRONICON REGUM MANNIÆ,

ANno Domini 1047. obiit pia memoria Edwardus Rex Angliæ, cui successit in regnum Haraldus filius Godwini, contra quem Haraldus Harfager, Rex Norwegia prælium commisit apud Stainfordbrige, & Angli victores existentes omnes fugarunt. de quâ fugâ quidam Godredus cognomento Crovan, filius Haraldus Nigri de Iselandiâ fugiens, venit ad Godredum filium Syrric, qui tunc regnabat in Mannia, & honorificè susceptus est ab eo.

Godredus
Islandus
Crovan.

Eodem anno Guljelmus Bastardus debellavit Angliam, & Godredus filius Syrric, Rex Manniæ obiit, cui successit filius Fingal.

Godredus
Syrric Rex
Manniæ moritur.

Anno 1066. Godredus Crovan collegit multitudinem navium, & venit ad Manniam, prælium cum populo terræ commisit, sed superatus & fugatus erat. Iterum exercitum, & naves coadunavit, venit ad Manniam, pugnavit cum Mannensibus victus & fugatus est.

Tertio,

rtio, congregavit multitudinem copiosam, venit noctu ad portum, qui vocatus est Ram-, & trecentos viros occultavit in silva, quæ devexo montis supercilio, qui vocatur Scafel. Otto lucis fidere, Mannenses construxerunt aciem suam, & magno impetu facto, ingressi sunt cum Gondredo. Cumque pugnamemens esset, trecenti viri surgentes de insularum loco à tergo, Mannenses debilitare cœrunt, & in fugam compellere. Cum autem dissent se superatos, nec aliquem diffugii sibi um patere; nam reuma maris Ramsa amnis reum impleverat, & hostes ex alterâ parte stanter persequentes, qui tunc remanserant, more miserabili; postulabant à Godredo vin sibi donari. Ille autem flexus misericordi, & miserans calamitatem eorum, qui apud is per aliquod tempus nutritus fuerat, revocavit exercitum, & prohibuit ne eos diutius sequerentur; Godredus sequente die oprio- n exercitui suo dedit, ut si mallerent Manni- inter se dividere, & in eâ habitare, vel num substantiam terra accipere, & ad pro- aremeare. Illis autem magis placuit totam ulam vastare, & de bonis illius ditari, & ad propria reverti. Godredus autem cum ucis, qui secum remanserant de insularis, stralem partem insula, & reliquiis Man- sium aquilonarem tali pacto concessit, ut

Godredus
Islandus
Manniar
Rex,

Moritur.

nemo eorum aliquando auderet jure hereditario sibi aliquam terra partem usurpare. Unde accidit ut usque in hodiernum diem tota insula solius Regis sit, & omnis reditus ejus ad ipsam pertineat. Igitur Godredus subjungavit sibi Dubliniam & magnam partem de Layneftir. Scotos vero ita perdomuit, ut nullus qui fabricaret navē vel scaphā, ausus esset plusquā tres clavos inferere. Regnavit autem sexdecim annos & mortuus est in insulā, quæ vocatur Yle.

Subdit hinc idem Chronicon, Godredo defuncto successisse ex ordine ejusdem stirpem ac liberos; imperioque potitos sine interruptione annis circiter ducentis; ac mox prævalentibus Angliæ Regibus & in iis sub an. 1210. Johanne præsertim Rege, missam in eos classem navium 500, ac superato, qui tum regnabat, Reginaldo occupatam simul ab eo insulam. Sed eum haud diu eandem tenere potuisse ex iisdē memoriis liquet. Nam anno exinde 1226 Olavus, Reginaldi frater, à Mannensibus in Regem assumptus; quod intellexissent, Reginaldum fiducia-rio jure Anglorum Regi subesse: unde & hæsit aliquandiu inter utrumq; & hunc & illū simultas ac bellum; donec tandem cæso Reginaldo, Olavus, acceptis à Rege Norvagiæ Haquino auxiliaribus copiis in Man-
niæ

ia possessionem regnumq; suū restitutus est. Dein filius ejus *Haraldus* (itā porro *Chronicon*) quod agnoscere *Norvagiæ* Regē, ut beneficiariū neglexisset, eum insulā exturbari mandavit. At idem exacto mox biennio, postquam se Regi *Norvagorum* stitisset, in insulam ac dignitatem suam veterem restitutus est. Quæ singula, eum in modum recitata, indicio sunt, longè ultrò ducentos illos annos, quos posuimus, post que annum Christi 1210, quo insulam primò invasit ac vicit, ut diximus, Rex Angliæ *Johannes*, *Norvagiæ* exinde Regibus paruisse eam suosque habuisse regulos, qui Regi soli *Norvagorum* clientelares ac dicto audientes essent.

Quod ut manifestius pateat, ipsam, quæ reliqua est, *Chronicii* partem, in annos aliquot consequentes ordine subjungam, quæ itā habet:

Reliquit sane (Godredus Islandus) tres filios, Lagmannum, Haraldum & Olavum. Lagmannus major natus, regnum arripens, septem annos regnavit. Rebella vit autem contra eum Haraldus frater ejus multo tempore. Sed tandem captus a Lagmanno, genitalibus & oculis privatus est. Post hac, Lagmannus pœniuens, quod fratris sui oculos eruisset, sponte regnum suum dimisit, & signo Crucis Domini

Liberi Godredi Islandi.

minica insignitus, iter Hierosolymitanum arripuit; quo & mortuus est.

Lagmanno
defuncto
peritus Rex
a Rege Hi-
bernæ.

Anno 1075. Omnes procures insularum audientes mortem Lagmanni, miserunt legatos ad Murecaidum O-Brien Regem Hibernia, postulantes ut aliquem virum industrium de regali stirpe in regem eis mitteret, donec Olavus filius Godredi cresceret. Annuit eis Rex libentissime, & quendam Dopnaldum filium Tadæ ad eos misit, monens & precipiens ei, ut cum omni benignitate & modestiâ regnum, quod sibi non debebatur, gubernaret. Sed ille postquam ad regnum pervenit, parvi pendens præcepta sui domini, cum magnâ tyrannide abusus est regno, & multis sceleribus perpetratis, tribus annis enormiter regnavit. Tunc omnes principes Insularum unâ conspiratione commoti, adversus eum congregati sunt, & expulerunt à finibus suis. Ille autem fugiens ad Hiberniam, non est ultra reversus adeos.

Is imperio
abusus insulâ
expellitur.

Anno 1077. quidam Ingemundus missus est à Rege Norwegia, ut regnum insularum arriperet. Cumque ad insulam Leodus pervenisset, misit nuncios ad omnes principes insularum precipiens in unum convenirent, & constituerent eum regem. Interim verò ipse cum sociis suis rapinis & comessationibus vacabat, mulierum & puellarum pudicitiam violabat, & fœdis voluptatibus & carnis illecebris.

Ingemundus
Norwegus è
Norwegia ad
regnum su-
scipiendum
missus.

bris operam dabat. Cumque hac nunciata fuissent principibus insularum, jam in unum ad constituendum eum Regem congregatis, nimio succensi furore, domum in qua erat, combusserunt, & eum cum omnibus suis partim ferro, partim flammis extinxerunt.

Ingemundus
alia agens ab
Insulanis occi-
ditur.

Anno 1098. fundata est Abbatia S. Maria Cistercii. Antiochia à Christianis capta est, & cometa apparuit.

Eodem anno commissum est praelium inter Mannenses apud Santwat, & aquilonares victoriam obtinuerunt. In quo bello occisi sunt Other Comes, & Macmaras principes amborum partium.

Eodem anno Magnus Rex Norwegia filius Olavi filii Haraldi Harfagre, volens explorare incorruptionem S. Olavi Regis & martyris, precepit ut ejus mausolaum aperiretur. Episcopo autem & Clero resistente, ipse Rex audacter accessit, & vi regiâ aperiri scrinium fecit. Cumque & oculis vidisset, & manibus attraxisset incorruptum corpus, subito timor magnus irruit in eum, & cum magnâ festinatione decessit. Sequenti nocte, Olavus Rex & martyr ei per visum apparuit, dicens: Elige tu, inquam, unum ex duobus, vel vitam cum regno infra triginta dies amittere, vel à Norwegia decedere, & eam amplius nunquam videre. Experges factus Rex à somno,

Magnus Nor-
wegiæ Rex.

Ejus classis
560. navium.

Orcades &
Manniam occupat.

Monia insula
Wallie.

vocavit ad se principes, & majores natu, & exposuit eis visionem, illi conterriti, hoc consilium dederunt ei, ut cum omni festinatione de Norwegia exiret. Ille sine mora coadunari fecit classem centum sexaginta navium, & ad Orcades insulas transfretat, quas sibi statim subjugavit, & transitum faciens per universas insulas, easque sibi subjiciens pervenit usque ad Manniam: cumque applicuisset ad insulam S. Patricii, venit videre locum pugne, quam Mannenses paulo ante inter se commiserant: quia multa adhuc corpora occisorum inhumata erant. Videns autem insulam pulcherrimam, placuit in oculis ejus, eamque sibi in habitationem eligit, munitiones in ea construxit, qua hodieque ex ejus nomine nuncupantur. Gallivedienses ita constrinxit, ut cogeret eos materias lignorum cadere, & ad littus portare, ad munitiones construendas. Ad Moniam insulam Wallia navigavit, & duos Hugones Comites invenit in ea, unum occidit, alterum fugavit, & insulam subjugavit. Wallenses vero multa munera ei præbuerunt, & valedicens eis ad Manniam remeavit. Murcardo Regi Hibernie misit calciamenta sua, precipiens ei, ut ea super humeros suos in die natalis Domini per medium domus sue porteret, in conspectu nunciorum ejus, ut inde intelligeret se subiectum esse Magno Regi. Quod audientes

audientes Hibernienses, agrè ferebant, & indignati sunt nimis. Sed Rex saniori consilio usus. non solum, inquit, calciamenta ejus portare, verumque manducare mallet, quàm Magnus Rex unam provinciam in Hibernia destrueret. Itaque complevit praeceptum & nuncios honoravit. Multa quoque munera per eos Magno Regi transmisit, & foedus composuit. Nuncii verò redeuntes ad dominum suum narraverunt ei de situ Hibernia, & amenitate, de frugum fertilitate & aeris salubritate. Magnus verò hac audiens, nihil cogitabat, quàm totam Hiberniam sibi subjungere. Itaque praecepit classem congregare. Ipse verò cum sedecim navibus procedens explorare volens terram, cum incantè à navibus discessisset, subito ab Hibernensibus circumvallatus, interit cum omnibus fere qui secum erant. Sepultus est autem juxta ecclesiam S. Patricii in 'Duno. Regnavit 6. annis. Quo mortuo principes insularum ascerferunt Olavum filium Godredi Crovan, qui degebat in curia Henrici Regis Anglia filii Guljelmi.

Hiberniam
petit Rex
Magnus.

Occiditur.

Olavus Godredi
Godredi filius
d' filius sue
Rex.

Anno 1102. Olavus filius Godredi Crovan, regnare coepit, & 40 annos regnavit, vir pacificus, habuit omnes Reges Hibernia & Scotia sibi foederatos. Accepit in uxorem Africam filiam Fergusii de Galewedid, de qua genuit Godredum. Ex concubinis suscepit.

Regnal.

DISCUSSIONUM

Regnaldum, Lagmannum, Haraldum & filias multas, quarum una nupsit Sumerledo regulo Herergaidel, quæ fuit causa ruina totius regni insularum. Genuit ex eâ filios 4. Dulgallum, Ragnaldum, Engus & Olavum.

1133. *Eclipsis Solis tanta 4. Nonas Augusti, ut dies in noctem verteretur.*

1134. *Olavus dedit Ivoni abbati de Furnes partim terræ suæ in Mannia ad Abbatiam construendam in loco, qui dicitur Russin. Eo rem ecclesiasticam in insulis & redditibus ditavit & liberalitatibus dotavit.*

Godredus e-
jus filius
Norwegiam
petit.

Anno 1142. *Godredus filius Olavi transfretat ad Regem Norwegia, cui nomen erat Ingo, & hominum suum ei fecit, & moratus est apud eum, honorifice susceptus ab eo.*

Eodem anno tres filii Haraldæ fratris Olavi, qui nutriti fuerant apud Dubliniam congregantes magnam turbam hominum, & omnes profugos regis, venerunt ad Manniam postulantes ab eodem Rege medietatem totius Regni insularum sibi dari. Rex autem cum audisset, placare eos volens, respondet super hoc consilium se habiturum. cumque diem & locum constitissent, ubi concilium haberi debisset, interim illi nequissimi de morte regis inter se tractabant. Constituta autem die conveniunt utraque partes in portu, qui vocatur

Ramsa:

Ramla: sederuntque seriatim rex cum suis ex unâ parte, illi unâ cum suis ex alterâ. Regnaldus autem medius fuerat, qui eum percussurus erat, stabat seorsim loquens cum quodam viro de principibus terra. Cumque vocatus venisset ad Regem; vertens se ad eum, quasi salutans eum, securim fulgentem in altum levavit, & caput Regis uno ictu amputavit. Perpetrato autem tanto scelere statim insulam dividerunt inter se. Paucis diebus transactis, congregata classe transfretaverunt ad Galwediam, volentes sibi subjungere. Galwedenses autem conglobati & magno impetu facto, congressi sunt cum eis. Illi statim terga vertentes, fugerunt cum magnâ confusione ad Manniam, omnesque Galwedenses, qui in eâ habitabant, quosdam juglaverunt, alios expulerunt.

Olavus Rex
occiditur.

Anno 1143. Godredus filius Olavi ex Norwegia rediens fit Rex Manniæ, & in ultionem patris duobus Haraldis filiis oculos eruit, & tertium occidit.

Godredus
eius nomi-
nis tertius
è Norwegia
rediens pa-
tris necem
ulciscitur.

Godredus cœpit regnare, & 30. annis regnavit. Tertio regni anno Dublinenses eum accerserunt, & regem Dubliniæ eum constituerunt, in quam Murecardus rex Hiberniæ bellum movit; & fixis tentoriis apud civitatem, quæ dicitur Coridelis, fratrem uterinum Osibelem cum 3000. equitum ad Dubliniam misit, qui à Godredo & Dublinensibus interfe-

ctus

Etus erat, ceteris omnibus fugatis. His actis, Godredus ad Manniam revertitur, & tyrannidem exercere cœpit & nobiles exharedavit, quorum unus Thorfinus filius Other, ceteris potentior accessit ad Sumerledum, & Dubgallum Sumerledi filium Regem insularum dixit, subjugans illi multas insulas. Cum hac à Paulo quodam Godredus intellexisset, parata classe procedit obviam Sumerledo venienti cum 80 navibus.

Et anno 1156. commissum est bellum navale in nocte Epiphania; & multis utrimque casis, proximo die pacificati sunt, & diviserunt inter se regnum insularum, factumque est regnum bipartitum à die illa in presens tempus. Et hæc fuit causa ruine regni insularum, ex quo filii Sumerledi occupaverunt illud.

Godredus
Norwegiam
iterū petit.

1158. Sumerledus venit ad Manniam cum 53. navibus, & Godredum fugavit, insulam vastavit. Godredus verò transfretavit ad Norwegiam, quasitum auxilium adversus Sumerledum.

Anno 1164. Sumerledus collegit classem centum sexaginta navium, & applicuit apud Rhinfrin, volens totam Scotiam sibi subjungere: sed ultione divinâ à paucis superatus, cum filio suo & innumerabili populo ibidem casus est.

Eodem anno bellum fuit apud Ramsa, inter

ter Reginaldum fratrem Godredi & Mannenses, & per dolum cuiusdam Comitis Mannensis in fugam conversi sunt.

Et Reginaldus cepit regnare, Quarto autem die supervenit Godredus à Norwègia cum magna multitudine armatorum, & fratrem suum Reginaldum comprehendit, & oculis & genitalibus privavit.

Godredus cum auxiliariis copiis redit à Norwègia.

Eodem anno obiit Malcolmus rex Scotia, & frater ejus Wilhelmus ei successit in regnum.

Anno 1171. Richardus Comes Penbrechia transfreavit in Hiberniam, & Dubliniam cum magna parte Hibernia subjugavit.

Anno 1176. Johannes de Curcy sibi subjugavit Ultoniam, & Vivianus Apostolica sedis legatus venit in Manniam, Godredumque regem legitime desponsari fecit cum uxore suâ Phlogola filia Macloten filii Murkaitac Regis Hibernia, matre videlicet Olavi, qui tunc triennis erat: Desponsavit eos Sylvanus Abbas, cui ipsa die Godredus dedit partem terre apud Mirelcoge, ubi monasterium construxit; sed tandem concessa est terra cum monachis Abbatia de Russin.

Anno 1172. Reginaldus filius Eacmarcat, vir de regali genere, in Manniam veniens cum magna turba hominum absente rege, primo congressu quosdam qui littora custodiebant fugavit.

fugavit. & circiter 30 occidit. Postea eadem die congregati Mannenses ipsum cum omnibus pene suis occiderunt.

Anno 1183. O Fogolt vicecomes de Mannia.

Anno 1185. Eccclipsis Solis die Philippi & Jacobi.

Anno 1187. Obiit Godredus Rex insularum 4. Idus Novembris proxima vero æstate translatum est corpus ad insulam Hy. Reliquit tres filios Reginaldum, Olavum & Tvarum, dum vixit. Olavum filium heredem, constituit, quod solus ille legitime natus esset. Sed Mannenses quum Olavus esset jam vix decennis Reginaldum ex insulis accersunt & Regem constituunt.

Godredus
1187. mori-
tur.

Reginaldus
filius succe-
dit.

1178. Reginaldus filius Godredi incepit regnare super insulas, & occisus est Murcharus vir potens in omni regno insularum.

Anno 1192. commissum est bellum inter Sumerledi filios Reginaldum & Engus. Sed Engus victoriam obtinuit.

Eodem anno Abbatia de Russin translata est ad Dufglas & post 4. annos monachi ad Russin reversi sunt.

1203. Michael episcopus insularum obiit ad Fontanas, cui successit Nicolaus.

1204. Hugo de Lacy venit cum exercitu in Ultoniam, & commisit bellum cum Johanne de

de Curcy, eumque comprehendit. & Ultoniam sibi subjugavit. Postea Johannem liberum ire permisit: qui venit ad Regem Reginaldum à quo horosificè susceptus est, quia ejus gener erat. Johannes siquidem de Curcy habuit in uxorem Affricam filiam Godredi, quæ fundavit Abbatiam S. Mariæ de jugo Domini, & ibidem sepulta est.

1205. Johannes de Curcy, & Reginaldus rex insularum cum 100. navibus Ultoniam ingressi in portu, qui vocatur Stranfeod segniter obsederunt castellum de Rath: Sed Valterus de Lacy, superveniens cum exercitu, eos fugavit; dehinc Curcy terram suam nunquam recuperavit.

Anno 1210. Engus filius Sumerledi cum tribus filiis suis occisus est.

Johannes Rex Angliæ tum classem 500. navium ad Hiberniam adduxit, eamque sibi subjugavit, & mittens Comitem quendam, qui nomine Fulco, ad Manniam, eam in una quindena fere omnino devastarunt, & suscipientes obsides ex ea in patriam reversi sunt. Reginaldus Rex, & optimates non erant in Mannia.

Post quæ, paucis interjectis, addit aperitque causam, ob quam à Mannensibus folio suo dejectus sit Reginaldus, & ejus frater Olavus, cui ut legitime nato sceptrū

Manniae pater moriens detulerat, à Mannensibus in locum Reginaldi sit constitutus. ità enim habet :

Mannenses
Olavum Re-
ginaldi fra-
trem Regem
sibi creant, re-
iecto Regi-
naldo.

Post modicum temporis Reginaldus sub occasione eundi ad Curiam domini Regis Angliae accepit à populo Mannia centum Marcas, & profectus est ad Curiam Alani domini Galwedie. Eodem tempore dedit filiam suam filio Alani in matrimonium. Quod audientes Mannenses indignati sunt valde, & mittentes propter Olavum, constituerunt eum sibi Regem.

Hinc eo ntinuè sequitur :

Anno 1226. recuperavit Olavus hereditatem suam, regnum videlicet Mannia, & insularum, quod Reginaldus frater ejus gubernaverat xxxviii. annos; & regnavit secure duobus annis.

Reginaldus
ad recupe-
randam Man-
niam pergit.

Anno 1228. Olavus cum omnibus optimatibus Mannia & fortiori parte populi transfretavit ad insulas. Paulo post Alanus dominus Galwedie, & Thomas Comes Etholiae, & Reginaldus rex venerunt ad Manniam cum magno exercitu, totam australem partem Mannia vastaverunt, & ecclesias spoliarunt, & viros quotquot capere potuerunt, occiderunt, & redacta est australis pars Mannia fere in solitudinem.

Et per hac reversus est Alanus cum exer-
citu

citu suo in terram suam, & reliquit Ballivos suos in Mannia, qui redderent ei tributa patriæ. Supervenit autem Olavus Rex & fugavit eos, & recepit regnum suum. Et cœperunt Mannenses, qui antea circumquaque dispersi fuerant congregari, & confidenter habitare.

Opponit se
Olavus.

Eodem anno inopinatò intempestâ nocte, hiemali tempore venit Reginaldus Rex è Galweddia cum quinque navibus, & combussit omnes naves Olavi fratris, & optimatum Mannie apud insulam S. Patricii, pacemque petens à fratre suo; mansit apud portum Ragnolewath quadraginta diebus; interim attraxit sibi omnes insulanos in australi parte Mannie, qui juraverunt se animas in mortem posituros, donec dimidium regni sortiretur: contra Olavus Aquilonares sibi adjunxit, & 14 Februar. apud locum, qui dicitur Tingvalla commissum est inter fratris prælium, in quo Olavus vicit, & Reginaldus Rex à quibusdam interfectus est ibidem, nesciente fratre. Et venientes pradones ad australem partem Mannie, vastarunt eam. Monachi de Russim. transtulerunt corpus Reginaldi Regis ad abbatiam S. Mariae de Fournes, ibique sepultum est in loco quē ipse sibi elegerat. Post hac Olavus adit Regem Norwegie, sed antequā illuc perveniret Haco Rex Norwegia quendā nobilem nomine

Reginaldus
occumbit.

Olavus adit
Regem Nor-
wegie.

Mormore, & prædicto Josepho. Vere sequenti Haraldus Rex venit ad insulam Manniam, & Loglennus in Walliam fugiens, cum Godredo Olavi filio, alumno suo, & 40 aliis Naufragio perierunt.

Anno 1238. Gospatricius, & Gillescrift filius Mackerthac venerunt à Rege Norwegie in Manniam, qui Haraldum ex Mannia excluserunt, & tributa ad opus regis Norwegie capientes, quod curiam regis Norwegie adire recusavit.

Haraldus Manniâ exclusus, quod Regem Norwegiæ non agnoverit.

Anno 1239. Haraldus Regem Norwegie adivit, qui post biennium confirmavit illi, & successoribus suis heredibus sub sigillo omnes insulas, quas antecessores possederant.

Haraldus Regem Norwegiæ adit.

Anno 1240. Gospatricius obiit, & in abbatia de Russin sepelitur.

Anno 1242. Haraldus rediit ex Norwegia ad Manniam, & ab incolis honorifice susceptus, pacem habuit cum Regibus Angliæ & Scotiæ.

Redit à Norwegia & Manniam possidet.

Anno 1247. Haraldus, uti etiam & pater, factus est miles à Rege Angliæ, & multis muneribus donatus, venit ad propria.

Eodem anno accersitus fuit à Rege Norwegiæ, & duxit ejus filiam. Et anno 1248. dum reverteretur cum uxore, Laurentio Manniæ electo, & multis nobilibus prope fines Redlandiæ, orta tempestate, submersus est.

Ducit Regis Norwegiæ filiam.

Rediens à Norwegiâ submergitur.

Reginaldus
Haraldi fra-
ter regnat.

1249. Reginaldus Olavi filius, frater
Haraldi cœpit regnare pridie nonas Maij,
& tricesimâ die ejusdem occisus est ab Yvaro
milite, & à suis in prato prope ecclesiam S. Tri-
nitatis ad australem partem, sepultusque est
in ecclesia S. Maria de Ruffin.

Occiditur.

Eo tempore Alexander Rex coadunavit
multas naves, ut sibi subjiceret insulas, & in
insulâ Kerwaray, febre correptus moritur.

Haraldus fili-
us Godredi
Don-Rex
succedit.

Haraldus filius Godredi Don regis nomen
in insulis usurpavit, omnes principes Haraldi
Regis Olavi filii exules fecit, & profugos ejus
principes & optimates pro eis constituit.

Veniens ad
Regem Nor-
wegiæ in-
carceratur.

Anno 1250. Haraldus filius Godredi Don,
vocatus per literas adiit Regem Norwegiæ, qui
detinuit illum in carcere, quod regnum injustè
occupasset. Eodem anno applicuerunt apud
Roghelwaht Magnus Olavi filius, & Jo-
hannes filius Dagaldi, qui Regem se nomi-
nabat, sed Mannenses agre ferentes quod
Magnus non nominaretur, repulerunt eos
à litore suo, quorum multi naufragio petie-
runt.

Magnus O-
lavi filius fit
Rex.

Anno 1252. venit Magnus Olavi filius
ad Manniam, & constitutus est Rex: sequen-
ti anno profectus est ad Regem Norwegiæ &
mansit ibi per annum.

Anno 1254. Haco Rex Norwegiæ con-
stituit Magnum filium Olavi Regem insu-
larum

larum & confirmavit eas sibi, heredibus suis, & nominatim Haraldo fratri ejus.

confirmavit
à Rege Nor-
wegiæ Ha-
quino.

Anno 1256. Magnus Rex Manniæ profectus in Angliam, sit miles ab Rege Angliæ.

4257. Ecclesia S. Mariæ de Ruffin, dedicata est à Richardo Soderensi.

Anno 1260. Haco Rex Norwegiæ venit ad partes Scotiæ, & nihil expediens; versus ad Orcades ibi apud Kirckwas moritur & sepultus est Bergæ.

Haquinus
Rex
Norwegiæ
moritur a-
pud Orca-
denses.

Anno 1265. obiit Magnus, filius Olavi, Rex Manniæ & insularum apud castellum de Ruffin, & sepultus in ecclesiâ S. Mariæ de Ruffin.

1266. Translatum est regnum insularum propter Alexandrum Regem Scotorum.

Inde eodem hoc Capite 30. lib. 2. hæc habet Seldenus: Neque enim sui juris erat Rex Mona. Sed subjugatus, solemnî fidei professione præstitâ (quam homagium vocant) in clientelam Angliæ regis concessit. Concessisse jam diximus devictam à Rege Johanne Reginaldum insulæ regulum; sed eundem vicissim à Mannensibus ob id rejectum, & in locum ejus assumptum fratrem ejus Olavum, qui præstitâ deinde homagii fide Norvagorum Regi, insulam ab eo, ut fiduciarius, tenuit, ut & liberi deinceps posterique ejus quod ex ante memoratis

quoque ipsoque quod posuimus, chronicio patuisse jã pro parte puto. Et statim quod sequitur ibidem in verbis Seldeni: *Ceterum & Scotorum imperio paulo post adjecit eam Alexander 1:1. Scotia Rex præfectumque imposuit, qui quoties opus esset cum tredecim triremibus ac quingentis classiariis subsidio ei foret. Hebridas item, pulsus Norvagis, recuperavit & ad posteros transmisit. At hîc quod addendum erat id est, primò non impositum ab Alexandro Mannensibus præfectum, sed Regulum, qui antea Norvagum respexerat, Regi Scotorum Alexandro homagium, quod vocant, fecisse: Ac inde quod alterum erat, ubi eam clientum suorum inclinationem secuturas videret reliquas insulas Rex Norvagorum Magnus, Haquini filius, de pace legatos misisse: quam cum Alexander, nisi receptis Ebudis sive Hebridibus, recusaret, tandem pacificatoribus ultro citroque commeantibus, convenit, ut Scotus, exceptis Hetlandia & Orcadibus, Ebudas teneret: in præsentia verò vel, ut alii, diversis vicibus 4000. marcarum argenti; in singulos autem annos centum marcas numeraret: Præterea ut Margareta Alexandri filia quatuor annorũ puella, cum per ætatem commodũ esset, Haquino Magni filio ex Ingeburgâ, divi*

divi *Erici* Danorum Regis filia suscepto, nuberet. Quæ tractatio Perthi celebrata resumptaque est postmodum ab *Haquino* ejus nominis quarto Norvagiæ Rege, & confirmata Ivernessæ in Scotiâ, præsentè *Roberto* rege, ejusque senatu, nec non *Haquini* regis legatis *Biornone* à Brikerò & *Ivaro* Nicolai Bergensium Canonicis: Qui pactis conventis non staret, is ecclesiæ Apostolicæ censuræ atque excommunicationi obnoxius haberetur, ac simul multam incurreret decem millium librarum Sterlingicarum. Subscripserant huic chirographo unâ cum rege Scotorum suaque sigilla imprefferant *Gamelus* divi *Andræ*, *Johannes* Glasnuenlis episcopi, *Alexander* Curius à Ruchon, Præpositus Dombariensis, *Gulielmus* à Mehr, *Adamus* à Corck, Comites; itemque *Robertus* à Menis, Baro. Ac postmodum cum jam Norvagia Daniæ esset annexa, tertio repetitus hic idem tractatus est sub *Erico* Pomerano, Daniæ Rege, per legatos præsertim Scotorum Regis *Jacobi*, ejus nominis primi, quod alibi relaturn est ad an. 1426.

Vide Hist.
Danicam
lib. 7. ad
an. 1262.

Historiæ Da-
nicæ lib. 9.

Quod deinde ibidem, in aperti hujus & immensi Oceani Hibernici parte occidentaliore aliud esse Regis Magnæ Britannia jus, idque latissime & per Americanum littus porrectum.

Seldenus memoret, id eatenus accipiam, quatenus natura patitur, ut vastum mare, ac omnibus patens, leges sibi ac compedes, ut sic dicam, imponi sinat. Concedam interim in littore, licet exotico & ab Hiberniâ Angliâque usque adeo ac tot parasangis remoto, modò vis major præsidiumq; adsit, quod velis, fortasse obtineas; at iis cessantibus cessare etiam jus omne, alterique validiori, id quidquid est cedere. De quo superius etiam Capite 14. ex verbis & responso Reginæ Elizabethæ, quod illa Hispanico olim legato, res à Draco in Indico Oceano acquisitas repetenti, reddi fecit, prolixius est dictum, jus scilicet in vastum oceanum neque populo cuiquam neque privato competere, cum nec naturæ, nec usus publici ratio occupationem permittat: Sed verba ipsa, ac cetera eodem spectantia, videnda superius loco jam di-

CAPUT

CAPUT XVIII.

Sanctio Parliamentaria de Mari Hibernico, quam adducit Seldenus, verbotenus posita, ac demonstratum de eodem mari aliud referri in Annalibus Gulielmi Camdeni.

Eodem præterea Capite trigesimo, hæc Lib. 2. habet Seldenus: *Temere nimis Elizabethæ Regina legatis excidit in dissertatione cum legatis Danicis de liberâ navigatione & piscatione in Mari Norvagico Brema habita anno Christi 1602: Reges Angliæ navigationem & piscationem in mari Hibernico inter Angliam & Hiberniam nunquam prohibuisse; ac si inde probari voluissent, nec piscationem nec navigationem inter Islandiam & Norvegiam à Dano prohibendam, quoniam neutri maris Domini, sed pari jure littora tantum utrimque possedissent. hucusque Seldenus; adjiciens inde, sanctione parliamentariâ diserte fuisse cantum, ne quis externus in mari Hibernico piscaretur, nisi impetrata prius à proregè aliove Regis Angliæ legato, seu magistratu ad hanc rem legitimo veniâ. Sed hujus sanctionis annum non addit, tantum verba*

verba edicti vernaculè recitat, ultimo & hoc adjiciens; *Certe & edicto vetuit Jacobus Magnæ Britannia Rex, ne quis exterius, non impetratâ veniâ, in mari hoc Hibernico piscaretur.* Ex quibus colligas concludasque prius edictum longo usu aut temporis præscriptione fortasse antiquatum, cum præsertim illius Elisabethæ Reginae legati memoriam aut notitiam habuisse non videntur: aut si eodem aut circiter tempore cum altero hoc, quod est Jacobi Regis, promulgatum postliminio sit, ad causam hanc non admodum spectet, cum Regi cuique suo in regno edicta promulgandi potestas semper fuerit. Verum operæ pretium judico totam eam dissertationem legatorum Reginae Elisabethæ, per id tempus cum Danorum Regis Christiani i v. legatis Bremæ habitam, hîc proximè subjicere, præsertim cum idem Seldenus, præter superius posita, alia insuper in eâdem non minus quam priora haud quaquâ probare videatur: Et tota denique veluti apologia sit adversus ista, quæ ab eo tractantur sparsim disputanturque. Est autem ista:

Exstet in historia Angli-
ca Cambdeni ad an.
1602.

Protectionem Episcopi Londinensis Christophori Perkinsii, & Joh. Sualii LL. doctorum, quos Emdam anno MDC. Regina legaverat, ut cum Danis delegatis tractarent, frustra cessasse

cēssisse diximus. Nunc denuo iisdem de rebus
 Bremam missi sunt à Regina, Radulphus Ba-
 ro Everus, Johannes Herbertus Secretarius
 Secundarius; Daniel Dunus Legum doctor
 à supplicum libellis, & Stephanus Leisnerus
 Assistens adjunctus: A Dano, Manderop-
 pius Pasbergius, Arnoldus Witfeldius Regni
 Cancellarius & Jonas Charisius Legum do-
 ctor. Angli conquesti sunt: liberam in Mos-
 coviam per septentrionalem oceanum naviga-
 tionem atque piscationem ad littora & insulas
 eisdem negari; atque vectigalia multiplicia
 in freto Oresunda, idque tantum pro transitu
 exigi, postularunt, ut fœdera inter Henricum
 Septimum Anglia & Johannem Regem Da-
 nia anno 1490, & inter Henricum octavum
 & Christiernam 2 anno 1523. recognosceren-
 tur, & his temporibus accommodarentur, mul-
 tiplex illa ac incerta novorum vectigalium ex-
 actio tolleretur, aut minueretur: & certa in ta-
 bulis cum certâ confiscationis ratione prescri-
 beretur, naves in freto non justo diutius deti-
 nerentur, querela privatorum componerentur,
 & bellicus apparatus in Hispaniam non sub-
 veheretur. Hinc inter eos disceptatum est; an
 principibus contra antiqua fœdera vectigalia
 pro arbitrio augere liceat. An hoc non sit
 contra equitatem, etiamsi usitatum, cum con-
 suetudo veritati & equitati familiari debeat.

An.

An, quæ gravissimo consilio constituta & aliquandiu utrimque tolerata, sine juris regii injuriâ abrogari possent. An liberum non sit Anglis, in Oceano septentrionali & in ejus insulis & littoribus piscari, & per eundem in Moscoviam circumnavigare, cum MARE sit LIBERUM omnibus, principes non habeant ejusmodi in mare dominium ut navigantibus ejusdem usum non minus quam aeris prohibeant, juxta illud Antonini Imperatoris: Ego quidem totius terra dominus, Lex autem Maris. An non igitur sit contra jus gentium ejusmodi dominium in mari usurpare, cum principes non habeant jurisdictionem, nisi in mari territorii suis propius adjacente, idque ut navigationes sint tutæ à piratis & hostibus, & Reges Angliæ navigationem & piscationem in Mari Hibernico inter Angliam & Hiberniam nunquam prohibuerint, etsi littorum utrimque domini existant, non minus quam Danus, Norvegia & Islandia, qui non alio nomine hoc jus sibi vendicat. Sin pro transitu ab Anglis vectigalia exigenda, Reginam itidem posse à Danis ad dominia, regna & insulas suas adnavigantibus non minora exigere.

Ecce mare vult clausum esse nec liberum aut omnibus commune Seldenus; at Anglici legati serenissimæ Reginæ Elizabethæ id esse liberum ac omnibus com-

mune

munne; littora tantum dominii esse capacia, asseverant. Sic idem Hibernicum mare exteris esse prohibitum; nec adiri, inque eo piscari, nisi impetratâ veniâ, licitum scribit, cum Anglici iidem legati nihil hujus meminerint; dicantque Angliæ Reges navigationem & piscationem in mari Hibernico inter Angliam & Hiberniam haud unquam prohibuisse. Si haud unquam prohibuerunt, quo spectabit igitur sanctio parlamentaria; cujus injecta superius mentio? aut eam non esse talem aut desuetudine longâ oblitteratam dicendum, ac postmodò statutam resumptamque, defunctâ jam Reginâ: cujusmodi est Edictum, de quo continuo injicitur, *Jacobi* Regis, ad causam hanc, ut est jam modò quoque memoratum, non adeò faciens: cum principum cuique, ut est ostensum, suis in ditio-nibus edicta antiquata vel resumere vel nova condere, perpetuo integrum fuerit.

In verbis autem & oratione eorundem legatorum, quod de Islandiæ & Norvegiæ littoribus dicitur, notandum Ordericum & illos infimæ vetustatis authores solis Norvegiæ Regibus maris etiam istius Hyperborei dominium asserere, quod verbis eorum Capite insequenti fiet clarius.

CAPUT XIX.

Norvagos esse indigenas, non, ut eos appellat Seldenus, exteros insularum in Scotico mari inhabitatores. Norvegorum insuper ex Orderico Vitali in mari eodem dominium; aliæque aliunde demonstrata.

SEquitur hinc apud Seldenum Caput libri secundi trigesimum primum: in quo, præter alia, ista legas: *Hæc scripsit ille (Giraldus Cambrensis) sub Henrico II. ad eum ut interdum appendices illæ regni Britanniarum marina, Septentrionalibus in oris, ab exteris invaderentur; Ab exteris ait, Norvagus scilicet & Danis, sui & verborum, quæ paulo ante ibidem præmiserat, minus nemor, istorum nimirum: Septentrionalius autem, quod Scotia objacet, Mare Norvegis & Danis, insularum ibi Dominis, olim ferme parebat. Unde & Gothicè Orcadum incolæ etiam nunc loquuntur. Ecce Seldene clarissime, cum ex tuâ ipsius confessione insularum earum Domini Dani olim Norvegique fuerint, quomodo eos, ut exteros, accusas, qui eas interdum (ita loqueris) ut appendices*

*dicēs regni Britannici invaserunt? Et magis cum idioma eorum, quod addis, Gothicum, id est, ut loqui debuēras, Norvegicum fuerit? Quod enim esse certius indicium indigenæ non exterae gentis potest, ubi de soli ac sali, ut sic dicam, dominio certamen & controversia est, quam gentis loquela vernacula ac sermo? Is si Anglicus aut Britannicus, vel eo accedens, deprehensus hīc fuisset, momentum non leve attulisses. At modò Gothicè, id est, Norvegice non Britannie loqui, ipsemet passus, tamen exteros, tui parum memor, eos appellas. Sed & ipsa Giraldi verba, quæ respicis, imo & ponis eodem hoc Capite, num id, quod vis, dicunt, interdum scilicet, *invasas eas à Norvegis insulas*; idque ut *appendices regni Britanniarum marinas*? Nequaquam sane. Ità enim disertè habent Giraldi verba Topograph. Hiberniæ Dist. 2. cap. 11: *In Oceano boreali trans Ultoniam & Galwediam sunt insula varia, scilicet Orcades & alia multa, quarum fere omnium dominium & subjectionem Norwegienses obtinuerunt. Licet enim aliis regionibus longe propinquius adjaceant, gens tamen ista magis scrutatrix Oceani præ omni genere piraticam vitam ducere solet. Unde & omnes eorum expeditiones & bella navali certamine**

H

fiunt.

fiunt. Quæ sane ejusmodi sunt, quæ Seldeni non modò verba penitus rejiciant, & alium ab eo allatum eorum sensum demonstrent; sed & hoc quoque, manifestum reddant, quod sibi & suis dari hîc maris dominium satagit, iis ipsis in uivèrsum negari, dum oceani hujus scrutatricem gentem Norwegos Giralduſ vocet; & id, ut adjicit, præ ceteris omnibus. Nec *scrutatricem* tantum, sed & *dominatricem* intelligit, cum dicat, ut posuimus, *Orcadum & earum fere insularum omnium dominium & subjectionem Norwegienses obtinuisse.*

Ecclesiast.
Histor.
lib. 10.

Hinc Orderici Vitalis de Magno, Norwegorum Rege, verba advocat, quibus ostenditur, ut ipsa ejus verba habent, *magnam potentiam in insulis Oceani habuisse eum*, addito, eundem deinde Vitalem hæc præterea memorare: *Orcades & Finlandia, Islandia quoque & Groenlandia, ultra quam ad septentrionem terra non reperitur, aliaque plures usque in Gotlandiam Regi Noricorum* (ita Norwegos nuncupat) *subjiciuntur, & de toto orbe divitiæ navigiis illo advehuntur.* Quæ sane iterum ejusmodi sunt, ex quibus nullum Regibus magnæ Britannię in mari hoc vasto sive id Orientale sive boreale sit, dominium fuisse demonstretur, sed ejus non modò maris dominatum

minatum Norwegis eorumque Regibus tribui, verum ulterius insuper eorundem Norwegorum potentiam ac navigationes expandi; dum addit, *de toto eos orbe divitiis anquirere* domumque reportare classibus. Quod nec diffiteri Seldenus potest, qui eadem ex Orderico Vitali adduxit. Et paulo ante ex Chronico Roberti de Monte, qui floruit circa annum 1210, quique Chronicon Sigiberti continuavit, verba quoque ejus ad an. 1167. haud quaquam præteriens Seldenus idem diligentissimus, ista posuerat: *insulas eo in mari* (hyperboreo) xxxii. tenuit ante annos cccclx. *Rex insularum dictus, tali tributo de Rege Norwegia, quod quando Rex Norwegia innovatur, Rex insularum dat ei decem Marcas auri, nec aliquid facit ei in totâ vitâ sua, nisi iterum alius Rex ordinetur in Norwegiâ.* Quod egregium antiquitatis monumentum satis quoque superque demonstrat veterum Norwegiæ Regum jus ac consuetudinem, quâ illis perpetuò obnoxii devotique insulani isti insulæque fuerint. Nam ab anno 1167. si retro computemus, annosque circiter quadringentos sexaginta subducamus, nonne annū habebimus septingentesimum & qui excurrit, de quo ista Robertus memorat? Tum sci-

licet haud aliis quàm Norwegiæ Regibus paruisse has insulas, ac eos, ut dominos agnovisse; dum auri scilicet marcas decem, quotiescunque Rex novus apud Norvegos inauguraretur, homagii, quod dicitur, ac fidei clientelaris nomine dependerent? Hinc addens continuo: *Postmodum verò cum inter Alexandrum Scotia Regem tertium, & Magnum Norwegia, quartum, uti & inter Robertum Brusium Regem Scotia & Haquinum Norwegia pacta inita erant de his insulis, ut ad Scotorum imperium pertinerent; fieri nequivit, quin domini maritimi, quod circumvicinum Norwego heic fuit, simul cessio accederet, involvere conatur & obscurare, quod evolutum superius cap. xvi. & cunctis clarè ob oculos positum dedimus, id nimirum pacti inter Alexandrum Scotia Regem, ejus nominis tertium, Magnumque Norwegiæ, non de omnibus borei hujus maris insulis fuisse initum, sed de Hebridibus sive Ebudis tantum, Hetlandiâ cum Orcadum insulis exceptâ: nec eas præterea simplice vice Alexandro tum traditas, sed eâ lege, ut Regem Norvagarum recognoscens Scotus certam æris summam, quæ superius est expressa, semel numeraret; atque inde quotannis aliam, quæ ibi quoque memoratur. Et essent postremò*
inter

ter Magni filium Haquinum, ac filiam
 alexandri Margaretam, ubi ad nobiles ea
 annos pervenisset, nuptiæ. de quibus suo
 tiam loco à nobis memoratum est. His e-
 m in modum explicatis, evanida jam esse
 oncidereque liquet, quæ inducere heic
 Seldenus studet, quasi fieri nequeat, quin
 hominii maritimi, quod circumvicinum
 Norweco hic fuit, simul cessio accesserit.
 Nam cum nihil ejusmodi fuerit, quod ex
 allatis jam patuit, & ipsemet Seldenus sa-
 tis agnoscere videatur, ideo conjecturis
 solis ac dubiis se verbis muniens insistens-
 que addit postremò, hæcque sic claudit,
 inquit: *Possidebat tamen plerumque Nor-
 wegus; & postea junctis Norwegia & Da-
 nia regnis, Danus; usque dum Christianus
 primus Norwegia & Dania Rex, cum Mar-
 garetam filiam in uxorem traderet Jacobo ter-
 tio Scotiæ Regi, insulis hisce prorsus renuncia-
 verit, jusque suum omne tum in Orcadibus
 tum in Hetlandicis insulis ceterisque citerio-
 ris partis maris Hyperborei in generum ac suc-
 cessores circa annum salvis 1470. (sive verius
 1468.) transtulerit. Ex quibus sat liquet,
 jus ditionemque maritimam hinc omnem
 harum insularum marisque hujus penes
 Danum hucusque stetisse. Quod verò ad-
 ditur, occasione nuptiarum, quæ cum Rege*

Scotorum Jacobo III, ac filiâ Christierni
I, Danorum Regis, Margaretâ sunt initæ,
omne jus non Orcadum modò, sed & ce-
terarum citerioris partis hyperborei maris
insularum, in Scotum à Christierno ex-
inde esse translatum, ea longius ire, largi-
usque, vel potius implicatius, prolata quis
non videat, cum iis sub verbis ea intelligi,
quæ eo non spectent, facillime queant?
Quo igitur clarior res sit, omnibusque con-
stet, quid Scoto iis in nuptiis tributum,
Danusque sibi servarit, ipsas nuptiales ta-
bulas in testimonium advocabo, modò al-
tius nonnihil ex ipsâ historiâ, quæ in sche-
dis adhuc Ms. tenetur, singula prius repe-
tiero, quæ ità se habent:

*Mense vero Aprili anni ejusdem (1468)
litteras ad Regem Scotorum Jacobum, ejus
nominis tertium misit (Rex Christiernus) ef-
flagitans identidem, ut ex annuis redditibus in-
sularum Sudora & Mannora, quod juxta
contractum, qui eâ de re inter reges olim Nor-
vegia ac Scotia, Magnum atque Alexan-
drum, fuerat initus, debebatur, sibi more con-
sueti redderetur: simulque declarans, nihil
antiquius esse sibi, quàm amicitiam & pacem
cum vicinis ac Rege præsertim Scotorum cole-
re, teneri inter reæ sacramenti, quod præstiterat,
vi, jus ac dignitatem veteraque privilegia ac
fœdera*

fadera Regni sui Norvagici conservare ac tueri: iterum iterumque eundem Scotorum Regem commonens, ut, quod ipsi regnove ejus solvendum restaret, id dependeret, quò ità pax tranquillitasque facta utrimq; ac testā haberetur: nec se, modò id absque detrimento juris ac prerogativarum regni jam dicti, possit fieri, ullo pacto defuturum officio.

Quibus responderi Rex Scotorum curavit, se, postquam ab obitu parentis sui laudatissima memoria regni gubernationi esset admotus, omnino ac serio propositum habuisse sibi, amicitiam ac pacem cum vicinis dynastis ac Regibus colere, & maxime cum Rege Danorum Christierno: præsertim cum utriusque regna ac diuisiones adeò invicem conterminæ essent, ut subditi singulorum quotidianis inter se gaudeant commercijs. Quod verò pensionem eam attineret, cujus in literis mentio fieret, ejus se nullam, utpote ætate adhuc minorem, nec rerum, quæ ad regnum pertinerent, satis gnarum, habere notitiam declarabat, & maxime cum ea nec parentis sui, nec avi temporibus pensata fuissent. Se itaque primâ occasione statuisse in Daniam legatos suos mittere, & per eos cum ipso, tam eâ de re, quàm de aliis quoque, ad pacem ac concordiam utrimque spectantibus, propius agere. amiceque idcirco petere, vellet id ratum gratumque habere, ac significare,

care, tempusque statuere quando potissimum ipsi integrum foret, ejusmodi cum legatis suis negotium auspicari.

Rex Christianus reddito responso, significabat, sibi peracceptum fuisse, intelligere, non minori ipsum quam se cum omnibus Christianis, & præsertim vicinis principibus, colenda pacis teneri desiderio: & ideo præsiniisse, ut ad festum divi Iacobi Hassnia legati ejus præsto adessent.

His acceptis, Rex Jacobus ex ordine tam sacro quam equestri ac prophano legatos in Daniam destinat. Princeps autem universæ legationis habebatur Andreas Stuartus Regis Cancellarius. Ac mox dicto tempore postquam Hassniam accessissent, subsistere nonnihil, absente apud Suecos Rege, atque expectare adventum ejus tenebantur. Interea ex Regni utriusque, tam Danie quam Norvagiæ senatu, nominati, quibus in antecessum cum eis conferre atque animum eorum tentare in mandatis fuit. Scoti id præcipuum in medium adducebant, nihil ex commodo utriusque Regis ac regni magis fore, quam si pax utrumque perpetua, & quæ ejus, quasi vinculum foret, si nuptia simul inter serenissimum suum Regem Iacobum & filiam unicam Christiani Regis Margaretam instituerentur. atque ut eo pacto, quæ petebatur, annua ac tot anno-

rum residua pensio, quæ hucusque cladum
haud exiguarum occasionem præbuisset, pro
parte dotis, quæ sponsa erat assignanda, remit-
teretur, &c.

Rex igitur Christianus, ubi in regnum mox
regiisset, haud multo post, re cum senatu, qui
aderat, Norvagici regni, propius perpensâ,
agi permisit de pactis utrimque dotalibus in
modum fere ut sequitur:

Quo in posterum vetus controversia de Or-
cadibus ac Soderensibus insulis, magnis utri-
usque populi cladibus agitata, tollatur; & a-
micitia inter regna ac subditos utrimque sit
firmior, cedit ac transfert Rex Christianus in
Regem Scotia Jacobum ac filiam suam Mar-
garetam, eorumque hæredes ac liberos, annuas
eas pensiones, quæ insularum earum nomine
debentur, loco dotalis portiuncula. Eruntque
pacta omnia, quæ eâ de re facta aliàs essent,
nullius exinde momenti ac ponderis. Et super
hæc, in dotem ei Rex cedit, sexaginta aure-
orum Rhenensium millia; ejus summa, prius-
quam è Dania regno sponsa digrediat, nu-
meraturus aureorum decem millia. Quod ve-
rò reliquum esset, supplerent insula regni Nor-
vegici jam memorata, unâ cum jurisdictione
ac ceteris eodem pertinentibus: hæc tamen lege,
ut insulas eas eousque teneat Scotia Rex, do-
nec vel ipse vel ejus hæredes, Dania ac Nor-

regia Reges, aqua vicissim portione easdem redimant. Ad vitam cedat sponsa palatium de Lindle &c. Si mori vel Regem vel Margaretam contingat ante celebrationem nuptiarum, omnia jam pacta irrita habentur.

Sequitur deinde, interjecto nonnullo intervallo, eadem in historiâ.

Hinc cum Scotia legati, de quibus modo dictum, ad Regem suum retulissent, omnia ex sententia esse transacta, proxima fuit deliberatio, de honesto nobilium globo, ad novam nuptam à Daniâ ad Scotos deducendam, mittendo. Estque proximo statim anno, qui fuit supra millesimum quadringentesimum sexagesimus nonus, instructa cum classe missus Thomas Bodius, Roberti filius, Comes Arania; idque assensu omnium, & maxime Anglicorum haud ex infimis, qui cum intestino odio absentem potius, quàm præsentem volabant, ut mox patebit. Qui & saluus in Daniam cum illustri comitatu mox advenit. Priusquam verò, rebus jam peractis, solverent deinde à Dania legati iidem, Scotiam cum sponsâ petiuri, egit cum eis Rex, ob impensus, quæ & indices in Sueticum bellum essent faciendæ, ut loco decem aureorum millium, qui erant, juxta pactum dotale, quamprimum in Scotiam esset sponsa deducenda, Scoto adnumerandi, duo tum millia acciperent; nomine verò reli-

quorum

quorum octo millium cederet Scotia Regi regni sui Norvagici insulam Hetlandiam, eâ lege, ut eam cum proventibus omnibus Scotus non aliter atque Orcades consque sibi retineret, donec eam, redditus octo illis aureorum millibus, Rex Christianus, vel ejus heredes redimerent. Inde in Scotiam, adulto jam vero, Danica classis reginam deduxit, &c.

Hac eâdem de re exstant quoque Johannis Ferrerii, Pedemontani quidem, sed cui supellex historica ab Henrico Sainclair, episcopo Rossensi, ex archivis Scotiæ subministrata est, ista verba: *In mari præterea Dencalidenio, ad Circium & boream, sunt Orcadum insula proxime ad littas Scoticum sita, numero 28. hodie tantum habitata; atque supra Orcades ad centum milliaria & amplius Norwegiam versus reperiuntur Schetlandia numero 18, qua hodie ab hominibus incoluntur & Scotiæ Regi parent; de quibus magna fuit prioribus sæculis inter Scotos & Danos contentio, possessore tamen Dano. Has omnes Christiernus Danorum Rex, novi matrimonii gratiâ, Jacobo Scotorum Regi, cum Margareta filiâ possidendas pacifice tradiderat, quonunque vel ipse, vel posteri ejus dotis nomine quinquaginta millia florenorum Rhenensium nondum dissolutorum, Regi Scoto vel successoribus ejus persolvant. Sic enim nos ipsi vidimus*

vidimus & legimus in Matrimonii dominae Margareta, Danorum regis filia, tabulis nuptialibus cum Jacobo ejus nominis tertio Scotorum Rege confectis & utriusque Regni sigillis decenter consignatis, anno domini 1468.

Quæ omnia perspicue satis indicant, quousque & quibus legibus earum insularum cessio celebrata iis diebus à Dano fuerit; ut mirari subeat, Seldenum, qui proximè suis verbis verba ista Johannis Ferrerii, à nostris, quæ jam quoq; adduximus, non admodum dissentientia, hac eadem de re subjicit, adeò ab eo, & quæ ille adfert, recedere. Sed video quid responsurus Seldenus sit, sequi scilicet se Ferrerii ejusdem relationem ac verba, quæ & proxime ipsemet posuit expressitque, ista scilicet: *Postea verò cum domina Margareta Regina peperisset filium suum primogenitum Jacobum, Scotia principem, Rex Danus fœcunditatis filia suæ congratulaturus in perpetuum renunciavit juri suo de insulis maris Denicæ, nempe Orcadibus, Hetlandiis & aliis, quas sub hypotheca in matrimonio filia Regi Scotiæ cum eâ tradiderat. Ità quidem, quem dixi, Ferrerius in eo, quod Hæctori Boetio supplementum adjecit; Et sequitur cum dictisque ejus oppidò se obsequentem Seldenus præbet. Quod ab eo tamen factum*
hfc

hinc noluissem : cum ejus in Actis Danicis nihil memoratum reperiam : & ipse Ferrerius Renunciationis ejusmodi tabulas se, ut priores, vidisse neget, sed in archivis regni Scotici asservari asserat, idque se auditione percepisse. Verba enim ejus ibidem ita habent : *Hujus renunciationis tabulas in archivis Scotorum principum asservari audio.* Quam igitur minus probatio ea firma sit, hinc liqueat, quamvis interea tale quid factum, aut fieri potuisse haud magnopere negaverim; & esse fortasse domestica acta, quæ me lateant, facile concesserim.

CAPUT XX.

Explicatur Taciti locus de vasto boreæ mari. Albericus Gentilis, qui Tacitum pro se advocat, ex Tacito obiter redarguitur.

POST hæc, Capitū Libri secundi, quod est apud Seldenum omnium ultimum, trigesimo nimirum secundo, haud sibi Seldenus ait, post Scoticum mare, etiam illud mare, quod in septentrionem latissime panditur, Frislandiam, Islandiam alias item insulas

insulas, Dani Norwegique imperio subiectas alluens, prætereundum: idque ob causam, quæ apud eundem exprimitur ejusmodi: *Nam* (sunt ipsiusmet verba) *etiam & hoc Britanno tribuerunt aliqui. Albericus Gentilis ad illud Taciti. in vitâ Agricola: Britanniæ septentrionalia, nullis contra terris, vasto atque aperto mari pulsantur: vides, inquit, quàm protendatur Regis Magnæ Britanniæ imperium longè in Meridiem, Septentrionem & occasum: Ac si quidquid fere maris Britannis etiam in aperto oceano ullibi objaceret, Regis magnæ Britanniæ ditioni pareret.* Hucusque Sædenus, statuens cum Alberico illo Gentili, metatore parum æquo & sine ædilium suffragiis constituto, omnia maria tam in boream, quàm meridiem, aut occasum, Britanniam latissimè cingentia, ad obsequium unius Britanniæ pertinuisse olim hodieque pertinere; idque ex verbis Taciti. Quæ tamen si recte accipiantur, nihil aliud volunt, quàm Britanniæ littus à parte boreali vastissimo mari, quod verissimum est, allui. Aliàs Tacitus, quod & ostensum superius, suam cuique tribuendum non ignorans, *Mare*, quod à Meridie Britanniæ adversum est, *Gallicum* accurate nominavit. Et Plinius, quod suo quoque loco jam modo est dictum,

dictum, è Norwegia navigari in Thulen, quæ hodie Islandia dicitur, solitum memorat. è Norwegiâ inquam non Britannîâ; ut facile hinc pateat, quam rectè vastum hoc mare ad solam referri Britanniam debeat; aut asseri mare, quod eidem Britannîæ est meridionale, Britannici tantum esse dominij; cum *Gallicum* ibi *Mare*, quod jam est memoratum, Tacitus agnoscat.

CAPUT XXI.

Maris borei ac Islandiæ circumflui usurpationem penes Reges semper Norwegiæ fuisse. Daniæ Norwegiæque Regum Erici & Iohannis I. diplomata hanc in rem posita propiusque expensa. aliaque eodem spectantia.

MOx clarissimus idem Seldenus, eodem trigesimo secundo Capite libri jam dicti posterioris, propius accedens ad Mare, quod Islandicum vocamus, id *Daniæ Reges, quæ Norwegiæ Reges sunt, ex jure, si non malè obtinent, vetusto*, (itâ habet ejus verba) *viudicare sibi*, ait. Imo ex jure verè vetusto; nec id, ut tecum Seldene loquar, malè obtendere Daniæ Reges, ostendunt, præter alia,

alia, quæ ex Plinio attulimus, qui navigatum in Thulen sive Islandiam è Norwegiâ vetustissimus jam seculis refert. Tum & ostendunt verba, quæ ipsemet citas ex Oratione legatorum Erici Daniæ & Norwegiæ Regis ad Henricum quintum Angliæ Regem, habita anno 1453. Sed ea verba ex eorum Oratione priusquam pono, notandum, malè à te, ex schedis tuis vetustis Bibliothecæ Cottonianæ, annum ibi adscribi 1453, cum eo tempore nullus Ericus Danorum Rex fuerit, sed Christianus, ex stemmate domus Oldenburgicæ Daniæ ac Norwegiæ Regum primus. Interim Ericum hîc intelligendum, & aliquot de calculo illò demendos annos clarum sit, præsertim cum istam controversiam sub eo agitatam ex historiâ Danicâ ad ann. 1431 pateat; Et ipse, eâdem hac paginâ ac Capite, fædus inter Angliæ Regem & hunc Ericum citans, annum ponas 1432. Jam verba Erici, aut legatorum ejus, quæ laudas, hæc sunt: *Invictissime Rex Angliæ, scire dignemini, quod gratiosissimus dominus noster Rex Norwegiæ &c. præfatus habet insulas aliquas videlicet Islandiam, Fero / Hietlandt / & alias plures ad regnum suum Norwegiæ pertinentes, ad quas nulli ab antiquo solebant accedere de terris alienis ex quibuscunque*

basque causas sive piscandi sive mercandi-
 zandi, sub pœna vitæ & membrorum; non ma-
 gis homines regni Norwegiæ, quàm aliorum
 terrarum, præter specialem licentiam regie
 Majestatis. nec de aliquo alio loco post ob-
 tentam licentiam exire licebat, quàm de civi-
 tate Bergensi, nec redire ad eundem locum ces-
 sante inevitabili necessitate ubi eas custodias &
 alia jura ad regium fiscum exsolvere oportebat
 juxta antiquissimam regni Norwegiæ consue-
 tudinem, sine aliqua hominum in contrarium
 memoriâ penitus observatam. Quibus alia
 continuo adjiciens, Christophori quoque
 Danorum Regis diploma, aut ex eo eun-
 dem in sensum verba adducit: ut & fœdus
 jam ante inter Ericum Daniæ & Henricum
 Angliæ Reges ictum an. Christi 1432: in-
 jectâ simul mentione sanctionis Henrici sexti
 Parliamentariæ, quâ per annos aliquod ejusmo-
 di itidem in Norwegi gratiam, sunt verba Sel-
 deni, interdictum obtinuit. Quæ omnia licet
 ejusmodi sint, ut eo in mari easque in insu-
 las Regum Daniæ ac Norwegiæ dominium
 satis indicent, tamen addere continuo Sel-
 denus huncque in modum loqui insistit:
 Adeo ut frequentia sint diplomata, quibus à
 Regibus nostris postea venia Islandiam, Fin-
 marchiam, alias Norwegiæ & Sueciæ Regis
 provincias adeundi Anglis indulgetur. Quæ

non video, quomodo connecti aut quadrare superioribus possunt, præsertim iis, quibus in gratiam Norwegi Henricus Angliæ Rex interdixisse suis dicitur, ne Islandiam idque mare, nisi secundum leges à Norwego præscriptas, frequentarent, & id quoque interdicti per annos aliquot obtinuissent. Quod igitur sequitur : *Sed ipsa lex, cuius vis ex ejusmodi indultis, pro Regis arbitrio relaxabatur, sub Henrici octavi initus est antiquata. Et de eo tempore Joannes Major, quotannis inquit, ad Islandiam, ultra circulum arcticum, Anglorum classis pro piscibus habendis proficiscitur* : Id intticius positum, nisi ultimis, quæ Majoris sunt verba, aliquatenus explicaretur.

Nam ea qualiscunq; fuerit in Islandiam profectio, non aliter accipienda, quàm Regum Daniæ Norwegiæq; indultu permiffa. Sic anno 1468, quæ exercita ab Anglis item in eandem insulam & insulanos, sub Eduardo IV Angliæ & Christiano I Regibus, non tam negotiato quam vis ac violentia, trucidato, qui erat inibi Daniæ Regis profecto, ac multis eodem ludibriis affecto, eam quanta deinde mala exceperint ostendent suo loco ad annum jam dictum rerum Danicarum res ac memoriæ. Et ut gustum eorum aliquem præbeam, ita
habet

habet in Rebus Christierni, quæ in schedis adhuc servatur, historia nostra :

Erant quidem hoc tempore inter Angliæ & Daniæ Reges amica omnia ; idque demonstratum Anglorum præcipue Rex Eduardus I V. voluit, missâ per hos dies ad regem Christianum muneri prætoriâ navi, affabrè exstructa ornataque. Invenio interim controversiarum iliadem quandam uatam, ex contractu, quo cautum erat, ne quis Anglorum sine Danorum regis peculiari permisso Islandiam suis navibus ac mercimoniis frequentaret ; idque sub amissione bonorum & vitæ. Fueratque hoc Regium Placitum, permittente Eduardo rege, Londini publicatum. Angli nihilominus, & in his Londinenses præsertim ac Bristoonenses, hoc ipso anno 1468, Islandiam adeunt, nescio non solum rege ; sed præfectum quoque ejus vi armatâ impugnant ac trucidant, direpto ac diruto, quod inhabitabat, regio prædio : Nec id modo, sed dispoliatis insuper incolis ; eorumque ædificiis incensis, etiam præfecti cadaver inhumari prohibuerunt ; eique intra navigii furos assumpto varie ac barbarum in morem illuserunt. Cujus facinoris crimen, ubi præfecti conjux liberique ac ceteri, qui perpeSSI detrimentum opprobriumque fuissent, ad Regias aures deferri fecissent, petentes simul ut scelus tam enorme, tamque inhumanum pro merito

puniretur, & sibi ut damnum præstaretur, co-
 actus est rex Christianus in freto Oresundâ
 manum injicere tribus aut quatuor Anglorum
 navibus, Londino ac Bristoâ profectis: Hisque
 ac bonis earum distractis, sibi ac conjugii præsi-
 dis sui, ceterisque satis fieri curavit. Interea da-
 tis ad regem Eduardum codicillis, causam &
 occasionem retentarum à se navium amice ac
 tempori perscripsit; ne fortasse aliorum falsâ re-
 latione aliud Eduardus animo conciperet. Pre-
 catusq; est eum Christianus rex, cum ejus juf-
 su ac voluntate certò sciret nihil ejusmodi pa-
 tratum, vellet subditos suos, qui sceleris rei ef-
 sent, dignis pœnis afficere; & adjuvare ut da-
 mna ab ipsis data resarcirentur; quo omnia in-
 tegra, & amicitia præsertim inter ipsos facta
 recta maneret. Similiter & literas misit ad An-
 glia emporia celebriora, mercatorum singulos
 commoneans, caverent suas in naves vel Londi-
 nensem vel Bristoensem bonâ assumere, sub
 pœna amissionis tam bonorū eorundem, quàm
 navium. Hinc variæ simultates natæ, quippe
 suspectabat rex Eduardus urbes Prutenicas ac
 Vandalorum, quasi regem ij Christianum
 incitassent ad retentionem Anglicarum navi-
 um: Et idè eorū quoque navibus fortunis-
 que injicere manum suis in portibus instituit.
 Quod continuo ad Eduardum datis literis ex-
 cusavit rex Christianus, orans atque obsecrans,
 ne

ne Vandalicis urbibus impingeret, cujus causam præbuissem subditi ipsius. Quod & aliis codicillis ad principes, dynastas ac civitates hinc inde missis hand sublicit, usurpans in iis (Latine enim scripti erant) hæc formalia: *Arte & ratione cum vivat hominum genus, nequaquam impetu, quo feruntur bestia, sed ratione quâ bestius præstat homo, hominum sunt opera judicanda. Sicque tuenda modis est omnibus innocentia, ut qui non sunt in causâ conficii, non sint in pœnâ focii, nec in mulctatione participant, qui in crimine non communicant.*

Contractus inter Eduardum Anglorum Regem & Christianum I, cujus in verbis superioribus injicitur mentio, initus Hamburgi fuerat sub annum Christi 1485. Estque ut fœdus habitum, quod ad vitam non modò, sed & post utriusque regis excessum integro biennio ac deinceps eousque duraret, dum esset, qui retractatum id cuperet. Interea singulorum subditis fas utrimque esset agere, versari, negotiari in ditibus, civitatibus, opidis, portibus, fretis cujusque libere & sine offensione, soluto solum, qui pro more & consuetudine deberetur, censu ac telonio. Inde secundo statim capite eodem in contractu: quod ad Islandiam, hæc est legere: *Operam Rex Anglorum dabit efficietque, ne subditi ejus sine*

I 3

peculia-

peculiari Norwegia regis indultu vel navigent in Islandiam, vel ibi, aut circa eam negotientur terramque frequentent in detrimentum regis Norvagorum, sub pœnam vita ac bonorum; uti nec in Halogelandiam ac Finmarchiam, nisi necessitate eò ac tempestate appellere adigantur. Quod si fiat, ibi tamen negotiari fas ipsis haud erit. Cætera quæ sequuntur de immunitatibus ac prærogativis, quibus fruerentur tam Angli in Daniâ, quam Dani in Angliâ, aliaque cum ad causam præsentem non spectent, hîc omisimus, ibi suo loco & tempore videnda.

Hîc verò idque seorsim, nequaquam prætereundum, quod vel maxime Daniæ ac Norwægiæ Regum hoc in mari dominium indicat, quod isto inter Eduardum Angliæ & Christianum Daniæ Regem & fœdere cautum memoratur, ne Anglorum quispiam Islandiam aut istas oras appelleret; si autem necessitate aut vi ventorum id fieret, negotiari tamen ibi fas ipsis haud esset. Nam & olim similiter, cum maris dominarentur Carthaginenses, Romanis modum poluerunt, iusseruntq; ne vel Africam vel Sardiniam appellerent, nisi aut commeatus recipiendi vel naves reficiendi gratia, quemadmodum id memoratum ab auctorum maximo Polybio legitur.

Hinc

Hinc addit continud ista :

Ceterum atcunque de borealioris hujus dominio fuerit statuendum , ejusmodi nihilominus saltem servitus perpetua olim , initis inter Norwegia & Anglie Reges pactis , ei imponebatur , ut ad Islandiam adeundi & hoc mari utendi , fruendi jus item perpetuum subditis regis Anglie etiamnum permaneat. Idco enim Hassnia , inter Henricum Anglie V I I . & Johannem I I . Dania & Norwegia reges , fœdere an. Christi M C D X C . sancitum est , quod mercatores & homines ligi piscatores & quicunque alij regis Anglie & Francie subditi libere possint temporibus futuris in perpetuum ad insulam Thute , id est , Islandiam , cum eorum navibus & bonis & mercandisiis , victualibus & aliis rebus quibuscunque emendi , vendendi , piscandi sive mercandisandi causa navigare , accedere & intrare ibique morari & more mercatorio conversari , & ab eadem redire & libere revenire toties quoties eis placuerit absque prohibitione , molestatione vel impedimento nostro herediumve nostrorum & successorum in regnis Dania & Norwegia vel officialibus nostrorum quorumcunque , solvendo tum in illa insula , tum in portibus ejusdem , in quibus appellere eos contigerit , jura & telonia debita & consueta ; proviso semper quod lapso septennio post datum presentium

immediate currente, novam licentiam à nobis & successoribus nostris regibus Daniae & Norwegiae petant & obtineant, ut sic de septennio in septennium, mercatores & omnes praedicti nos & successores nostros reges Daniae & Norwegiae in impetratione nova licentia in perpetuum recognoscant.

Huc usque Seldenus, tam suis, quam verbis ex utriusque Regis diplomate allatis, locutus fuit. Quæ suis verbis dicit, hoc vitij habent, quod Regem Daniae Johannem, ejus nominis secundum faciat, cum ejusmodi apud Danos nullus fuerit. Fuit enim Rex Johannes I; nec præter cum eo nomine alius. Cæterum diploma ipsum satis manifestò indicat, nullum hæc Anglis jus, sed Daniae ac Norwegiae Regum hoc totum fuisse & ab illis manasse universum, quod Anglis indultum hic fuit. Idque certis legibus, quæ jam positæ memoratæque sunt. ut iterum iterumq; non videam, quomodo Seldenus, postquam etiam addidisset, renovatum Hassniense illud fœdus inter Christiernum II Regem Daniae & Angliæ Henricum V III anno 1223, quomodo inquam hæc tamen verba usurpare, ac iis continuo subjicere queat, hæc inquam: *Jus igitur est perpetuum & ad heredes Regis Angliæ transmissum; ut Anglis liber sit Maris*

Maris hujus septentrionalioris seu Islandici usus. Nam quibus navigare id mare littus-que frequentare non nisi indultu alius, id est, Daniæ Regum fas fuit, solutis, quæ in portibus debeantur, teloniis, tum & singulis septenniis novâ veniæ petitione idem indultum ut renovarent, quomodo ii jacta-
re jus perpetuum & ad heredes transmissum aliaque ejusmodi queant, non perspicio. Et tamen iterum eodem capite ita Sel-
 dens : *Neque sane ex fœdere illò Hassnien-*
si jus omne in mari illo Anglis competere capit,
quidquid obtenderint Norwegi. Ecce, *jus om-*
ne in mari illo appellat hoc indultum per
 veniæ petitionem singulis septenniis reno-
 vari solitum : quæ servitus verius fuit. Et
 ita quoque appellat eodem hoc capite, ubi
 inquit : *Jus hoc sive servitutem Marinam,*
Anglis tam temporis præscriptione, quam
perpetuis fœderũ pactis adeò confirmari, ut id
quod de licentiæ petitione in pactis Johannis II
(vult dicere I) & Henrici VII Regem occur-
rit, non eò omnino pertineat, ut sive negata ea
sive non petita, jus sive servitus illa minueretur,
sed eò duntaxat ut Norwegicum in hoc mari
jus itidem quodcunque ab Anglis, solenni cu-
juslibet septennij petitione, recognosceretur.

Sed & illud notabile est ; quod Anglis
 ex eo jus aliquod antea in illo Septentrio-

nis mari fuisse concludere studet, quia Henricus V. Angliæ Rex tempore Erici Pomerani Daniæ & Norwegiæ Regis in gratiam Norwegi concesserit, ut Angli ibi per annum deinceps piscaturambaud aliter *exercerēt, quàm antiquitus fieri consueverat.* Imo id Anglis non simpliciter concessit, sed ex pactis conventis & jure, quod Regibus Daniæ & Norwegiæ debebatur, suis id mandavit, de quo & antea injectum. ubi tamen non *Henricus V* sed *VI* & anni item aliquot nominantur. Adeo ut illa, quæ statim deinde subjicit Seldenus: *Tempus præfinitum & vetus piscandi consuetudo pristinum jus aliquod aperte sonat,* nullum jus pristinum Anglorum, nisi licentiam tantum & indultum, quod à Daniæ ac Norwegiæ Regibus Angli acciperent, sonare queant. Et docet id diserte Edicti formula, quam & Seldenus expressit, illa nimirum: *Nul-
lus de ligiis domini nostri Regis quibusdam
certis, de causis ipsum dominum nostrum Re-
gom specialiter moventibus ex nunc in unum
annum proxime jam venturum ad partes insu-
lares Regnorum Daniæ & Norwegiæ, & præ-
sertim versus Insulam de Islande, piscandi
causa seu aliâ accédere præsumat, in præjudi-
cium Regis Regnorum prædictorum, aliter
quàm antiquitus consueverat.* Ubi ea verba
regii

regij istius Edicti: *in præjudicium Regis regnorum prædictorum, & illa: aliter quàm antiquitus consueverat*, hoc ipsum satis ostendunt, nimirum absque peculiari Norwegiæ Regum indultu inhibitas eas insulas exteris semper fuisse; & aditas non nisi ab indigenis incolisque Norwegiæ aut Daniæ.

Et quia non exprimi à Seldeno, sed retineri superioris Edicti Regij æram anni reperiam, & modò ei Henricum V, modò VI Anglorum Regem nominari, adscribam ex historiâ nostrâ Danicâ, quæ inter *Eri-* Lib. 9.
cum, qui Pomeranus est dictus, Daniæ, & *Henricum sextum* Angliæ Regem, sub annum Christi 1431, hac super re acta pactaque fuere. sunt enim ejusmodi:

Advenere per idem fere tempus honorifice salutatum Ericum Henrici sexti Anglorum Regis legati Guljelmus Sprenius jurisconsultus, & Johannes Germersbyus, Eques. His in mandatis Henricus dederat, ut cum Erico Danie, Sueciæ & Norvagorum Rege, absolutâ potestate, suo regnorumque suorum ac subditorum nomine agerent, omniaque ad pacem, concordiam mutuæque commercia, quæ antiquitus semperque inter utrosque fuissent, pertinentia constituerent; se ea cuncta sedulo exequuturum. Habebant & specialia quadam mandata de damnis, quæ, ut referebant, Norvagi quibus-

quibusdam ex Anglicis negotiatoribus intulissent. His ut quam primum satisfaceret, petebant. Rex istis acceptis amice rescripsit, gratias primo Anglorum regi agens pro insigni, quâ se invisere dignatus fuerat, legatione. Inde placere sibi significabat, pacis studium ac veteris amicitie, quâ Regia semper Anglorum Danorumque familia ac populi conjuncti fuerant, memoriam. Eamque per Regine Philippæ conjugis suæ felicitis memoria illustres nuptias ad se usque continuatam. De damnis verò quibus affecissent Norvagi Anglos ita referebat, se, cum in eo esset, ut, convocatis regni sui Norvagici senatoribus, causa ea propius inspiceretur, allatum sibi, ex iisdem senatoribus tres tantum Hassniam accessisse, ceteros qui unâ erant ablegati, in mari ab Anglis captos retentosque. Eos autem, qui præsentesset, auditis Anglorum postulatis, reposuisse vicissim ac graviter questos, quod Angli suis navibus commerciisque frequentarent Norvagiæ insulas Islandiam, Groenlandiam, Feroam, Herlandiam, Orcades, aliasque, ipsis omnibusque exteris adiri semper vetitas, exceptis Bergis, publico Regni emporio ac rerum eorum omnium, quas boreas producit, communi foro ac stapulâ. Hoc autem facilitatum ab ipsis contra factis & æquum cum ingenti incolarum detrimento jam annos circiter viginti.

Nec

Nec illud modò, sed & portus sæpenumero Norwegia hostiliter ingreſſos, ferro flammâq; municipia vaſtaſſe, naves diripuiſſe ipſosque naucleros profundo merſiſſe: Eſſeque ſpeciatiim annotatum quid in Hallegolandia & Findemarchia, quid iis navibus, quæ Bergis Norvagorum Iſlandiam quotannis petunt, & iis quoque, quæ Heilandiam, Orcades aliasque in vicino inſulas adcant, per annos illos viginti damni dederint: & nomina etiam non eorum modò, qui detrimentum eſſent paſſi, ſed eorum quoque, qui intuliſſent, ſcripto pro parte conſignata haberi.

Et deinde poſt pauca ad annum inſequentem 1432:

Hinc proximo Octobri Callendburgum convenerunt Henrici Anglorum & Erici Danorum regis nomine, Robertus Schotbrochius Eques, & Wilhelmus Sprenius juris utruſq; conſultus, Johannes episcopus Roſchildenſis, Thomas Strongeneſſenſis, Arnoldus Clemens confirmatus Bergenſis, Axillus Petri, Arvidus Sturo & Eſchillus Brock Equites, ad componenda, quæ inter utroſque reges, eorumque ſubditos inciderant controverſa. Eſtque ſuper iis utrimque, modo & Regibus ità videretur, ſtatutum in hunc fere modum: Primò, quod ad injuriam contumeliamque, qua affecti eſſent, regia majestatis conſiliarij Anduornus episcopus

puniretur, & sibi ut damnum præstaretur, co-
 actus est rex Christianus in freto Oresundâ
 manum injicere tribus aut quatuor Anglorum
 navibus, Londino ac Bristoâ præfectis: Hisque
 ac bonis earum distractis, sibi ac conjungi præsi-
 dis sui, ceterisque satis fieri curavit. Interea da-
 tis ad regem Eduardum codicillis, causam &
 occasionem retentarum à se navium amice ac
 tempori perscripsit; ne fortasse aliorum falsâ re-
 latione aliud Eduardus animo conciperet. Pre-
 catusq; est eum Christianus rex, cum ejus jus-
 su ac voluntate certò sciret nihil ejusmodi pa-
 tratum, vellet subditos suos, qui sceleris rei es-
 sent, dignis pœnis afficere; & adjuvare ut da-
 mna ab ipsis data resarcirentur; quo omnia in-
 tegra, & amicitia præsertim inter ipsos facta
 recta maneret. Similiter & literas misit ad An-
 glia emporia celebriora, mercatorum singulos
 commonens, caverent suas in naves vel Londi-
 nensium vel Bristoensium bonâ assumere, sub
 pœna amissionis tam bonorū eorundem, quàm
 navium. Hinc variæ simultates natæ. quippe
 suspectabat rex Eduardus urbes Prutenicas ac
 Vandalorum, quasi regem ij Christianum
 incitassent ad retentionem Anglicarum navi-
 um: Et ideò eorū quoque navibus fortunis-
 que injicere manum suis in portibus instituit.
 Quod continuo ad Eduardum datis literis ex-
 cusavit rex Christianus, orans atque obsecrans,

ne Vandalicis urbibus impingeret, cujus causam præbuisent subditi ipsius. Quod & aliis codicillis ad principes, dynastas ac civitates hinc inde missis haud subiciat, usurpans in iis (Latine enim scripti erant) hæc formalia: *Arte & ratione cum vivat hominum genus, nequaquam impetu, quo feruntur bestiae, sed ratione quâ bestiis præstat homo, hominum sunt opera judicanda. Sicque tuenda modis est omnibus innocentia, ut qui non sunt in causâ conscii, non sint in pœnâ socii, nec in mulctatione participant, qui in crimine non communicant.*

Contractus inter Eduardum Anglorum Regem & Christianum I, cujus in verbis superioribus injicitur mentio, initus Hamburgi fuerat sub annum Christi 1485. Estque ut fœdus habitum, quod ad vitam non modò, sed & post utriusque regis excessum integro biennio ac deinceps eousque duraret, dum esset, qui retractatum id cuperet. Interea singulorum subditis fas utrimque esset agere, versari, negotiari in ditibus, civitatibus, opidis, portibus, fretis cujusque libere & sine offensione, soluto solum, qui pro more & consuetudine deberetur, censu ac telonio. Inde secundo statim capite eodem in contractu: quod ad Islandiam, hæc est legere: *Operam Rex Anglorum dabit efficietque, ne subditi ejus sine*

peculiari Norwegiæ regis indultu vel navigent in Islandiam, vel ibi, aut circa eam negotientur terramque frequentent in detrimentum regis Norvagorum, sub pœnam vite ac bonorum; ut nec in Halogelandiam ac Finmarchiam, nisi necessitate eò ac tempestate appellere adigantur. Quod si fiat, ibi tamen negotiari fas ipsis haud erit. Cætera quæ sequuntur de immunitatibus ac prærogativis, quibus fruerentur tam Angli in Daniâ, quam Dani in Angliâ, aliaque cum ad causam præsentem non spectent, hîc omisimus, ibi suo loco & tempore videnda.

Hîc verò idque seorsim, nequaquam prætereundum, quod vel maxime Daniæ ac Norwegiæ Regum hoc in mari dominium indicat, quod isto inter Eduardum Angliæ & Christianum Daniæ Regem & fœdere cautum memoratur, ne Anglorum quispiam Islandiam aut istas oras appelleret; si autem necessitate aut vi ventorum id fieret, negotiari tamen ibi fas ipsis haud esset. Nam & olim similiter, cum maris dominarentur Carthaginenses, Romanis modum poluerunt, jusseruntq; ne vel Africam vel Sardiniam appellerent, nisi aut commeatus recipiendi vel naves reficiendi gratia, quemadmodum id memoratum ab auctorum maximo Polybio legitur.

Hinc

Hinc addit coniuncto ista :

Ceterum utcumque de borealioris huius dominio fuerit statuendum, ejusmodi nihilominus saltem servitus perpetua olim, initis inter Norwegia & Anglia Reges pactis, ei imponebatur, ut ad Islandiam adeundi & hoc mari utendi, fruendi jus item perpetuum subditis regis Anglia etiamnum permaneat. Icto enim Hassnia, inter Henricum Anglia VII. & Johannem I I. Dania & Norwegia reges, fœdere an. Christi MCDXC. sancitum est, quod mercatores & homines ligii piscatores & quicumque alij regis Anglia & Francie subditi libere possint temporibus futuris in perpetuum ad insulam Thute, id est, Islandiam, cum eorum navibus & bonis & mercandisiis, victualibus & aliis rebus quibuscunque emendi, vendendi, piscandi sive mercandisandi causa navigare, accedere & intrare ibique morari & more mercatorio conversari, & ab eadem redire & libere revenire toties quoties eis placuerit absque prohibitione, molestatione vel impedimento nostro herediumve nostrorum & successorum in regnis Dania & Norwegia vel officialibus nostrorum quorumcunque, solvendo tum in illa insula, tum in portibus ejusdem, in quibus appellere eos contigerit, jura & telonia debita & consueta; proviso semper quod lapso septennio post datum presentium

immediate corrente, novam licentiam à nobis & successoribus nostris regibus Dania & Norwegia petant & obtineant, ut sic de septennio in septennium, mercatores & omnes prædicti nos & successores nostros reges Dania & Norwegia in impetratione nova licentia in perpetuum recognoscant.

Huc usque Seldenus, tam suis, quam verbis ex utriusque Regis diplomate allatis, locutus fuit. Quæ suis verbis dicit, hoc vitij habent, quod Regem Daniæ Johannem, ejus nominis secundum faciat, cum ejusmodi apud Danos nullus fuerit. Fuit enim Rex Johannes I; nec præter eum eo nomine alius. Cæterum diploma ipsum satis manifestò indicat, nullum hîc Anglis jus, sed Daniæ ac Norwegiæ Regum hoc totum fuisse & ab illis manasse univetsum, quod Anglis indultum hic fuit. Idque certis legibus, quæ jam positæ memoratæque sunt, ut iterum iterumq; non videam, quomodo Seldenus, postquam etiam addidisset, renovatum Hassniense illud fœdus inter Christiænum II Regem Daniæ & Angliæ Henricum V anno 1223, quomodo inquam hæc tamen verba usurpare, ac iis continuo subjicere queat, hæc inquam: *Ius igitur est perpetuum & ad heredes Regis Angliæ transmissum; ut Anglis liber sit*
Maris

Maris hujus septentrionalioris seu Islandici usus. Nam quibus navigare id mare littusque frequentare non nisi indultu alius, id est, Daniæ Regum fas fuit, solutis, quæ in portibus debeantur, teloniis, tum & singulis septenniis novâ veniæ petitione idem indultum ut renovarent, quomodo ii jactare *jus perpetuum & ad hæredes transmissum* aliaque ejusmodi queant, non perspicio. Et tamen iterum eodem capite ita Selciensis: *Neque sane ex fædere illò Hassnien- si jus omne in mari illo Anglis competere capit, quidquid obtenderint Norwegi.* Ecce, *jus omne in mari illo* appellat hoc indultum per veniæ petitionem singulis septenniis renovari solitum: quæ servitus verius fuit. Et ita quoque appellat eodem hoc capite, ubi inquit: *Jus hoc sive servitutem Marinam, Anglis tam temporis præscriptione, quam perpetuis fæderũ pactis ad eò confirmari, ut id quod de licentiæ petitione in pactis Johannis II (vult dicere I) & Henrici VII Regem occur- rit, non eò omnino pertineat, ut sive negata ea sive non petita, jus sive servitus illa minueretur, sed eo duntaxat ut Norwegicum in hoc mari jus utidem quodcunque ab Anglis, solenni cu- juslibet septennij petitione, recognosceretur.*

Sed & illud notabile est; quod Anglis ex eo jus aliquod antea in illo Septentrio-

nis mari fuisse concludere studet, quia Henricus V. Angliæ Rex tempore Erici Pomerani Daniæ & Norwegiæ Regis in gratiam Norwegi concesserit, ut Angli ibi per annum deinceps piscaturam baud aliter exercerēt, *quàm antiquitus fieri consueverat.*

Imo id Anglis non simpliciter concessit, sed ex pactis conventis & jure, quod Regibus Daniæ & Norwegiæ debebatur, suis id mandavit, de quo & antea injectum. ubi tamen non *Henricus V* sed *VI* & anni item aliquot nominantur. Adeo ut illa, quæ statim deinde subjicit Seldenus: *Tempus præfinitum & vetus piscandi consuetudo pristinum jus aliquod aperte sonat*, nullum jus pristinum Anglorum, nisi licentiam tantum & indultum, quod à Daniæ ac Norwegiæ Regibus Angli acciperent, sonare queant. Et docet id diserte Edicti formula, quam & Seldenus expressit, illa nimirum: *Nul-
lus de ligiis domini nostri Regis quibusdam
certis, de causis ipsum dominum nostrum Re-
gom specialiter moventibus ex nunc in unum
annum proxime jam venturum ad partes insu-
lares Regnorum Daniæ & Norwegiæ, & præ-
sertim versus Insulam de Islande, piscandi
causa seu aliâ accēdere præsumat, in præjudi-
cium Regis Regnorum prædictorum, aliter
quàm antiquitus consueverat.* Ubi ea verba

regii

regij istius Edicti: *in præjudicium Regis regnorum prædictorum, & illa: aliter quàm antiquitus consueverat*, hoc ipsum satis ostendunt, nimirum absque peculiari Norwegiæ Regum indultu inhibitas eas insulas exteris semper fuisse; & aditas non nisi ab indigenis incolisque Norwegiæ aut Daniæ.

Et quia non exprimi à Seldeno, sed retineri superioris Edicti Regij æram anni reperiam, & modò ei Henricum V, modò VI Anglorum Regem nominari, adscribam ex historiâ nostrâ Danicâ, quæ inter *Eri-* Lib. 9.
cum, qui Pomeranus est dictus, Daniæ, & *Henricum sextum* Angliæ Regem, sub annum Christi 1431, hac super re acta pactaque fuere. sunt enim ejusmodi:

Advenère per idem fere tempus honorifice salutatum Ericum Henrici sexti Anglorum Regis legati Guljelmus Sprenius jurisconsultus, & Johannes Germersbyus, Eques. His in mandatis Henricus dederat, ut cum Erico Danie, Sueciæ & Norvagorum Rege, absolutâ potestate, suo regnorumque suorum ac subditorum nomine agerent, omniaque ad pacem, concordiam mutuæque commercia, quæ antiquitus semperque inter utrosque fuissent, pertinentia constituerent; se ea cuncta sedulo exequuturum. Habebant & specialia quedam mandata de damnis, quæ, ut referebant, Norvagi quibus-

quibusdam ex Anglicis negotiatoribus intulissent. His ut quam primum satisfaceret, petebant. Rex istis acceptis amicè rescripsit, gratias primo Anglorum regi agens pro insigni, quâ se invisere dignatus fuerat, legatione. Inde placere sibi significabat, pacis studium ac veteris amicitie, quâ Regia semper Anglorum Danorumque familia ac populi conjuncti fuerant, memoriam. Eamque per Regine Philippæ conjugis suæ felicis memoria illustres nuptias ad se usque continuatam. De damnis verò quibus affecissent Norvagi Anglos ita referebat, se, cum in eo esset, ut, convocatis regni sui Norvagici senatoribus, causa ea propius inspiceretur, allatum sibi, ex iisdem senatoribus tres tantum Hassniam accessisse, ceteros qui unâ erant ablegati, in mari ab Anglis captos retentosque. Eos autem, qui præsentesset, auditis Anglorum postulatis, reposuisse vicissim ac graviter questos, quod Angli suis navibus commerciisque frequentarent Norvagiæ insulas Islandiam, Groenlandiam, Feroam, Hellandiam, Orcades, aliasque, ipsis omnibusque exteris adiri semper vetitas, exceptis Bergis, publico Regni emporio ac rerum earum omnium, quas boreas producit, communi foro ac stapulâ. Hoc autem factum ab ipsis contra fas & æquum cum ingenti incolarum detrimento jam annos circiter viginti.

Nec

Nec illud modo, sed & portus sæpenumero Norwegia hostiliter ingressos, ferro flammâq, municipia vastasse, naves diripuisse ipsosque naucleros profundo merfisse: Esseque speciatim annotatum quid in Hallegolandia & Finemarchia, quid iis navibus, quæ Bergis Norvagorum Islandiam quotannis petunt, & iis quoque, quæ Hetlandiam, Orcades aliasque in vicino insulas adeunt, per annos illos viginti damni dederint: & nomina etiam non eorum modo, qui detrimentum essent passi, sed eorum quoque, qui intulissent, scripto pro parte consignata haberi.

Et deinde post pauca ad annum insequentem: 432:

Hinc proximo Octobri Callendburgum convenerunt Henrici Anglorum & Erici Danorum regis nomine, Robertus Schosbrochius Eques, & Wilhelmus Sprenius juris utriusq, consultus, Johannes episcopus Roschildensis, Thomas Strongenessensis, Arnoldus Clemens confirmatus Bergensis, Axillus Petri, Arvidus Sturo & Eschillus Brock Equites, ad componenda, quæ inter utrosque reges, eorumque subditos inciderant controversa. Estque super iis utrimque, modo & Regibus ita videretur, statutum in hunc fere modum: Primum, quod ad injuriam contumeliamque, qua affecti essent, regia majestatis consiliarij Anduornus episcopus

pus Stavangriensis itemque Endredus Erlan-
dus, regni Norvagici senatores, cum anno su-
periore, ut ante relatum, Hassniam ablegati,
ut de commodis utriusque regni, Anglia Nor-
vagiaque cum Rege dispicerent, ab Anglis ca-
perentur, de eo polliceatur Anglorum Rex se
inquisiturum ex quonam isti Angli portu sol-
verint, daturumque operam ut dictis Norva-
gia senatoribus, cum ob detrimenta, tum dede-
cas illatum, satisfiat; & simul constet, nullum
in eo Regis fuisse beneplacitum, sed mutuam es-
se ejus fraternamque erga Dania Regem affe-
ctionem ac voluntatem. Quod vero ad ea da-
mna ac raptus attinet, quibus Islandiam, Ha-
logelandiam, Finmarchiam aliaque prohibita
loca ac portus iidem infestassent, quorum præ-
cipue nomine anno superiore Hassniam ad re-
gem missi fuerunt Sprenius predictus & Jo-
hannes Gremersbyus, de eo Rex inquiri fa-
ciat; atque ita in authores animadvertat, ut
inde cognosci fraternus ejus animus posset, &
simul intelligi quid regnorum quies ac mutua
amicitia efflagitet, & denique ut exemplo ac
terrori sit aliis. Si qui etiam ab iisdem Anglis
ex Islandia, Findemarchia, Halogelandia in
Angliam traducti fuerint, eos ubicunque intra
regnum suum deprehenderit Anglorum Rex,
reduci curet efficiatque accepta pro operis suis
mercede libere & absque impensis domum re-
deant.

deant. Quicumque etiam ab Anglis Norvagi vel Angli à Norvagiſ caſi intelligentur, operam uterque Regum det, ut heredibus eorum ſatiſſiat, ac multa pendatur. Si quid præterea ab Anglo prædatus convincatur Norvagus, in id rex ſenatuſque Norvagiæ incumbat, ut cum eo, qui damnum accepit, ex æquo ac bono tranſigatur. Ipſe poſtremum Dania Rex, ſi quam reddituum ac veſtigalium ſuorum ex eadem occaſione injuriam ac detrimentum incurrerit, de eo cum Rege Anglorum, utpote fratre ſuo, amice per literas agat. Hac ſanctè & ſine vitio ſervaturos Regum utroſque, legati jam dicti ſe obſtringebant: Et illud inſuper, manſurum Angliæ Regem Dania Regi perpetuo amicum, non bello aut detrimento ullo affecturum, ſed nec permiſſurum ut ejus ſubditi ſtipendia adverſus ipſum aut regnum ejusq; heredes faciant: Quin & ſignificaturum ei, ſi quid in detrimentum ejus tentari cognoverit: Et idem quoque facturum per omnia Dania Regem; ita tamen ut liberum illi ſit, ſuis copiis adeſſe pontifici Romanaque eccleſiæ, nec non Romanorum, Ungariæ ac Polonia Regibus, ut & Ordini Theutonico eorumque poſteris: Et Anglo viciffim permiſſum juvare pontificem, eccleſiam, Hiſpaniæ & Luſitaniæ Reges eorumque poſteros. Concedebatur præterea, ut Regis utriuſque ſubditi frequentarent portus

ac ditiones quæcunque inhibita non essent, modo portoria & quæ more majorum deberentur, penderent. Quæ autem inhibita vetitaque, ut Islandia, Findemarchia, Halogelandia aliæque loca atque introitus, hi sub pœna capitis as bonorum adiri vetabantur: Similiter & Dania Regis subditi abstinerent ab iis Anglici regni portubus, quos prohibitos constaret, nisi necessitas ac vis ventorum aliud cogeret. Quos tamen eâ occasione negotiari ibi sub pœnâ eadem interdictum volebant: In hanc pacem ac formulam si quos utriusque Regis subditos delinquere contingeret, immota nihilominus ac firma inter Reges pax esset: Penes eum interim, qui commonitus, in delinquentem, quod jus atque æquum postularet, statuere negligeret, culpa remaneret.

Ex quibus intelligere, præter cetera, est, integros circiter viginti annos Islandicâ navigatione eoque mari usos edictis insuperhabitis; Et eâ occasione obque injustam eam usurpationem initum hunc tractatum & ad veterem morem modumque reducta omnia. Et ideo, quæ subjicit deinde Edicto Angliæ Regis, modò posito, Seldenus de diutina jam olim Anglorum in hoc mari piscatione, hæc nimirum: *Etiam Anglos eo in mari per annos complures antea piscaturum excecuisse liquet ex tabulis ejusdem*

dem Regis (Henrici V) parliamentariis, eam quo jure quave injuriâ exercuerint possederintque indicio sit satisque demonstret tractatus jam positus. Etenim is, ut indicatum modò, inter Ericum Daniæ & Henricum sextum Angliæ Regem constitutus. Eum autem Henricum sextum proximè præcesserat Henricus quintus.

CAPUT XXII.

*Posita verba ex literis quas citat Seldenus
Reginæ Elizabethæ: eaque explicata.
Hullensium Anglorum piscatio in Mari
circa Norwegiam inhibita. ejus causæ.
aliaque eodem pertinentia.*

Hinc eodem illo 32. Capite propius ad rem aut tempora potius nostra accedens Seldenus, ità infit: *Verum de hac re luculenter omnia explicantur & copiose defenditur jus isthoc Anglorum in literis ab Elizabethâ Reginâ Cal. Septembris anni MDXCIX. ad Christiernum I V datis, quarum partem huc spectantem inferere est opera pretium:*

Ad requisitionem serenissimi principis patris serenitatis vestra, anno MDLXXVI, legatum in Germaniam misimus, qui cum ipsius
K *deputatis*

Sub Eduardo
IV. Angliæ
R.

deputatis tractavit de omnibus controversiis & præsertim de piscatione Islandicâ & Norwegicâ, ubi compertum est Regem niti tantummodo tractatu biennialium induciarum in quodam conventum fuit ne Angli ultra Hagalandiam navigarent. At ex parte nostra exhibitifuerunt tractatus cum Regibus Johanne & Christierno, in quibus, sopitis, quæ præceperant, controversiis, aliter fuit conventum; & huic tractatui pacis generalis postea facta, non precedentibus induciis biennialibus standum erat. Quod recognoscens serenissimus princeps, parens vester, petiit per literas suas, ut controversia ista referri possit ad aliam disquisitionem.

Quibus in verbis Regina Anglorum Elizabethæ, quod provocatio fiat ad eos contractus, qui habiti initique sunt cum Regibus Danorum Christiano I. & Johanne I. patre filioque, non extra aut præter rem fieri existimo. At utrumque contractum, qui in manibus est, Seldeno esse ad verum ejusque causam haud leviter evertere, ex ipsis contractibus sat liquet. Positi enim hi nobis supetius sunt, & prior quidem, qui est Christiani I. habetur Capite xix; alter verd, qui est Johannis I, extat Capite similiter antecedente, quod est in ordine xxi. In priori demonstratur præcipue

cipue quid filiæ suæ *Margareta*, quæ nupsit *Jacobo III*, Scotorum Regi, dotis nomine Rex *Christianus* cesserit; ostenditurque *Orcades* *Hetlandiam*que certo ei aspectu à Dano traditas, dum nimirum certa pecuniarum summa, quæ ibi exprimitur, veluti dos, nomine earundem insularum, Scoto refunderetur. Altero contractu, qui est Regis *Johannis* primi, diserte urgeri recognitionem, quæ fieri singulis septenniis debebat, ex ipso intelligi potest, qui positus est expressusque Capite superius vigesimo primo jam memorato.

Legitur deinde eisdem in literis Regi-
næ Anglorum.

At ab eo tempore nulla talis disquisitio facta est. Nihilominus accepimus subditos nostros piscantes captos & tormentis cruciatis & hostiliter tractatos fuisse. An juste hoc factum sit, judicare omnes poterunt, qui a quo animo rationes nostras sunt expensuri. Non negamus, quin cum dominus cancellarius Whitfeld & Barnicou ad nos venirent (Witveldius & Barnicovius legatione functi sunt in Angliâ auno 1597.) pratendisse eos verbis piscationem illam Islandicam & Norwegicam ab Anglis contra fœdera & pacta regum exerceri. At cum probationem nullam protulerint neque proferre potuerint, nos verò

authentica instrumenta Regum Johannis & Christierni habeamus in contrarium, quibus major fides adhibenda est, quam nudis allegationibus, res in aliud tempus rejecta est.

Eam Anglorum malefactionem quod attinet, de eâ magnopere dicere, nisi id forte necessum sit, ei occasionem dedisse Anglos ipsos verisimile esse; tum & hoc, quod eripi sibi aut infringi Dani noluerunt, navigandi suas ad oras sibi debitum jus ac privilegium. Loquitur autem eâdem de re, deque malefactione illâ multo clarius Guljelmus Camdenus in Rebus Reginæ Elizabethæ, quàm hoc loco SelDENUS. Ita enim ille ad 1600: *Danus superiore anno hisce piscationibus & Anglorum piraticâ offensior, armatâ classe. Hullenses Anglos prope Norwegiam piscantes ex inopinato oppressit, naves atque bona ad magnum valorem confiscavit, & nautas tormentorum cruciatibus subjecit, causatus hanc pœnam simul cum interdicto piscationis in Angliâ ante biennium fuisse denunciata, eo quod licentiam non petissent. Quæ sane ejusmodi sunt, quæ excusare Danum ejusque hoc factum meritò debeant. Quin & constare ex eodem Camdeno ejusque ibidem allatis verbis potest, hæc Reginæ literas pro Hullensibus fuisse tum scriptas*
missas-

missasque ad Regem Danorum Christianum IV modo memoratum. Jam quod deinceps dicitur, probationem protulisse nullam, nec proferre potuisse regios Christiani IV ad Reginam Elizabetham legatos, amplissimum Witfeldium & Bernecovium; miramur hoc dici, cum Regina eo anno 1597. legatis Witfeldio & Bernecovio, quod habet diserte ad eum annum clarissimus Cambdenus, benignissime pollicita sit, operam daturam se, ut piscationes ex antiquis fœderibus legitime exercerentur. Quin & ipsa classica instrumenta Regum Christiæ & Johannis, quæ pro se facere Seldenus putat, satis sint probationis ad evincendum, quod legatorum uterque serenissimi Danorum Regis voluit, piscationem nimirum Islandicam & Norwegicam contra fœdera & pacta regnorum ab Anglis usurpari, nisi ad præscriptionem eorum, quæ inter Reges eosdem & Anglum jam ante actitata statutaque fuerant, usurparetur. Ipsa instrumenta, quæ posita superius cap. 19. & 21, ut inspiciantur, propiusque cum hisce Seldeni verbis ut contendantur æquum lectorem oro. Nec enim Reges jam dicti, nisi amicitiam & pacem exoptare se profitentur, quatenus id absque detrimento Regni sui Norwe-

gici ejusque cum honore fieri queat. Aut si (quo respicere Seldenus videtur) non hocce instrumentum Christiani I. Daniæ Regis, sed illud potius quod ab ejus nepote Christierno II profectum, intelligere se dicat; Respondemus, nec illud pro ipso aut ejus causâ quidquam posse; cum eo renovatum sit tantum id foederis, quod erat jam ante inter Anglorum Regem Henricum VII & Johannem Christierni II parentem Daniæ Regem sancitum: de quo & modo injectum fuit; ostensumque, eo vel maxime urgeri recognitionem illam septennalem ac veniæ petitionem, Seldenus sive servitutem Marinam jam ante nominatam.

Sequitur inde, paucis interjectis, iisdem in literis:

Quod verò ex tractatu cum Rege Johanne prætenditur, licentiam pro piscatione de septennio in septennium peti oportuisse (id quod nec per quam plurimos fuit omissum) respondemus ejus omissionis culpam non processisse ab Anglis, sed Danis. Nam usque ad tempus expulsionis Christierni Regis, circiter annum domini 1521, septennalis illa licentia petita fuit. Postea verò peti desuit, propter incertitudinem ad quem legitime Regis successio spectaret, Et à tem-

pore

pore dictæ expulſionis Chriſtierni Regis, neque reges Fredericus abavus, Chriſtiernus avus, neque Fredericus parens Serenitatis veſtræ ullam talem petitionem licentia uſerunt. Sed exiſtimantes ſufficere priores tractatus, qui inter Reges & Regna initi fuerunt, poſt plurimorum annorum præſcriptionem (cum ſatis alioquin ſecuri eſſent id nunquam attendandum iri propter quod petitio primum talis licentia inſtituta fuerit) nihil voluerunt innovare. Et in hunc finem doctori Cragio monſtrata fuerunt literæ Frederici Regis patris ſerenitatis veſtræ quarti Maij anno MDLXXXV. ad nos ſcriptæ, ſi Angli ab injuriis abſtinnerint ipſos gaviſuros libertate & ſolitâ clementiâ abſque ullâ mentione vel requiſitione petitionis licentia; quum nihilominus nos obtulimus vobis, Mercatores noſtros ſecundum antiquam & per multos annos intermiſſam conſuetudinem deinceps à vobis de ſeptennio in ſeptennium petituros, quam oblationem certiores facti ſumus Serenitatem veſtram noluiſſe admittere.

Hæc etiam referri à clariffimo Camdeno, reperiet, quicumque inſpecturus propius erit, quæ idem hæc de re memorat ad annum 1600. niſi quod clauſulam eam videatur omittere aut ignorare: Nec ſatis quoque expreſſiſſe, quod literas Frederici Regis ſpectat, quæ hîc monſtratæ memo-

rantur doctōri Cragio. Literarum interim contentum ac sensus jam indicatus adfertur. Deinde & hoc iisdem illis Reginæ literis notatum ex Camdeno potest intelligi, quod Seldenus, ut monstratum superius Capite 18, à legatis Elizabethæ Reginæ in Dissertatione cum legatis Danicis Bremæ habitâ, an. 1602, de liberâ maris navigatione ac usu, minus providè prolatum existimat. Ut ità colligi hinc satis queat, haud illa à legatis Reginæ obiter & extra mandatum fuisse allata, cum etiam eadem hisce reginæ ipsius literis inserta jam constet. Verba enim Camdeni, quia à Seldeno posita non sunt, ad annum eundem 1602 ità habent: *Iniquius igitur cum Anglis nunc agi, quemadmodum nuper recusarunt licentiam de septennio in septennium, ut olim, deinceps petere; & celeberrimi jurisconsulti judicarunt, mare ex jure gentium liberum esse & commune, nec ab ullo principe interdici posse.*

Illud autem quod dicitur, & memorat quoque Seldenus, illam septennalem licentiæ petitionem libenter accipere & acceptasse Anglos, noluisse autem eam, ut hîc injicitur, admittere Danorum Regem, cum super eo neque Camdenus neque Seldenus rationes adferant, ob quas admittere

tere eam noluerit nolitque Danus, dubitandum tamen non est, eas admodum graves esse. Quas & suo tempore, ubi ea documenta nostras in manus venerint, cum Deo in publicum producemus deque eo agemus propius.

Seldenus autem, postquam Reginae litteras eum in modum, ut posuimus, recitasset, continuò hæc subjicit: *Neque enim voluit serenissima Regina jurisdictionem & imperium Regis Daniae & Norwegiae in hoc mari aliter agnoscere, quam ut integra interea; (ut aviti patrimonii pars minime contemnenda) piscandi, quam diximus, servitus ibi (ut dictum est) constituta sibi ac posteris retineretur.* Quæ ejus verba, licet implicata & nubila, hoc tamen indicare videntur, jurisdictionem & imperium maris ac littoris præsertim Islandici penes Daniae ac Norwegiae Reges esse. Idque eatenus à Regina sive Anglis agnosci, quatenus illis piscandi servitus (ita appellat) sive potestas veniaque integra maneat. Quæ tamen, ut appellare jam dixi, sive servitus sive licentia à Dano illis concessa concedique solita, *quomodo, ut aviti patrimonii pars minime contemnenda, haberi Seldeno & Anglis queat, non satis capio: cum servitus concessaque potestas nihil tale polliceri videantur.*

vide Camb-
denum,

Postremum ità concludit: *Alia fuere & litera & legationes de hac re anno 1602. Sed ampliata lite, nihil definitum est.* Intelligit Seldenus literas & legationem, quæ adornata à Reginâ fuit (post illam Embdanam, de quâ Cambdenus in historiâ ad annum 1600.) habitaque Bremæ anno Christi 1602. Tum enim ed delegati Regum utrimque convenere. In his à Rege Danorum missus accefferat, *Manderupius Pasbergius* Regni senator, *Arnoldus Witseldius*, Regni Cancellarius; & *Jonas Charisius* Jurisconsultus. Regina præsulem miserat *Lundensem* itemque *Christophorum Perkinsum* & *J. Swalinum*, juris doctores. Ejus actionis quæ tum catastrophè fuerit, cum ampliata lite, nihil definitum Seldenus hîc memoret, apponam quæ ad annum eum refert Camdenus, ista scilicet: *Postquam duos jam menses scriptis utrimque exhibitis de hisce disceptant, Dani Anglis præter expectationem denunciarunt, se nullam habere potestatem recognoscendi vel reformandi fœdera, nec tollendi, nec muniendi vèctigalia, nec concedendi piscationem in Mari Islandico & Norwegico, sine speciali Regis licentiâ. certisque aliquot conditionibus. Simulque inhibuerunt sub pœnâ, quâ cetera piscationes jam antea prohibita, ne Angli ad insulas Ferae piscarentur.*

carentur. Angli contra de nullitate ac invaliditate hujus inhibitionis & alterius cujuscunque declarationis contra fœdera factæ disertis verbis protestati sunt. Sicque salvis utriusque Regis regnique juribus discessum est.

CAPUT XXIII.

Groenlandia ejusq; littus mareq; id hyperboreum cum imperio omni Norwegus adsertum. Balœnarum circa id littus captura. Pulmoneum hoc mare Pitheæ Massiliensi; item mare jecoreum, vulgo Lebersee dictū Adamo Bremensi. Groenlandiæ præsulum Index. quando adnavigari Groenlandia desita. ejusque causæ.

LOco omnium postremo posterioris hujus, siue secundi Libri, sub finem fere hæc habet Seldenus: *At verò & in Mari, quod Islandiâ est multò. Septentrionalius, imperium & dominium Regis Magnæ Britannię comperitur. Nimirum in Groenlandensi. Hoc enim Mare nondum occupatum nec piscatorias artes passum, singulari balœnarum capturâ, patrum memoriâ, quæstuosissimum primo reddi-*

reddidēre Angli, qui Moscovitici corporis mercatores hāc navigabant. Maris itā nondum occupati usus & ejusmodi quæstus primò repertus, repertoritam corporis quā animi possessione id sibi alterius (ut heic Anglia principis) nomine vindicanti, ad modum vendicationis dominium tribuit non aliter atque aliarum quarumcunque rerum possessorum prima & naturalis & civilis possessio. Respicit hic Seldenus eas Anglorum navigationes boream versus, quibus ad Moscos primo per mare boreale iter detectum aditusque apertus in ostium Duinæ fl. ad S. Nicolai vicum sive monasteriolum. Hoc præcipue factum sub an. Christi 1553. cum in Cathaiam Angli per mare hoc hyperboreum iter quærerent, ductu Hugonis Willlogbæi, qui rigenti frigore enectus non rediit. Sed ab eo secūsus Richardus Chancelirius, loco inveniendæ Cathaiæ, ad Moschos, quod jam dixi, iter aditumque aperuit, occasioque fuit, ut Angli, impetratis à Mosco immunitatibus, suas eo merces navigiis detulerint, quas Russi antea per Nervam & hostiles Poloni regiones difficulter acceperant. Hinc societas Moscovitica apud Anglos instituta, nec admissi aliquamdiu, vivente Basilide Mosco, nisi Angli. Postea, succedente filio Theodoro Johanni-

Cambd. ad
eum an.

Johannide, id mutavit; nec impetrare ab eo Regina Elizabetha potuit, ut Angli soli, idque sine vectigali, eò appellerent, quamvis primi viam illam aperuissent. Iniquum enim fore Theodorus respondit, aliis permittere, alios inhibere. Esseque æquale inter populos jus usurpandum, nec commercia, quæ jure gentium omnibus esse deberent communia, in monopolia & privatos paucorum quæstus convertenda. Interea quod ad vectigalia, promisit se alterâ parte minora à societate Anglicâ, quàm à ceteris exacturum, quandoquidem primi per id mare viam aperuissent. Itaq; annis jam pluribus non minus huc alii Hollandique quam Angli adnavigant, commerciaque sua exercent in portu non modò S. Nicolai, sed Archangelî quoque, ac Colæ in oppido. At quod inde imperium ac dominium eodem in mari vindicandum Anglis asseverat Seldenus, ad id jam olim ab aliis responsum reperio; præsertim cum non Angli solum, sed & Galli, Hispani, Cantabri, Flandri & Batavi jus hîc gentium obtendant: & Angli eam navigationem ab eo, quod jam indicatum est, tempore, ad annum usque MDCVIII, maximam partem intermiserint. Quin & constat ad Spitzbergam, ubi præcipua

Vide Tab.
Georg.

præcipua est balænarum captura, nisi antequam demum 1612 delatos, & signa ibi ab Hollandis erecta, qui illis priores locum eum occupaverant, disjecisse omnia ac disturbasse. Quod nec inficiari ipsi Angli queunt. Quæ res præcipue arguit, quàm sint, quæ obtendantur adversus jus gentium & primas humanitatis leges, infirma singula nulloque nixa fundamento. Sed hæc taliæque, cum Anglis jam olim abunde satisque (quæ hîc præterit Seldenus) demonstrata ab aliis respositaque sint, illud solum addam, frustra hîc ab iisdem, quæ facta est ab illis, circa annum 1553, has in oras obtendi navigationem, cum longe jam ante gentium aliæ hos tractus, hocque mare coluerint ac frequentarint. Quis enim Nicolaum & Marcum Zenos, natione Venetos, equites auratos, hîc jam olim sub anno 1380, & ante, qui sequuti sunt, Cortesios, Gabotios, Verasanos, Gomesios navigasse, hocque, ut sic dicam, voluisse saxum, ignorare potest, harum rerum boreique tractus aliquatenus intelligens. ut omittam, qui ævo vetustissimo è mari mediterraneo, perque Herculis fretum in hunc septentrionem progressus Pytheas Massiliensis, ac Thulem insulam, Islandiam nunc dicimus, prætergressus in mare hocce devenit.

Quod

Quod & idem à glacierum, quæ innatant ei grumis frustisque, *mare pulmonem* nominavit; Adamus exinde Bremenſis, vocabulo gentis boreæ, appellari Leberzee, id eſt *mare jecoreum*, eâdem, quâ Pytheas, ſimilitudinæ inſiſtens, oſtendit, ut alibi memoravimus. Sed omnes omnium hac de re contentiones ſopiet ac tollet Norwegiæ Rex Danus, qui ſibi ob piſcationem marisque ejus ſive littoris ulurpationem deberi vectigal jam olim ſignificavit. quod & Angli hoc nomine negotiatores cum agnoviſſe memorentur, facile inde, cuiñã debeatur maris ejus dominium, colligere ſit. Et ſane Daniæ Regum, qui Norwegiæ nunc etiam Reges cenſentur, Gronlandiam eſſe; fuiſſeque olim à Norwegis non aliter ac hodie ſolet Uſlandia, navigatione frequentatam, demonſtrat Danorum hitoriã: quæ ſub annum 1348 aded ſævam ac diram per omnes propemodum orbis plagas graſſatam peſtem memorat, ut multi in Daniã Norwegiãque pagi colonis exhausti agros deſertos atque incultos reliquerint, & tum quoque poſt epidemicam illam luem, fuiſſe intermiſſam ac neglectam, quæ ad oras Groenlandiæ ſolennis antea atque annua fuerat, incolarum Regni Norwegici navigationem. Et obſervatu

Tabul. Geog:
P. B. in de-
ſcript. Spits-
bergæ,

servatu dignum est, quod ex actis ejusdem Regni constat, accuratam hodieque haberi præsulum apud Gardenses in Gronlandiâ Catalogum ad hos usque, de quibus jam dixi, & paulò ultra annos. Initium enim Catalogus idem à seculo undecimo sumit definitque in annum a nato Christo millesimum supra quadringentesimum & sextum. Quem ego Indicem (quia apud omnes hæc obvia non sunt) è re existimavi his quàm proximè subicere. Est autem ejusmodi:

E P I S C O P O R U M
G A R D E N S I U M
G R O E N L A N D I Æ

Ab anno 1152, ad annum 1436,

C A T A L O G U S.

E <i>Ricus</i> præest circiter	1152.
<i>Arnoldus</i> , postea episcopus Hamme- rensis Norwegiæ.	
<i>Jonas I.</i> consecratus	1204.
<i>Jonas II</i> conf.	1209.
<i>Helgo</i> conf.	1212.
<i>Nicolaus.</i>	
	<u><i>Olayus.</i></u>

*Olavus.**Torderus* electus 1308.

confirmatus 1309.

Arno consecratus 1314.*Alpho* 1324.*Bertholdus.**Gregorius.**Andreas.**Johannes*, aliàs *Jonas*, ordinat. 1351.*Henricus.**Andreas* 1406.

Quorum penultimi, qui est *Henricus*, in Rebus Regis Olavi, qui, Reginâ Margaretâ natus, Daniæ Norwegiæque Rex fuit, mentio occurrit ad annum 1386. Ubi interfuissè Comitiis Neoburgensibus in Fionia memoratur unâ cum archiepiscopis Lundensi & Nidrosiensi; itemque episcopis *Johanne* Ripensi, *Suenone* Burglaviensi, *Jacobo* Viburgensi & *Johanne* Slesvicensi. ut verisimile sit continuissè se sub Comitiorum tempora ut plurimum, episcopos illos, vel in Norwegiâ vel Daniâ; atque inde vergente æstate in Groenlandiam reversos. quamvis & hoc credibile, ob impeditas ac difficiles in eandem oram ac portus navigationes traiectione postremò prohibitos. Nam intermissæ in eam ter-

Vide hist.
nostram Da-
nicam.

sesond, Isesond, Louwsond, Hornsod: quales hodieque passim appellationes, *fretum* significantes, apud Norwegos ac Danos obviæ habentur. Ibi enim, *Carsond, Molsond, Gronsond, Oresond, Langesond*, & in orâ extremæ Germaniæ ad Balthicum mare *Stralesond* reperitur.

iis autem in vocibus singulis *sond*, ut dixi, *fretum* notat.



AD LECTOREM

His, quæ Libro secundo diffusè disceptata à Seldeno sunt, quoque ea potissimum tractantur, quæ Facti habentur; sicuti Priore, quæ sunt Juris; sic satis discussis, nunc ad ulteriora veniamus. Nàm duo hæc sibi Seldenus perpendenda proposuerat; Et hoc quidem, quod Juris est, Libro priori; quod Facti, secundo persequitur: quamvis & id quod Facti sive historiæ est, non pauca sibi admista etiam habeat, quæ Juris sunt, ipso id non diffitente Seldeno; & vice versâ. Tamen ne in totum quæ hujus sunt, id est, Librum priorem intactum & à nobis quasi non inspectum habuisse insuper videamur, paucis ei, per capita, nec tamen omnia, sed saltuatim ac tumultuarie, quod dicitur, adjectis Discussionibus atque Observatis aliquot, colophonem Disceptationi universæ imponemus.

DISCUS-

DISCUSSIONUM HISTORICARUM

LIB. II.

CAPUT I.

Maris universi dominio nullum juris genus obfistere, quod putat Seldenus, an locum habere possit, quaesitum.

Postquam Libri hujus prioris primo statim Capite opus suum distribuisset Seldenus in ea, quæ *juris*, quæque *facti* sunt, concludit sub finē, quod ad prius, nullum omnino juris genus recte intellectum refragari Maris dominio. Et ut simul constet, quænam sint ea, quæ Maris dominio reluctantur, & quænam adversus illud soleant objici, persequitur ea omnia Libri, quem dixi, prioris Capite 2. Atque inde ne ignoretur, cujusmodi intelligat mare, ostendit Cap. 3. definitque se *Mare hic intelligere universum & tam oceanum*

num apertum, seu exteriora quæ sunt *Maria*, quàm quæ interiora sunt, veluti *Mediterraneum*, *Adriaticum*, *Aegaum*, *Britannicum*, *Balticum*, & quæ sunt id genus alia.

Quibus eum in modum positis, adducere hoc loco operæ pretium existimo atque ei continuo & veluti in antecessum opponere, quid olim super his statuerit illustrissima Anglorum Regina *Elizabetha*, respondens legato Hispanico, qui res à Draco in Indico Oceano captas repetitum advenerat. Fateor quidem jam antea & superius mentionem quoque hujus responsi fecisse me, sed hæc quia maxime quadrat, repetendum obiter puto. In eo siquidem demonstrat Regina, Hispano nec ex donatione pontificis Max. nec ex occupatione quorundam locorum proprietatem Indici maris aut Indiæ universæ competere, quod ejusmodi donationis ac proprietatis vindicationes ex jure ipso nihil sint atque imaginariæ; Cum præsertim (ità habent ejus verba) *prescriptio sine possessione haud valeat*, & ideò nihil ob stare debere, quo minus ceteri principes commercia in illis regionibus exerceant, & colonias, ubi Hispani non incolunt, jure gentium nequaquam violato, deducant; & oceanum illum vastum libere navigent, cum maris & aeris usus omnibus sit communis.

nec

Vide histor.
G. Camdeni
ad an. 1580.

*nec jus in oceanum populo aut privato cuiquā
possit competere, cum nec natura nec usus pu-
blici ratio occupationem permittat. Quæ sane
heroinæ tantæ, ac Deæ, si ità loqui liceat,
quā homini similioris fæminæ, verba ejus-
modi sunt, quibus refragari velle aut ob-
luctari, eandem præsertim sententiam ad-
struentibus, qui sunt in manibus, juris peri-
tis fere universis, quid sit aliud, quàm
quod dicitur, contra torrentem niti, ac
rejicere, quod placeat omnibus? aut ei
applaudere, quod rejiciunt propemodum
universi?*

CAPUT II.

*Maris universi ac terræ dominium penes
summum esse numen. Ea neque pos-
sessa unquam, neque ejus esse
naturæ ut possideri ab uno
aut cludi queant.*

Differit deinde ac disputare pergit Sel-
denus cap. 6. ejusdem lib. 1. ex jure
divino. & id quoque favere dominio Ma-
ris asserit. Sed respondendum, eatenus id
feri, quatenus aliquid ejus esse capax po-
test, Mare autem, si ejus vastitatem vide-

amus, esse numinis ac Dei omnipotentis ex psal. 115. constat. Nec mare tantum, sed & Terra, hoc pacto sumpta, numinis esse psalmistæ eidem dicitur, cum *Terram esse domini at plenitudinem ejus, & montium cacumina esse ejus* demonstret psal. 24. Sed occurrit Seldenus, dupliciter considerari dominium ostendens: Et primo quidem domini genere nihil omnino nedum Mare, esse in hominum bonis; secundo omnia esse aut esse posse quæ prehendi, occupari possideri queunt. Ubi probè dicitur, quæ prehendi, occupari ac possideri queunt. At horum neutrum, si dominium spectemus, vel in Terram, vel Mare, universaliter accepta, cadere posse jam ostensum; præsertim cum neque naturæ, neque usus publici ratio occupationem permittat. occupationem dico, quæ ab uno aliquo fiat. Nam de partibus singulis, deque maribus particularibus nemo negaverit, alicujus esse ea domini posse. At orbem universum, sive seorsim etiam Mare, sive Terram consideremus, quis ea occupata aut possessa ab uno unquam uniusve subjecta imperio vel fando audivit, vel legendo comperit? Romanum imperium, ut & Assyriorum ac Græcorum, quàm vastum fuerit, quis ignorat? Attamen quantulum id fuerit, si Orbem

bem universum respiciamus? Tum & idem
 Romanum imperium quomodo corrui-
 t, nisi mole & magnitudine sua, ut tradunt
 authores? Quod itaque sub finem ejusdem
 Capituli 6. injicitur, *Mare non minus ac Tel-
 lurem dominii privati capax esse*, lubenter
 concedimus, si de mari singulari id capia-
 tur, nequaquam si de universali. Nam ne-
 que tellus ipsa sive terræ globus, si univer-
 sum sumas, id admittat, ut jam monstratum
 est. Sic mare Mediterraneum, quod par-
 ticulare erat mare, recte id authores Ro-
 manis tribuunt. Hinc Florus lib. 3. cap. 6:
Tiberius Nero (qui è legatis erat Pompeia-
 nis) *Gaditanum fretum, quâ primum Maris
 nostri limen aperitur, obsedit. Maris inquit
 nostri, ut intelligatur Mediterraneum, quod
 erat scilicet in potestate Pompei seu Roma-
 norum. Unde & Mela de eodem agens lib.
 1. cap. 1: Id omne, quâ venit, quaque dis-
 pergitur, uno vocabulo nostrum Mare di-
 citur.*

CAPUT III.

Marium particularium apud Seldenum enumerationem, eorumque dominium, ad vasti oceani dominium momenti parum adferre; imo & particularia maria, quæ vastiora sunt, imperio perdifficile contineri ostensum:

HInc sequentibus Capitibus, quæ sunt apud Seldenum I X & X, perplura enumerantur maria, sed particularia omnia, cujusmodi sunt *Minois* seu *Cretense*, item *Lydiorum*, *Pelasgorum*, *Thracum*, *Rhodiorum*, *Phrygum*, *Cypriorum*, *Phenicum*, *Agyptiorum*, *Milesiorum*, *Carum*, *Lesbiorum*, *Phocensium*, *Corinthiorum*, *Ionum*, *Naxiorum*, *Eretriensium*; ac denique *Aginetarum*, qui Mare obtinuerunt annos X X, usque ad transitum Xerxis. Quæ tamen omnia cum particularia & à singulis ut singularia esse defensa retentaque aliquandiu constet, nihil adferre roboris possunt ad inducendum, quod hic quaeritur. Nam concludere particularia Maria dominii esse capacia, & ided vastum quoq; illum ac universalem oceanum sub-
jici

jici imperio posse, vim argumenti non habere satis liquet. Nam & contra ostendam, ne particularia quidem maria eorumque sinus, præsertim capaciores, nisi summâ difficultate ac vi majori haberi sub aliqujus dominio posse; exemplum, præter cetera; præbente nobis Polybio, qui demonstrat Carthaginienses aded quondam maris sui dominatos, ut ne Romanis, sociisque eorum, ultra Africæ id promontorium, quod Pulchrum est dictum, navigare permiserint, Unde & Festus in voce *Tyria* de Pœnis hæc habet: *Tyro oriundi Pœni, aded potentes Maris fuerunt, ut omnibus aliis mortalibus navigatio esset periculosa.* At corruisse id quidquid imperii erat, prævalentibus Romanis, quis ignorat?

CAPUT IV.

*De Maris olim apud Massilienses, qui omis-
si Seldeno, itemque Venetos dominio:
ejusque periodo.*

VErum inter eos, qui Maris dominati antiquissimis illis seculis fuere, haud fuerant Seldeno omittendi Massilienses. Quam enim ii maris non tantum sui, quod
in

in Tyrrhenum quàm longissimè excurrit, gnari potentesque circumquaque fuerint, sed ultra etiam navigationes instituerint, docet Pytheas Massiliensis. Hic siquidem, superato Herculis freto, postquam Gades esset prætergressus, universum propemodo septentrionem lustravit; Thulen, quæ hodie Islandia dicitur, adiit; & totum eum boreæ tractum Græcis inter primos aperuit. Nec alium habuit, quem hîc sequeretur, authorem illè ut vetustissimus ita celeberrimus Mundi delineator Eratosthenes, qui Pitheæ pene verba singula ut oracula æstimavit, referente, inter ceteros, Strabone. quamvis addat idem, ad elevandam Pythæ fidem, miratum Polybium, quomodo ille homo privatus & pauperinus exsequi ejusmodi aut sustinere navigationes potuerit. Quod quam facile refelli possit, cum ex conjecturâ magis, quam vero referatur, quis non agnoscat? tum & reponi queat, neque privatum neque pauperem fortasse fuisse Pytheam, sed in comitatu ac societate negotiatorum, aut aliàs, qui tum in Galliis & apud Massilienses rerum potirentur, principum virorum missu eam instituisset profectionem. Sed ne solus ego (ut obiter hoc, licet extra rem nostram, hîc addam) pugnare pro Pythæa videar,

videar, ecce insignis ille Strabonis ipsius commentator *Isaachus Casaubonus*, discedens hac parte à suo magistro; nec ei contra fas & æquum in totum volens applaudere, ad locum superiorem, qui ex Geographiæ ejus primo est adductus, ubi, inter alia etiam *virum mendacissimum Pytheam* Strabo idem appellat, ita infit: *Scripserat Pytheas Terra Periodum sive Periplum: & quia in Galliâ natus erat, de partibus septentrionalibus plerique eum auctorem amplectebantur. ut qui de vicinis regionibus potuisset fidelius, quam ulli Græci ante eum fecissent, scribere, præsertim, qui, ut ipse agebat, totam exteri ac borei maris oram lustrasset &c. neque sane dubium multa eum Græcos docuisse, quæ prius ipsi ne audivissent quidem: cujusmodi sunt, quæ de Thule scripserat, quam non esse aliam, quam quæ Islandia hodie dicitur, facile doctis viris assentior. Eratosthenes verò Pytheam tanti fecit, ut singulas ejus sententias singula esse oracula existimasse videatur &c. quod cum Polybius alique magni viri & Eratosthenes veritatem animadvertent, viderentque Pytheam falsa multa tradidisse etiam de iis, quæ Græcis hominibus nota erant atque explorata, ita capit Pytheæ fides esse suspecta &c. adeoque factum est, ut ne in iis quidem, quæ ab ipso verè scripta erant, ei fides ab iisdem*

dem magnis viris haberetur &c. Hæc si cogitasset Beoceselenus quidam, nunquam profecto tam stultus fuisset, ut Strabonem maximum præstantissimumque scriptorem, propter hoc de Pytheâ judicium, damnandum ac despuenda (sic enim loquitur) temeritatis pronunciaret &c. Hactenus Casaubonus. Et ut Massilienses hac Galliæ maritimâ orâ, quæ meridiem spectat, ita ad alterum Galliæ ejusdem littus, quod boreæ est objectum, circa Ligeris ostium, mari præcipue potentes ac clari Venneti (Vannes hodie) fuerunt. De quibus Seldenum etiam & nos superius suo loco dixisse memini. Sed hæc, quæ maxime spectant, advocabo super illis verba Cæsaris, ut constet Galliæ vires ac copias maritimas hisce vel maxime duobus locis antiquitus constitisse, circa Massiliam dico & hocce, in quod se Liger exonerat, boreum mare; ubi egêre tum, qui Cæsari, ut dixi, Venneti, appellati. Verba Cæsaris ista sunt: *Hujus civitatis (Vennetorum) longe est amplissima auctoritas omnis ora maritima regionum earum: quod & naves habent Venneti plurimas, quibus in Britanniam navigare consueverunt: & scientiâ & usû nauticarum rerum ceteros antecedunt; & in magno impetu maris atque aperto, paucis portubus interjectis, quos tenent ipsi, omnes fere,*
qui

Cap. 2. ad
Lib. 2.

Lib. 3. de
bel. Gallico,

qui eodem mari uti consueverunt, habent veſtigales. Hinc idem naves eorum formamque earum ita deſcribit : *Ipforum naves ad hunc modum factæ armatæque erant. Carinæ aliquanto plantiores, quàm noſtrarum navium, quo facilius vada ac deceſum æſtus excipere poſſent. prora admodum erecta atque item puppes, ad magnitudinem fluctuum tempeſtatumque accommodatæ, naves totæ factæ ex robore, ad quamvis vim ac contumelian perferendam, tranſtra ex pedalibus in latitudinem trabibus, confixa clavis ferreis, digiti pollicis craſſitudine, anchora, pro funibus, ferreis catenis revinctæ. pelles pro velis, alutæque tenuiter confectæ, ſive propter lini inopiam, atque ejus uſus inſcitiam; ſive, quod eſt magis veriſimile, quod tantas tempeſtates oceani, tantosque impetus ventorum ſuſtinere ac tanta onera navium regi velis non ſatis commode arbitrabantur. Sed hoc Vennetorū in mare dominium, viris ac claſſibus undiquaque armatum munitumque qualecunque fuerit, cecidit tamen finemque habuit, ubi Cæſar identidem id concutere vi majore terrâ marique non ceſſaret. Unde & victi mox; gravius in eos, quàm alios vindicandum idem ſtatuit, quod legatos ejus contra jus legatorum retinuiſſent. atque ideo omni ſenatu eorum necato, reliquos ſub corona*

corona vendidit, quamvis evaluisse postmodò, & ab his præcipue, quâ se longissimè in Hispanos exporrigit, GALLICUM MARE nomen traxisse verisimile sit, teste, quem iterum iterumque in hanc rem advocavi, Tacito, ubi ait in vitâ Agricolæ: *Siquidem Hibernia medio inter Britanniam atque Hispaniam sita, & Gallico quoque mari opportuna, valentissimam imperii partem magnis invicem usibus miscuerit.* Sed de eo propius nonnihil in sequentibus.

CAPUT V.

Hammonis Pæni navigatio. itemque Hispaniensium: & Arabum ex mari suo in Hispaniam, transito bonæ spei promontorio, profecti-ones maritime.

ADDUCIT deinde & alia Seldenus, & Capite præsertim XIII, ubi de maris dominio agit, quod penes Spinetos, Padi accolæ, fuit; deque eo, quod exercuere olim per quadraginta aut circiter annos Carthaginenses. Quam in rem quæ ab eo allata fufius sunt, hoc loco reperere, actum sit agere, illud tantum memorabo, quod
ejus

ejus diligentiam fugisse video, *Hannonem*
 scilicet *Pœnum*, *Carthagini* potentiâ flore-
 te, (verbâ sunt Plinii) *circumvectum à Ga-* Lib. 2.
libus ad finem usque Arabia, navigationem cap. 67.
eam prodidisse scripto. Et ne miremur Bonæ
 spei Promontorium, quod ignorasse Pto-
 lemæum constat, illis jam ante tempori-
 bus circumnavigatum, Refertur ab eodem Ibid.
 Plinio, in sinu Arabico, res ibi gerente C.
 Cæsare Augusti filio, signa navium ex Hi-
 spaniensibus naufragiis reperta agnitaque.
Hispaniensibus dicit, ut intelligantur naves,
 si non Hispanæ, saltem ex Hispaniâ profe-
 ctæ. Ità enim vox *Hispaniensis* apud au-
 thores accipienda. Et ità Martialis vocat Lib. 12.
librum suum *Hispaniensem*, quod esset in Epist. 1.
 Hispaniâ scriptus, nectamen Hispanus.
 Quin & Arabibus quoque, quod alibi no-
 bis ex Plinio item memoratum est, non co-
 gnitum modò, sed præternavigatum quo-
 que hoc promontorii colligere ex eo est, Lib. 2. cap.
 23. Rerum
 & Urbis
 Amsteld.
 quod ætate Cornelii Nepotis Eudoxus
 quispiam, cum Lathyrum Alexandria Re-
 gem fugeret, Arabico sinu navibus egres-
 sus Gades usque pervectus memoretur.
 Nam sane sinu Arabico, qui aliàs Rubrum
 mare dicitur, excedens, pervenire Gades
 continuâ navigatione haud potuit, nisi
 transito, quod est jam indicatum, promon-

torio. Et præter has omnes haudquāquam erat silentio involvenda summi Regum Salomonis ad Ophyranam regionem instituta navigatio. Sed ubi terrarum hæc regio sita sit, & an alio etiam nomine cognita habeatur, hætenus ignoratum fuit. *αἰ-εαῖα* & *αουφίρ* legunt LXX interpretes.

Lib. 9. cap.
4. Præp. E-
vang.

Josephus eam in Indiā ponit. Eupolemus author apud Eusebium *TERRAM AUREAM* *χρυσῆν γῆν* suo tempore vocatum ait, Esseque Maris Rubri Insulam. Unde Marius Niger eam *AUREAM CHERSONESUM* Ptolemæi est interpretatus. Quod eo usque Maris Rubri nomen olim pertigerit. Sed cum aded hîc varii authorum sensus dissensusque sint, paucis absolvi hæc nec isto loco poterunt. Differemus igitur aut rejiciemus hoc ipsum in calcem disputationis hujus, ubi adducemus nonnulla super iis, qui navali præcipuè gloriâ excelluerunt, præmissâ quod ad Ophyræ hanc regionem non minus quàm ad eam, quæ est instituta, navigationem, Dissertatiunculâ, sive Commentarius est, *Gasperis Varrerii Lusitani*: qui plures ante annos eâ de re accurate agens libellum eum, ad Johannem & Sebastianum Portugalliæ Reges missum, typis describi ac evulgari Eboræ curavit.

CAPUT

CAPUT VI.

*Populi vocis apud authores nō una acceptio.
aliud portuum ingressiones marisque
vestibula, aliud apertum publi-
cumque mare.*

CEleberrimis populorum jam dicto-
rum navigationibus eorumque in Ma-
ri dominio addit deinde Seldenus, populi
Romani quodnam fuerit, tam in Occiden-
te quam Oriente, marinum dominium. Ac
primò omnium ostendit, Cap. XIV, Ro-
manos Carthagine tum demum potitos, ac
superiores redditos, postquam dominari
maris cæperunt.

Sed mare id littusque utcunque diffu-
sum accipiatur, finibus tamen suis ac metis
circumscriptum constitit. Hic navigare, æ-
dificare aut quid aliud in domini præjudi-
cium constituere, interdictis vetabatur.
At si nemo damnum sentiret, defendebaturis
(sunt verba Ulpiani) qui in littore adificaret,
aut molem in mari jaceret. Et statim idem
Ulpianus: *Si quis in mari piscari aut naviga-*
re prohibeatur, non habet interdictum; quem-
admodum nec is, qui campo publico ludere,

vel in publico balneo lavare, aut theatro spectare arceatur. Omnibus his casibus injuriarum actione utendum est. Seldenus qui aliorum hæc trahere nititur, vocabulum *δημόσιον*, quod est apud Jurisconsultos Græcos, non ita accipit, quasi publicum & omnium hominum pariter commune notet, sed *δυσμόσιον* inquit est, quod populi est, nec omnibus hominibus æque commune: & eo sensu mare quoque vult esse publicum. At quod populi est, nonne id cujusque est? Quod autem est cujusque, quomodo id omnium hominum pariter commune non sit? Populi autem vocem authoribus Latinis ita usurpatâ, ut ad omnes promiscue referatur, demonstrat eorum non unus locus: & præsertim ille Senecæ Epistolæ 105: *ut garulitatem suam custodiat, & contentus sit unius auribus, populum faciet: ubi populus promiscua est multitudo.* Hoc qui non intellexerunt, contra codices omnes, *publicum faciet*, legendum apud Senecam existimaverunt. At iterum Seneca Natural. Quæst. lib. 1. cap. 3: *Sunt specula quibus si unum ostenderis hominem, populus apparet.* Et Plinius lib. 2. cap. 7: *quamobrem major calitum populus etiam quam hominum intelligi potest.* Sed videnda quæ luculentius hac de re notata olim nobis ad l. 7. c. 1. Macrobiani nostri.

Hinc

Hinc Cap. xv. multa adferuntur à Seldeno de Maris orientalis jure & vectigalibus quæ ei erant imposita ; sed cum omnia ea singulaq; eo recidere videã, ut circa portus, seu, ut Græci vocabant, prothyra, id est, vestibula atque ingressus marinos constiterint, ad publicum seu apertum mare nihil faciant; aliisque & quibus libet, excutienda relinquimus.

CAPUT VII.

Enumerata aliquot peculiaris maria earum gentium, quæ hodie florent, aut floruerè nuperrime.

NEc aliud respondere habeam ad ea, quæ ab eodem disputantur cap. xvi. de maris dominio in gentium, quæ etiamnum florent, moribus,, ut sunt Venetorum Mari Adriatico; Genuensium Ligustico; Tuscorum Tyrrheno & demum Mari Ecclesiæ Romanæ sive Romani pontificis. Nam suum cuique mare sive littus competere ex jure, quod gentium vocatur, nisi obstant alia, nemo inficias iverit. Et eorum, quos enumeravimus, populorum, uti fuerunt vel prosperæ vel adversæ res, ita
M 3 fortunis

fortunis ac ditionibus terrâ marique modò auctos modò minutos comperimns. Vene-
tis olim, quo tempore classibus quàm ma-
xime valebant, paruere Istri, Liburni, Dal-
matæ atque Illyrici ora; multæque item
nobiles Græciæ insulæ & urbes; Cyprus-
que cum Eubœa Cretâque. At modò, ver-
sâ fortunâ, ut illis, itâ & aliis nonnullis,
minus hæc ampla omnia.

CAPUT VIII.

*Garcia Jurisconsulti sententia posita, ea-
que aliter quàm à Seldeno ac-
cepta.*

DE Lusitanis item & Hispanis eorum-
que receptis circa Maris dominium
moribus, quod deinde sequitur apud eun-
dem Capite X V I I , minus capio, quod
dictum istud Garcia Jurisconsulti Hispani,
Mare est, cujus est terra cui adjacet, de
Mari aliquo accipi posse concedit futile
autem esse si in universum sit dictum.
Nam ei Seldeni effato nonne adversari di-
cendum, quod statuit deinde iplemet cap.
21; ubi dicitur, *ejus esse cœlum seu aerem,
cujus est solum*. Et illud ibidem: *aeris per-
petua*

petuo fluitantis is civiliter dominus est, qui fundum & ades possidet. Si hæc circa ærem, cur non etiam, quod ad mare, locum habeant? Sed hæc aliena & alios spectant.

CAPUT IX.

Privatorum aliquot marium à Seldeno enumeratorum recens. deque singulis obiter nonnihil dictum,

Proxime deinde insequenti capite 18. agitur disputaturque de Gallorum moribus, sententiisque super maris dominio privato. Hoc absolvitur Capite isto, quod est in ordine 18. Et maxime ibi haud prætereunda Seldeni hæc verba: *Sed quod ad septentrionalis Gallis occiduique illis maris corpus attinet, seu quod Gallias & Britannicas insulas interluit (nam etiam id quod in litore illo arcuato occiduum eis est, seu sinus Aquitanicus, Britanniarum nostrarum Galliarumque partes occidentaliorez revera interluit aque ac boreale illis mare Angliam & Normanniam) nec testimonia ulla anterioris afferunt, nec omnino habent. Nisi quod de Venneris Armoricis ex Casare, & quod de*

M 4. proximo

proximo Britannia minoris littori mari dictum est mari, velis heic excipiendum. Ubi illud tantummodò notandum, dum omnia hîc aliorum trahit, nihil propemodum relinquere eum vicino ejus maris, quod Galliam & Britannicas insulas interluit: meminisseque eum debuisse **MARIS**, quod **GALLICVM** κατ' ἐξοχὴν Tacitus appellavit in vitâ Agricolaë. De quo repetenda inspiciendaque, quæ superius capite quarto, itemque libro priore diximus, Cap. nimirum VI, et si quæ alibi eodem libro eandem in rem propius attulimus. aded ut liquere ex iis satis queat, omnino præter Vennetos eisve vicinum littus, etiam boream atque occidentem versus imperitasse olim mari Gallos. Quod ex Taciti jam indicato loco **MARIQVE**, quod is tantopere celebravit, **GALLICO**, haud quaquam prætereundũ Seldeno fuerat. Nec magnopere immorandum Capituli, quod superiori est proximum, 19. Quod privata itidem Maria attingit, Danorum, Norwegorum, Suecorum, Polonorum, ac Turcarum. Sed quod inde concludendum Seldenus inducit, nihil ob stare quo minus Mare æque ac Tëllus dominii capax sit, concedemus, si de mari littoreve cujusque regni, ditionis ac territorii circumscripto

ac privato accipiatur, negabimus verdidem acceptum de magno illo vastoque ac sine terminis, ut sic dicam, mari.

Seorsim autem, quæ de Maris dominio Danorum privato referuntur eodem à Seldeno loci, ista sunt :

Danorum & Norwegorum visimus in vectigalibus quæ ex ipsâ Maris Baltici navigatione Regi Dania proveniunt (quæ notissima sunt) atque ex Norwegici maris dominio Norwegia Regi (qui & ipse , seculo nostro Dania est) tributo. Nam & Fredericus I I Dania & Norwegia Rex mercatoribus nostratibus corporis Moscovitici, anno MDLXXXIII, ita usum temporalem Maris Hyperborei seu Norwegici indulgit, ac si usum fructum agri (cujus sibi plenum vindicasset dominium) concessisset. Etiam, ex suo arbitrato, indultum conditionibus temperavit. Extant de hac re Tabula publica, quibus annuo vectigali compensatur Regis beneficium, mercatoribus aliis denegatur, & induciarum inter Moscum & Regem pactarum sine terminatur. Etiam in vetustis Danorum historiis de Haraldo Hildetano Rege legitur, sed nec quisquam Maris dominationem absque ejus nutu usurpare præsumsit. Et proxime subjicitur quod est imprimis ad hanc rem notandum, Quippe quondam in Danorum republica dividuum

In Thesaurò
Cottoniano.

Terræ & Pelagi imperium fuit ; Et Olo (qui postea Rex) à patre accepta pelagi dominatione LXX maritimos reges nauticarum virium certamine consumpsit. *Quæ scribit Saxo lib. historia sua 7 , uti & alia ejusmodi. Et in transactione Hassnia habitâ an. 1613, inter Christiernum Dania IV & Gustavum Adolphum Sueciæ, renunciat Rex Sueciæ juri & superioritati & dominio Maris aliisque Regalibus, quæ in Norwegia, Norlandia & districtu Wardhusensi ad dictum oceanum vindicaverat. Hætenus Seldenus.*

Quæ cum recitare prolixius Seldenus libuit, haud omittenda fuerat aut prætereunda Regis ejusdem Haraldi classis, qua ille cum Ringone nepote suo, quem Sueciæ præfecerat, congressurus, quasi alter Xerxes, texisse navibus fretum illud, quod est inter Selandiam & Scaniam, Oresundam dictum, Saxoni memoratur : Et ita texisse, ut pontis vice naves essent, utque in oram adversam Scaniæ è Selandiâ pediti per naves iter pateret. Verba Saxonis ista sunt : *Igitur frequens Danicâ classe pelagus, Sialandiam Scania veluti interposito ponte committere videbatur. Quas quidem provincias intermeare cupientibus confertissimo navium globo pedestre*

Stre compendium exhibebat. Ejus utriusque oræ, interluente freto, distantiam ab invicem haud multò Anglico miliari esse minorem, sciunt ii, qui Porthmum eum aliquando præsentem contemplati fuere. Et ut constet quoque, quas ex adverbo vires virosque Ringo adduxerit, refert idem ibidem classem ejus ultra duo navium millia reperta fuisse. Ità enim exinde addit, *Ceterum in tota Ringonis classe navium duo millia quingenta reperta sunt.* Nec illud quoque silentio involvendum erat, ad laudem ac celebritatem navigationis, quæ præcipue olim Dani excellere, haud leviter pertinens, quod nauticæ leges ac jura, ut olim apud Rhodios Rhodia, de quibus mox dicetur, hinc initio profecta sint. Certo etenim constat in urbe Wisbuenfi, quæ Gotlandiæ, Balthici maris insulæ, metropolis est, maritimas constitutiones ac Leges, quæ exinde apud alias quoque gentes in usum traductæ, primitus fuisse constitutas: Nec id modò, sed ibidem etiam primò tabulas hydrographicas diligenti nautarum observatione adnotatas, quæ postea ab aliis auctæ emendatæque singularem usum præbuerunt navigationibus, utpote quarum beneficio cæci maris fluctus medio in oceano tuto nauta percurrat

Lib. 8. hist.
Dan.

currat, feraturque in portum propositum non longis anfractibus legendo littus, sed rectâ sæpe lineâ, si ventus ferat.

CAPUT X.

De natura maris & aeris quæsitum; ostensumque, non omne aut quaecunque mare, sicuti nec aer aut cælum, posse dominio subjici.

Quod exinde ad Caput xx spectat, quo respondetur objectionibus de libero mercatoribus, peregrinis, navigantibus transitu, cum præcipue jus cujusque populi respiciat, deque eo fusè nec uno modo disceptent jurisconsulti, hîc præteribimus. Sicuti nec illud magnopere retractandum nobis, quod habetur Capite statim insequenti, quod in ordine vigesimum primum est. Ubi similiter objectionibus occurrit Seldenus, de Naturâ maris fluxili. agitque ac commonstrat, flumina etiam & aerem conterminum (quæ magis fluxilia) in proprietatem transire. Hæc, inquam, minutatim attingere constitutum haud est. Interim illa eo Capite verba: *Cum igitur fluminum proprietates & domini-*
um

um privatum nullibi non agnatum fuerit, cur non itidem & Maris cujusque agnoscendum est, dominos esse posse? Ubi maris cujusque five mare quodcunque, non privatum modò, sed & publicum & universale intelligendum sit. at hoc posterius, ex allatis superius, haud esse ejus naturæ, quâ littora mariaque privata, satis liquere potuit; liquebitque ac dicetur jam statim uberius. Et illud quoque ibidem: *Cujus tamen* (aeris perpetuo fluitantis) *civiliter dominus plane est, qui fundum & aedes possidet*; Sicuti & ista: in opere novo nunciato, tam soli quam cœli mensuram esse faciendam, ait Pomponius; Et id item: *Obvium est, ejus esse cœlum seu aerem, cujus est solum*, saniter &, ut debent, accepta nihil incommodi habent; nec juvent Seldenum, ulterius laxiusq; procedentem accipientemque. Restrungenda etenim ad aedes five ædificia sunt, quibus pro modo ac proportionem, & aliquando etiam pro jure cujusque suis relinquitur prospectus & aeris cœlique modulus. Hinc servitutes enatæ, de quibus disputant jurisperiti, quousque nimirum attolli vicinorum aedes earumque protendi tecta debeant, ne vel luminibus vel prospectui vel simili commoditati alterius, qui in proximo habitat, officiant. At universim sumpta, & ut

4. Hiftor.

ut titulus videtur innuere, quasi aer in proprietatem etiam transeat, locum non habeant; Et idè providè additum à Seldenno, *conterminus* scilicet aer. Qui, ut jam dixi, haud ulterius in verbis jurisconsultorum, quæ sunt allata, quàm ad prospectum & lumen cuique ædificio ex lege ac jure debitum trahendus. Nam cœlum aliàs ac ac aerem, qui patet cuique, haud posse in proprietatem alicujus transire, rei natura ostendit: tum & Tacitus verbis, quæ sunt legatorum Tencterorum ad Agrippinenses, ista scilicet: *ad hunc diem flumina & terras & cœlum quodammodo clauserant Romani*; quodammodo, inquit, cœlum clauserant, quod ejus scilicet naturæ cœlum si-ve aer sit; ut claudi nequeat, nisi eo, ut diximus, modo.

CAPUT XI.

Littora quomodo ut limites capiendi? item mare, licet vastissimum, an capax domini?

HInc propius ad rem veniens Seldenus ait Capite 22. *finium rationem aut in littoribus considerari aut in diffuso aquore*. Et quidem

quidem quod littora spectat, miratur virum doctum non admittere, ut etiam littora fines ac limites legitimi sint habendi, sicuti fossæ, vepres, maceriæ aliaque talia in agrorum finibus. Hunc virum doctum Hugonem esse Grotium ex marginali annotatione patet; ubi liber ejus laudatur secundus cap. 2. §. 3. de jure pacis & belli. At eo loci Grotius de mari loquitur, quantum ego conjicere possum, diffuso & vasto, & cujusmodi jam ante finierat. Ità enim verba ejus habent: *Naturalis ratio quæ mare consideratum ut diximus proprium fieri vetat; quia occupatio non procedit nisi in re terminatâ &c.* Sed ea quæ præcedunt, à Seldeno omiſſa, ità habent: *Est tanta maris magnitudo, ut ad quemvis usum omnibus populis sufficiat, ad aquam hauriendam, ad piscatum, ad navigationem. Idem dicendum esset de aere, si quis ejus usus esse posset, ad quem terra usus non esset necessarius, ut est ad aucupia. unde illa legem accipiunt ab eo, qui in terrâ imperium habet. Nec aliud censendum de syrtibus, ubi nihil est quod cultum ferat, & usus unicus petendarum inde arenas exhauriri nequit: Tum addit continuo: Est & naturalis ratio quæ mare consideratum ut diximus proprium fieri vetat, quia occupatio non procedit nisi in re terminatâ. At mare,*
inquiēs,

inquies, utcunque vastum ac magnum accipiat, tamen terminum ac latus suum habebit. habere concedam: sed non ut litus illud velut limes sit magni illius æquoris, quod terram, aut globum terræ universum, circumfluit, verum ut aspectus semper referatur ad sinum aliquem maris certum, qui vel hoc vel illo censeatur nomine. Sic Atlantici illius ac maris diffusi quàm multi huiusmodi sinus sive flexus sunt, qui Baiæ vulgo nominantur, ut alia nunc non dicam. Nam ad hæc respondere, cum ad alium spectent, ut supervacuum, ita nec muneris nostri putem. Esse enim suorum verborum interpretes quisque debet, præsertim si in vivis sit, *nec adhuc mortalibus occubet umbris*, ut ille ait. Hugoni igitur Grotio ipsi τὸ θαυμαστόν, vescenti etiamnum æthereâ aurâ, hæc, et si quæ alia eum spectantia, inspicienda propius permitimus.

Inde ad diffusum ac vastum mare procedens Seldenus, id quoque limicibus suis ac terminis posse distinguere ac claudere, non minus quàm privata dominia demonstrare conatur, præmissis verbis aliquot, quæ sunt ejusmodi: *In diffuso autem equore vix est difficilius terminos ac limites, quibus distinguantur privata dominia, invenire. Scopulos eminent-*

eminentes, brevia, adversa invicem promontoria, insulas hinc inde sparsas habemus, è quibus linearum rigores, versura, coxa, gammata sumantur, ad territorium marinum terminandum. Atque inde, adductis Ethici inepti cosmographi verbis, qui universo terræ Orbi maria aliquot, oppida, insulas, fluminaque & montes fere haud plures tribuit, quàm vel una edat Europa, finitionem, cujusmodi animo concepit, adstruere nititur; adjiciens interim disputare se nolle, quàm illa ab Ethico verè recensita. Verba enim Ethici hæc sunt: *Omnis terra Orbis habet Maria 30; oppida 370; insulas 72; flumina 57; Montes 40.* Quocirca, missis istis, ad alia transit. & à cœlo, quod negare solum videatur, sibi desumendum existimans hæc continuo subjicit: *Accedit egregia Nautica pyxidis & graduum celestium sive longitudinis sive latitudinis, atque ex hisce doctrina Triangulorum auxilium.* Etiam in coloniis ex Europâ in Americam a vo nostro deductis, latitudinis & longitudinis gradus sunt possessoribus termini; quales in Mari non difficiliter habentur. Tropicus item Cancræ & æquator in mari fuere termini, quibus finire voluere aliqui fœdus inter Ordines Belgii fœderatos & Austriacos anno MDCVII, contrahendū. Et in fœdere inter magna Britannia &

N

Hispa-

Hispaniarum Reges nupero Æquator est in mari terminus. Ubi, inter cetera, attendendum vel maxime ad illa verba: quales in Mari non difficiliter habentur. non difficiliter nimirum, quàm in terrâ. Quod haudquam concedendum ei, imo re & experientia docente, summo jure negandum. In terrâ figi pedem, exstrui munitiones, deduci colonias, limites finiri videmus. quod ea scilicet omnia, utpote in solido posita, tum & præfidiis, aut aliàs, defensa defendendaque, mansurum aliquid pollicentur habentque. At in Mari, aded diffuso ac vasto & modò malaciâ tranquillo, modò ventis sævientibus turbido, quomodo locum habeant? At inquis, in cœlo quem signant limitem Tropicus & Æquator, eundem in terrâ obtinere; Concedam, si limites accipiamus, cujusmodi in cœlo sunt lineæ omnes atque orbes, imaginarios, ad demonstrandum nimirum & velutprehendendum, quod aliàs naturâ suâ fluxum & vastitate quasi immensum neque concludi neque prehendi potest: utpote in quo neque figere pedem, neque sedem, nisi momentaneam, ponere liceat. Hic aliquid sibi adscribere dominium quis potest, nisi, quod dicitur, OMNES, cum omnibus id pateat, & modo huic, modò illi, prout mari

mari quisque valet, sui copiam permittat? Nam suum esse ecquis dicere audeat, aut jure possit, cujus possessionem non habet? imo neque haberi possessio queat? Quapropter iterum iterumque advocanda Regina Elizabethæ, cujus non semel superius meminimus, prudentissimæ voces effatumque, ad rem istam proprie spectans, istud Camdenus ad an. 1580. nimirum: *Neque jus in oceanum populo, aut privato cuiquam possit competere, cum neque natura, neque usus publici ratio occupationem permittat.*

Sequitur deinde apud Seldenum eodem hoc Capite, *Unde Hieronymus de Monte:* Termini in cœlo & aere positi sunt tempore Alexandri Papæ VI inter Lusitanos seu Portugaleses & Castellanos, dividendo insulas Indiæ tunc noviter repertas, per lineas graduum cœli; & quidquid reperiebatur à parte Orientali erat Portugalesium, & à parte occidentali, erat Castellanorum. *Certe hîc non magis Telluris partes, sive insule sive continentes, quàm Maris spatia mensurabantur finiebanturq.* Quàm Seldeni ex antecedentibus inductionem nemo Logicus facile admittat, ut talis hîc maris ac vasti oceani, cujusmodi telluris sit intelligenda mensuratio; neque ex iis deduci posse concedat. Loquitur enim

jurisconsultus de terræ partibus, siue eæ insulæ siue continentes sint. quas ait ad cœli gradus climataque seu lineas transcribi cuique debere. ita ut quidquid ad plagam ortivam pertineret, cederetur Lusitanis; quod ab occasu esset, Castellani acciperent; acciperent inquam non mare aut æquor aliquod in vasto Oceano, sed insulas terramque continentem. extra mare oceanumque, sub hoc vel illo cœli positu collocatam; quæ coli quæque teneri posset: Cujus naturæ, ut jam iterum iterumque indicatum, mare haud est.

Lib. 1. cap.
10. de Re-
pub.

Hinc proxime illa Bodini verba citat Seldenus, hæc inquam: *jure quodammodo principum omnium Maris accolarum communi receptum est, ut sexaginta milliaribus à littore, princeps legem ad littus accedentibus dicere possit. Quod quàm strictè, quove hodie modo servetur aut non servetur, disputandum hîc non sumam, alii has partes relinquens: illud tantum monebo, præcedere apud Bodinum quædam, studio, ut videtur, omissa Seldeno. Ità enim habent Bodini verba: Sed quoniam aquor ac mare ipsum privatorum proprium esse non potest, jure quodammodo principum omnium Maris accolarum communi receptum est, ut sexaginta milliaribus à littore, princeps legem ad littus*

littus accedentibus dicere possit &c. Ut satis ex istis etiam Bodini verbis & ejus, si qua esse potest, autoritate pateat, haud aliter, quam memoravimus, accipiendum hoc maris dominium; nec ultra littus aut eum, qui domini esse capax potest, migrandum limitem.

Adducit item Seldenus divi Ambrosii illud: *Geometram audivimus, Thalasmetram nunquam audivimus*: adiiciens eidem hanc notam: *lusus sane est vocabulorum magis, quam argumentum in rem, quam tractamus.* Et de variis variorum piscium sive antris sive regionibus à Deo destinatis in Oceano, non de civili maris distributione ibi loquitur vir sanctissimus: Quam hinc capiat Seldenus civilem maris distributionem, cum ejus esse incapacem magnum Oceanum jam ante monstraverimus, anquirere ulterius supersedebo. Cetera verò quod spectat, concedamus, respicere præcipue sanctissimum virum quod sibi argumenti loco proposuerat, interim negari nec id potest, intendisse etiam id, maris nimirum sive Oceani non esse nec haberi dimensionem posse, cujusmodi in terrâ habetur servaturque, colonias, limites tum & sedes cuique suas attribuens inq; eum modum præscribens, ut dicere cum poeta liceat, *has ultra*
N 3 *citraque*

citraque nequit consistere rectum. Est enim mare, ut obiter hoc addam, res indeterminata, quia liquida. Liquida autem per se non terminantur, ut docet Aristoteles; Et ostendit ubertim Grotius lib. 2. cap. 2. §. 3. de jure belli & pacis; & ideo nec posse occupari; nisi ut contenta in re aliâ; quomodo lacus & stagna occupantur; item flumina, quia ripis tenentur. Mare verò terrâ non continetur, par terræ aut terrâ majus. Majus autem terrâ esse exequitur late Cicero in somnium Scipionis, ubi hæc legas: *Omnis terrâ, qua colitur à vobis, angusta verticibus, lateribus latior, parva quædam est insula, circumfusa illo mari, quod Atlanticum, quod magnum, quem oceanum appellatis in terris, qui tamen tanto nomine, quam sit parvus, vides.*

Quæ deinde sub finem ejusdem Capituli memorantur de universali Romanorum dominio adductis his Petronii versibus:

*Orbem jam totum victor Romanus habebat
Quà Mare, qua Terra, qua sidus currit
utrumque.*

Et illâ vetustâ Inscriptione de Octaviano Augusto: ORBE MARI ET TERRA PACATO, IANO CLAUSO &c. non ulterius

ulterius trahenda, quàm ad Orbem Romanum, ut totus scilicet Romanus orbis fuerit pacatus. Nec Petronii etiam versus ulterius accipiendi. ut nimirum victor Romanus orbem totum tenuerit, qui erat imperii, tam versus occasum quàm orientē. Nam à meridie Euphrates, à boreâ Rhenus & Danubius limitem signabant. Quantillū autem id, si cum toto, quā patet, terrarum orbe contendatur. Quocirca provide ac circumspēcte in eādē re Florus voculam pene addit, cum inquit, *jam pene totō orbe pacato.*

CAPUT XII.

De dominio Maris & Telluris, & quomodo ea ab imperatoribus sumpta.

Nec aliud est quod sequitur, cap. XXIII, ubi inter cetera Flavius laudatur Josephus, judæus ac jurisconsultus apud Hebræos sui ævi celeberrimus, qui Cæsarem Vespasianum *dominum* appellat *tam Maris quam Telluris*. Dominum scilicet appellavit tam Maris quàm telluris, quatenus nimirum utrumque Romano continebatur imperio. Et quod additur, *affe-*

Etasse regnum tam Maris quam Telluris Alexandrum Magnum; rectè dicitur affectasse, id est, spe & animo præcepisse &, quod dicitur, quasi devorasse; cujus tamen quam exiguum erat, quod tenuit, aut obtinere potuit! Et ille, qui nostro ant superiori ævo symboli vice usurpabat superbum istud, **UNVS NON SUFFICIT ORBIS**, quàm tamen tenue & minutum fuerit, si cum universo comparatur, quod nostri ac noti Orbis tenuit! Quod verè ignoti sive novi Orbis sibi paravit, id multò minus esse, nec sine rivali hoc ipsum possidere potuisse, res ostendit. Nam equo, qui nummo ejus triumphali inscribitur, primoribus elevatis pedibus, quasi alium in Orbem profiliturus, subscriptum, aut ab adversario ejus, novo nummo cuso adscriptum, **QVO SALTAS INSEQUAR**. Ex quibus liquerefat posse existimo, quod etiam superius obiter innuimus, cum ne Orbis quidem terræ domini in totum capax sit, multò id minus de Mari sive oceano statuendum sperandumque, re, ut indicatum, liquida & ad occupandum minime idonea: utpote in quâ neque figi pedes aut sedes queant. Et quid orbem universum dico? imo ne pars quidem ejus aliqualis hoc sustineat,

Nam

Nam Romanum imperium, quod monarchias ac dominatus ceteros vel solum superavit, quid labefecit postremo pessumdeditque, nisi moles & magnitudo ejus, quâ tandem corruit?

CAPUT XIII.

Iterum de Mari; & quatenus id vel proprium vel non proprium habeatur.

AIt porro Seldenus cap. 24: *Quod item dicendum est de Mari, quicquid si-* Pag. 173.
dit in 8.
ve veteres illi, sive etiam sequaces (jurisconsulti) *in adversum scriptitaverint.* Vult nimirum inferre atque adstruere Seldenus, cum libertas scilicet illa vetus primævaque, invadendi atque usurpandi, quod occurreret, jam dudum sublata sit, idem quoque accipiendum de Mari. Sed respondendum paucis: Hoc ipsum neque de Mari omnino negandum, neque à nobis negari, quatenus id ejusmodi sit, ut eam libertatem seu communionem non admit-
tat. At eam à mari vasto oceanoque quis unquam arcuit, aut arcere potuit? Scimus enim qui imperium habet in terras & a-
N 5 quas,

quas, ejus lege edictisque posse impediri aliquos, ne feras, pisces, aves capere & capiendo acquirere ipsis liceat, ac eâ teneri lege non indigenas tantum sed & externos quoque. Ratio est, quia loci natura spatiumque admisit, ut id, quod fuerat jam ante commune, in proprium jus dominiumque cesserit, aliâs inquam commune omnibus ac liberum. Unde non semel in jure Romano occurrit, jure naturæ ac gentium liberum esse feras, pisces & aves venari, sed tandiu, quousque aliter statutum ab iis, qui res, cujusmodi fuerant in primævo statu, cum se jam esse earum potentes posse viderent, aliter atque aliter immutaverunt. Nam de talibus alias aliasque gentes aliud, nec unum statuisse omnes, constat.

Quod autem sub capitis ejusdem 27. calcem adijcitur ex epitaphio *Frederici I.* Augusti imperatoris, cujus scilicet tumulo talis versus inscriptus legitur :

*Qui Mare, qui terras, populos & regna
subegit,*

quasi ex eo authores ejus statuere voluerint, nec Maris dominium (sunt verba *Seldenii*) à Telluris populorumque dominio discre-

discrepare; Nec id magnopere diffitendum, modò intra metas consistamus; & res de mari locisq; dominii capacibus accipiat. Subegit regna, subegit populos terrasque & Maria *Fredericus* imperator, sed non omnia, non universa, sed ea, quæ subigi, quæque haberi in potestate potuerunt.

CAPUT XIV.

Excutitur prolixè Responsum Imperatoris Antonini, de lege Rhodiâ.

Capite deinde xxv prolixè disputat Seldenus de Responso Antonini Augusti ad Eudæmonem. quo ille *imperator se dominum quidem Mundi*, legem autem esse dominum Maris memorat in l. *deprecatio, ff. tit. de lege Rhodia*. Nec eo quidquam reperiri ait, quod Maris dominio omnino refragetur. Sed ejus genuinum sensum fugisse hætenus interpretum turbam ait. Libello enim supplice Eudæmon naufragus ab imperatore petierat, ut bona naufragii sui à publicanis direpta sibi restituerentur, idque his verbis, quæ ex Volusio Mæctiano ab intimis Imperatori consiliis recitantur,

citantur, istis scilicet : Κύριε Βασιλεῦ Ἀντονίνε
 ναυθράγιον ποιήσαντες ἐν τῇ ἰταλίᾳ , διρπαγήμεν
 ὑπὸ τῶν δημοσίων τῶν τὰς κυκλάδας νήσους δεικε-
 των. *Domine Imperator Antonine; Nanfragiū*
in Italia facientes, direpti sumus à Publicanis
Cyclades insulas habitantibus: responsum ab
Imperatore redditum ejusmodi Εγὼ μὲν τῷ
 κόσμῳ Κύριος ὁ ὅς νομος τῆς θαλάσσης. τῷ νόμῳ τῶν
 Ῥοδίων κεινέδω τῷ ναυτικῷ, ἐν ᾧ οἱ μητις τῶν ἡμε-
 τέρων αὐτῷ νόμος ἐναγλιῦται τὸ το ὅς οὗτο καὶ ὁ θε-
 ωτατος Αὐγαστὸς ἔκευεν. id est, ut vulgo verti-
 tur : *Ego quidem mundi dominus, lex autem*
Maris. Lege id Rhodia, qua de rebus nauticis
prescripta est, judicetur quatenus ei nulla no-
strarum legum adversatur. Ex quibus vi-
deretur intelligi, imperatorem quidem
Terrarum Orbis dominum esse, non autem
Maris; sed hujus legem tantum, non homi-
num quemquam esse Dominum. Sed ad-
dit ex Alciato, qui ità interpretatur: Dum
dicitur, Ego quidem Mundi dominus, Lex
autem Maris, quidam Gallici doctores exi-
stimabant propter adversativum, Maris im-
perium ad Imperatores non pertinuisse. Quod
sane perridiculum est : tamen si Baldus &
Jason hac ratione existimaverint Venetos Ro-
mano imperio subditos non esse. sensus autem
hujus legis is est, res scilicet maritimas lege
Rhodiā finiendas. Nam cum imperator sit
mundi

mundi dominus, certe non Terra tantum, sed Mare ipsius legibus parere debuerat, & ipse in eis leges statuere: cum tamen in Mari non lege propriâ iudicet, sed Rhodiâ, quæ ab eo est approbata. Intellige ergo, dum dicitur. Ego Mundi Dominus, quia orbem terrarum ex lege mea rego. Lex autem, intellige Rhodia, Maris, quoniam ex ea ius in Mari redditur. Sed datur ait Seldenus, ita respondisse, ut vulgo vertitur; Ergone sibi negat Maris dominium, quia legem affirmat Maris dominam? haud quaquam; cum ipse in terra Mundi adeoque legis ipsius dominus & arbiter sit. Quod ipsi placuit, Lex erat &c. Inde aliorum præterea interpretatiōnem adducit, qui sensum verborum ad hunc modum reddunt: Quamvis ego sum Mundi dominus & imperator atque ita legibus solutus, neque tenear ex præcepto aliquo subditis respondere, adhuc tamen lex sit domina & Regina Maris, id est, rebus quæ in Mari atciderunt, imperet mari, cum pertineat ad res Nauticas. neq; fiscus præferatur cū subditorū damno, sed fisci & privati æqua laccē debet tractari iustitia, & ideo respondere tenebitur fiscus. ita Franciscus de Amaya in Regio Granatensi senatu fisci Regii patronus. At Johannes Igneus sensum vult esse, ut Antoninus expressim dicat tam maris legem quam Mundi

Mundi dominum seipsum esse. *Ego quidem mundi dominus, lex autem sum etiam & Maris.* Quæ omnia quomodocunque accipiantur inquit Seldenus, dominii marini negationis ne vestigium quidem uspiam admittitur; sed ipsum etiam Maris dominum esse imperatorem satis adstruunt.

At contra vir doctissimus clarissimusque Samuel Petitus Gallus, etiam si interpretari atque illustrare conatur responsum ut vulgo habetur, Imperatoris Antonini, tamen alium postremo subesse sensum hario-
latur. Cujus sententiam atque expositionem licet eodem hoc Capite non prætereat etiam Seldenus, tamen quia ad manus sint ejus Miscellanea, unde ea Seldeno desumpta, verba hîc ipsa Petiti ponam, quæ ita habent:

Miscel lib.
3. cap. 11.

Non satis diligenter excussa sunt quæ refert ex lege Rhodia Volusius Macianus lib. IX D. de lege Rhodia.

Eudæmon ad Imperatorem Antoninum:

Græca superius posita sunt.

Domine imperator Antonine; Naufragium in Italiâ facientes direpti sumus à publicanis Cylades insulas habitantibus.

Anto-

Antonini Imp. Responsum.

Ego quidem Mundi dominus, lex autem Maris (ὁ δὲ νόμος τῆς θαλάσσης.) Lege id Rhodia quæ de rebus nauticis præscripta est, iudicetur; quatenus ei nulla nostrarum legum adversatur. hoc idem divus quoque Augustus iudicavit.

Quid hîc monstri est, eos qui in mari ad Italiam naufragium fecerunt, à publicanis, qui in Cycladibus sunt insulis, direptos fuisse? naufragium facientes in Italia, direpti sumus à publicanis Cyclades insulas inhabitantibus. Quanam hac est Cosmographia? Unde publicani Cycladum insularum ad Italiam? Præterea non negat Antoninus, se maris dominum esse, ut non possit legem dicere iis qui navigant; vides enim velle ius dici Eudæmoni, & publicanis, qui in Cycladibus insulis, ex lege Rhodia, neque item dicit se ita teneri hac lege Rhodia, ut non possit omnino Eudæmoni succurrere adversus hanc legem, si quid illi fiat injuria; sed vult Eudæmoni iudicium reddi ex hac quidem lege, ita tamen ut Romanarum legum nulli adversetur hac lex. Atque ex his manifesti satis arguitur vitii hic locus, de cuius porro emendatione agendum restat. Rescribendum itaque putamus: ναυφεύγιον πο-

ἴκαστες

νηπαντες ἐν τῇ θαλίᾳ, διηρτάγουμεν ὑπὸ τῶν δημοσίων, τῶν τὰς κυκλάδων νησους οἰκούντων. i. naufragium facientes in Telio direpti sumus à publicanis Cyclades insulas habitantibus. Corruptio hinc manavit: scriptum olim, ἐν θαλίᾳ, quod cum non intelligerent homines libris corrupendis nati, mutarunt in το, ἐν τῇ Ἰταλίᾳ. Emendationis ratio hac est. Telus erat una è Cycladibus. Stephanus θαλῶ, νῆ-
 ρῶ τῶν κυκλάδων, ὑπὸ τῆς οἰκισῆς, τὸ ἐθνικὸν τή-
 λιῶ, Αἰδοσιῶ ἐκ τῶ Αἰδιδῶ. Dixit autem Endamon, ναυφράγιον ποιῶντες ἐν τῇ θαλίᾳ, supple θαλάσῃ, naufragium fecimus in mari Telino, sive ad insulam Telum, quæ ut diximus una erat de Cycladibus, itaque publicani, qui in insulis Cycladibus erant, undique advolarunt, ut diriperent merces, quæ naufragio peribant. Sequitur in Rescripto Antonini ad Eudemonem; Εγὼ μὲν τὸ κόσμος κύριος, ὁ δὲ αἰνέω τῆς θαλάσσης, πρὸς ἰομαρτῶν Ροδίων κεινέας τῶ ναυπηῶ &c. id est, Ego quidem Mundi dominus, at ventus (ὁ δὲ αἰνέω) maris. Lege id Rhodia quæ de nauticis rebus est, judicetur &c. Querebatur Eudamon se naufragium fecisse; & praterea merces suas in naufragio à Publicanis fuisse direptas. At prius respondet Antoninus, se quidem Orbis dominum esse, sed tamen venio imperium esse in mari: Ego quidem Mundi dominus,

at

at ventus (ὁ δὲ ἀνέμος) maris, Lege id Rhodia, quæ de nauticis rebus est, judicetur &c. *Quærebatur Endamon se naufragium fecisse; & præterea merces suas in naufragio à Publicanis fuisse dereptas. Ad primum respondet Antoninus, se quidem Orbis Dominum esse, sed tamen vento imperium esse in mari: Ego quidem Mundi dominus, at ventus Maris. neque à se legem vento poni posse: itaque ne faceret naufragium Endamon, à se præstari non potuisse. Quod ad alterum verò attinet, jubet, ut ex Lege Rhodiâ cum Publicanis iudicio experiatur. Hactenus Petitus.*

Ex quibus apparet duplex mendum infedisse pauculis illis verbis. Et primo quidem pro *Italia* legendum *Telia*, cum non in Italia, sed circa Telum & illas Cycladum insulas naufragium illud contigerit. Et denique pro ὁ δὲ νόμος, id est, *lex*, faciendum levi mutatione, ὁ δὲ ἀνέμος, id est, *ventus*. Quæ omnia si admittantur, ejusmodi sunt, quæ meo animo sensum rei commodissimum ac convenientissimum exhibitura videantur.

Seldenus nihilominus, licet cosmographiæ emendationi assensum libentissime præbiturus videatur, lectionem tamen veterem receptamque Responsi Cæsarei mutandam non existimat, exceptâ duntaxat

O

inter-

interpunctione. Sic enim deinceps loquitur:

Punctorum sapissime ratio nulla habita est in codicibus priscis, neque usus ullus. unde posteris deinde syntaxis confusio. Perquam exigua autem eorum heic mutatione sensus mihi redditur non solum in deprecationis rem appositus & manifestus, verum etiam tum somnio illo de Maris dominio Imperatori ibi negato, tum commento de Marino legis domino expressim ibi tradito plane liberatus. Nec quod voluit imperator satis affecutus esse hactenus interpretes, in animum possum inducere. Nam quid hoc ad rem? Ego sum Mundi dominus quidem, lex autem Maris domina. Si de lege generatim dicatur, certe lex aque erat & continentis domina. Etiam in Continente, ut in pelago, legis omnimoda dominus ipse Caesar. Atque ita sane nihil ad deprecationem hactenus attinisset responsum. Si de lege Rhodia intelligas, eo sensu ut eam legem esse maris dominam vellet imperator (quemadmodum Alciatus) quid illud est quod sequitur? Lege Rhodia finiendam rem, quatenus Romanarum legum nulla adversetur. Anne Lex Rhodia simpliciter Maris domina, que nihilominus, etiam dum eo insignita est titulo, legibus Romanis est coercenda? Concoqui hac nequeunt. Interpunge igitur, aut ad hunc modum:

αὐτὸν : Εγὼ μὲν τῷ κόσμῳ κύριός εἰμι. ὁ δὲ νόμος τῆς
 θαλάσσης. Τῷ νόμῳ τῆς Ῥοδίωνος κειμένη τῇ ταυτίκῃ
 ἐστὶν ὁ δὲ μὲν τις τῶν ἡμετέρων αὐτῷ νόμῳ ἐκαστὸς.
id est, Ego quidem Mundi dominus. Sed
 verò hujusmodi seu illa lex, seu Mos est
 Maris. Lege Rhodia decernatur nautica,
 quatenus eidem nostrarum legum nulla
 adversatur. *Aut sic*: Εγὼ μὲν τῷ κόσμῳ κύριός εἰμι,
 ὁ δὲ νόμος τῆς θαλάσσης τῇ νομῇ τῆς Ῥοδίωνος &c.
 Ego quidem Mundi sum dominus. Sed
 verò lex seu Mos ille Maris, ex lege Rho-
 diorum nautica, judicetur seu decernatur,
 quatenus &c. *Eudamon Asiaticus, Nico-*
media Bithyniae urbe Oriundus, Mari in
Telio (seu Aegeo quod circa Telum) naufra-
gium passus conqueritur bona sua publicanos
Cycladum invasisse, opem Augusti implorans,
perinde ac si injuria summâ publicani ex ejus
calamitate compendium sibi fecissent. Domi-
num eum salutat & imperatorem. Responsa
autem dominum se libenter agnoscit impera-
tor, adeoque dominum ut Orbis Terrarum, etiam
ipsius Mundi dominatu suo contineri aiat. Quo
etiam innuit suum esse supplicibus, qui injuriâ
afficerentur, succurrere. At verò quod ad
rem attinebat querela, seu deprecationem de
naufragij bonis à publicanis injuste direptis,
id non satis constare. Quippe (si prior lectio
nostra, seu interpunctio admittatur) generatim
O 2
inquit,

inquit, & regulariter mos obtinet maritimus, seu lex Maris qua Naufragorum bona ad publicanos pertinent. Nam ita ô diè vou & tñs Salâons ille vero mos seu lex illa hujusmodi est maris, refertur ad rem à publicanis gestam, quâ in deprecatione breviter narrabatur. Quoniam verò mori seu legi huic maritime poterant esse, sive ex privilegio, sive ex bonorum qualitate, sive ex aliâ aliquâ non minus, pro re natâ, obtinente lege, temperamenta aliquot, quorum ratione forsan aut publicanis esset; hac in causâ, bonis abstinendum, aut conquerenti ob temporalem aliquam exceptionem non agendum; ideo legibus Rhodiorum navalsibus, rem tam succincte nullisque circumjectis circumstantiis in libello expressam, recte voluit decernendam; sed quatenus interea leges Romana non adversarentur. Neque multum discrepat sensus, si posterior admittatur interpunctio & versio. Mundi quidem sum dominus, & ditione meâ tam Mare quam tellus continetur. In utroque injuria affectis, ut jus exigit, libenter succurro. Sed verò quodnam sit hâc in causâ jus maritimum, & an querenti fuerit succurrendum, decernatur ex Rhodiorum legibus quæ in mari, permittentibus nobis, obtinent, ubi nostris non reluctantur. Ad priorem autem sensum, quo lex maritima de Naufragorum bonis ac jure Publicanorum

(id

(*id est Fisci, cujus jus in eos translatum*) *asseritur, firmandum, haud parum facere mihi videtur, si constiterit ejusmodi legem seu morem tunc temporis obtinuisse. Quod interpretes heic admittere non solent.*

Quâ equidem clarissimi Seldeni expositione, ut omnia illustriora reddi, cunctaque ob oculos quàm luculentissime proponi haud inficias iverim; ità an omnes ejusmodi liberali non modo interpunctioni, sed expositioni quoque, præsertim quæ posteriori est loco posita; suum adjuncturi calculum sint, admodum dubito. Nec video, quâ formâ sive dicendi genere efferri possit, seque nobis probet illud, *lex maris ex lege Rhodiorum nauticâ judicetur*. Quid enim est, *lex lege judicetur*, vel *lex nautica, ex lege nautica Rhodiorum judicetur*? Nec temere idcirco à Seldeno assumpta interpretatio, ut *lex idem sit quod mos*. Sed his utcunque acceptis, aut, si ita placeat, in medium relictis, mihi, quod antea etiam injeci, præcipue sequi sedeat, quæ est jam modo ex *Samuele Petito* adducta tam emendatio quàm interpretatio; præsertim si ea illius conjectura aliquo meliore codice aut vetere scripturâ fulciretur. ut nimirum imperator se mundi, tempestates verò ac ventum Maris agnoscat dominum.

num. Etenim receptum creditumque jam olim est, & ita poetæ loquuntur, regnum scilicet hîc (id est, in mari) Æolū & Neptunū tenere, cum præsertim, ut ille inquit,

Varro satyra
Marcipor.

*Venti frigido se ab axe eruperunt,
Phrenetici, septentriodum filii,
Secum ferentes tegulas, ramos, syros.*

Tum inquam contremiscunt aut jacent, quæcunque in adversum opponas sive pares, haud aliter quam inter arma leges solent. ut meritò imperator nihil se hic posse, sed esse in potestate ventorum cuncta concedat. Eis à se legem non poni, neque potuisse præstari, ne faceret naufragium Eudæmon. Et eo alludens sapientissimus ille Cato senior, tria per omnem vitam accidisse sibi dixit, quorum prænituisset: primum si quid arcani sæminæ credidisset: secundum, si navigio vectus quopiam esset, quo pedestri itinere pervenire licuisset: tertium, si quis dies ipsi per negligentiam absque fructu effluxisset. Etenim navigio vehens & mari jam creditus, sciebat in potestate ventorum se esse; qui cujusmodi futuri essent, adversi vel prosperi, cum ignoraret, nihil quoque de itinere suo statuere certi poterat. Et huc quoque respici-

respiciens maximus ille Regum Canutus, Angliæ, Daniæ ac boreæ propemodum universi Rex, cum se quoque nihil adversus mare ejusque vim posse demonstratum cuperet, ac forte fortuna secundum littus obambulare, essetque Rex omnium potentissimus ab accurrentibus ac ceteris, qui ex domesticis atque aulâ aderant, salutatus; idque universi, qui circumstarent, comprobare viderentur, ille & vultu & manu indecoram salutationem respressit, & tali præterea argumento coarguit, Veste enim exteriore in terram depositâ ac super convolutâ ad littus maris sedens, vel, ut alii, fede regiâ in littore positâ, alluentem oceanum undam his cæpit verbis increpare, *Tu mare ditionis meæ es, & terra, in quâ sedeo, es mea; impero tibi ac denuncio, ne in terram meam ascendas, nec membra, aut vestem domini tui madore perfundas.* At mare nihilominus æstu insurgens totum perma-defecit. Tum ille ad suos conversus, *Videtis, inquit, quem Regem potentissimum appelletis, qui ne illas quidem aquarum guttulas cohibere atque imperio meo possum remorari? Solus itaque universi conditor ac rector Deus hoc honore ac nomine compelletur.* Quâ erga summum rerum moderatorem, animi demissione nescio an quisquam Chri-

ftianorum principum præferri Canuto debeat, certe Antoninum hîc etiam, cognomento licet Pium, pietate superavit. Nam ut ille Maris dominum, non se quidem, sed, ut positum, superius ventum ventorumque vim agnovit; ita Canutus ulterius ascendens, etiam mare ipsosque ventos, rerum supremo arbitro, Deo subjecit. Quod ipsum eleganti mehercule epigrammate expressum aliquando à se Scriverius noster, & ad me missum, cum latere amicum noluerit, etiam hîc apponendum censui. Sed priusquam appono, ipsa Seldeni verba, cujusmodi ea lib. 2. cap. 12. Maris Clausi, ex Chronico Huntindoniensis & Florilegi ad an 1035. expressa ab eo habentur, præmittam, quæ sunt ista: *Canutus autem Rex sue ditionis esse Oceanum Britannicū verbis expressissimis nem est testatus. Is in litore Southamtoniensis, ad æstum maris, sedili posito discumbens, ut etiam Reges ipsos homines esse assentatoribus manifestaret, Mari æstuantis ad hunc modum imperasse fertur: Tu meæ ditionis es, & Terra in qua sedeo mea est. Nec fuit qui impune meo resisteret imperio. Impero igitur tibi, ne in terram meam ascendas, nec vestes, nec membra dominatoris tui madefacere præsumas. Mare vero de more conscendens,*

pedes

pedes Regis & crura sine reverentia ma-
defecit.. Unde Rex resiliens neminem Regis
nomine dignum esse pronuntiavit prater eum
unicum, cujus nutum tam Mare quam Ter-
ra observaret. Neque postea auream coro-
nam induere voluit, sed imagini Servatoris
cruci affixa consecravit. Ipsum se interea Ma-
ris dominatorem, aque ac insula, esse palam
est hinc professus. Hucusque Seldenus. Jam,
quod dixi, Carmen, parte in priorem &
quatenus res ipsa à chronologis est indi-
cata, graphice exprimens, est ejusmodi :

*Ad Regem quicumque MARIS IUS de-
feret omne,*

Et Mare claudens sentiat esse capax :

Discat ab exemplo Regis meliora Canuti :

Assentatores discat inepta loqui.

OCEANUM inspectans, residensque in lit-
tore curvo

REX, Maris instantem cedere iussit aquam :

Disce, inquit, leges ; & habenas disce Bri-
tannas :

Quantulacunque, me à sub ditione fluis.

Ut Terra dominus, sic & Maris esto Canutus :

Serviat adstrictis Ennosigæus aquis.

Et JUR ET. (ô nullas sortite Tridensifer au-
reis ;

O vana, & rapido verba ferenda noto !)

O S

STA

STA MARE, STA: *prescripta tibi ne
limina transi:*

*Hanc certè pietam tangere parce togam.
Dixerat: insurgunt decumanis fluctibus unda,
Nec dubitant sacros Regis adire pedes,
Ille abit indignaus, madidusque aspergine
pomi,*

Arbitrii non est res, ait, ista mei.

NUMINIS *est quodcunque fluit Mare,
Namine plenum:*

*Imperium falsa Rex homo nescit aqua.
Addidit, indignam specioso nomine Regis,
Quem nolit dominum Tethyos unda suum.
Non alius Mare quam Rector frenabit O-
lympi.*

*Quis Terra famulas tam bene junget A-
quas?*

*Aurea quin etiam capiti detracta corona est,
Ad Servatorem iussa redire suum.*

O, *utinam reddant hunc tempora nostra Ca-
mentum!*

*Nec, quod vir sapiens spreverat, alter a-
met!*

P. S.

CAPUT

CAPUT XV.

*Lex Rhodia, Lexque maris quid Seldeno.
Dequē naufragiis pauca addita.*

CONnectit continuè superioribus excutitque Seldenus eodem isto Capite xxv. lib. 1. quid de naufragis eorumque bonis senserit olim, statueritque idem Antoninus, ut nimirum hoc pacto ostendat, locum esse posse interpunctioni suæ, de quâ jam modò dictum, ut & interpretati-
oni, quâ voluit, ut *lex maris* intelligeretur atque aliud haud esset quam, *mos maris*, seu, *mos maritimus*, si nimirum palam fecisset, eum tum (hoc est tempore Antonini) obtinuisse morem, ut in fiscum scilicet ac jus publicanorum bona naufragorum rejicerentur. Quod ut clarius pateat; ipsa advocanda ponendaque Seldeni verba sunt, quæ, loco jam indicato, ita habent :

Ceterum ipso Antonini hujus Augusti avo (Antoninum Pium intellige, quem scribit Julius Capitolinus, in jure sanciendo usum fuisse Volusio Maetiano jurisconsulto, à cujus libris, Deprecatio & Responsum, quod tractamus in Pandectas transcriptum est) legem seu mo-
rem.

rem de Naufragorum bonis fisco applicandis vim habuisse, non obscuris colligitur ex indicis. Omnia fere, quae in Pandectis occurrunt de eis pristino domino servandis, è Paulo, Callistrato, Ulpiano. qui compluribus annis post Antoninum hunc florere, desumpta esse manifestum est. Nonnihil etiam ad eandem rem è Prisco Favoleno, qui Antonino huic coaetaneus. Sed imperavit Augustus hic annos **xxii**, & sanctione, ut videtur ex Favoleno, fiscalem hac in causâ rigorem mitigavit. Unde facile evenire potuit, ut sub eodem & vis inesse potuerit legi seu mori, qualem diximus, atque sub eodem potuerit siue abrogari siue mitigari. Constitutio principalis, quae in codice Justiniano, hac in specie, nolit se interponere, ab Antonio Contio, foreconsulto praestantissimo, Antonino Augusta ex autoritate codicis veteris *M S.* tribuitur, tamen si in editis Constantini nomen praefigatur. Verba sunt: Si quando naufragio navis expulsa fuerit ad littus, vel si quando aliquam terram attigerit, ad dominos pertineat, Fiscus meus se non interponat. Quod enim jus habet fiscus, in aliena calamitate, ut de re tam lucuosa compendium sectetur? Etiam & sub Adriano, hujus, per adoptionem, patre ejusmodi quid rescriptum esse docet Ulpianus: Licere unicuique (sic Ulpianus)

Lib. I. C.
de Nads.

L. 13. ff. tit.
tul. de incendio.

anus) naufragium suum impune colligere
 constat, idque imperator Antoninus cum
 divo patre suo rescripsit. *Liquidissima sunt*
in hisce vestigia usus, sub id tempus, juris,
quale diximus, fiscalis; quod est contra vim
rescriptorum veterum, repullulare solitum esse
certo scimus. Nam & sub Theodosio seniore in Epist. 37. ad
usu fuisse illud aliquo elicitur ex Valgu, seu Micar.
Victoris, Naufragio apud D. Paulinum.
Exempla etiam similia sunt in Imperii Roma-
no-Germanici littore. Alia adferri queant,
ubi tamen leges aliquot in contrarium la-
ta. Quin & Rhetores prisca, tam Græci quam
Latini, dum de Forensium qui quaestionum
statibus exempla adducunt, hanc ipsam legem
seu morem de naufragio moribus aliis in Gra-
ciâ ac Romano imperio usitatis ac vetustis im-
miscem; velut id quod erat receptissimum.
Sopater & Syrianus in Hermogenem: Lex est
spolia, quæ reperiuntur, ad ducem exerci-
tus attinere; lex item, Naufragium esse
Publicanorum. Mari procelloso, spolia in
portum inferuntur. Controversia de iis or-
itur inter duces & publicanos. Hac in
specie non oportet legum lectione frustra
torqueri, sed ipsam rerum naturam intro-
spicere. Quaestio scilicet est, spolia an nau-
fragia jam dicenda hac bona. Curius item
Fortunatianus; Quæ est simplex definitio?
Artis Rhet.
Lib. I.
Quum

Quum unam rem simpliciter definimus. Ut, Naufragia ad publicanos pertineant. Cujusdam naufragi corpus cum ornamentis ad littus expulsum harena obrutum est. Id Publicani eruerunt. Rei sunt sepulchri violati. Hic simpliciter quæritur, quid sit violare sepulchrum. *Quin scripssisse Deprecationem illam & Responsum Volusium Matianum*, in libris Publicanorum ex lege Rhodia liquet, id est, in recensione jurium sive fiscalium sive Publicanorum, in quibus etiam naufragi è fisco applicandi sive ius sive Mos. Quibus postremo addit: accommodum est hisce, ut in responso illo Antonini Augusti verba illa: ὁ δὲ νόμος τῆς θαλάσσης per, lex vero illa Maris vertantur, seu Mos ille Maritimus, quem, ad leges Rhodias voluit ita ille exigi atque decerni, ut interea, si quod rescriptum aliave lex Romana adversaretur, ne Rhodia quidem vim obtineret.

Quibus ex omnibus colligere est, Rhodiz quidem legi, quæ de naufragiis fuit, eam vim ac mentem fuisse, ut bona naufragorum fisco ac publicanis adjudicaretur; Quæ an eadem quoque statuerit Pius Antoninus, quamvis asseverare Seldenus haud videatur, morem tamen inveteratum ejus ævo obtinuisse, non obscuris indiciis posse colligi declarat. Nam sane id ab eo lege

lege latâ decretum si asseveraret, obijci
 continuo posset, quod etiam ipsemet ad-
 ducit, Adriani Imperatoris Rescriptum,
 quo intelligitur idem hîc ab Antonino,
 quod jam ante à divo ejus patre Adri-
 ano, fuisse statutum, teste Ulpiano, cujus
 hoc fragmentum reperitur: *Licere cuique
 naufragium suum colligere constat. idque Im-
 perator Antoninus cum divo patre suo (Adri-
 ano) rescripsit.* ut non immeritò nec sine
 ratione secutus sit Antonius Contius, Juris-
 consultus præstantissimus, manuscriptam
 potius codicis Justinianæi lectionem, qua
 principalis illa, quæ eodem in codice l. i.
 c. de naufragiis, occurrit, constitutio, non
 Constantino, ut habent vulgata exempla-
 ria, sed Antonino tribuitur: Adeò ut ce-
 tera, quæ exinde à Seldeno referuntur de
 more confiscandi naufragorum bona ma-
 gis ex corrupta consuetudine, quæ pau-
 latim invaluerat, quàm ex lege fractita
 sit dicere. Et ea tamen ipsa an ejusmodi
 sint, quæ faveant multum commodentque
 versioni, siue interpunctio est, quæ à Sel-
 deno tentata in illo Antonini Augusti
 Responso, *ὁ νόμος &c.* aliis dispiciendum
 relinquere, quàm hoc ipsum pluribus hîc
 retractare aut ventilare satius existimo.
 Saltem quæ à nobis est memorata viri cla-
 rissimi

rissimi Samuelis. Petiti verborum illorum in eodem Responso Emendatio, & eadem deinceps ut est jam verbis quoque nostris vel explicata uberius vel illustrata, nullam præ se ferre ea singula maris dominiū patere manifestò putem. Quod addendum fuit, ob verba, quæ continuo exinde eodem Seldeni capite xxv sub calcem leguntur, ista scilicet: *Sed ut hanc rem demum expediamus, sive vulgatam versionem, sive nostram quis malit, Dominum Maris in responso illo negari aut in eo quidquam vestigiū, quod dominio ejus refragetur, comperiri, nemo hominum puto, nisi rationi ipse renunciaverit, re totâ rite perpensâ, existimabit.* Lector igitur quid hîc statuendum, quidve sequendū etiam, aut non sequendum sibi putet, ipse hinc secū constituat. Vide & supra pag. 53.

Possit jam dictis Coronidis vice non incommode subijci, quod naufragia spectet, verisimile videri, hominum circa ea, & maximè Publicanorum, avaritiam, haud semel ab optimis Imperatoribus fuisse legibus coercitam, sed reprimi difficulter potuisse, quòd loca ad littora & syrtes collocata, ubi mare tantum & solitudines, nec ullibi tribunal aut iudices, majorem quoque ex eo delinquendi occasionem iisdem præbuerint. Quibus & illud accedit, quod

quod leges ab antiquo latæ in promptu essent, quæ Publicanis faverent, eorumque foverent cupiditatem. Rhodiam enim, ut indicatum, huc abire satis manifestum est; licet novis eam Rescriptis identidem confutare ac tollere imperatores non intermitterent. Quod ex Rescripto, de quo dictum, non Adriani modò, sed & filii ejus adoptivi Antonini Imperatoris, qui confirmare Rescriptum illud patris sui studuit, liquere potuit. Nam alias civiles illas constitutiones seu leges, quæ sæpè numero sunt injustissimæ, ut ea, quæ bona naufragorum fisco addicit, ipsæ naturæ leges redarguunt, nihilque esse iniquius clamant, quàm si quis alicujus dominium aut fortunas in se transferre sine ullâ præcedenti probabili ratione instituat. Unde & meritò, quæ superius est posita, Constitutio Principalis Antonini, vel, ut alii habent, Constantini, ità loquitur: *Eequod jus habet fiscus in aliena calamitate, ut in re tam luctuosâ compendium sc̄ctetur?* Nec aliò respexit poeta Græcus, cujus verba, Latino senario reddita, ità habent:

Euripid.
Helenâ.

Sum naufragus, spoliare quod genus est nefas.

Et Dion Pruseensis Oratione vii de nau-
P fragio

fragio agens, *Absit*, inquit, *ô Jupiter, ut Iu-
crum captemus ex hominū infortunio.* Quod
tamen quàm aliquandiu pertinaciter obti-
nuerit etiam apud Christianos principes,
ostendunt, quæ refert Bodinus de legato
Cæsaris; Qui cum questus esset coram Hen-
rico II Francorum Rege duas naves ad littus
ejectas, & ab Jordane (principis nomine) ca-
ptas esse, easque restitui postularer, *Annas
Mommoransius, Magister equitum, respon-
dit, ea quæ ad littus fuissent ejecta, gentium o-
mnium jure, ad principes, qui littoribus im-
perarent, pertinere. Ita jus invaluit, ut ne An-
dreus quidem Doria questus sit de Navibus in
littus Celticum ejectis & à præfecto classis
Gallicæ direptis.* Ità Bodinus, Apud boreæ
reges ac nationes idem usitatum aliquam-
diu, immutavit tandem ac sustulit, summo
omnium, qui mare id boreum frequentant,
bono, *Christiernus* ejus nominis I I. legem-
que tulit, quæ non nisi ab optimo princi-
pe (quàmvis ille, ob crudelitatem in suos
postmodò perpetrata, sequius audit) ser-
ri ac promulgari debuit. Hac statutum,
ut naufragis sua redderentur, æquo tantum
pretio depenso iis, qui laborantibus suâ o-
perâ curâque succurrissent. Memorat Cor-
nelius Scepperus, homo Flander, ejusdem
Christierni Vicecancellarius, audivisse non
semel

femel ex ipso Rege sejea ex lege deperisse
 ipsi supra centum aureorum millia annui
 naufragii. Sed hæc occasione eorum, quæ
 iam dicta, nonnihil extra rem; nunc in
 gradum ac lineam redeamus.

CAPUT XVI.

*De maris communione; & quaterus ea ad-
 mittenda; dissertatum: Vasquius
 Hispanus ejusque sententia
 propius explicata illu-
 strataque.*

POstremò Capite xxvi, quod omni-
 um libri prioris ultimum est, differit
 Seldenus de Recentiorum Jurisconsulto-
 rum super maris communione sententiã.
 Hanc ipsis natam inolitamque ait ex eo,
 quod Ulpiano sive alii alicui magistro ve-
 tusto, quam par erat, addictiores, in
 verba eorum juraverint. Nisi dicamus (ita
 porro addit) eorum nonnullos non tam jus i-
 psum hac in re, quam jurisconsultorum, quã
 tradita sunt, opiniones explicasse. Perinde ac
 si quis *Astronomica Aristotelis; Thaletis*
sententiã, Mari terram, ut discum, innata-
re; Stoicorum, hoc illam ut cingulum ambire,
 P. 2 *Veterum*

Veterum de immenso sub Equatore calore, & quæ sunt ejusmodi alia, à posteritate, cui illaxit observationum experientia, rejecta damnataq; ità explicaret; ut non tam rem ipsam disquirere, quam authoris, cujus vestigia premeret, personam (ut quid ille tantum sentiret doceretur) induere videretur, Sed ut radice succisa arbor corrui, ità summotà Veterum illorum auctoritate, recentiorum cuncta ab eâ tantum suffulta enervantur. Hactenus Seldenus.

Nos, quæ ejus fuere, excussimus superius Capite x i i i. ac demonstravimus communionem constitui debere in iis præsertim quæ venire in proprietatem nequeant, in ceteris & quæ aliter se habent inque proprietatem deduci possunt aliter rem habere, nec eam à jurisconsultis etiam vetustioribus negari, ut est suo loco ibidem sed obiter memoratum. Quæ sane ejusmodi sunt, quæ baudquaquam comparanda cum Aristotelis Astronomiâ, aut disco Thaletis, vel cingulo Stoicorum, aut denique cum eorum opinione, qui sub æquatore calorem immensum, ac zonam æstu inhabitabilem statuunt. quamvis & alii ex iisdem sint, qui saniora docuerunt, ut est à nobis suo loco ostensum; & maxime ubi verum illum Naloni de Zonis:

Qua-

Quarum qua media est non est habitabilis Ovid. 1.
Metam.
estu,

Nix tegit alta duas,

Explicamus in Tractatu de globis cœlesti & terrestri eorumque usu, ab Hondio olim Amstelodami evulgato, ad cap. 4. Partis 1. Hinc addit Seldenus:

Jam verò quod è Ferdinando Vasquio superius adducitur, rationibus nititur aut manifesto falsis, aut ad rem non pertinentibus. Nam quid hoc est. Mare ab origine Mundi ad hodiernum usque diem esse fuisseque semper in communi nullâ ex parte immutatum, ut est notum. Certe notissimum est iis, qui gentium seculorumque mores receptos juraque introspexerint, id quod maxime est contrarium: id est, Maria aliquot tum in principum, tum in privatorum dominium patrimoniumque, jure exploratissimo transisse, ut ex supra ostensis luculenter comprobatur.

Quæ verba Vasquii, ut meam hîc interponam sententiâ, facile conciliari posse existimo, modò Vasquium de Mari accipiamus, cujusmodi vulgo universale vocamus. Quomodo accepta quid magnopere incommodi verba ejus habeant non video. Et accipiendum ita Vasquium, ver-

ba, ejus, quæ continuè sequuntur non obscure indicant, ista scilicet : *Et quamvis ex Lusitanis magnam turbam saepe audiverim in hac esse opinione, ut eorum Rex ita præscripserit navigationem Indici occidentalis ejusdemque vastissimi Maris, ita ut reliquis gentibus æquora illa transfretare non liceat, & ex nostrismet Hispanis vulgus in eadem opinione fere esse videatur, ut per vastissimum immensumque pontum ad Indorum regiones, quas potentissimi reges nostri Hispaniarum subegerunt, reliquis mortalium navigare, præter quam Hispanis, jus minime sit; (quasi ab eis id jus præscriptum fuerit) tamen istorum omnium non minus insanae sunt opiniones, quam eorum, qui quoad Genuenses & Venetos in eodem fere somnio esse adsolent. Quas sententias ineptire vel ex eo dilucidius apparet, quod istarum nationum singulae contra seipsas nequenter præscribere; hoc est, non Respublica Genuensium contra semetipsam; non regnum Hispanorum contra semetipsum; non regnum Lusitanorum contra semetipsum. Esse enim debet differentia inter agentem & patientem. Contra reliquas verò nationes longe minus præscribere possunt, quia jus Præscriptionum est mere civile. Ergo tale jus cessat cum res agitur inter principes vel populos, superiorem non recognoscentes in temporalibus.*

Qui-

Quibus ex Vasquii verbis, quæ loco priore sunt posita, quæque vastissimum immenſumque pontum, ut verba habent, mareque, quod Indias interluit, nominant, ſatis nos docent, uniſerſale ab eo mare intelligi; quod hîc ad ſpeciale non debet trahi. At reliqua, quæ ſequuntur, hicque à Seldeno adducta non ſunt, ad maria forte alia ire non diffitear. De quibus quid ſentiam, & quatenus ea, & ſæpe etiam quàm ea difficulter dominiî capacia ſint, conſideratâ vel maiore vel minore eorundem vaſtitate, jam antè indicaffe nos exiſtimo; allato, inter cetera, Tyrrheni maris, quod ſibi adverſus Romanos vindicare jam olim Carthaginenſes inſtituerant, exemplo, quod eſt apud Polybium, notiſſimo.

Hinc iterum ibidem Seldenus: *At verò & præſcriptionem ceſſare inter invicem exteros, neque in jure gentium, ſed Civili tantum, locum vult* (Vasquius illuſtrium controverſiar. lib, 1. cap. 51. §. 23.) *habere: adeo ut inter eos, qui civili, quod præſcriptionem admittit, juri communiter non ſubſunt* (veluti inter principes binos ſupremos) *præſcriptio juxta ejus ſententiâ vim ſortiatur nullam. Quo quidã absurdius dici, ne cogitari quidem poteſt.* Reſpicit haud dubio hîc Seldenus

P 4

illa

illa Vasquii Verba, quæ sunt illustrium
 Controversi. lib. 2. cap. 89. §. 20, hæc ni-
 mirum, *Jura Civilia cujuscunque regionis,*
quoad externos populos, nationes, vel etiam ho-
mines singulos, non magis sunt in consideratio-
ne, quam si revera non esses tale jus aut un-
quam fuisset; Et ad jus commune Gentium
primævum vel secundarium est recurrendum,
eoque utendum, quo jure talem Maris præscri-
ptionem & usurpationem admissam non fuis-
se unquam constat. De quibus, ultra quæ
 modò dixi, pronunciandum mihi non su-
 mo; aliis, & quibus ea, quæ merum jus
 spectant, curæ sunt, hanc, qualiscumque
 est, spartam exornandam demandans.

CAPUT XVII.

Mare magnum æque atque exiguum domi-
nij capax non esse monstratur; addito
totius disputationis epilogo.

HInc eodem adhuc capite xxvi, hæc ha-
 bet Seldenus:

Partis exigua & majoris discrimen in do-
minio privato statuendo locum (puto) non
habet.

existi-

existimans scilicet, mare, quantumvis magnum ac vastum, æque atque exiguum, dominij esse capax. Nam addit statim :

Et sane ut occuparetur totus oceanus, nemo existimare potest non esse difficilissimum. Si tamen occuparetur, ut fretum aut sinus, ut totus orbis veteribus occupari à principibus dictus est, æque etiam in dominium occupantis possit transire.

In scholis responderi vulgo solet, à posse ad esse non valere consequentiam. hîc quæ iterum iterumq; jam ante meminimus attulimusque, reponere atque identidem adferre liceat, addereque, quæ diximus toties de maris immensitate deque incertitudine ejus elementi in loco etiam terris hinc inde concluso infusoque. Nam oceanum illum magnum quis ignorat velut immensum, infinitum, rerum parentem ac cælo conterminum ab antiquitate habitum æstimatumque? aded ut quod deinde sub calceem hujusce capituli epilogi loco ab eodem clarissimo viro memoratur:

Ceterum universis, quæ hætenus ex tot seculorum gentiumque moribus ac jure tam plurimarum civili quam communi seu in-

terveniente deprompta sunt, rite perpensis, nemo (pnto) dubitabit, quin neque in natura ipsius Maris, neque in jure sive divino sive Naturali sive gentium quid maneat, quod ità domino ejus privato relinqueretur, ut id non jure omnimodo atq; exploratissimo queat admitti; adeoque quin jure qualicunque Domini privati capax sit quaecumq; Mare, quod erat demonstrandum,

reluctari dicimus rei naturam ceteraq; jam toties dicta haud sinere ut *mare omne*, vel, ut habent hîc verba tua Seldene clarissime, **QUAECUMQUE MARE** domini privati capax habeatur. Etenim mare cum liberum, aut clausum dicitur, indefinite nec satis plene dicitur; quia Mare id Liberum tantum intelligitur, quod in proprietatem occupantis venire nequit; sicuti clausum, quod jam occupatum claudi ac subjici dominio inque proprietatem venire potest.

Idque ut demonstrandum tam hîc, quam ad librum posteriorem erat, ità quoq; demonstratum utrobique sic satis existimo.

DISCUSSIONUM
HISTORICARUM
MANTISSA.

In quâ

*De patriâ agitur seu solo natali Constanti-
ni Magni; afferiturque non Dacia, ut
statuit Cedrenus; vel Britannia, ut Ba-
ronius scriptoresque Britanni, sed esse
Bithyniæ Tharsus. divus item Paulus
Tharsensis.*

Superius, ubi de Constantio
Chloro ejusque filio Constantino, ac rebus cujusque, in-
jectum est, nihil, utpote ad
rem non spectans, de Con-
stantio est memoratum, qui
Eboraci in Britannia supremum diem clau-
sit, relicto filio Constantino, Magno ex in-
de dicto. Hic in Angliâ tum consistens ibi
confestim, defuncto patre, ut docent Pane-
gyristæ, imperator est salutatus. Quod Pa-
negyristæ unius verbis ita est prolatum, ut
ibi non Cæsarem aut Imperatorem, decla-
ratum, sed natum etiam plures existima-
verint. In his non solum Polydorus Vir-
gilius

Romani in
Britan.

gilius aliiq; scriptores Britanniae fuere, verum & Baronium fuisse, iisdem Panegyricis male intellectis, indicio sunt ejusdem annales. Camdeni cum illa in Britannia ejus legerem: *Britanniam* (post Allectum & Carausium) *plene recuperatam magnâ cum laude administravit Constantius ille Chlorus Christiani nominis admodum studiosus, brevique Eboraci diem obiit; ubi protinus milites filio ejus Constantino magno purpuram iniecerunt, qui & Rempublicam Romanam in libertatem asseruit, & Christianam pietatem maxime instauravit, quæ, inquam, cum legerem, existimaveram haud ulterius acceptum ab eo Panegyrici authorem, quàm, ut debuerat, de imperio ac purpurâ in Constantinum per militem ibi translatâ; At sequentia inspiciens, ubi de Brigantibus & Eboraco agit, hæc repperi: Hic (Eboraci) ex priore conjuge Helenâ Constantinum Magnum, Romanæ urbis, ut est in antiquis epigraphis, liberatorem, quietis fundatorem, Respublicæ instauratorem (Constantius) suscepit. Ex quibus etiam ejusdem fuisse cum ceteris sententiæ accuratissimum hunc virum animadverti: & eum exinde sequutum, aut ab eo haud dissentientia attulisse elegantissimum quoque Seldenum in Anale-*

Cap. 7. lib. 1.

Ætis Anglobritan. Ubi inter cetera hæc le-

gun-

guntur: Terra ista nostra percolato marty-
rum sanguine humigata, principem, cui nihil
prius erat quam Christianam fovere religio-
nem, Britannico sanguine natum (summum
insula decus) tunc temporis nutrit, atque in
imperium evehit, Constantinum nempe illum,
quem ex Helenâ Cœli Reguli (qui Asclepio-
dotum regno spoliavit) filia primis nuptiis du-
ctâ Constantinus Chlorus Cæsar, dum in Bri-
tanniis agebat, susceperat. Inde addit hæc
Eumenii Panegyristæ verba: O fortunata
& nunc omnibus beator terris Britannia, quæ
Constantinum Cæsarem prima vidisti, & post
pauca, quæ ibidem sequuntur, ista scilicet;
Du boni quid hoc est, quod semper ex aliquo
supremo sine Mundi nova Deum numina uni-
verso orbi colenda descendunt? Sic Mercu-
rius à Nilo, cujus fluminis origo nescitur; sic
Liber ab Indis prope consciis Phœbi orientis
Deos se gentibus ostendêre præsentis. Sacra-
tiora sunt profecto mediterraneis loca vicina
Cœlo & inde propius à Diis mittitur impera-
tor, ubi Terra finitur. Et statim Seldenus
ibidem: Constantinus ille Augustus è Bri-
tannâ & in Britannia natus, imperator in Bri-
tannia salutatus, Romanum imperium in Bri-
tanniam quasi transtulisse videtur. Quibus &
ille panegyristæ locus, qui est incerti pa-
negyrici, Maximiano & Constantino di-
cti,

Ati, addendus præterea, iste nimirum: *Liberavit ille (Constantius pater) Britannias servitute, tu etiam nobiles illic oriendo fecisti.* Quibus in locis omnibus verba illa, *illic oriendo*, & quod præcedit, *quæ Constantinum Cæsarem prima vidisti*; & inde *mittitur imperator*, ita de Britannia accipiunt, quasi natus ibi susceptusque Constantinus ille sit, cum nihil aliud velint, hæcque authorum eorum mens sit, gratulari se, ibi ortum factumque imperatorem Constantinum; quodque eum proclamatum Cæsarem Britannia prima viderit; & ab ultimo quasi boreâ eoque terræ tractu, qui cælo & astris quodammodo videretur vicinus, missus adesset imperator. Hoc ita esse, & ita accipiendam vocem præcipue *oriendo*; satis ostendant similes apud panegyricos illos locutiones, & inter ceteras, illa, quæ est Eumenii: *O felix beatumque ver novo partu, jam non amanitate florum, nec viriditate segetum, nec ipsis tantum favoniis, & luce serenata letum atque venerabile, quantum* **O**RTU Cæsarium maximorum! ubi per *ortum* similiter intelligit Constantium & Galerium in Imperatores allectos. Erat enim antiquis illis velut alter natalis & quasi quædam de novo creatio Cæsarem aut consulem renunciari crearique. Unde
 & cre-

& creationis vox eo significatu etiamnum Latinis in usu hæret. Quin & Cicero pro P. Sextio Nonas Sextiles *Salutis natalem* appellavit, quod eo die in Quirinali ædes ei esset consecrata. Quo & Martialis respexit illo versu, *Maia Mercurium creastis idus*. *Creastis* inquit, quia templum tum ei fuerat dedicatum, de quo Livius & Festus. Et adde quod martyribus olim passionum dies, eorum natalis sit appellatus, quemadmodū notavimus alibi. In Orig.
Fran.

Verum si nec ista ad præoccupatā hanc è mentibus opinionem, & ut ille loquitur, ad avias veteres pulmone revellendas sufficiant, ecce Panegyrista ipse Eumenius, qui pro parte etiam commento huic, sed perperam intellectus, occasionem dedit, id ipsum vel maxime confutabit. Diserte enim refert ille, quod minus animadvertum viris doctis video, quamvis & Sextus Victor idem memoret, Constantinum nimirum Magnum fuisse in rerum naturā antequam in Britannia trajiceret pater Constantius, imo agentem hoc eum continuo intecutum, ac patri, qui ibi supremum mox diem clausit, adfuisse morienti, & ab eo hæredem imperii declaratum. Sed verba disertissimi Eumenii quid vetat adscribere? ista scilicet: *Jam tunc cælestibus suffragiis*

fragiis ad salutem reipublica vocabaris, cum
 ad tempus ipsum, quo pater in Britanniam
 transfretabat, classi jam vela facienti repenti-
 nus tuus adventus illuxit; ut non adveetus
 cursu publico, sed divino quodam advolasse
 curriculo videreris. Non enim ulla Persarum
 Cydomumve tela tam certis jactibus destina-
 ta fixerunt, quam tempestivus patri tuo terras
 relicturo comes adfuisti, omnesque illius curas,
 quas presaga & tacita menteolvebat, pre-
 sentia tua securitate laxasti. Diu boni, quan-
 ta Constantium Pium etiam in excessu suo fe-
 licitate donastis! Imperator transitum factu-
 rus in cælum, vidit, quem relinquebat here-
 dem. Illico enim atque ille terris fuerat exem-
 ptus, universus in te consensit exercitus te o-
 mnium mentes oculique signarunt &c. Ex his
 jam clarius clariusque liquet, ecquid velint,
 hec aliter, quam diximus modò, accipien-
 da esse illa superius memorata, quibus di-
 citur Constantinus nobiles fecisse Britannias
 illic oriendo: & quod statim hinc Eumeni-
 us subjicit, inde propius à Diis mittitur im-
 perator, ubi terra finitur, non inquam aliud
 ea velle, quam indicare, quod iterum ite-
 rumque jam dictum, hinc Cæsarem factum
 creatumque ab excessu Constantii Con-
 stantinum. Victor de eodem ita loquitur:
 Constantinus Constantii Imperatoris & He-
 lena

Senæ filius imperavit annis xxx. Hic dum juvenculus à Galerio Maximiano in urbe Româ religionis specie obses teneretur, fugam arripiciens, atque in frustrandos insequentes, publica inventa quaqua iter egerat, intercipiens, ad patrem in Britanniam pervenit: & forte eisdem diebus ibidem Constantium parentem fata ultima perurgebant. Quo mortuo, cunctis, qui aderant, adnitentibus, sed præcipue Erocò, Alemannorum Rege, auxilii gratiâ Constantium comitato, imperium capit. Hactenus Victor. De Daciâ verò quod infert Cedrenus, id, ut multa ejus authoris, aut falsum aut corruptum.

Quæ cum ita sint, ubi igitur natus Constantinus? Id diserte Nicephorus Firmicusque dicent, qui Bithyniam natale ejus solum ac patriâ esse Tharsum profitentur. Sed hoc cum aliis & Justo præsertim Lipsio paucis quidē, sed ut mos fuit ejus viri, eleganter ac perspicue jam olim sit demonstratū, ne mihi, quod meū non est, attribuere videar, ad eorū, quæ à nobis jã dicta, uberiores demonstrationē, ipsum hîc loquentem verbis ipsius subjiciam. In iis si quid notandū vel aliàs adjiciendam, sub finem id, & positus prius, quæ dixi, Lipsianis illis nō reticebo. Ità igitur clarissimus ille vir Libro de Magnitudine Rom. v. capite penultimo:

Q

A U P I.

AUDITOR. Oro te mi doctor, benigne & honeste de hoc viro (Constantino Magno) loquamur, & qui ut sidus illustravit vicinam nostram terram. LIPSIVS. Ego verò loquor in omni aliâ re; & præsertim qua sacra & pietatem tangit. Quis nescit illum, Deo duce, depulisse tenebras, quæ orbem terra densâ superstitionum nube obsidebant? ille dissipavit, lucem intulit, templa nobis & Christo apernit, vanis cultoribus & diis clausit. Magnus igitur laudatusque vir; sed quid tamen ea lux proprie ad vicinam nostram terram, ut dicebas? AUD. Nam quis nescit in Britannia ortum hunc esse, & gloriam etiam redundare ad natalem terram? LIPS. Ego verò nescio, & ambigo & propior sum ut negem. AUD. Tunc, contra eruditissimis viris nuper adferta? & clarum hunc etiam Panegyrici scriptoris locum? Nam ille apud ipsum Constantinum hac profert: Pater tuus liberavit Britannias senectute, tu etiam nobiles IL-
LIC ORIENDO fecisti. Quod os tuum erit, contra verba tam expressa, euntis? Nisi hoc dices, qui ejus oratorem nescisse principis sui patriam, & in re tam nobili, ignave & fœdè apud ipsum errasse. LIPS. Hoc non dicam, & os non abdicabo, imo nec perfricabo quidem. Fides apud me esto Panegyristæ: sed quid dicitur igitur: Ortum illic Constantinum:

at.

at, non in tuam senientiam fortasse, sed meam dicit. Ea est, non ipsum ibi, sed imperium ejus ortum: non Constantinum, sed Principem. Vere tibi dico (siste, nec resiliās) hac ejus mens est: Tu nobiles fecisti Britannias quod illuc ortus factusque es imperator. Prima imperii tui lux illic, & illinc, fulsit. Nec dissimile nimis in verbo, quod paullo ante idem Orator dixit, Constantine oriens imperator. A U D. Percussisti me novā interpretatio: sed quid tu tamen contra communem omnium assensum? L I P S. Nego, communem: imo nemo veterum hoc scripsit. Media aut novella aetatis hac assertio est, nec nisi ab illo imperii ortu orta. Quid? nonne Nicephorus, Ecclesiastica historiae scriptor, de Bithyniā palam affirmat? Nam patrem ejus Constantium, cum ad Persas legatus iret, Drepanum Bithyniæ venisse, divertisse, Helenā hospitis sui filiam novisse, Constantium hunc genuisse. Cur autem ille hoc tam constanter, tam nihil ambigens, aut de varietate inferens, si variatum tamen fuit? Atque ego arbitror, verissima Nicephorum tradidisse. Quo teste? quem nemo respuat, veteri & ab ipso Constantini avo. Is est Julius Firmicus, qui Matheseon libros scripsit: & in eorum primo, hac verba: Dominus & Augustus noster ac T O T I U S orbis imperator,

tor, Pius, Felix ac providus princeps
 CONSTANTINUS scilicet MAXI-
 MUS, DIVI CONSTANTII filius,
 augustæ ac venerandæ memoriæ principis,
 qui ad liberandum orbem à tyrannicis im-
 moderationibus, & ad comprimenda do-
 mestica mala, favore propitiæ majestatis
 electus est, APUD THARSUM GENI-
 TUS, à primo ætatis gradu gubernacula
 imperii retinens, quæ prosperis nactus fu-
 erat auspiciis ROMANUM ORBEM
 salubri gubernationis moderamine susten-
 tat. *Ea de Constantino nostro accipienda esse,
 primum doceo, tum de re meâ addo. Aliquis
 enim dixerit Constantinum ejus filium ca-
 piendum; quoniam in libris vulgatis legitur,
 Divi Constantini filius: sed profecto id im-
 probum est, & Constantii, ut recitavi, legen-
 dum. Multa docent clarè. primum quod
 ait, Totius Orbis Imperatorem fuisse. atqui
 Constantinus ille, inter tres Constantini Ma-
 gni filios, sorte duntaxat Gallias, Hispanias
 Britanniasque habuit. Item, quod Maximum
 agnominat: quod, Tyrannos ab eo extinctos;
 & quod Romanum Orbem salubriter facit gu-
 bernantem. Atqui partem modò, ut dixi:
 nec eam ipsam diu tenuit, intra triennium oc-
 cisus. Quid, quod diserte mox idem Firmi-
 cus, Constantinum maximum principem, &
 ejus*

ejus INVICTISSIMOS LIBEROS,
 Dominos & CÆSARES appellat? Cer-
 te non habuit tales minor ille Constantinus, &
 palam ad nostrum hunc spectant. Ista præmissi,
 si quis (ut sunt mores aut ingenia) refragari
 vel calumniari vellet: nunc ad rem aptemus.
 At igitur, Constantinum illum suum prin-
 cipem apud Tharsum genitum. Qua illa est?
 an nobilis in Cilicia? non est; sed in Bithynia
 ego eam inveni. Nam Stephanus de Urbibus,
 Nicephorus, Porphyrogennêta, Tharsum hanc
 (ita scribunt sine adspirante littera) in Bithyniâ
 signate ponunt, juxta Nicomediam ipsam. E-
 go vero aio & infero eandem cum Drepano
 esse. Quod Nicephorus nominavit. Quo ar-
 gumento? quod apud Nicomediam sinus &
 curvatura maris est, quæ loca talia communi
 nomine Drepana Græci, quasi falces, à simi-
 litudine, vocabant. Inde passim Drepani
 hoc nomen in mariis, & Ortelium nostrum
 vide. At proprium ejus loci oppidiq; nomen
 & magis restrictum, Tharsus fuit. Mea
 hac conjectatio est. nec moveor, si posteri, aut
 Britanni scriptores, aliter de totâ re scripse-
 runt. Multo minus Georgio Cædreno au-
 rem præbeo, scribenti natum Constantinum
 ἐν τῷ τῆς δακίας πόλει, circa urbem Daciæ.
 Corrupta, aut falsa sunt: & quoties vanita-
 tum manifestus ille auctor? Pro nobis etiam

valide facit, quod ipsum istud Drepanum, Helenopolis appellatum postea, in honorem matris, & Pontus vicinus Polemoniacus, item Helenopontus: sed & sedes imperii in viciniam translata, nonne affectum in patriam testatur? Ipsum denique eum Constantini adjuvat, si consideras natum eum circa annum CIO. XXXIII urbis conditæ: quo tempore quæta adhuc Britannia, & turba post mota, & pater ad eas sedandas missus. Ergo verius ante, & alibi, natum esse. Sed tu, aut alius, ut volent: ego sine fraude censui, & sermonem meum totum finivi.

Quibus ex verbis clarissimi Lipsij duplicem Tharsum ac Tharsenses, Bithyniæ & Ciliciæ, fuisse cognoscere est, & hac quidem Tharso Ciliciæ oriundum ac natum fuisse divum Paulum, Bithyniæ verò Tharsum imperatori huic Magno Constantino, ut patriam ac solum natale, tribuendum. Quod autem Drepanum Helenopolim appellatum addit, id authoribus lato modo proditum putem: cum proprie Tharsus hanc appellationem meruerit. Nam ut

Cib. 47.

olim, quod Dio notat, Tharsenses illivertutissimi urbem suam Juliopolim, in gratiam Julii Cæsaris vocitarunt; ita in honorem & gratiam quoque Magni hujus Constantini, ejusque genitricis, quæ Helena est

est dicta, Helenopolim exinde Tharsenses hocce nominasse verisimile existimem: nisi hæc Helenopolis sicuti ad Tharsum referenda Bithyniæ, sic ad Tharsum Ciliciæ referre alteram placeat. At Tharsum Ciliciæ non fuisse *Juliopolim*, satis indicabit Ptolemeus, qui diserte *Juliopolim* in Bithyniâ collocat, quorum & incolas *Juliopoliæ* novit Plinius. Ut ita existimem eosdem Bithyniæ Tharsenses sive Tharsi incolas, qui olim Julio Cæsari gratificaturi urbem suam appellitarunt *Juliopolim*, exinde eorundem posteros voluisse similem in modum gratificari Magno Cæsari Constantino, ejusque genetrici Helenæ, oppidum idem suum *Helenopolim* quoque nominasse, postliminio. Ut ita concidat simul opinio, quæ ex citatis quoque superius patuit, statuentium Helenam hanc fuisse Britannam.

Dein cum natus sit Constantinus Magnus, quod accurate præterea ibidem injicit Lipsius noster, circa annum *clxxxix* vrbis conditæ, eo nimirum tempore, cum esset adhuc quieta Britannia, nec uspiam audita fuissent Carausii & Allecti nomina, qui, ut supra meminimus, à Romanis exinde deficientes, suam Britanniam fecerant, ea haud leviter juvabuntur iis, quæ à nobis

nobis superius præmissa sunt, Eumenii Rhetoris clarissimi verbis. Etenim ille, ut retulimus, quem trajecisse in Britanniam Constantium refert, in id trajecisse tum constat, ut Allectum illum, qui, interfecto Carausio, sibi insulam vindicaverat, compesceret imperioque obsequentem redderet. Atque inde cum addat, quod similiter meminimus, filium Constantinum, continud eodem profectum reperisse decumbentem patrem Constantium, ac ei moribundo adfuisse, quid esse clarius potest, quàm alibi natum Constantinum, & ibi, defuncto jam patre, veluti à boreâ exortum solem, imperioque à milite inauguratum præfectumque? Esto itaque Tharsensis, id est, natus in oppido Bithyniæ Tharso Constantinus Magnus, quemadmodum divus Paulus Tharsensis similiter fuit, genitus item Tharsi, sed oppido Ciliciæ. Quorum uterque quantum commodaverit rei Christianæ, ille consilio & armis; hic doctrinâ & vitâ, ecquæ latere hominum potest? Unde, ut hoc superioribus istâ occasione addam, nata aliquando mihi materia, suggerente præcipue eam clarissimo viro *D. Ernesto Brinckio*, consule urbis Hardervicenæ amplissimo, celebrandi hoc nomine utrumque epigrammatico; quod,
corun-

eorundem subditum imagini, servat vir idem spectatissimus in pinacothecâ suâ, rarissimis tam hujus, quem incolimus, quàm orbis novi cœmeliis ac rebus instructissimâ. Est verò hoc ipsum, ne ibi solum, legatur, ejusmodi :

CONSTANTINUS MAGNUS
IMPERATOR,

&

PAULUS APOSTOLUS

Tharsenses

Ad

D. ERNESTUM BRINCKIUM
Consulem Hardervicenum.

B *Eate Paule, tuque summatum virum,
Quos orbis habuit, prime vel primos supra,
O Magne Constantine. Te Tharsus tulit,
Tulitque Paulum. Gentium hic doctor fuit,
Docuitque Christum voce, vitâ, tum stylo:
Adseruit ille, primus & Christum suis
Tutatus armis, arma sustulit fera,
Queis trux tyrannis saviit in Christi gregem;
Mundumque nobis Christianum condidit.
Felix ô Tharsè! vosque Tharsenses duo,
Tu Magne Constantine; Tuque seu minor
Majorve Paule; minor uterque sed Deo,
Deoque solo, tanta qui per vos dedit.*

Q 5

Amice

*Amice consul, hoc tuum melos puta,
 Hos tu latere noluisse qui duos,
 Tharso profectos. quorum uterque, ut dispari,
 Itâ stupendo, vertit hunc Orbem modo:
 Ille ense ferri; hic ense, qui Dei est logos.*

ERNESTE BRINCKI, *carmen en tuum meum;*
Materia tua sit, versus ac textus mei.

MANTISSA II.

*Vbi de Thule deque Thulensium largâ ac
 diutinâ Pomonâ expensa Solini verba;
 itemque Taciti & Panegyristæ Eumenij
 de Britannia.*

Capite 25.

NEque temere neq; libenter antiquissimis illis ac classicis authoribus derogare fidem vel soleo vel audeam. Quis tamen, ut intra circum & hæc nostra consistam, Solino in universum assentiat, de Thule insulâ memoranti, eam largâ ac diutinâ Pomona copiosam, & veris initio inter pecudes pabulis vivere indigenas, deinde lacte; in hiemem congerere arborum fructus? Nam si Thulenses non nisi post vernum, ut ipse indicat, æquinoctium, ac demum solstitij æstivi tempore Solem benigniorem expectantur,

riantur, & Orcades, quæ Thule tanto sunt
 australiores, *nec silvas nec arbores habeant,*
tantumque, ut verba ipsiusmet habent, *junc-*
ceis herbis inhorrescant, quomodo Thulenses
 aded versus boream remotiores, & *arborum*
fructus sub hiemem congerere, & habere Pomo-
nam copiosam possint? Hic Thulem &
 Thulenses cum nomino, intelligi, qui hodie
 Islandi nominantur, extra controversiam
 habeam. At illis arbores nullas esse aut na-
 sci hodie certum est. Interim junceas stir-
 pes, Betulam appellat Arngrimus Islandus;
 tum & pecus tam equinum quam vaccinū,
 aliaque id genus habent, satis sæcunda, &
 gramen quoque æstivis mensibus aded
 luxurians, ut pecora, quod de Hiberniâ
 Mela refert, citissime se impleant, & nisi
 pabulis prohibeantur, diutius pasta diffi-
 liant. Quod autem additur ejusdem Soli-
 ni verbis, *inter pecudes pabulis vivere indige-*
nas; facile concedam, si accipiantur, ut
 à verbis Taciti haud abeuntia; qui de pri-
 scis Germanis non dissimiliter loquens in-
 quit; *Dominum & servum nullis educationis*
delictis dignoscas. *Inter eadem pecora, in ea-*
dem humo degunt, donec ætas separet in-
genuas, virtus dignoscat. Quod verò arbo-
 res spectat, occurrat hic quispiam dicatq;
 non Islandiam, sed Norvegiam Solino for-
 tass

Libro de
Ger.

illis intelligi, quam & arbores habere confertissimas, tum & insulam & Thulem appellatam veteribus, & in his Procopio præsertim constat. At respondemus, omnino de Thule, utpote Islandiâ, accipienda Solini verba demonstret vel ipse Solinus, qui Scandinaviam nominans, quemadmodum & Plinius, sub ea comprehendisse Norvegiam & eum tractum dignoscitur quod alibi ostendimus.

In Chorog.
Danicæ de-
scrip.

Solino proxime subjungendus Tacitus, quamvis ætate anterior. Is in vitâ Agricolaë, de Britannia loquens, hæc inter cetera, habet: *Solum, præter oleam vitæque & cetera, calidioribus terris oriri sueta, patiens frugum, facundum.* Quo loci ita Tacitum interpretor, ut, oleâ vinisque & ejusmodi, quæ locis ac terris calidioribus provenire sueverint, exceptis, frugum alias ac frumentorum omnium sæcunda sit, ac ferax Britannia. Et hoc ita haberi, hodie res doceant; nec sibi solum, sed proximis quoque regnis ac regionibus, ubi opus est, subvenire liberaliter eam, fruges atq; alimoniam subministrando. Unde & olim quoque horreum & veluti penurarium occidentalis imperii fuisse Zozimus memorat: aded ut Dccc navibus, quæ lembis majores erant, maxima frumenti vis è Britannia

nia in Germaniam ad exercitus limitaneos circa Rhenum & illa loca transvecta quotannis. ut omittam de cerevisiâ dicere, quæ etiam hodie palmam inter cerevisias exoticas ferens, tanta ibi conficitur ac coquitur non modo copiâ, sed etiam gratiâ, ut eam circumquaque exteri delicatiores depereant dicam an expetant? Et ante quoq; Tacitum Zozimumque Cæsar haud ultra frumentum ac fruges procedens, addit, *interiorum plerosque frumenta non serere, sed lacte & carne vivere.*

At ab his quàm longe recedens panegyrista Eumenius, non Cereris modò sed & Liberi muneribus sufficere asserit. Ubi ait: *Merito te (Britannia) omnibus cæli ac soli bonis Natura donavit, in qua nec rigor est nimis hiemis, nec ardor æstatis, in qua segetum tanta fecunditas, ut muneribus utrisqueufficiat & Cereris & Liberi.* Ecce non Cererem seu fruges modò, sed vinum etiam ac Liberi Bacchique dona Britannia tribuit, præter, quàm memoratum nunc authoribus; & præter quoque ea, quæ docet quotidianus usus atque experientia. Videaturq; Eumenius aspexisse hîc quidem Tacitum sed aliter, quam nos accepisse verba, præter oleam vitemque, præsertim cum presse insistat ejusdem verbis eaque exprimat.

In vitæ Ag-
ricolæ.

mat. Nam ubi Tacitus de eâdem Britannia dixit, *asperitas frigorum abest*, ille habet, *nec rigor est nimius hiemis, nec ardor æstatis*: Et illa quoque Taciti: *dierum spatia ultra nostri orbis mensuram, & nox clara, & extrema Britannia parte brevis &c.* item illa ejusdem: *scilicet extrema & plana terrarum humili umbra non erigunt tenebras &c.* ita reddidit Eumenius: *Longissima dies, & nulla sine aliqua luce noctes, dum illa littorum extrema planities non attollit umbras.* Quæ tamen (quod & aliis observatum) futile ratio à solo petita, quæ à sole & cælo repetenda. Sed, an illud de Libero ac vite a Tacito, ad sensum suum detorto, vel a Schitinio potius Chio, qui fructus sine nucleis, uvasque sine acino in Britannia nasci fabulatus est, sumserit Eumenius, in medium relicto; id tamen adferri pro Eumenio possit, quod refert Gulielmus Malmesburienſis de Angliæ ditione Glocestria. Ibi enim hæc habet: *Regio plusquam alia Anglia provincia vinearum frequentia densior, proventus uberior, sapore jucundior. Vina ipsa bibentium ora non tristi torquent acredine, quippe quæ parum debeant Gallicis dulcedine.* Ubi de re quasi præſenti ac sibi compertâ videatur loqui Malmesburienſis; Nec ided refragari ejus narrationi facile

Apollonius
in Mirabilib.

cile

cile sit; Guljelmus tamen Camdenus ubi loci ^{in Britannia}
 ejus meminit, agens de Dobunis hæc sub- ^{sua.}
 jicit: *Hinc tamen, ut alia taceam, non est cur*
miremur, tot loca in hac regione à vinetis Vi-
neyards vocari, cum vinum protulerit. & cer-
te ex incolarum potius socordiâ, quam cœli
intemperie videatur, quod hodie nullum fe-
rat. Socordiæ hoc adscribit incolarum
 Camdenus, quod ego potius aliò traxerim.
 Nam segetum cum ea ubivis ibi ubertas
 sit fueritque, ut paulo ante dixerit quoque
 idem Malmesburiensis, *terra omnis frugum*
opima, fructuum ferax, hinc sola natura gra-
tia, illic cultura solertiâ, ut quemvis tadiosum
per socordiam provocet ad laboris illecebram,
ubi centuplicato fœnore responsiva sit copia,
 Hinc sane collegerim, cum segetum ibi
 cultura ac proventus non sine fœnore aut
 simplice lucro habeatur, idè vineas ac vi-
 neta, quæ ad delicias & viridariorum or-
 natum magis, quàm rei augendæ facerent,
 insuper habita paulatim neglectaque.
 Nam de cœli intemperie, eam incusari
 non posse, quod addit Camdenus, sciri re-
 fert, longe eam Britannia tractum ceteris
 esse borealiorem, & gradus ibi numerari
 haud multò infra 55, cujusmodi propemo-
 do situs est Visurgim & Albim accolenti-
 um in Germaniâ. At eam Germaniæ par-
 tem

tem vini admodum feracem non esse, aut vix esse, latere neminem existimo.

Verum occurrat quispiam, Cæsaris illud adducens, quo ille *Britannia temperatiora esse loca, quam in Galliâ, remissioribus frigoribus*, commemorat; ut ita de vite & Libero, quod Eumenius & authores tradiderunt, locum habere possit. Cui ut respondeatur, non repetam, quæ usus & experientia hodierna testantur, de quibus injectum jam modò; sed illud tantum adferam quod habet Tacitus; interpretans quasi Cæsarem, & *asperitatem quidem frigorum abesse Britannia, interim crebris imbris ac nebulis fœdum esse cœlum* referens, & ideo clementes ibi esse hiemes; quod frigoris vim frequentes, sed sedatæ, pluviæ dissolvant; & mare insuper circumfusum moderato tepore foveat terram. Quemadmodum hoc ipsum non obscure quoque doceant physici, & indicet Minutius Felix, ubi de ipsâ hac Britannia loquens scribit, *Britannia sole deficitur, sed circumfluentis maris tepore recreatur. Sole inquit deficitur*, id est, ita ibi pluviâ nubibus sæpenumero obducitur aer, ut in aspectum prodire sol ejusque radii vix ac rarè possint. At quem vinum & vineta efflagitant, præcipue Phœbus est, cujusmodi in Galliâ & præsertim Italia

Italia, sudus ut plurimum ac serenus fulget,
qui & Liberi hisce muneribus suam maturitatem ac ultimam, quod dicitur, manum addere quàm maxime potis est.

MANTISSA III.

*Cæsaris de Gallis & Britannia relatio &
verba ambigua. Eaque posita
expensaque.*

VERBA sunt Cæsaris, ubi de Vennetis agit; qui hodie, in Britannia minori sive Gallica, Vannes dicuntur. Ejus inquam verba ibi sunt: *Hujus civitatis (Vennetorum) est longe amplissima autoritas omnis ora maritima regionum; quod & naves habent Venneti plurimas, quibus in Britanniam navigare consueverunt; & scientia atque usu nauticarum rerum ceteros antecedunt &c.* Atque inde aliquando post: *insula (Britannia) natura triquetra, cujus unum latus est contra Galliam; hujus lateris alter angulus, qui est ad Cantium, quo fere ex Gallia naves appellantur, ad orientem solem; inferior ad meridiem spectat &c.* Quæ omnia ejusmodi sunt, ex quibus per id tempus frequen-

Lib. 3. de
Bel. Gall.

Libro 5. de
Bel. Gall.

R

tem

lib. I. 4.

tem fuisse ac solemnem è Galliis in Britannos navigationem colligere esset; at cum inde libro, qui est inter utrumque jam dictum, tertium & quintum, intermedio, xv scilicet, hæc tradat: *Magno sibi usui fore arbitrabatur, si modo insulam adis- genus hominum perspexisset, loca, portus, aditus cognovisset, quæ omnia fere Gallis erant incognita, neque enim temere præter mercatores illo adit quisquam, neq. iis ipsis quidquam, præter oram maritimam atque eas regiones, quæ sunt contra Galliam, notum est. Quæ vicissim aliud loqui videantur; & opponiis merito possit, quod de Venetis jam memoratum libro antecedente, qui est tertius, eos, ut pote navibus abundantes, in Britanniam navigare pro more consuevisse, ut verba habent, jam jam recitata. Nec quod censeat quispiam, latere hoc Cæsarem potuit cum, ut patet libro eodem tertio, missa eo non classe tantum, sed & terrestri exercitu, suæ eos jam ante potestatis ac juris fecisset: & quinto insuper libro, ut posuimus, ad Cantium è Gallia fere appellere naves tradiderit. Quis igitur cognoscere ista ex Venetis eum, ceterisque Gallis, nequisse non miretur? quod scilicet ibi hominum genus, quæ loca, portus, aditus essent? Quis, inquam, inco-*

incognita hæc fuisse Gallis omnia, adeo
solemniter in ea loca navigare eaque fre-
quentare solitis, non miretur? Nisi excu-
sare hic Cæsarem libeat, & vocula *fere*,
quæ additur, pleniorum singulorum, nec
eorum modo, qui sunt contra Galliam por-
tuum & locorum hominumq; sed & cete-
rorum quoque versus boream cogniti-
onem requisivisse eum dicamus;
aut occultasse hæc ei Gallos,
nec, quæ debebant, profi-
teri ingenue satis aut
aperire cuncta
voluisse.

HÆc, quæ jam posita, addidisse obiter superioribus satis fit, licet ad rem, quæ agi à nobis instituta, haud proprie faciant, haud tamen præter eam fuerint. præsertim cum Cæsare, Tacitum & ejusmodi authores classicos explicare eisq; adferre pleniorẽ lucem, quod ad Galliæ Britannique tam maritimos, quam terrestres districtus, haud leviter possint. Nunc, quod Capite 5. libri Secundi pollicitus jam dudum fui, proxime subjungam, Gasparem nimirũ Varrerium Lusitanum. Qui de Ophyrtâ regione & ad eam Navigatione, brevem quidem sed accuratum Commentarium, sive appellare Differtationem libet, Eboræ olim apud Lusitanos evulgavit. Cum enim allatæ à V. Cl. Iohanne Seldeno navigationes fere omnes sint factæque eorum, qui mari & classibus valuerunt, haud proletaria suo loco mentio, haud quaquam omittenda hæc nobis videbatur, à Rege omnium maximo Salomone in Ophyram directâ. Vnde aurum ille aliaque suo cælo rarissima montâ ad ferri copiâ curavit, ut ea, testantibus SS. scripturis, obvia paulatim viliaque haberentur. Vt taceam, quod præcipue institutum hoc spectat, quæri hodieque inter eruditos, quâ Orbis plagâ hæc habeatur Ophyra, quæri inquam, nec inveniri, alio huc aliisque vicissim aliò trahentibus. Quos inter omnes, meo animo, haud aliũ existimo id explicasse vel clarius, aut attigisse verum propius, vitatis, quæ incurrunt hic plures, non unis absurdis, hoc ipso, quem damus, his, quæ sequuntur, pagellis, Varrerio.

CASPARIS VARRERII
LUSITANI

De

Ophyra regione

ET

Ad eam Navigatione

DISSERTATIO.

D. IOANNI III.

*Portugallia & Algarbiorum Regi
inclito, Africo, Æthiopico, Arabico,
Persico, atque Indico,*

GASPAR VARRERIUS S.P.D.



Um animadverterem, Rex inclyte; varias & diversas Doctorum virorum opiniones & sententias: de *Ophyra* regione, quæ olim Salomoni Judæorum regi, innumera pene auri pondo suppeditare solita esset, cepit me aviditas quædam inexhausta investigandi, quonam terrarum situ hæc regio esset posita. Nam alii *Sofalam* insulam credidere. Multi *Hispaniolam*, ut vocant, aliam nuper repertam insulam, opinati sunt. Plurimi apud Indos esse statuentes, nullum tamen certum atque definitum in tam vasta & ampla regione locum expreslerant. Quo majore studio hujusce disquisitionis, ut dixi, incendebar. Itaque cœpi rem perpendere, auctores evolvere, quam rationem habuerint singulæ uniuscujusque sententiæ observare, multa exquirere, plura ratiocinari, eodem denique investigando

frigando pervenire, ut Ophyram regionē:
 in illis oris, quæ in India ultra Gangem sub
 tuo imperio & ditione sunt, omnino esse
 deprehenderim. Quam vero recte aliorum
 sit iudicium, certe per diligentem, quantum
 mea tulit & eruditionis & ingenii tenui-
 tas. De qua regione hunc commentarium
 elucubratus sum. Quem ut tibi dicarem:
 multæ me causæ, multæ impulerunt ratio-
 nes. Ut enim præteream, oram illam Gan-
 geticam, tuo nutu & ditione gubernari,
 ad eamque singulis quibusque annis clas-
 ses tuas navigare solitas, uti Salomonis au-
 spiciis factitatum olim fuisse proditum est,
 multa tibi cum sapientissimo illo rege cō-
 mania esse comperiebam. Nam illi, ob
 mitem animi naturam: ad pacem quam ad
 bellum propensiolem, Deus Opt. Max. ut
 templum sibi ædificandum curaret injun-
 xit, non autem patri, eo quod multā cæde
 & humano sanguine sese cruentasset. Tu
 vero rex inclyte, non modo in summa pace
 & placidissima tranquillitate, hætenus re-
 gna cunctamque tuam ditionem stabilivi-
 sti, veram religionem etiam Christianam,
 tua pietate, prudentia, consilio atque in-
 dustria, quæ summa in te sunt, auxisti. Le-
 gem Evangelicam in remotissimis Orientis
 oris propagasti, augusta illic templa dedi-

In vitæ Ag-
ricolæ.

mat. Nam ubi Tacitus de eâdem Britannia dicit, *asperitas frigorum abest*, ille habet, *nec rigor est nimius hiemis, nec ardor æstatis*: Et illa quoque Taciti: *dierum spatia ultra nostri orbis mensuram, & nox clara, & extrema Britannia parte brevis &c.* item illa ejusdem: *scilicet extrema & plana terrarum humili umbra non erigunt tenebras &c.* ita reddidit Eumenius: *Longissima dies, & nulla sine aliqua luce noctes, dum illa littorum extrema planities non attollit umbras.* Quæ tamen (quod & aliis observatum) futilis ratio à solo petita, quæ à sole & cœlo repetenda. Sed, an illud de Libero ac vite a Tacito, ad sensum suum detorto, vel a Schitinio potius Chio, qui fructus sine nucleis, uvasque sine acino in Britannia nasci fabulatus est, sumserit Eumenius, in medium relictum; id tamen adferri pro Eumenio possit, quod refert Gulielmus Malmesburienensis de Angliæ ditione Glocestria. Ibi enim hæc habet: *Regio plusquam alia Angliæ provincia vinearum frequentia densior, proventus uberior, sapore jucundior. Vna ipsa bibentium ora non tristi torquent acredine, quippe quæ parum debeant Gallicis dulcedine.* Ubi de re quasi præsentis ac sibi compertâ videatur loqui Malmesburienensis; Nec ideo refragari ejus narrationi facile

Apollonius
in Mirabilib.

cile

cile sit; Guljelmus tamen Camdenus ubi loci ^{in Britannia sua.} ejus meminit, agens de Dobunis hæc sub-
 jicit: *Hinc tamen, ut alia taceam, non est cur miremur, tot loca in hac regione à vinetis Vineyards vocari, cum vinum protulerit. & certe ex incolarum potius socordiâ, quam cœli intemperie videatur, quod hodie nullum ferat.* Socordiæ hoc adscribit incolarum Camdenus, quod ego potius aliò traxerim. Nam segetum cum ea ubivis ibi ubertas sit fueritque, ut paulo ante dixerit quoque idem Malmesburiensis, *terra omnis frugum opima, fructuum ferax, hic sola natura gratia, illic cultura solertiâ, ut quemvis radiosum per socordiam provocet ad laboris illecebram, ubi centuplicato fœnore responsiva sit copia.* Hinc sane collegerim, cum segetum ibi cultura ac proventus non sine fœnore aut simplice lucro habeatur, idè vineas ac vineta, quæ ad delicias & viridatiorum ornatum magis, quàm rei augendæ facerent, insuper habita paulatim neglectaque. Nam de cœli intemperie, eam inculari non posse, quod addit Camdenus, sciri refert, longe eum Britannia tractum ceteris esse borealiorem, & gradus ibi numerari haud multò infra 55, cujusmodi propemodò situs est Visurgim & Albim accolentium in Germaniâ. At eam Germaniæ partem

tem vini admodum feracem non esse, aut vix esse, latere neminem existimo.

Verum occurrat quispiam, Cæsaris illud adducens, quo ille *Britannia temperatiora esse loca, quam in Galliâ, remissioribus frigoribus*, commemorat; ut ita de vite & Libero, quod Eumenius & authores tradiderunt, locum habere possit. Cui ut respondeatur, non repetam, quæ usus & experientia hodierna testantur, de quibus injectum jam modò; sed illud tantum adferam, quod habet Tacitus; interpretans quasi Cæsarem, & *asperitatem quidem frigorum abesse Britannia, interim crebris imbris ac nebulis fœdum esse cælum* referens, & ideo clementes ibi esse hiemes; quod frigoris vim frequentes, sed sedatæ, pluvix dissolvant; & mare insuper circumfusum moderato tepore foveat terram. Quemadmodum hoc ipsum non obscure quoque doceant physici, & indicet Minutius Felix, ubi de ipsâ hac Britannia loquens scribit, *Britannia sole deficitur, sed circumfluentis maris tepore recreatur. Sole inquit deficitur*, id est, ita ibi pluvia nubibus sæpenumero obducitur aer, ut in aspectum prodire sol ejusque radii vix ac rarò possint. At quem vinum & vineta efflagitant, præcipue Phœbus est, cujusmodi in Galliâ & præsertim Italia

Italia, sudus ut plurimum ac serenus fulget,
qui & Liberi hisce muneribus suam matu-
ritatem ac ultimam, quod dicitur, manum
addere quàm maxime potis est.

MANTISSA III.

*Cæsaris de Gallis & Britannia relatio &
verba ambigua. Eaque posi-
ta expensaque.*

VERBA sunt Cæsaris, ubi de Vennetis
agit; qui hodie, in Britannia minori
sive Gallica, Vannes dicuntur. Ejus in-
quam verba ibi sunt: *Hujus civitatis (Ven-
netorum) est longe amplissima autoritas om-
nis ora maritima regionum; quod & naves
habent Venneti plurimas, quibus in Britan-
niam navigare consueverunt; & scientia atque
usu nauticarum rerum ceteros antecedunt &c.*
Atque inde aliquando post: *insula (Bri-
tannia) natura triquetra, cujus unum latus
est contra Galliam; hujus lateris alter angulus,
qui est ad Cantium, quo fere ex Gallia naves
appelluntur, ad orientem solem; inferior ad
meridiem spectat &c.* Quæ omnia ejusmo-
di sunt, ex quibus per id tempus frequen-

Lib. 3. de
Bel. Gall.

Libro 3. de
Bel. Gall.

M. I. 4.

rem fuisse ac solemnem è Galliis in Britannos navigationem colligere esset; ac cum inde libro, qui est inter utrumque jam dictum, tertium & quintum, intermedio, xv scilicet, hæc tradat: *Magno sibi usui fore arbitrabatur, si modo insulam adis-
genus hominum perspexisset, loca, portus, aditus cognovisset, quæ omnia fere Gallis erant
in cognita, neque enim temere præter mæca-
tores illo adit quisquam, neq; iis ipsis quidquam, præter oram maritimam atque eas regiones, quæ sunt contra Galliam, notum est.*
Quæ vicissim aliud loqui videantur; & opponi iis merito possit, quod de Vennetis jam memoratum libro antecedente, qui est tertius, eos, ut potè navibus abundantes, in Britanniam navigare pro more consuevisse; ut verba habent, jam jam recitata. Nec quod censeat quispiam, latere hoc Cæsarem potuit cum, ut patet libro eodem tertio, missa eo non classe tantum, sed & terrestri exercitu, suæ eos jam ante potestatis ac juris fecisset: & quinto insuper libro, ut posuimus, ad Cantium è Galliis fere appellere naves tradiderit. Quis igitur cognoscere ista ex Vennetis eum, ceterisque Gallis, nequiusse non miretur? quod scilicet ibi hominum genus, quæ loca, portus, aditus essent? Quis, inquam,
inco-

incognita hæc fuisse Gallis omnia, adeo
solemniter in ea loca navigare eaque fre-
quentare solitis, non miretur? Nisi excu-
sare hic Cæsarem libeat, & vocula *ferè*;
quæ additur, pleniorum singulorum, nec
eorum modo, qui sunt contra Galliam por-
tuum & locorum hominumq; sed & cete-
rorum quoque versus boream cogniti-
onem requisivisse eum dicamus;
aut occultasse hæc ei Gallos,
nec, quæ debebant, profi-
teri ingenue satis aut
aperire cuncta
voluisse.

HÆc, quæ jam posita, addidisse obiter superioribus satis fit, licet ad rem, quæ agi à nobis instituta, haud proprie faciant, haud tamen præter eam fuerint. præsertim cum Cæsare, Tacitum & ejusmodi authores classicos explicare eisq; adferre pleniorẽ lucem, quod ad Galliæ Britanniæque tam maritimõs, quam terrestres districtus, haud leviter possint. Nunc, quod Capite 5. libri Secundi pollicitus jam dudum fui, proxime subjungam, Gasparem nimirũ Varrerium Lusitanum. Qui de Ophytâ regione & ad eam Navigatione, brevem quidem sed accuratum Commentarium, sive appellare Dissertationem libet, Eboræ olim apud Lusitanos evulgavit. Cum enim allatæ à V. Cl. Iohanne Seldeno navigationes fere omnes sint factæque eorum, qui mari & classibus valuerunt, haud proletaria suo loco mentio, haud quaquam omittenda hæc nobis videbatur, à Rege omnium maximo Salomone in Ophyram directâ. Vnde aurum ille atque suo cælo rarissima matæ ad ferri copiâ curavit, ut ea, testantibus SS. scripturis, obvia paulatim viliaque haberentur. Ut taceam, quod præcipue institutum hoc spectat, quæri hodieque inter eruditos, quâ Orbis plagâ hæc habeatur Ophyra, quæri inquam, nec inveniri, alio huc aliisque vicissim aliõ trahentibus. Quos inter omnes, meo animo, haud aliũ existimo id explicasse vel clarius, aut attigisse verum propius, vitatis, quæ incurrunt hîc plures, non unis absurdis, hoc ipso, quem damus, his, quæ sequuntur, pagellis, Varrerio.

CASPARIS VARRERII
LUSITANI

De

Ophyra regione

ET

Ad eam Navigatione

DISSERTATIO.

stigando pervenire, ut Ophyram regionē:
 in illis oris, quæ in India ultra Gangem sub
 tuo imperio & ditione sunt, omnino esse
 deprehenderim. Quam veto recte aliorum
 sit iudicium, certe perdiligenter, quantum
 mea tulit & eruditionis & ingenii tenui-
 tas. De qua regione hunc commentarium
 elucubratus sum. Quem ut tibi dicarem:
 multæ me causæ, multæ impulerunt ratio-
 nes. Vt enim præteream, oram illam Gan-
 geticam, tuo nutu & ditione gubernari,
 ad eamque singulis quibusque annis clas-
 ses tuas navigare solitas, uti Salomonis au-
 spiciis factitatum olim fuisse proditum est,
 multa tibi cum sapientissimo illo rege cō-
 munia esse comperiebam. Nam illi, ob
 mitem animi naturam: ad pacem quam ad
 bellum propensiolem, Deus Opt. Max. ut
 templum sibi ædificandum curaret injun-
 xit, non autem patri, eo quod multa cæde
 & humano sanguine sese cruentasset. Tu
 vero rex inclyte, non modo in summa pace
 & placidissima tranquillitate, hætenus re-
 gna cunctamque tuam ditionem stabilivi-
 sti, veram religionem etiam Christianam,
 tua pietate, prudentia, consilio atque in-
 dustria, quæ summa in te sunt, auxisti. Le-
 gem Evangelicam in remotissimis Orientis
 oris propagasti, augusta illic templa dedi-

cari jussisti. Ordines monachorum à pristinis institutis degenerantes, instaurandos & renovandos curasti. Nobilissimum gymnasium, omni disciplinarum genere extructum Conimbricæ fundasti, ut quod Salomon ipse solo pene nomine habuisse vilus sit, tu re ipsa cumulate præstitisse videare, nempe dulcissimam & saluberrimam & semper optatissimam cunctis nationibus pacem. Quis enim mortalium, unquam bellum non exhorruit ac summe detestatus est? Etenim ut torrens è montibus lapsus, hybernisque auctus imbribus: sata læta suo evertit impetu, atque aquarum violentia agros populatur, ita bellum vel justè susceptum: nefarium & horrificum per se est, omnia diripit, cuncta convellit: utpote quod ipsis etiam victoribus non minus quam victis exitiales soleat plerunq; exitus afferre, ita ut belluarum immanitati magis quam humanis ingeniis, convenire videatur, & ut rectè dixit quidam, sic ab unoquoque suscipi oportere, ut à ratione stabiliendæ pacis non discedat. Quæ si absque bello confici & honeste conservari potest, quis adeo ferus inhumanusque sit, ut cum hoste configere & ferro humanum sanguinem fundere, quam pacem malit? nisi qui omnino inimicus generis humani,

à natu-

à natura informatus esse videatur ? Quod si qui sunt, qui bellica consilia quietis cogitationibus anteponunt, inani quadam specie gloriæ decepti, ii omne rectum atque honestum peruertunt & labefaciunt, atque à Christiana pietate longè abhorrent. Nec conquisitis rationibus ad hæc confirmanda opus est, cum satis in promptu sint. In quo genere colendæ pacis, rex humanissime tantum excellis, ut, si exemplo tuo alij Christiani principes & reges, (pace quod omnium dixerim) ab armis civilibus abstinuissent, nihil dubiū est, quin, jam Christo summo Deo restituta fuissent tot regna, ac tot provinciæ, quot illi Barbaræ nationes jamdudum ademerint : invitæ magis fortassè bellis Christianorum intestinis, quàm rei militaris scientia, aut ingenti quadam animi magnitudine. Quæ dum vident nos domesticis dissidiis, veluti quibusdam pertinacibus verborum concertationibus implicatos, majora quotidie audent, ac ed jam audaciæ prorumpunt, ut, quod reliquum habemus, ingenti fiducia eripere aggrediantur. Quos tu, Rex invicte, tota animi contentione, omnique armorum vi exturbare, ab Africæ, Æthiopix, Arabiæ, Persiæ atque Indiæ possessione non desistis. Fortunet Christus

R 5 tam

tam pios labores, aliosque Christianos reges ad hoc iustissimum & honestissimum bellum erigat & inflammet, Quò Christianum nomen, non modo ereptas provincias & amissa recuperet imperia, verùm dilatet etiam augeat & amplifcet, tuo & majorum tuorum exemplo. Hoc vero opusculum quodcunque est, quod tibi plurimis de causis dedicare constitui, precor obtestorque te, eo favore & benignitate proseguare, quibus jacentes soles erigere & humanitate regia fovere, ne in lucem prodire aliquando pertimescat. Rex invictissime Christus Opt. Max. Majestatem tuam salvam & incolumem servet & perpetuam illi donet felicitatem. Vale Eboræ
v, Kalend. Decembris. M. D. L.

D. S E-

D. SEBASTIANO

*summæ spei Portugallia & Algar-
biorum Regi inclito, Africo, Æthio-
pico, Arabico, Persico atque Indico,*

GASPAR VARRERIUS.

S. P. D.



Icaverā augustissimo Re-
gi Joanni III. aucto tuo,
Rex inclyte, Commenta-
rium, quē decem ab hinc
annos, de Ophyra regio-
ne composueram. Sed an-
tequam edidissem naturæ concesserat
tantus Rex ac tanti nominis, à Deo Opt.
Max. (ut credere par est) ad illud concili-
um & cœtum beatorum è terris evocatus,
ob plurima & præclara virtutum ornamen-
ta, quibus illum, dum viveret, decorarat.
Quando igitur nutus divini numinis te in
demortui Regis avi tui locum suffecit, tam
magno cunctorum præsertim tuorum om-
nium applausu, ut cum adoleverit ætas,
scepra tenens hæreditaria, ad Regnorum
administrationem feliciter incumbas, præ-
dictum Commentarium tibi dicendum
itaque,

fieri, eo maximè consilio, quod illas In-
 diæ partes, quibus regio ipsa *Ophyra* con-
 tinetur, in partem quoque Regni tibi con-
 tigisse videantur. Quam regionem pro-
 pterea exquisita quadam curiositate inda-
 gare arbitratus sum, quod viderem mul-
 tos varie de hac re sensisse. Quantum ve-
 ro in huiusmodi molesto & operoso nego-
 tio, quo me implicavi, consecutus sim, alii
 viderint, certe quod potui prestiti, quan-
 tum per tenuem & literarum, & ingenii
 facultatem licuit. In qua regione, ut om-
 nes tui & alieni, qui præclaram & excel-
 lentem & verè regiam istam admirantur
 indolem speramus, reddes Ophyriis pro
 auro, (quod rerum aliarum permutationi-
 bus, Salomon redimere consueverat) inæ-
 stimabiles legis Euangelicæ merces. Su-
 stines enim cum honorum & bonorum hæ-
 reditate, non parvam expectationem in-
 dustriæ & avitæ virtutis imitandæ, &
 pro egregia innata indole fortasse etiam
 superandæ. Nam cuncti maiores tui re-
 ges, tam ex paterno quam materno san-
 guine, maximam & singularem erga De-
 um semper præstitere pietatem, & om-
 nem hanc Hispaniæ Provinciam, ab im-
 potentissimo Barbarorum dominatu ar-
 morum vi, & summa militari virtute eri-
 puerunt,

puerunt, aded ut quem quisque eorum locum, semel pedibus proculcaverat & ferro aperuerat, eundem manu strenua pugnando retinuerit. Nec intra Hispaniæ fines virtus tanta se ipsam continuit. In Africam trajecerunt, ut fugientes Barbarorum reliquias persequerentur, & funditus delerent. Ibi ingentes illorum copias parua manu sæpius profligarunt. Multa ibi oppida maritima, obsidione & oppugnatione ceperunt. Postea in Æthiopiam, in Arabiam, in Persiam, in Indiam denique arma converterunt. Quæ vero in iis Provinciis strenue gesserunt, hæc tu, Rex inclyte, & à tuis scire poteris, & apud Asiaticam historiam, ab auunculo meo doctissime & elegantissime scriptam, literis mandata facile cognosces. Alii ad longinquas Occidui orbis plagas, nunquam antea cognitæ se contulerunt, multas illic Barbarorum provincias occuparunt, atque deletò impio idolorum cultu, Christi Euangelium latè propagarunt; ut nullus fere in toto terrarum orbe tam longè positus, nec tam abditus & ab hominū consortio semotus sit locus, quem non maiorum tuorum arma vel occupaverint vel terruerint. Nec ad eorum tot ac tantas virtutes imitandas, vel etiam superandas, ea
tibi

tibi defunt, quæ non parum optimo Principi formando conducere, semper viri sapientes arbitrati sunt. Nam ut præteream magnam spem multis & non obscuris significationibus concitatam, & multarum, non adumbratam sed expressam virtutum effigiem, habes; apud Catharinam aviam tuam, illustrissimam Reginam & feminam lectissimam educaris, cujus domus quoddam magis virtutum domicilium quam aula; opimarum disciplinarum schola potius quam regia, jure nuncupari potest. Habes quoque intra ipsius aulae tecta, Clarissimum Principem Henricum, Cardinalem amplissimum, ac Portugalliae Infantem avunculum tuum, à Deo Optimo Max. tibi velut dono datum. Quem sapientissima Regia in tuorum regnorum curam & administrationem sibi socium affecit; &, qui te priscorum morum atque vitæ sanctissimæ exemplo, multarumque & opimarum rerum doctrina imbuere & informare valet. Cujus dicto, si te semper audientem præstiteris, sine ulla dubitatione tibi polliceri & confirmare possum, Rex inclyte, non fore cur omnes tui in te quicquam desiderent, sed futurum potius ut alii reges & te admirentur, & tuam æmulari virtutem maxime laborent. Habes præte-

præterea illustrimas Principes duas, Mariam, & Isabellam, sanguine tibi conjunctissimas, quarum utraque rarum quoddam est omnis & virtutis & probitatis documentum, quæ maximum afferre momentum, ingentesque conciliare utilitates ad tuam educationem etiam possunt. Habes insuper viros Principes, qui te cognatione attingunt, cæteramque nobilitatem, atque omnes aliorum ordinum Lusitanos, quorum egregia fides erga suos Reges perspecta maxime semper fuit. Qui vitam suam, cum res ita tulerit, pro tua & tuorum regnorum incolumitate profundere nunquam dubitabunt. Habes quoque literarum Magistrum, quem serenissima Regina & excellentissimus Princeps Henricus, ex novo & amplissimo sanctæ Societatis ordine, ad hoc munus delectum tibi dederunt, virum sane & nobilitate generis, & literarum scientia, & morum claritate conspicuum, à quo nihil nisi quod bonum decorumque sit & Regia Majestate dignissimum discēs. Quantæ, bone Deus, ad summam virtutem, vel excitandam vel constituendam facultates, quanta ad res optimè gerendas præsidia tibi adsunt rex inclyte? Quare maxime virtute, omni contentione enitere, ut omnes tui talem

ralem te habeant qualem habere desiderant. Et paruum hoc nostrum munusculum tuo nomini dedicatum, pro tua humanitate singulari, benigne, precor, suscipias. Christus Deus omnipotens Majestatem tuam salvam & incolumem seruet, & felicitatem nunquam interituram tibi largiatur. Vale, Eboræ sexto Kalend. Maij.
Anno M. D. L. X.

ARGV.



ARGVMENTA COMMENTARII

De

OPHYRA REGIONE

GASPARIS VARRERII

T Res de *Ophyræ* regione opiniones.I. Rabani Mauri & Nicolai Lyrani, apud
Indos esse.II. Francisci Vatabli, *Hispaniolam* esse Oceani
Occidentalis insulam.III. Raphaelis Volaterrani, esse *Sofalam* Æ-
thiopici Oceani insulam.Primam sibi tuendam auctor suscepit, & refel-
litur secunda *Hispaniolam* à Christ. Colum-
bo repertam esse: & an ea sit quam Cartha-
ginenses repperisse ait Aristoteles.Ptolemæi error Lusitanorum navigationibus e-
reptus.

Navigatio	{	Pœnorum duorum.
		Eudoxi cuiusdā & Eudoxi Cyziceni.
		Hispanicarum navium.
		Hannonis Carthaginiensis.

Reijcitur tertia opinio de *Sofala* insula.I. Opinio de *Indis* comprobata.*Malaca* oppidum *Indiæ*.*Iosephi* *Iudæi* laus, qui G. Plinij æqualis fuit.De *Chersoneso aurea* ubi nunc *Malaca* ditioris
Lusitanorum.*Ormouza* celebre *Persiæ* emporium.*Ganges* fluvius hodie *Bengatti*.*Aurum* ubi reperiatur.*Taprobane* ubi sita, & situs *Ophyræ*.

S

Rabani

Rabani Mauri & Lyrani de Ophyra solo, & animalibus sententia;

Tigrium copia atque audacia.

Ioannes Barrius Indiarum Historicus Lusitanus.

Lectores aetere Chersonesi finitimi Ptolemæi.

Dé Chrysa & Argyra, Mela & Plinius.

Lusitanorum audax in Indiam navigatio.

Navigandi origo rudis, cum rates primum adhibita.

Nautica pyxis priscis ignota, nuper reperta.

Magnetis lapidis mira vis.

Argonautarum & Ulyssis in navigando errores.

Lusitanorum navigandi industria laudata.

Christophori Columbi laus.

Causæ cur olim navigatum sit rarius, & diuturniore temporis spatio.

Classis Salomonis cur triennio tantum navigarit.

Tertia opinio Volaterrani de *Sofala* insula rejicitur.

Tharsis 3. Regum 9. an sit Africa.

Divo Hieronymo ubi sit Tharsis.

Africa Hebræis *Phut* hodie *Fex*.

Hebræos provinciis nomina à primis cultoribus dedisse ex Iosepho ostensum.

Alcayrum male à quibusdam *Memphim* nominari.

Tharsin non recte Africam appellare Rabinos. Iudeorum inscitia quam nihil hodie tribuendum sit.

B. Hieronymi laus, & cur Carthaginem esse dixerit Tharsin.

Ophyra Carthago esse non potest.

Ophyram non esse *Sofalam* insulam vidit Georg. Agricola.

India

India cur in sacris litteris *Ophyra* dicta
 Philonis & Iosephi eruditorum Iudæorum laus.
 Iudæorum hodie mira ignavia, inscitia, ac perti-
 nacia.

Petrus Gallatinus de Hebræicis bene meritus.

Ophyra unde dicta Iosepho, & *Indiam* esse.

Phison fluvius Hebræis, qui Ganges est *India*.

De *Ophyra* & *Hivilath*, sententia B. Hieronymi
 & Oleastri, & Rabani Mauri, error vero Au-
 gustini Steuchi Eugubini.

Rabini Hebræorum caute legendi.

Divi Hieronymi summa linguæ Sanctæ petitia.

Thomæ Cajetani opinio rejecta.

S 2

COM.



COMMENTARIUS

De

OPHYRA REGIONE,

Lib. III. Reg. cap. ix. & x. & II. Par.

xi. commemorata; Unde Salomoni Judæorum Regi inclyto, ingens auri, argenti, gemmarum, eboris, aliarumque rerum copia adportabatur.

GASPAR VARRERIO

Lusitano Auctore.

IN monumentis rerum gestarum Salomonis, ingentes commemorantur divitiarum copiae, quibus aded Rex ille inclytus abundasse fertur: ut, præ nimia auri affluentia, cunctis regiae suppellectilis vasis, ceterisque usus & splendoris domestici ornamentis, ex auro factis uteretur: & argentum apud Hierosolymam id temporis copiosissimam urbem, nihili propemodum penderetur. Tantum auri vim (classe ad oram maris Rubri in hunc usum ædificata) advectam ex Ophyra regione narrat eadem Judæorum Regum historia. Verum in quam orbis terrarum parte hæc regio sit posita, Cindane.

cinctané mari, an illi continens, silentio præterit. Nec quo nomine his temporibus nuncupetur, apud aliquem idoneum auctorem memini me legisse. Si qui verò sunt, qui in eo aliquam operam posuere, parum aut nihil consecuti mihi esse videntur. Ac priusquam ad hujus regionis cognitionem accedamus, de qua nostra futura disputatio est, visum fuit primum quorundam referre sententias, quam quisque de eadem re tulit. Deinde ea, quæ ab illis sunt in hoc genere disputata; &, quæ nullam veritatis formam præ se ferre videntur, refellere. Postremò iis adhærere, quæcunque vera synceraque eos protulisse fuerint animadversa. Ex quo ordine serieque tractationis, & rerum ac rationum collatione, dilucidior emergat nostra, quam super hac ipsa re, sumus in medium prolaturi, sententia.

Rabanus Maurus, summo vir judicio & I. Opinio.
in sacris libris interpretandis satis exercitatus, regionem hanc apud Indos esse, nomenque invenisse ab *Ophyro* Iectani filio, memoriæ mandavit. Eamque terram auream, propterea quod ei aureum sit solum, nuncupatam. Quam nulla gens mortalium, sed leonum, aliarumque ferarum id genus multitudo ingens incoletet. Qua
S 3 propter

propter nullos ad eam ausos succedere ; præter nautas , positis in statione navibus , quò facilius pateret perfugium , ab imminente ferarum maleficio , & tractu illo circumcirca ante per exploratores diligentissimè perlustrato. Quam vero humum ab ipsis feris egestam offendissent , ad naves exportasse , ex eaque tandem aurum eruisse. In hanc ferè sententiam discedit Nic. Lyranus , peritissimus & ipse sacrarum literarum interpres.

II. Opinio. Franciscus Vatablus Parisiensis , putat Ophyram regionem esse insulam *Hispaniolam* , in Oceano occidentali positam , nostrisque temporibus repertam. Atque ad id confirmandum nonnullas colligit rationes. Primum quod plurima auri idque optimi metalla gignat hæc insula. Deinde quod longissimis & maris & terrarum intervallis disjungatur à portu sinus Atlantici Afion gabelo , è quo classis Salomonis navigabat in Ophyram regionem , ut tanta locorum disjunctio , cum tam diuturna trium annorum navigatione , à sacris literis commemorata , convenire videatur.

III. Opinio. Raphael Volaterranus nonnullos arbitratos fuisse memorat , insulam *Sofalam* in Oceano Æthiopico sitam , (quæ nunc in
ditione

ditione Portugalliæ Regum est) esse Ophyram. Idque Ludovicus quidam Venetus, in quadam sua ab Ulissipone in Indiam navigatione, scripto ab eo prodita; sibi affirmasse certos homines apud eandem insulam in præsidio locatos dicit, sed quibus in ea re partim fidei præstitisset.

Hæc tere sunt, quæ, circa hujus regionis investigationem varia & diversa ii, quos modo nominavi, literis mandarunt. Sunt igitur, ut ea colligamus, tres orbis partes à se invicem disjunctissimæ, *India*, quæ Asiæ celeberrima provincia est: *Æthiopia*, quæ in Africæ partibus continetur. Et *Hispaniola*, quæ (ut diximus) in occidentali posita est Oceano insula: quæ sibi vindicare videntur hunc velut aureum principatum, sicut olim aliquot Græciæ civitates, suum unaquæque civem Homerum vindicabat.

Prima opinio, in qua duorum nec contentendorum vitorum cernitur summa consensio, partim ad rem & veritatem ipsam proxime accedere; partim dubia & incerta sane quidem continere mihi visa est. Dabimus tamen operam, quo pacto perspiciatur aliquam veritatis rationem, seu certè verisimilitudinem præ se ferre.

I. Opinio.

Quod vero insula *Hispaniola* non sit O-

II. Opinio
de Hispanio-
la.

phyra regio, aded in promptu est, ut nullis nec argumentis, nec rationibus egeat. Verum quia communi iudicio popularique intelligentiæ, quæ disciplinarum rationes minus attingit, accommodandæ sunt plerumque rerum argumentationes, id existimavimus faciendum, etiamsi doctioribus minus gratum futurum esse videatur.

Primum omnium, illud maxime in confesso est, illam terrarum immensitatem & se in maximam latitudinem effundentem, quæ jam satis per vulgato vocabulo *Terra nova* nuncupantur, quam nostra memoria Hispani duce Christophoro Columbo Ligure, longis periculosisque navigationibus in Oceano Atlantico exhaustis repererunt, non modo ætate Salomonis Regis à nullis Asiæ, Africæ, atque Europæ gentibus: sed nec infinitis prope posterioribus seculis fuisse cognitam.

Aristotel.

Nec illi meæ quidem sententia audienti sunt, qui hanc insulam eam ipsam esse arbitrantur, quam Aristoteles prodidit Carthaginenses olim invenisse ultra Gades, multorum dierum navigatione, legemque huiusmodi constituisse, ut capitale esset, si quis eam incolet, quia sic consultum fortasse videretur publicis illius Reipublicæ

publicæ rationibus. Quis enim id pro certo affirmet in tanta insularum multitudine, quibus mare ipsum Atlanticum ad omnes cœli plagas veluti quibusdam maculis distinguitur? Sed esto, vera sint quæ de hac insula opinantur, nonne Salomon Carthaginis originem antecessit 150. annis ut auctores sunt Josephus, & Eusebius Cæsariensis Episcopus? Accedit huc nec esse probabile nec verisimile, insulam ab Aristotele memoratam, in ipso statim Carthaginis ortu fuisse repertam, sed potius postquam urbs illa Romani imperij æmula crevit, bonamq; Africæ partem imperio ac ditio-
 ne tenuit. Quibus viribus aucta, potuit fortasse ad maris etiam imperium animum adijcere. Nam duorum Pœnorum longinquas navigationes, ex Strabonis, Pomponii Melæ, Plinii, & aliorum auctorum monumentis, constat fuisse multis annorum curriculis post conditam Carthaginem, nempe in ipso urbis incremento, & ut ipse Plinius ait, florentissimis rebus Punicis. Præterea navigatio ipsa à mari Indico in Atlanticum, per Australem orbis plagam, non modo Salomonis ætate, nondum nota; sed nec satis explorata fuerat, usque ad tempora Emmanuelis Portugallicæ regis inclyti. Cujus classes velis audaci-

Duorum Pœ-
 norum Navi-
 gatio.

cibus magnum illum Oceanum longe lateque diffusum percurrentes, utramque Indiam citra & ultra Gangem penetraverunt: erroremque Claudii Ptolemæi Alexandrini illustris Mathematici, aliorumque existimantium Indicum mare, minime ad Oceanum Atlanticum pertinere, toti orbis summa cum laude eripuerunt. Nec illud me movet, quod Scriptores aliquot (in quorum est numero, cujus modo mentionem feci, Plinius) memoriæ prodiderunt, extitisse aliquos multis ante seculis, qui ab ortu in occasum, per magnum ac prope immensum illum maris circuitum navigassent, ut de quodam Eudoxo accepimus, qui (forte capite damnatus) cum iram Ptolemæi Lathyri Ægypti regis, quam incurerat, declinare properasset, è sinu Arabico solvens fortunæ libidini & pelagi arbitrio se committens, usque Gades tandem pervenisse narratur. Sed nec me movent signa navium Hispaniensium, in mari Rubro ex naufragio reperta, tempore Tiberii Romanorum Principis. Nec navigatio Hannonis Carthaginensis à Gadibus ad finem Arabiæ, quam literis prodidisse etiam fertur. Nam hujusmodi navigationes etiam si fieri potuerunt, præterquam quod casu aut felicitate quadam potius accidisse,

se, mea quidem sententia videntur, quam consilio aliquo, aut scientia navigandi tantam incogniti & procellosi maris vastitatem, tamen non tam probatæ vel illis vel posterioribus seculis extritere: nec tantam fidem facere potuerunt, quanta opus erat, ad tam inusitatam & periculis plenam navigationem aggrediendam. Suspectæ namq; ut arbitror, vulgò maximè fuerunt. Qua propter Strabo nobilis Geographus, historiam, quam Heraclidem Ponticum narrasse dicit, de certis navigationibus cujusdam Eudoxi Cyziceni, tempore Euergetis secundi Regis Ægypti, tanquàm ineptam fabulam rejicit, & explodit. In qua scripsisse asserit eundem Eudoxum, à mari Rubro Æthiopiam delatum, lignum quoddam navigii, in quo effigies equi insculpta erat, ex naufragio se reperisse. Quod cum in Ægyptum detulisset, tandem à quibusdam nacleris (nostri maris forsitan navigationibus assuetis) Gaditanorum esse navium comperisse. Quo argumento satis sibi persuasum esse asserbat Eudoxus, totius terræ globum undique Oceano circumfundi. Quæ, (tametsi vera extitisse crediderim) neutiquam refelleret nobilis Geographus, si in ea, qua fuit ætate, navigaretur tota illa pars Australis Ocea-

Oceani, quemadmodum à nostris hominibus navigatur hodie, idque tanta facilitate, quanta mare nostrum à cunctis fere nationibus Africæ & Europæ navigatur. Quando igitur illis temporibus, non modo non ita absoluta, ut oportebat, & plena quadam cognitione hæc navigatio pernoſcebatur: nec ullis Geographicis Tabulis illustrata circumferebatur, quo littora & promontoria, portus, urbes, fluminumque ostia, atque horum omnium situs, ex certa cœli & siderum observatione internosci quocunque tempore adiriſque poſſent, ſed etiam à Claudio Ptolemæo diſciplinarum Mathematicarum peritiſſimo omnino ſublata fuerat, qui fieri poterat, ut ætate Salomonis notum eſſet, quod nulla tot ſeculorum poſteritas, præterquam memoria noſtra, uſu & experientia conſecuta eſt?

Sed eſto, *Hiſpaniola* inſula Ophyra ſit regio: Quorſum attinebat per tot vaſtiſſima vagari maria, & univerſum pene orbem laborioſiſſima navigatione, infinitis pene & caſſibus & erroribus obnoxia, peragrarẽ; ſi per fretum Herculeum è noſtro mari in Atlanticum exeuntibus, compendiaria navigatione & breviorẽ temporis intervallo, illuc licebat peruenire? Jam illud prætereundum cenſeo, quod hæc inſula,

ula, præter aurum, nihil carum rerum gignat, quæ ex Ophyra Salomoni apportabantur, videlicet gemmas pretiosissimas, ebur, pavones, simias, & ligna optima, ex quibus citharæ, aliaque Musicorum organa fabricabantur. Suspicio Vatablum istuc ipsum hausisse ex libris Petri Martyris Anglariensis. Is enim narrat Christophorum Columbum, cum primum hanc insulam reperisset, atque Indiæ partem aut certe illi finitimam, ob plurimam auri ubertatem illic animadversam, esse existimasset, persuasum habuisse Ophyram esse.

Quodd verò nec *Sofala* insula, sit Ophyra regio, quam, supra diximus Volaterranum ab aliquibus *Ophyram* fuisse existimatam, commemorasse, & quam Ludovicus Venetus, cum illuc appelleret, idem sibi Lusitanos quosdam affirmasse significat, ex toto nostræ disputationis contextu, facile apparebit, quàm recte judicaverit Venetus, illos id falso opinari.

III. *Opinio de Sofala insula.*

Hic igitur jactis velut fundamentis, reliquum est, ut in medio ponamus rationes, quibus nostra de hac ipsa re tota nititur sententia. Flavius Josephus omni genere doctrinæ instructissimus, in historia sacrorum librorum, quam more pene Paraphrastico

I. *Opinio confirmata.*

Indi.

lib. 8. Anti-
quit. Judaic.
cap 2 (aliis
6) & libr. 1.
adversus A-
pionem.

Iosephus.

stico interpretatus est, hanc regionem scribit apud *Indos* esse, atque vulgò ætate sua *Terram Auream* nuncupatam fuisse. Cujus verba subiijcienda duximus ad plêniorrem hujus susceptæ tractationis intelligentiam. Ait enim. *Habuit autem* (Salomonem intelligit) *ad edificandas naves beneficio regis Hiræ. Ipse namque ei multos viros gubernatores & in marinis rebus edoctos misit; quos jussit navigare cum dispensatoribus suis ad locum, qui olim Ophyræ, nunc Terra Aurea nuncupatur* (est enim in India) *ut aurum deferrent, & colligentes quadringenta talenta, ad regem denuo sunt reversi. Ex quibus satis apparet non solum antiquam & peruulgatam, sed clarorum etiam virorum hanc fuisse sententiam. Fuit namque Iosephus Græcarum literarum longe peritissimus, & in evoluendis Græcis auctoribus exercitatissimus, ut ejus libri testantur, quos contra Apionem Grammaticum Alexandrinum scripsit, multiplici rerum doctrina & cognitione refertos. Quo in genere tantum excelluit, ut ob ingenii elegantiam, statua ei Romæ publice posita fuerit, & de quo satis præclarum Elogium exstat apud divum Hieronymum in libro *De claris scriptoribus*. Cujusque septem libri de captivitate Judaica publicæ bibliothecæ*

thecæ sunt traditi, ut eodem libro idem vit sanctissimus testatur. Floruit principatu Vespasiani Imperatoris, eique cum primis charus fuit. Quo tempore C. Plinius, totum cursum, quem Romani terra, marique singulis quibusque annis, in Indiam tenebant, summa cum diligentia scripsit. Quo loco etiam commemorat amplissimas pecunias, quas quotannis India ex ærario Populi Romani, in redimendis aromatis aliisque id genus mercibus exhauriebat. Quemadmodum apud nos forsitan pessimo publico fieri videmus, & non sine iusta querela maximoque dispendio publicarum Lusitanæ rationum. Quo circa cum idem Josephus, tam varia multarum rerum cognitione, & doctrina polleret, atque omnis antiquitatis præsertim Judicæ, acutissimus esset indagator, multaque, vetustate jam pene obruta è tenebris erisset, omnisque regio Indiæ illis temporibus, quibus ipse vixit, Romanorum navigationibus explorata, ab aliarumque nationum mercatoribus satis perlustrata foret, haud equidem consentaneum videtur, Ophyræ regionis notitiam, ita ex hominum memoria excidisse, ut, incuria seu oblivione penitus exolesceret. Quare Josephus ita ipsam apertè rem locutus est,

ut

ut nihil significantius dici posset, quàm regionem hanc apud Indos esse, & *Terram Auream* nuncupari, adeo ut digito pene demonstrasse videatur. Nam Claudius Ptolemæus eam ipsissimam, (ut Plautino more loquar; in India sitam scribit, libro septimo vndecimæ Tabulæ Asiæ, his verbis. *Super Argenteam autem regionem, in qua multa dicuntur esse metalla non signata, superiacet autem Aurea regio Besyngitis appropinquans, quæ & ipsa metalla auri quam plurima habet.* Hæc Ptolemæus. Quoniam vero ultra peninsula est: ad quam mercatores ex Aurea regione exque insula Somatra, tanquàm ad nobilissimum totius Orientis emporium, maximam (ut hodie fit) auri copiam conferrent, evenit, ut *Aurea Chersonesus* appellaretur, cujus omnes meminere Geographi, omniumque maxime Ptolemæus. Quæ sine controversia eadem ipsa est, ubi oppidum nunc *Malaca* positum, sub imperio ac ditione Portugalliæ regum est, permanetque & durat ad hoc tempus, apud idem oppidum celebris cunctarum rerum mercatus, quod omnes negotiatores Orientalium partium, emendi & vendendi gratia confluant. Cui oppido, propterea quod in extremitate cuiusdam promontorii, quod Ptolemæus

Malei-

Aurea Chersonesus.

Maleicolum appellat, situm est, nomen *Malaca* inditum existimo. Eamque terræ lingulam in altum excurrentem, mare, vi reciprocantis æstus, à continente, cui tamen ponte jungitur, abstulit. Quo effectum est; ut *Malaca* in insula remaneret. Quemadmodum insula *Ormuzia*, *Ormuzia* (quæ ab incolis aliò nomine Gerum appellatur) ubi totius Persiæ celebre emporium est, nomen traxisse videtur ab Armuzio promontorio in sinus Persici fauces projecto, & à regione Armuzia à Plinio in eadem Carmanîæ parte, ubi hodie Ormuzium regnum est, commemorata. Hæc iccirco meminisse libuit, ut gratiam inirem à curiosis in exquirendis Antiquitatis vestigiis. Verum, ut ad propositum revertamur, si quis Ptolemæi Tabulas, cum nostris Geographicis Tabulis, à peritissimis nauticæ artis hominibus confectis, diligenter contulerit, jam profectò reperiet inter sinum Gangeticum (nunc *Bengali-Ganges*) cum appellatum) & auream Chersonesum, Auream & Argenteam regionem esse positam. Quo terrarum situ Pegusium regnum esse nemini dubium est. Atqui huic nostræ opinioni confirmandæ, satis fidem debet constituere, quod citra & ultra Gangem nulla pars Indiæ sit, quæ aurum gignat

gnat præter *Pegusium* & *Somatram* insulam;
 quam multi falsò opinati sunt esse *Tapro-*
banam. Ut enim à nobis in quibusdam no-
 stris Geographicis observationibus satis
 disputatum est, constat eam esse insulam
Taprobanam, quæ his temporibus eodem
 ipso penè nomine *Seilam* appellatur, quo
 jam olim, auctore Ptolemæo, fuerit nuncu-
 pata. Quapropter omnem illam oram, quæ
 Pegusiis, Malaca, & Somatra continetur,
 apud divinam historiam, *Ophyram* regio-
 nem esse appellatam faciliè contenderim,
 ob locorum vicinitatem, quam inter se ha-
 bent, ut nullus terrarum interjectus repe-
 riatur. Nam ora ea maritima à sinu Gan-
 getico in Pegusium, hinc autem in Malâ-
 cam excurrit. Ab hac verò urbe ad Soma-
 tram, exiguus maris trajectus interpositus
 est. Cujus incolæ, illi præsertim qui *Benan-*
cabi & *Barri* nuncupantur, ingentem auri
 vim ad Malacæ mercatos semper importa-
 re consueverunt. Præterea, illud maximo
 ad hanc rē argumento esse arbitror, quod
 ingens cæterarum rerum copia apud Pe-
 gusium sit, quæ præter aurum & argentum
 ex Ophyra regione Salomoni affereban-
 tur. Nam gemmas cujusunque generis
 pretiosissimas Indorum nulli præterquam
 Pegusij vendunt. Simias & Pavones quam
 plurimos

Taprobanam
 ubi.

Ophyra re-
 gio. ubi.

plurimos habent, Eboris ingentem numerum. Silvis lignorum pretiosorum, ex quibus apud nos citharæ aliaq; id genus Mufices instrumenta conficiuntur, longè plurimis abundant.

Sed priusquam ad reliqua totius disputationis veniamus, discutienda videntur ea, quæ Rabanus Maurus & Nicolaus Lyranus protulere, de Ophyra regione aureum solum habente, deq; leonibus aliisque maleficis animantibus, quæ Salomonis ætate eosdem terræ tractus aded infestabant, ut sine maximo periculo è navibus egredi nō liceret. Hæc quanquam similia fictis fabulis, & finitima videntur iis, quæ Herodotus & Aristæas Proconnesius (ut à Plinio traditur) scriptum reliquerè, de gryphibus aurum custodientibus, & Arimaspis rapiantibus; aut iis, quæ Pomponius Mela tradit, de formicis magnitudine maximos canes æquantibus, quæ prædictorum gryphium more, aurum etiam egestum in multorum exitium custodiant, tamen maximè exploratum est, vasta Pegusiorum & desertæ loca, tum tigrium, tum elephantorum esse longè refertissima. Atque tantam earundem ferarum esse copiam, apud *Auream Chersonesum*, (quæ regio Pegusiis finitima 1360 pass. patet longitudine) ut nulla

Refellitur 12
opinio.

ibi oppida, nullæ habitentur urbes, præter Malâcam & perpaucos barbarorum vicos, ob truculentarum tigrum (quas *Reimones* appellant) immanitatem & maleficia, aded ut noctu nullum sit miseris æcolis perfugium, præterquam succensi ignes, quos maxime formidat hoc animal, & arborum fummitates. Si enim non altius quam ad altitudinem 20 pedum ascendunt, à tigribus perniciosissimo saltu corripiuntur. Ac vulgò memoratur apud nostros, quandam tigrim, magnum aliquando facinus intra urbem Malâcam edidisse, jam tum cum illic rerum potiremur. Ad tantam siquidem prorupit audaciam, sæviente prædæ aviditate, ut nocte concubia in urbem irrumpeus, hortumque quendam invadens: tres servos ad trabem ob flagitia vinctos arriperet, ejusque cum trabe simul dorso impositis, maceriam etsi præaltam saltu tamē evasisse. Idque, & accipimus & à multis viris auctoritate gravissimis, & legimus in historia Asiatica doctissimi, atq; clarissimi viri Joannis Barrij avunculi nostri. Quod verò jam olim, tigres & elephantos habuerit Aurea Chersonesus & finitima tota illi regio, auctor est Ptolemæus. Qui postquam Chalcitim regionem, atque aliquot vicinas gentes descripsit: tandem ad Doa-

Joan. Barrius
Hist. Indiar.

nos veniens, postq; ipsos ad montana quēdam tigres & elephantes habentia, descendit: juncta Lestorum regioni. Qui *Lestores* finitimi sunt *Aureæ Chersoneso*: sed ejusdem verba hæc ferè sunt. *Postea Daona ad flumen ejusdem nominis, & post ipsos montana sunt, juncta Lestorum sive Pradonum regioni tigres habentia & elephantes.* Potuit enim fieri ut Salomonis ætate, in qua nondum terrarum orbis universus tanto hominum cœtu & frequentia; quanta posterioribus seculis habitaretur; Pegusiorum regio adhuc inculta ac deserta esset. Postea verò quàm finitimæ gentes animadvertissent multos mortales ad eam, auri adipiscendi gratia commeare, hujus aviditate quoque allectæ in animum induxissent ipsam *Auream* regionem incolere, ut auro potitæ rerum multarum, quibus carerent, permutationibus auferrentur. Qua de causa hominum crescente multitudine, feræ paulatim loco cedentes, ad solitudinē confugerent. Quæ in *Aurea Chersoneso* fieri non potuissent, propterea quod nulli mortalium, ob soli sterilitatem utilitate aliqua ad eam habitandum allicerentur: exceptis locis aliquot maritimis ad mercaturas faciendas accommodatis, quorum est *Malâca* illius regionis metropolis. Quod verò regio

Ophyræ solum aureum habuerit, ut asserunt prædicti Rabanus Maurus, & Nicolaus Lyranus, nemini mirum videri debet, illos istuc ipsum credidisse, quippe cum pervulgatum id multis ante sæculis apud omnes esset, ut Pomponius Mela & Plinius te-

Plinius lib. 6.
cap. 21.

Pomp. Mela

lib. 3. cap. 8.

stantur. Ait enim iste: *Extra ostium Indiæ Chrysa & Agyra fertilis metallis, ut credo. Nam, quod aliqui tradidere, aureum argenteumque iis solum esse, haud facile crediderim.*

Mela autem: *Ad Tamum* (est enim Indiæ promontorium) *insula est Chryse, ad Gangem Argyre, altera aurei soli (ita veteres tradidere) altera argentei. Atque ita, ut maxime videtur, aut ex re nomen, aut ex vocabulo ficta fabula est.* Hæc Plinius & Pomponius.

D. etiam Hieronym. in epistola ad Rusticum monachum nonnulla commemorat, quæ iis convenire videntur. Quæ ideo commemorare visum est, ne vituperatores aliquot libidine obtrectandi hinc ansam arriperent, ad Maurum & Lyranum reprehendendos. Id enim illos hinc liquido constat ab antiquis auctoribus accepisse. Nec modò opinio ea, constanti fama multorumque scriptorum literis, antiquis illis temporibus celebrata est, verum etiam ad nostram usque ætatem & apud Indos emanavit, aded ut multi Lusitanorum, auri cupiditate

piditate

piditate inducti, magnos adierint labores, <sup>Eufiran. nā
vigatio in
Indiam.</sup> non sine maximo vitæ discrimine & rei familiaris jactura, in perquirenda & investiganda hac Aurea regione. Increbuerat enim fama, certos homines, casu in eam regionem nave quondam appulso, ibique, dum fortè idoneam ad navigandum tempestatem nanciscerentur, aliquot dies cōmoratos, cum ea, quibus ad instruendam navim opus erat, pararent, & alia non suppeteret ad saburram materia, præterquàm humus, magno ejus pondere in carinam injecto, navim firmasse. Atque illinc solventes urbem Goam tandem pervenisse. Cum verò ea navis posteris temporibus vetustate corrupta, in navalibus dissolveretur, & aurei grumuli in saburra lucentes, homines ad se allexissent, inventum aurum fuisse, atq; hinc coniecturam cepisse, humum illam ex Aurea regione casu non scienter exportatam. Porro de ijs, quæ de aureo solo huius regionis, deque malefico genere animalium eandem infestante produntur, nihil definire certum mihi est, cò quòd sint adiudicandum difficillima. Verum seu ex egesto à feris solo, aurum eruerint, seu ex rerum permutationibus (quod vero similis magisque consentaneum est, & diuus Hieronymus, ut inferius apparebit, innue-

re videtur, vel quavis alia ratione comparauerint, hæc quomodo sese habuerint, affirmare nihil dubitaverim facta atq; transacta fuisse, in ea ora maritima, quæ Pegusis, aurea Chersoneso, & insula Somatra, (ut iam conclusimus) circumscribitur.

Sed ijs cognitis, ad aliam partem disputationis, quæ non parvam dubitationem habere videtur, oportet accedamus. Nar-

2. Reg. 10.

rat siquidem eadem rerum Judaicarum historia, *classẽ Salomonis* (ut ejuldem verbis utamur) *cum classe Hierã, semel per tres annos, ire in Tharsis.* Quæ verba in hunc sen-

Josephus Ju-
deus.

suum explicat Josephus, ut hujusmodi navigationem ante triennium, haud quaquã fuisse confectam & absolutam existimet.

Nos verò, tametsi hunc locum aliter accenset Josephus intelligi posse (ut postea disputabimus) arbitramur, tamen pro virili parte, quantum fieri possit, ne aliquis re-

sideat scrupulus, nonnullas colligemus rationes, quibus illam rectè sensisse intelligatur.

Porrò, ut causas dubitationis explicemus, cum hac tempestate ulu & experientia compertum sit, illos, qui à mari

Rubro secundo cursu *Auream Chersonesum* navigare, atq; indè commodè renavigare solent, totam navigationem decimo men-

se, aut summum anno conficere, apparet omnino

omnino incredibilis & absurda illa navigatio, quæ cum vnum atque idem maris spatium percurreret, id præterquam triennio non absolveret. Quæ causa impulit Franciscum Vatablum, ut crederet tam longi temporis intervallum, cum longissima huiusmodi convenire navigatione, qualis esset à sinu Atlantico maris Rubri ad *Hispaniolam* insulam. Ex quibus facile intellectum est, aut Ophyram regionem non esse ad oram maritimam Pegusiorum & Aureæ Chersonesi atque Somatræ, aut, tam diurnam navigationem, quæ perpetuum triennium complecteretur, esse prorsus vanam & commentitijs fabulis quàm vero similiorem. Sed si rectè diversæ temporum rationes expendantur, jam profectò non inepta nec absurda hæc Iosephi interpretatio iudicabitur. Etenim si huius facultatis, quæ vocatur navigatio, sive artis sive scientiæ volumus considerare originem, facile reperiemus, eam sicut aliarum artium & disciplinarum principia, ab exiguis initijs esse ortam atque deductam. Nam cum principio animadvertissent homines, magnas atque ingentes utilitates in fluminum & maris navigationibus esse constitutas, cœperunt inire rationem, qua eis ad vitæ usus necessarios uti commodè & utiliter

Navigatio
origo vide
Horatii Odā
Illi robur &
æ triplem
&c.

ter possent. Itaque primum rudis illa ætas, trabes invicem connectere atque conjungere coepit, quas *rates* appellavit. Quibus primò in fluminum transvectionibus utebantur, deindè per ipsa flumina vecti ad finitimos importabant ea, quorum maxime indigere intelligebant, ex quorumque permutationibus alia similiter compararent, quibus etiam ad vitam tuendam & propagandam carere non poterant. Postmodum scaphas & lemboſ aliaque id genus minuta navigia, per solertiam excogitarunt, velis & remis, multisque rebus ad usus nauticos pertinentibus, paulatim inventis, non modo instruxerunt, sed etiam aliis ad decorem & ornatum apposis illustrarunt. At crescente jam cum longa experientia, & frequenti hujus rei usu audacia, in altum se majoribus navigiis contulerunt. Primum propter oram maritimam navigantes, propinquitate continētis animos faciente, deindè ad interiora maris eos ducente peritia, coepere procelloſis fluctibus se opponere, & jam audacter vētis vela dare, atque confidenter tandem & strenuè longa maris spatia transmittere. Unde colligitur, hujus artis nauticæ scientiam, paulatim & per quosdam velut ætæris gradus crevisse, aded ut, auctore Plinio,

remum

remum Copæ & ejus latitudinem Plateæ, Plin. lib. 7. cap. 56.
 vela Icarus, Tyrrheni anchoram, malum &
 antennam Dædalus, rostra Piseus, Salami-
 nij hippagum, & alia alij diversis tempori-
 bus invenerint, & plurima adjumenta huic
 arti subministraverint. Nec in tot sæculo-
 rum ætatibus, ad perfectam illam & omni-
 bus suis numeris expletam navigationis ra-
 tionem pervenerunt, usq; ad illud tempus,
 in quo multa quoque Mathematices disci-
 plinæ, ad rei nauticæ facultatem maximè
 pertinentia, fuerunt excogitata instrumen-
 ta. Quorum illud extitit, valde post homi-
 nes natos admirandum, quod vulgò *Acum*
nauticam appellant: Quæ Septentriones Nautica
 nimia & mira quadam insita aviditate, ex fixis.
 vi contactus magnetis lapidis contracta,
 appetit: & cuspide veluti digito perpetuò
 ostendit. Cuius vim, nativamque lapidis in Magnetis
 Arctos semper respectantis, antiquis igno- vis.
 tam fuisse manifestum est. Hinc illa sum-
 ma admiratio, quam Argonavis Argonauta-
 rumque à Thessalia in Colchos per quam Argonavis.
 brevis navigatio illis temporibus excita-
 vit. Hinc Vlyssis nescio quos errores, pri-
 usquam in Siciliam intulam ab Illo perve-
 nisset, intra tam exigua maris spatia ex-
 haustos, admirata est maximè Antiquitas,
 quos illustris ille Græcus poëta propterea
 egregijs

Vlyssis error
 & Aeneas apud Virgil.
 3. Æneid.

egregijs decoravit numeris. Quum igitur (ut diximus) hæc ars non subito, sed per longa temporum intervalla nata fuerit incrementa, repertæ sunt compendiarie navigationes, usu & consuetudine navigandi. Nam, ut Plinius refert, cum ab Siagro Arabiæ promontorio (quod hodie *Fartakum* appellatur) Patalam Indiæ urbem petere consuetum esset, posterior ætas breviorẽ tutiorẽque esse navigationem, ab eodem promontorio ad amnem Zizerum, Indiæque portum credidit, diuque ita navigatum esse dicit, donec avidi & lucro inbiantes mercatores, aliã magis compendiariam navigationem invenerunt, quã singulis quibusque annis Romani in Indiam navigabant. Quo in loco (ut supra memoravimus) diligenter scribit, quem cursum Romani terra marique, dum Indiam peterent, ad species aliaque id genus aromata comparanda tenebant: & quo anni tempore hinc atque illinc proficiscebantur, quantoque spatio (quod annum esse significat) totum illud iter, usque dum reverterentur conficiebant. Itã igitur usque ad Plinii tempora certos quosdã progressus fecisse videtur navigatio. Verum tamen multò ampliores usque ad nostram ætatem. In quo genere jure laudantur Lusitani,

fani, qui magnum fundamentum perpetuæ suæ commendationis & famæ iecisse, atque memoriam nominis sempiternam consecuti esse videntur, apud quos magis quam in cæteris nationibus hæc ars exulta est. Cum primò mare Atlanticum navigantes, cunctam Mauritaniam & Æthiopiæ oram, usque ad magnum & vastum illud *Bonam Spem* Promontorium; maris interiora magno impetu irrumpens, atque ab antiquis Geographis ignoratum, summa cum animi fortitudine & solertia, & magnis tandem exantlatis laboribus explorarunt, temporibus Infantis Henrici & Ioannis Portugalliæ regis secundi, & plurimis annis antequam Christophorus Columbus Ligar occidentalem Oceanum navigasset, viamque munitam posteris reliquere, qua perfectum est, ut postmodum in Indiam ab Ulissipone, summa, ut hodie fit, facilitate navigaretur. Ut igitur hanc partem disputationis concludam, in illa ætate, in qua necdum tam strenuè tantæque artis peritia maria percurrerant homines, interdiu navigare, noctæ verò in anchoris diem expectare consuecebant. Ut nunc quoque fieri videmus in sinu Arabico, propterea quod illic & vadolum & maximè scopulosum sit mare. Tum etiam

quoad

Christoph.
Columbus
Ligur.

quoad fieri poterat, propter oram maritimam, atque secundis duntaxat flatibus navigabant, eò quòd nondum alijs ventis vela dare, ad usumque & utilitatem navigandi trahere noverant, ut posteris temporibus inventum est. Alia tam tardæ ac lētæ navigationis causa erat, quòd ob maris & locorum maritimorum insolentiam, naucleros pro diversitate regionum mutabant, aliosque mutuabantur vicinarum navigationum scientissimos: uti à nostris hominibus factitatum fuisse satis compertum est, cum primùm in Indiam navigarunt, propterea quòd certiolem & tutiorem cursum ignorarent. Sed alia quoque hujusce rei erat causa quòd cum id tēporis navigia, propter modicam magnitudinem, tantum cibariorum numerum capere nequivissent, opus erat aquandi & comectus gratia, sæpius apud maritima loca ad id maximè opportuna, moras producere. Ad hæc mare Indicum (ut satis notum est) hyeme, quæ apud Indos à Kal. Aprilis circiter Kalen. Octobris protenditur, aded procellosis & immodicis tempestatibus agitatur, ut infestū & invium hoc tempore efficiatur. Præterea sunt in illo cœlo stativentorum flatus, (quemadmodum apud nos *Etesia* certo æstatis tempore,) quos

Mon

Monsoas vocant, quibus exceptis, idoneæ ad navigandum tempestates nullæ sunt. Quare oportet hos tempestivos ventos expectare. Nam qui à sinu Arabico seu Persico vel ab urbe Goa in Auream Chersonesum navigant, nec statim illinc renavigare valent, sed tantisper ibi manere opus est, dum huiusmodi venti flare incœperint. Quapropter tres aut quatuor, & amplius menses apud Malacum commorantur. Itaque cum illa ætate non admodum vigeret, ut postea viguit, hæc navigandi scientia, cumque dies non noctes & proximè oram maritimam navigarent, ex quo tardiores efficiebantur navigationes, propter longos orarum anfractus, veluti quosdam in semet reductos Mæandros, idqueverno non hyemali tempore. Deinde, cum increbras, tum aquationes, tum lignationes, & in perquirendos novos nauceros, atque in expectandos commodissimos ventorum accessus, postremò in aurum comparandum, seu rerum permutationibus, seu quacumque alia ratione id fieret, non modicum temporis infumendum esset, nihil mirum videri debet, si totum cursum antè triennium conficere nequiverint. Mitto instrumentorum nauticorum duplices apparatus, quibus illa ætas in nautica disciplina

plina nondum satis exercitata, opinor non utebatur. Quorum penuria solet sæpe numero cursus navigationum retardare; dum reficiendis navibus, vi ventorum ac tempestatum corruptis incumbunt, ut usu venire videmus nostris navibus ex India huc properantibus, quæ in insula *Mosambi- que* hyemare eisdem de causis sæpissimè coguntur. Quàmquam, ut superius diximus, illa verba sacræ historiæ, *semel per tres an-*
 3. Reg. 10. *nos*, etiam in hunc sensum & fortasse ve-
 riorem explicari posse arbitramur, ut tri-
 nis annis semel classis Salomonis solita sit in Opyram regionem navigare, non autem quod perpetuos tres annos in hanc navigationem insumpserit. Accidere namque poterat, ut ex tam longa navigatione na-
 ves adedò dissipatæ & dissolutæ redderen-
 tur, ut integrum triennium, tum in navi-
 gatione peragenda, tum in classe, maris
 iactationibus corrupta & conquassata, re-
 ficienda insumeretur. Quemadmodum ac-
 cidere nostris navibus in Indiam navigan-
 tibus solitum est, ut quam paucissimas ex-
 titisse credamus, quæ duas amplius navi-
 gationes, in tam longinquas oras perficere
 quiverint. Nec sic integræ omnibus suis
 partibus redierint, ut non refici & instau-
 rari ad iterum navigandum, malis, carinis,
 lateribus,

lateribus, proris, puppibus, antennis, velis, gubernaculis, aliisque hujusmodi ad earum robur & firmitatem stabilendam pertinentibus, opus eis fuerit. Quapropter mirari desinamus, cum Romani in ea ætate, in qua jam ars ipsa navigandi ampliores fecerat progressus, plurimum terra marique possent, annum tamē (ut auctor est Plinius) in eadem Indica navigatione, quæ citra Gangem continebatur, absumerent, classem Salomonis longius (quippe ultra Gangem) progressam (qui nec opibus, nec navali disciplina, antiquis illis temporibus, nondum satis cognita nec culta, cum Romanis esset conferendus) ante triennium conficere nequivisse. Sed hæc hætenus.

Sequitur, ut de reliqua parte dicendum sit, quam in ultimum locum nostræ disputationis conjicimus. Quæ quorundam hujusmodi continet sententiam, ut statuant insulam *Sofalam*, quam ultra Bonam Spem promontorium, ad oram maritimam Æthiopix sub Ægypto positam commemoravimus, esse *Ophyram* regionem. Idque hujusmodi rationibus concludunt. Cum id vocabulum *Tharsis* apud sacras literas (ut ipsi volunt) *Africam* significet, cumq; insula *Sofala* in *Africæ* regione sita sit, illicq; plurima auri suppetat ubertas, quod fini-

III. Opinio
Volaterrani.

Tharsis in
sacris literis
an sit Africa.

timi Æthiopes, qui eorum lingua *Casri* appellantur, ad prædictam insulam importare soliti sint, ut ejus permutationibus, ea, quibus carere non possunt, à nostris hominibus ibidem degentibus nanciscantur, satis apparere iis sic constitutis, & consequens esse quod statuunt, *Ophyram* scilicet esse *Sofalam*.

Verùm hæc quo verius ac rectius intelligi dijudicarique valeant, cunctos sacrorum librorum locos, in quibus hæc navigatio commemoratur, subjiciemus. Deinde, quæcunque in rei hujusmodi disquisitione sunt posita, in omnes partes disputabimus. Postremò, si quod aliquorum peccatum, in hac ipsa re dijudicanda sit animadversum, indicabimus. Sed ipsa jam Sacræ historiæ verba diligenter attendamus. Ait enim: *Classem quoque fecit rex Salomon in Asiongaber, quæ est juxta Ailath in littore maris Rubri, in terra Idumæa, misitque Hiram in classe illa, servos suos viros nauticos & gnaros maris, cum servis Salomonis. Qui cum venissent in Ophir sumptum inde aurum, quadringentorum viginti talentorum, detulerunt,*

3. Reg. 10. *ad regem Salomonem.* Et sequenti capite. *Sed omnia vasa de quibus potabat rex Salomon erant aurea, & universa suppellex domus saltus libani de auro purissimo. Non erat argentum,*

gentum, nec alicujus pretij putabatur in diebus Salomonis, quia classis regis, per mare cū classe Hiram, semel per tres annos ibat in Tharsis, deferens inde aurum & argentum, & dentes Elephantorum, & Simias & Pavones. In 2. verò lib. Paralip. cap. 8 ait: Tunc abijt Salomon in Asiongaber, & in Ailath ad oram maris rubri, quæ est in terra Edom. Misit ergo ei Hiram, per manus servorum suorum, naves & nautas gnaros maris, & abierunt cum servis Salomonis in Ophir, tuleruntq; inde quadringenta quinquaginta talenta auri, & attulerunt ad regem Salomonem. Nono autem c. idem iterum refert: Sed & servi Hiram cum servis Salomonis, attulerunt aurum de Ophir, & ligna Thyina & gemmas pretiosissimas, de quibus fecit rex de lignis scilicet Thyinis, gradus in domo domini & in domo regia, Citharas quoque & Psalteria cātoribus. Nunquam visa sunt in terra Jūda ligna talia. Et in eodem cap. eadem inculcat, dicens: Omnia quoque vasa convivij regis erant aurea, & vasa domus saltus Libani ex auro purissimo. Argentum enim in diebus illis pro nihilo reputabatur, si quidem naves regis, ibant in Tharsis cum servis Hiram semel in annis tribus, & deferrebant inde aurum & argentum, & ebur & simias & pavones. Magnificatus est igitur Salomon super omnes reges terra, præ divitiis

& gloria. Præterea c. 20 sic ait: *Post hæc autem inijt amici ias Josaphat rex Juda, cum Ochozia rege Israel, cujus opera fuerunt impiissima. & particeps fuit, ut faceret naves quæ irent in Tharsis, feceruntque classem in Asiongaber, prophetavit autem Eliezer filius Dodan de Mare sa ad Josaphat dicens: Quia habuisti fœdus cum Ochozia, percussit Dominus opera tua, contritaque sunt naves, nec potuerunt ire in Tharsis.* Quibus diligenter inspectis intelligitur, sacram historiam, eandem regionem modo *Ophyr*, modo *Tharsis*, diversa nominū appellatione nuncupare. Quod ansam præbuit aliquibus (cum persuasum haberent *Tharsis* apud Hebræos *Africam*, significare) ad existimandam *Sofalam* insulam (ut diximus) fuisse olim *Ophyram*. Verrum divus Hieronymus hunc nobis eripuit errorem. Nam dum quædam loca *Elaïæ* explicat, hæc infert: *Est autem Ophyr India locus, in quo aurum optimum nascitur.* Et a libi explicans vim significationis hujus vocabuli, ait, *Tharsis, vel India regio est, ut vult Josephus, vel certè omne pelagus Tharsis appellatur.* Et in explicatione ultimi capitis *Isaïæ*, eadem rursus inculcat: *Tharsis lingua Hebræa mare appellatur, & ut ajunt, India regio, licet Josephus litera commutata Tharsum putet nuncupari pro Tharsis urbem*

Tharsis D.
Hieronymo,
vide Geogra-
phicum The-
saurum Ori-
entis. & P. Ri-
ber in XI.
Prophetas
minores.

urbem Cilicia. In Jonæ autem commentariis hæc quoque subjungit: Unde imitatus Cain Jonas, & recedens à facie Domini, fugere voluit in Tharsis, quam Josephus interpretatur Tarsum Ciliciæ civitatem, prima tantum littera commutata. Quantum verò in Paralipomenon libris intelligi datur, quidam locus India sic vocatur. Porro Hebræi Tharsis mare dici generaliter autumant, secundum illud: In spiritu vehementi confringes naves Tharsis, id est maris. Et in Isaia. Ululate naves Tharsis. Super quo ante annos plurimos, in epistola quadam ad Marcellam dixisse me memini. Non igitur propheta ad certum fugere cupiebat locum, sed mare ingrediens quocunque pergere festinabat, & hoc magis convenit fugitivo & timido, non locum fuga ociosæ eligere, sed primam occasionem arripere navigandi. Ipsius verò epistolæ ad Marcellum hæc verba sunt: Quæris si Tharsis lapis Chrysolitus sit aut Hyacinthus, ut diversi interpretes volunt, ad cujus coloris similitudinem Dei species scribatur. Quare Jonas propheta Tharsis ire velle dicatur, & Salomon & Josaphat in Regum libris naves habuerint, quæ de Tharsis solita sint exercere commercia. Ad quod facilis est responsio, homonymum esse vocabulum, quod & India regio ita appelletur, & ipsum mare quia caeruleum sit & sæpe solis

radius percussus, colorem supradictorum lapidum trahat, & à colore nomen acceperit, licet Josephus τ. pro θ. litera mutata Græcos putet Tarsum appellare pro Tharsis. Hæc divus Hieronymus. Ex quibus liquidò perspicitur persuasissimum fuisse viro sanctissimo & eruditissimo, hanc regionem in India esse positam, eique duo nomina indita, videlicet Ophyr & Tharsis, atque in eadem sententia fuisse Josephum, ut ex verbis ipsius à nobis paulò ante recitatis, & ex divo Hieronymo, qui istuc ipsum sensisse Josephum affirmat, ostensum est. Atqui ipse auctorem in illa ætate gravem extitisse neminem existimo, qui hoc verbum Tharsis, apud Hebræos *Africam* significare scribat, sed longè alio nomine ac diverso Hebræos *Africam* nuncupare solitos accepimus, quod est Phut sive Phul. Ait namque divus Hieronymus, dum caput ultimum Isaïæ interpretatur: Phut autem sive Phul Lybie, omnisque Africa usque ad mare Mauritania, in qua fluvius hodie qui Phut dicitur, & cuncta circa eum regio, Phutensis appellatur. De quo fluvio sic meminit Josephus: Instituit & Phut Libyam, Phutos à se vocans provinciales. Est autem & fluvius in Mauritania provincia, qui isto nomine nuncupatur. Unde & plurimos Græcorum historiographorum inve-

Phut seu
Phul Hebræis
Africa dicta.

Lib. 7. Antiq.
c. 6 (alii 12)

invenimus hujus fluminis memoriam facientes
 & ex adiacenti provincia, quæ Phuti vocatur,
 ei nomen impositum. Hæc divus Hierony-
 mus & Josephus. Ejus fluvij quoque men-
 tionem facit Plinius, cum Mauritaniam
 Tingitaniam describit, cujus hæc verba
 sunt: *Indigenæ autem tradunt, in ora ab Sala,* Lib. 5. cap. 1
CL. M. pass. Flumen Asanam, marino hau- Natur. hist.
stu sed portu spectabile, mox amnem quem vo-
cant Phut. Hunc Ptolemæus quoq; *Phthut*
 nominat in eademq; provincia esse, ejusq;
 oris situm gradus habere 72302. Icribit.
 Quod flumen *Phut*, nunc corrupto nomine
Fez, & regio *Phuti* etiam *Regnum Fez* ho-
 die nuncupari, nemini dubium est. Quod
 & nos, in quibusdam nostris Geographicis
 Observationibus accuratè disputavimus; &
 satis credo, diligenter (absit verbo invidia)
 perquisita & investigata, à nobis sunt hæc
 ipsa, hujus antiqui nominis vestigia. Sed
 ne de pluribus agam, ad propositum re-
 vertar. Jam illud opinor notum & satis
 compertum esse, vel illis qui mediocri lite-
 ratura præditi sunt, Judæos, provincias &
 regiones, atque maria & insulas, longe a-
 liis nominibus ac nos, solitos esse nuncupa-
 re. Nam nomina eorum, quos maximè
 persuasum habuere, extitisse primos terra-
 rum cultores, ipsis terris indiderunt. Qua-

Hebræi Re-
 giones ferè
 à primis cul-
 toribus no-
 minant.

Ægyptus.

Memphim
malè Alcayrū
nominant.Lib. 1. Ant.
Judic. c. 6.

Cyprus.

Italia.

propter Africam (ut modò diximus) *Phut* à Chami hujus nominis filio , Æthiopiam verò sub Ægypto, *Chus* à Chuso Phutis fratre. A Mézraim horum etiam fratre, totam Ægyptum Mezraim appellavere. Quo nomine his temporibus , à Judæis & Arabibus, Ægyptus *Mizraim* nuncupatur, & urbem *Alcayrum* ejus Provinciæ metropolim, (quam nonnulli falsò *Memphin* arbitrantur) ob linguarum inter se similitudinem, *Mezzaram* vocant. Quemadmodum temporibus etiam Josephi à Judæis vocabatur, ut testatur ipse his verbis : *Servata est etiam Mezreis secundum appellationem prisca memoria. Ægyptum namq; Mezrim & Mezreos omnes vocamus Ægyptios.* Tum Cyprum insulam *Cethim* appellavere, à Cethimo Japheti nepote. Atqui hinc mos apud illos inolevit, ut insulas hoc nomine *Cethim* significarent, Italiam verò *Thubal* nuncupant à nomine Thubalis, quem primò credidere hanc Provinciam coluisse. Nec *mare Rubrum*, vel hoc nomine, vel sinum Arabicum, ut Græci & Latini, sed *mare Carectosum* appellare semper consueverunt. Qua de re, miror si qui sunt, qui apud Hebræos existiment *Tharsis* nomine Africam significari. Nisi fortè auctoritate ducti cùjuldā Judæi David Chimhi nuncupati,

cupati. Cui ego aliisque recentioribus Judæis, nullam tribuendam esse auctoritatem existimo, maximè quandò aliter sentiunt ac divus Hieronymus, & antiqui ac doctissimi Judæorum, illi præsertim qui Christi præcesserunt ætatem. In quorum sunt numero *Philo & Josephus*, ab ipso Hieronymo & sapientissimi & eruditissimi existimati. Nam (ut præteream quòd à viris longè gravissimis & in Hebraicis literis exercitatissimis acceperim : cum Romæ apud Paulum III. Pontificem Maximum, negotia gererem illustrissimi Principis Henrici Cardinalis ac Portugalliæ Infantis, Judæos hujus ætatis, nullam aut certè perexiguam Hebraicę linguę eruditionem callere,) quę tanta potest esse hominum quorundam inscitia, seu potius amentia, ut perfidi Judæi, à veraq; Christi Optimi Maximi Religione alienissimi, judicium præferant divi Hieronymi eruditioni & auctoritati? Quē divus Augustinus *virum doctissimum* appellat, & *omnium trium linguarum peritissimum*. Et quem Judæi illius ætatis, rectè de Hebraicis veterem sacrorum librorū scripturam, in Latinum convertisse ingenuè fatebantur. Quapropter non aliter hujusmodi homines desipere arbitror, ac si veritati vanitatem anteponant. Suspicamur ipsum

Davidem, & si qui sunt in eadem sententia, cum apud Isaiam, Hieremiam & Ezechielem, Septuaginta interpretes divumq; Hieronymum, hoc vocabulum *Tharsis Carthaginem* aliquando interpretatos esse animadverterent, hinc occasionem fortasse nactos ad hanc opinionem confirmandam, videlicet *Tharsis*, unde aurum Salomoni afferebatur, *Africam* significare; cumque, ut diximus, finitima *Sofala* regio auri teracissima sit, & in quadam *Africæ* parte collocata, omnino statuerunt *Sofalam Ophyræ* esse regionem. Quasi verò in multis *Æthiopie* partibus, ad quas breviori temporis intervallo, è nostro mari in Atlanticum exeuntes navigare potuissent, non magna etiam auri, idq; optimi affluentia sit, summaque ubertas? Ex cujus *Æthiopie* diversis locis, nostri homines, auspiciis Christianissimorum Portugallie Regum, singulis quibusque annis, ab ipsis *Æthiopibus* variarum rerum permutationibus, aurum comparantes huc deferunt. Quod si divus Hieronymus & LXX. apud commemoratos Prophetas, idque certis duntaxat locis, id vocabulum *Tharsis Carthaginem* significare profitentur, non id propterea, quòd ex sua præcipua, & ut dicā nativa significatione, urbem Romani imperij æmulam exprimat.

Quî

Quæ enim id fieri poterat, cum Salomonis ætate necdum *Carthago*, ut jam demonstra-
vimus, condita esset? Sed cum civitas ad-
modum opulenta foret, & maximis afflue-
ret auri & argenti divitiis, commercio Hi-
spaniæ id temporis omnium metallorum
feracissimæ adeptis, quibus domi forisque
potentiam & imperium suum largiter au-
xerat, eam nomine *Tharsis* expressit divina
Scriptura: sicuti terris novis nostra memo-
ria repertis usu venisse videmus. Quæ ided
quodd à nobis procul versus occiduas orbis
partes recesserint, & auro plurimum abun-
daverint, vulgò jam *India* nomen invene-
rint. Qui enim aliter statuunt ij multum à
veritatis ratione abesse, nec justa reprehen-
sione caruisse mihi videntur, si judicant sa-
cræ Scripturæ Salomonis principatu,
hoc verbo urbem, quæ id temporis nusquã
esset, designasse. Quoniam verò recentio-
res Judæi, in summa Geographicæ faculta-
tis ignoratione, temporumque inscitia ver-
santur, nec exterarum nationum historias
attingunt, quod temporum ordines, varie-
tates, eorumq; congruentiam, disquirere &
dijudicare valeant, quippè cum *Historia te-*
stis sit temporum, & nuntia vetustatis, ut re-
ctè judicavit quidam, fit, ut variis id genus
imbuantur erroribus.

M. Toll. 2. de
Orat. ad Q.
Fratrem.

Quod

Quod accidere nequaquàm potuit in hoc genere *Iosepho & Philoni*, in omni disciplinarum doctrina, & rerum multarum cognitione versatis. Hanc Hieronymi & Septuaginta interpretationem, nonnulli fortasse arripientes, existimaverunt aliquando *Carthaginem* fuisse *Ophyram*, parùm attendentes è quonam portu, quo ve ex sinu classis Salomonis eandem regionem petitura solveret. Sed nec attenderunt apud *Sofalam* insulam, nullum pretiosarum gemmarum genus, nullum argentum, nullos esse pavones. Quæ omnia, ex *Ophyra* regione præter aurum, etiam afferebantur. Id quod Georgius Agricola animadvertisse visus est, cum *Sofalam Ophyram* esse negavit, in libris quos de *veteribus & novis metallis* composuit. Atquæ tantum abest, ut *Tharsis*, Salomonis tempore *Africam* significaverit, ut non defuerit, qui hac tempestate, libros veteris legis convertit ex Hebraicis, & vocabulum *Tharsis* apud historiam Regum (tertio Regum 9. & 10.) *Indorum mare* interpretatur, non autem *Indiarum* oram, integra remanente historia *Ophyra* regionis.

Nunc reliquum est, ut causas explicemus, cur in mentem venerit Sacræ historiæ, eam *India* regionem *Ophyram* nuncupare.

Quodd

Georgius Agricola.

Quodd si ea, quæ superius à nobis in hoc genere sunt disputata, diligentius attendamus, facile reperiemus ut supra diximus, moris esse sacræ Scripturæ, nomina eorum, qui terras primum incolere & habitare cœperunt, ipsis terris imponere. Sed cum hujusmodi nomina, parùm cognita aliis nationibus fuerint, ut ipse similiter Josephus animadvertisse visus est, propterea quodd eis soli Judæi uterentur, evenit, ut ob prædictorum nominum insolentiam, multa sacrorum librorum hujus generis loca, maximè obscurarentur & magnam dubitationem afferrent. Quod si nonnulli Judæorum viri doctissimi, qui aliarum gentium & exterarum nationum literas, historias, & monumenta, variæque artium disciplinas perceperunt, ex quibus extitere *Philon & Josephus* summa cum diligentia, non multi hujusmodi posteris explicata, literis tradidissent, quæ peculiari quadam cognitione indigebant, multò pejus etiam nunc circa locorū hujusmodi abstrusorum intelligentiam hallucinaremur. Si autem recentiores Judæi, more illorū (quos modo nominavi) clarorum virorum, literis Græcis & Latinis ab ineunte ætate imbuerentur, reliquasque disciplinas attingere in animum inducerent, quod rerum ac temporum

Joseph. lib. 1
Ant. cap. 6.

Philo & Josephus.

porum congruentiam intueri & intelligere possent; , non esset sanè quodd in tantis ac tam depravatis opinionum erroribus implicarentur. Nunc, cum præter Hebraicas literas, hasq; sine ulla Grammatices ratione , primoribus labris degustatas verius quàm perceptas, quippe à parentibus veluti tumultuariè traditas, nullum, nec literarum nec disciplinarum genus consequantur, quid aliud quàm labi, falli, & turpiter errare illis futurum putamus ? Quodque caput est, præterquàm quodd cum ipso nutriticis lacte errorem sugere incipiunt , non modo ignoratione veræ Religionis imbuuntur, sed variis, tum falsis, tum perversis, & quandoq; ridiculis etiam opinionibus , poëtarumque portentis similibus adhærescunt. Quarum plura quidem genera videre licet, cum apud multos benè doctos viros, à quibus adversus Judæorum perviciam plura sunt subtiliter & acerrimè disputata , tum vel maximè apud Petrum Gallatinum, bonum in primis auctorem, & Hebraicarum literarum satis peritum. Adde ut pudeat & misereat me infelicis hominum conditionis in tot mentis cæcitatibus & animi pravitates immersæ. Josephus igitur hunc locum è tenebris in lucem evocare videtur. Explicans enim in primo libro

De Galatinus

bro Judaicarum Antiquitatum, quendam locum sacrorum librorum, satis docet unde nominis originem Ophyræ regio traxisse videatur. Quum enim divina historia commemoret, temporibus Phaleg divisam fuisse terram, quamobrem hoc ei nomen inditum, quod *divisionem* significat apud Hebræos, ita, *Natique sunt Heber filij duo, nomen uni Phaleg, eo quod in diebus ejus divisa sit terra: & nomen fratris ejus Jectan. Qui Jectan genuit Almodad, & Saleph, & Asarmoth, Jare, & Adonan, & Uzal, & Decla, & Hebat & Abimael, Saba, & Ophir, & Hevila, & Jobab. Omnes isti filij Jectan. Et facta est habitatio eorum de Messa pergentibus usque Sephar montem Orientalem.* Josephus verò eadem in hunc modum narrat: *Heber autem Jectan genuit & Phaleg. Dicitur autem Phaleg, quoniam secundum divisionum habitationum natus est. Phaleg autem divisionem Hebræi vocant. Jectan verò, qui filius fuit Heber, habuit filios Helmodat, Saleph, Asarmoth, Jarach, Aduram, Uzal, Decla, Obal, Abimael, Saba, Ophyr, Evila, Jobab. Isti à flumine Cophina India, & posita circa eam Syria, loca quadam inhabitant.* Hæc Josephus. De quo flumine qui Indum influit, frequens mentio fit apud Geographos. Quorum verba subjicienda duximus, ad plenio-

Ophyræ unde dicitur, Iosepho.

Genes. 31.

Lib. i. Antig. c. 6 (alii 14)

pleniorē rei cognitionem & intelligentiam. Nam Pomponius hæc profert: *Indus ex monte Parapamisō exortus, & alia quidē flumina admittit, sed clarissima Cophen,*

Pomp. Mela
lib. 3. cap. 7.

Acessinē, Hydaspem. Plinij verò hujusmodi sunt: *A proximis Indo gentibus montana Capissana habent Capissam urbem quam diruit Cyrus, Arachosia cum oppido & flumine ejusdem nominis. Quod quidē Cophen dixerē à Semiramide conditum.* Et paulò inferius subjungit: *Flumen Cophes, influunt in eum navigabilia Sadarus, Parospes, Sodinus.*

Lib. 6. nat.
hist. cap. 23.

Strabo. Strabo autem incidens in mentionem Alexandri in Indos expeditionis, de eodem fluvio sic meminit: *Quare iisdem montibus per vias breviores exuperatis, reversus est, habens Indiam à sinistris. Postea rursus in eam rediit & occidentales ejus fines, & Cophen flumen & Choaspem qui in Cophen immittit. Et paulò inferius: Post Cophen itaque Indus fluit. Regionem inter hac duo flumina mediam habitant Astaceni, Massiana, Nissei, &c.* Et

Lib. 6. c. 21.
nat. histor.)

Plinius iterum: *Ultimo sine Cophete fluvio, quæ omnia Ariorum esse aliis placet. Nec non & Nysam urbem plerique India ascribunt. Quum igitur decem filiorum Jectani coloniæ, partim in quædam Syriæ loca Indiam penè attingentia, partim, in illum Indiæ tractum quæ Cophe fluvio irrigatur (ut*

Josephus

Josephus narrat) deductæ sint, & unus ex
 ejus filiis *Ophyr* nuncupatus fuerit, apparet
 ex hoc nomine, per interiores Indiæ partes
 pertinente, *Ophyram* regionem esse nomi-
 natam, ut rectè existimavit Rabanus Mau-
 rus & Nicolaus Lyranus. Quoniam verò
 Hevilat frater Ophyri, finitima *Ophyra* re-
 gioni loca etiam incoluit, idèd Moyses cum
 Indiam exprimere voluisset, quam inclytus
 amnis Ganges (*Phison* ab eo appellatus) u-
 berrimis aquis interfluit: Havilat nuncu-
 pavit. *Et fluvius (inquit) egrediebatur de lo-
 co voluptatis ad irrigandum Paradisum, qui
 inde dividitur in quatuor capita, nomen uni
 Phison, ipse est qui circuit omnem terram He-
 vilat, ubi nascitur aurum. Et aurum terra
 illius optimum est. Quam regionem Hevi-
 lat Josephus Indiam interpretatur. Cujus
 hæc sunt verba: Rigatur autem hic hortus ab
 uno flumine circa omnem terram undiquè pro-
 fluente. Hic in quatuor dividitur partes, &
 uni quidem nomen est Phison; quod inunda-
 tionem significat: eductus in Indiam pelago
 diffunditur: qui Getha nuncupatur à Græcis.
 Sed ne quis arbitretur hæc esse Hevilat,
 quam alio in loco idem Josephus dicit esse
 Getuliam Africæ provinciam, ab Hevila
 Chusi filio nominatam, opus est ut duos
 fuisse ejusdem nominis intelligatur; hunc*

Phison
 amnis est
 Ganges In-
 diæ flu.

lib. I. Antiq.
 qu. c. 1.

lib. I. Anti-
 quit. c. 6.
 (aliis 12.)

Hevilas
Moyfi est
India.

quem modo nominavi, alterum Iectani filium Ophyrique fratrem, de quo nunc agimus. Quam dubitationem funditus sustulit Iosephus, cum significavit fluvium *Phisonem* apud Indiam in pelagus defluere. Et Indiam provinciam à Mose *Hevilat* esse nuncupatam, preterquam quod ex ipsius verbis paulò antè recitatis liquido dignoscitur, tum etiam ex Commentariis divi Hieronymi de locis *Hebraicis*, quibus sic ait. *Hevilat ubi aurum purissimum, quod Hebraicè dicitur Zahab, & gemma pretiosissima, carbunculus, smaragdusque nascuntur. Est autem regio ad Orientem vergens, quam circuit de Paradiso Phison egrediens. Quem nostri mutato nomine Gangem vocant, Sed & unus de minoribus Noe Hevilat dictus est, quem Iosephus refert cum fratribus suis à flumine Cophone & regione India usque ad eum locum, qui appellatur Ieria, possedisse. Et paulò post subjungit: Messe regio India, in qua habitaverunt filij Heber. Sophera vero mons Orientalis in India: juxta quem etiam prædicti habitaverunt, quos Iosephus refert à Copheno flumine & India regionibus usque ad eum locum pervenisse, ubi appellatur regio Ieria. Sed & Classis Salomonis per triennium hinc quadam commercia deportabat. Hæc ille. Intelleximus divi Hieronymi sententiam,*

tiam, etiam Rabani Mauri cognoscamus. ait enim : *Hevilat regio est India quæ post diluvium possessa ab Hevilat, filio Iectan filij Heber patriarchæ Hebraorum.* In quorum sententiam discedit Hieronymus ab Oleastro, amplissimus Theologus in doctissimis Commentariis, quos proximis annis edidit, in quinque libros Moyfi, cujus etiam verba transcribere visum est, quæ hujusmodi sunt : *Alia est Chavilah, denominata à Chavilah filio Iectan filij Heber. Quæ quidem Chavilah etiam Orientalis est, quia ibidem dicitur fuisse habitatio filiorum Heber, à Mesah usque ad Sephar montem Orientis, quæ etiam auro abundat, cum sit propè Ophir. Nam Ophir, fuit frater Chavilah, ut ibidem dicitur.* Hæc ille. Ex quibus omnibus intelleximus Judæorum peculiare, regionum, fluminum, insularum, & maris appellationes, à Græcis & Latinis, ab aliisque aliarum nationum longe diversas, easque à primis terrarum habitatoribus esse deductas. Tum etiam perpeximus *Ophyrum & Hevilam* fratres, ut Josephus, ut divus Hieronymus, ut alii quoque viri doctissimi (quorum modò mentio facta est) profitentur, Indiæ quasdam partes incoluisse, quas divina historia ex more suo, eisdem duorum fratrum nominibus,

3. Reg. 9.
2. 10.

nibus, Ophiram & Hevilam appellat. Quarum alteram Moses scribit aurum optimum gemmasque pretiosissimas producere: ex altera vero ingentem auri copiam Salomoni delatam, Judæorum regum monumenta testantur, hæque finitimas esse, & (ut paulò antè dixit divus Hieronymus) ex quarum altera classis Salomonis per triennium quædam commercia deportabat. Præterea Africam, consentientibus doctorum virorum testimoniis, apud Hebræos *Phut*, non *Tharsis* esse appellatam, & *Ophiram* apud Indos esse etiam percepimus. Quid ergo amplius pertinaciter inhæremus, inanissimis Judæorum recentiorum opinionibus & deliramentis, eorumque lutulentos rivulos consectamur, ex limpidissimis autem doctissimorum atque Orthodoxorum Patrum fontibus, haurire negligimus? Nec me movent novæ Augustini Eugubini in hunc locum interpretationes, nova nescio quæ flumina comminiscens, (quanquam aliàs hominis eruditionem & doctrinam suspicio & veneror, & quanquam cum illo mihi arctissima Romæ consuetudo intercessit, magis tamen amica veritas.) Quæquidem parum momenti (si rectè quis rem perpendere voluerit) habere videntur, & quas non magni

gni fuerit negocij convincere. Nec me-
movent vel sexcenti recentiores Judæi no-
vis & deliris semper interpretationibus
studentes, & nova sensa ab antiquis Or-
thodoxorum Patrum sententiis, longe ab-
horrentia, in divinos libros architectan-
tes. Quorum Judæorum libri, integra Rabini cantō
legendis
mente & acri attentoque animo evoluan-
tur oportet. Nam hinc, ut arbitror, jam
eō processit hæreticorum quorundam ho-
minum audacia, ut asserere nihil verean-
tur, ætate divi Hieronymi non admodum
viguisset, seu potius elanguisset Hebraica-
rum literarum scientiam. Qui nihil aliud
mihi visi sunt dicere, quum hæc dicunt,
quàm divum Hieronymum summis labris D. Hiero?
peritia lin-
guæ sanctæ
has literas attigisse. Quem (ut supra di-
xi) divus Augustinus *peritissimum in hoc ge-
nere*, cum summa testificatione laudum ip-
sius fuisse dicit. Et quem doctissimi Iudæ-
orum ejus temporis profitebantur, sacros
libros veteris legis, summo animi judicio
& syncerissima interpretatione convertisse.
Sed proh Deum immortalem, quid
hoc est si meta insania non est? Adedne
esse homines imperitos quibus tanta sit in-
nata vecordia, ut antiquos illos Ecclesiæ
Patres, (divino spiritu sine controversia
afflatos, atque ad exprimenda vera divi-

norum librorum sensa, à Deo Optimo Maximo nobis velut dono datos) dicere audeant hallucinatos esse in enodandis quibusdam Prophetarum intelligentiis, nec præcipua & germana illa sensa, quæ in illis locis ipsi præ se tulerunt Prophetæ attigisse. Quibus Prophetarum locis, ad Christianum dogma maximè confirmandum appositis, & eodem sensu enodatis, posteris temporibus Ecclesia pro acerrimo telum sit, ad infringendam multorum hæreticorum pervicaciam? Quid dici potest insanius? aut quid isti omnium hominum superbissimi aliud persuadere videntur, quàm ea se (si diis placet) assecutos esse, quæ magni & sapientes illi viri ne degustarunt quidem?

Epilogus.

Verùm hæc nos in aliud tempus, in aliquemque locum differamus, ad propositumque revertamur. Perspectis tot, tantorumque Patrum testimoniis & auctoritatibus, nemini opinor, jam dubium & controversum erit, *Ophyram* regionem apud Indiam esse, ab *Ophyro*que Iectani filio denominatam & *Tharsis* vocabulum esse homonymum, ut asserit Divus Hieronymus ad Marcellam, propterea quod & *mare & locum India* significet. Hanc igitur rationem habet Divi Hieronymi, Flavii Iosephi, aliorum-

liorumque sententia, circa regionem *Ophyram*, quam apud Indos esse, ut diximus, statuunt.

Nunc excutienda sunt quæ literis mandavit nobilissimus & clariss. Theologus Cardinalis Cajetanus, non de *Ophyra* regione, quam prorsus ignorare se ingenuè fatetur, sed de cursu quem, classis Regis *Hiræ* teneret, cum ad classi se conjungendum Salomonis, solveret è portu, ut una peterent eandem regionem. De nominibus (inquit) propriis, quæ hic scribuntur, reddere certam rationem nescio, hoc tamen certum est, quod Salomonis tum scientia tum providentia attestatur constructio & missio navis in *Ophir* pro auro. Et in secundo Paralipomenon capite octavo *Isthæ* dicit: Salomon siquidem fecit propriam classem in illo mari. Rex autem Tyri misit naves suas ad serviendum Salomoni, simul cum propriis navibus Salomonis. (Et juerunt cum servis Salomonis in *Ophir*) Regio India dicitur. Reliqua vide exposita tertio Regum nono: advertendo duo. Alterum, quod quia navigatio in *Ophir* per mare Oceanum erat, ideo Salomon ad evitandam navigationem per mare Mediterraneum usque ad Oceanum, perrexit ad oram maris Rubri, (quod est quidam sinus maris Oceani) & ibi construxit classem, ad hoc enim il-

Thomæ
Cajetani
opinio.

luc juit. *Alterum*, quod rex Tyri naves quas misit, non nisi per *Mediterraneum mare* mittere ex Tyro potuit, ad conjungendum illas cum navibus Salomonis. Hæc ille. Quam rem recte quidem judicavit vir doctissimus. Quis enim non in ejusmodi causa? Nam qui fieri posset, ut naves à Tyro soluentes aliter in sinum Atlanticum pergerent, quàm per fretum Herculeum in Oceanum Atlanticum exeuntes, totamque oram Africæ & Æthiopiz permeantes, magnum illud *Bonam Spem* promontorium transgredierentur, atque inde recto cursu aliud Arabiz promontorium, olim *Aromatam*, nunc autem *Guardasum* nominatum petentes, tandem angustias Rubri maris ingrederentur? Sed præterquàm quod hæc navigatio tunc temporis omnino incognita erat (ut sæpe jam diximus) multo facilius à rege Tyri id perfici poterat, & minore, cum temporis tum rei familiaris suæ dispendio, & tandem expeditiore via, si materia dolata, ex qua naves edificari solent, camelis & aliis jumentis, superato isthmo inter illa duo maria interjecto, *Asiongaberum* deportaretur, (sicut olim fieri consuetum est à Sultanis Egypti, nunc autem à Turcarum Regibus, quodocunque classes, quas illic habent,

bent, reficere, seu novas ædificare ulus est,) quàm tantam maris vastitatem trans-
mittere, ut cum Salomonis classe conjun-
geretur. Sed ea persuasio fortè literatissimum virum fefellit putantem, regis Hiræ classem è Tyro (ad oram nostri maris posita) in Indiam solitam navigare. Cum enim legeret hæc verba sacræ historię; *Tunc abiit Salomon in Asiongaber & in Ailaeh, ad oram maris Rubri, quæ est in terra Edom. Misit ergo ei Hiram per manus servorum suorum naves & nautas gnaros maris, & abierunt, &c.* Fortè non videbatur illi, cum Salomon ageret apud maritima loca maris Rubri superius memorata, rectè significasse divinam historiam, Regem Hiram ad illum misisse naves & nautas suos, si in eodem quoque mari id temporis esset Hiræ regis classis. Quare rem parum videtur perpendisse tanti nominis Theologus. Nam quæ apud Alexandriam in nostro mari sunt naves, quis vetat quin Carthaginem mittantur, atque hinc Uticam seu Hipponem Regium, quæ oppida in locis maritimis ejusdem maris sunt posita? Cum Carolus quintus Romanorum imperator Tunetum oppidum obsidet, naves quæ à Neapoli cum com meatibus, reliquisque id genus bellici apparatus, ed

2. Paralip.
8. 17.

mittuntur, nonne ad portus ejusdem maris mittuntur? quis hoc audeat inficiari? Verum hæc tot verbis persequi non est necesse, cum sint in promptu. Porro quæ ad oppidorum *Ailana & Afiogaberi* cognitionem, & notitiam pertinent, eis, quoniam in quibusdam nostris Geographicis Observationibus mox in lucem prodituris, à nobis sunt multis verbis disputata, in præsentia supersedendum duximus. Sed hæc in mentem mihi venerunt, de *Ophyra* regione quæ dicere.

BART.

BART. KECKERMANNI
 PROBLEMATATA
 NAUTICA.

IN urbe maritima Dantiscanâ,
 ad quam nondû integri men-
 sis spatio tanta vis navium ap-
 pulit, animus est *de re nautica*,
 hoc tempore brevissime com-
 mentari, dum & ipsi tandem vela ventis
 dare, atq; ex præcognitorum Philosphi-
 corum statione in ipsum Philosophiæ altum
 solvere possimus.

*Partiemur autem ita Commentationem
 hanc, ut primo generaliter, post specialiter de
 re proposita agamus.*

*In genere nobis tractanda quæstiones fue-
 rint, de causis rei Nauticæ efficientibus & fi-
 nalibus sive de navibus, & navigationis inven-
 toribus.*

*I. Hebreæne potius genti, alterine cuidam
 gloriam inventæ navigationis & na-
 vium tribuere debeamus?*

REsp. Hebreæ genti gloriam istam de-
 beri, præ Tyriis, Ægyptiis, Græcis. Ete-
 nim

nim autoritate primi libri Moſis conſtat ex juffu & præſcripto Dei *Noam* ad ſuam ſuorumque vitam à diluvio ſervandam extruxiſſe navim, quæ à commoditate habitandi, & ſecuritate ſervandi arca appellatur. Scribit de ea re Joſephus. 1. Antiq. Judaic. cur Deus ſanctiſſimo viro *Noacho* præ aliis hominibus artem condendi & uſurpandi navim revelare voluerit. Et Euseb. lib. 10. præparat. Euangel. de *Noacho* inquit, quod cum is diu ante *Nep- tunum & Danaum* fuerit, gloria inventæ navigationis Græcis immerito tribuatur. Quia autem navis *Noachi* poſt diluvium in montibus Armeniæ conſtitit, exemplum & *Idæam* ſtruendarum navium, inde vicinæ gentes hauſerunt, inprimis vero *Phœnices* gens vicina mari & dedita navigationibus. *Tyrii*. n. teſte Strabone lib. 16. navigandi arte præ aliis excelluerunt. A Phœnicibus hæc ars propagata eſt ad *Ægyptios* teſte Plinio lib. 3. cap. 56. *Inven- tis* (inquit) *ratibus* in mari rubro, inter *Inſulas* ab *Erythra* rege navigari ceptum eſt. Ab *Ægyptiis* peruenit ad Græcos, quod & Plinius cit. loco diffiteri non poteſt : in- quiens : *Nave primus ex Ægypto Danaus* advenit, ante enim *ratibus* non navigabatur. Strabo lib. 10. *Minoi* hoc tribuit, quod

impe-

imperium maris, tenens, artem navigandi invenerit. Diod. Sicul. lib. 6. *Nep- tuno* hoc ascribit, qui postea ob tam præclarum inventum in numerum Deorum est relatus. Illud certum est, *Cretenses* inter omnes Græcos, navigandi principium initio tenuisse; unde & Proverbi- um est: *Cretensis nescit pelagus*? id est, nihil est absurdius, quam Cretensem esse & non navigasse, perinde ac si quis diceret, *Hollandus nescit navigare*. A Græcis navigandi peritia per varias gentes dispersa est, inprimis tamen ad Italos & inter hos ad *Genuates* & *Venetos* derivata. Veneti quidem usque adeo navigandi artem exercuerunt, ut hoc potissimum medio ad stupendæ potentiæ fastigium ascenderint, quod testatur celeberrimus Historicus Sabel. lib. 3. decad. 4. *Nullum est* (inquit) *Emporium interni maris, quod à Gaditano freto, inter Africam, Europam, Syriam, & Ægyptum ad ortum excurrit, & ad septentrionem, ad Bosphorum, & Mæotidem paludem, nulli tam ignoti litoris recessus, quem Veneta triremes, ex antiquo civitatis instituto, non negotiorum causa frequentent.* Ab Italis Navigandi industria manavit ad *Lusitanos* seu *Portugaleses* qui à *Columbo Gennensi* nauta instructi & exculti, usque

que adeo ante annos centum in hac arte excelluerunt, ut & *Novum orbem* aperuerint, & mercimoniis viam paraverint ad *Indias Orientales*. Cum Lusitanos nomine, non excludo *Hispanos*. Sed hoc tamen certum est, omnibus hodie gentibus navigandi industria & peritia superiores esse *Anglos*, post *Anglos*, *Belgas* & inter hos *Flandros*, *Hollandos*, *Zelandos*.

II. An Navigationis sit necessarius in vita humana usus?

DE Inventionē & successionē peritiæ Nauticæ præcedenti problemate egimus, Consequens est, ut de ejusdem fine ac usu dicamus. Ad vitam igitur humanam, alia conducunt, tanquam necessaria, sine quibus plane vivere non possumus, quædam vero tanquam utilia sine quibus vivere commodē nequeamus. Navigatio conducit ad utrumque primò ad *vita necessitatem*. si non in omnibus locis, at certe in iis, quæ sterilitate frumenti & vini ita laborant, ut cum ultra mare sita sint, necessarius commeatus terra advehi nequeat. Ad *commoditatem* autem vitæ quantopere conducat navigatio, paulo post demon-

monstrabitur. Nunc id nobis dicendum est, maximam illam & vastissimam orbis terrarum partem sive collectionem aquarum, quæ mare dicitur à Deo conditam esse, non solum ut sit locus natus piscium, nec ideo tantum ne terra, vel sua nativa siccitate vel solis ardoribus infœcūda redderetur, sed hunc etiam ob finem, ut genus humanum haberet brevem ac facilem mutux inter se mercaturæ, ac communicandarum mercium occasionem & viam. Id quod disertè *Sacra Scriptura* testimoniis probatur quæ videri possunt. Psal. 104. v. 25. 26. Elai. 23. v. 1. 2. Et potest idem probari exemplo sapientissimi regis *Salomonis*, de cujus classe & navigationibus narrat. 1. liber Reg. cap. 9. v. 26. Hinc nimirum illa tam magnifica maris Encomia Psal. 107. vers. 24. ubi illud describitur, tanquam pulcerrimum & maximum miraculorum *Dei theatrum*, ita ut ex eo loco clarissimi interpretes statuunt *mare, ipsa terra esse illustrius & excellentius*, in qua sententia est etiam Lamb. Danæus tract. 3. Phys. Christ. cap. 7. Quamvis de eo non sine ratione dubitari potest, cum plurima sint argumenta, quibus terræ dignitas major quàm maris possit demonstrari, de qua re suo loco major erit dicendi occasio. Valer

et interim memorabile illud maris Encomium, quod extat apud Ambros. in opere de creatione. 6. dierum: *Bonum mare tantumquam hospitium fluviorum, invectionis commectum, quo sibi distantes populi copulantur, quo praliorum remouentur pericula, subsidium in necessitatibus, refugium in periculis, gratia in voluptatibus, separatorum conjunctio, itineris compendium, transfugium laborantium, subsidium vectigalium, sterilitatis alimentum.* Desumpsit hoc Encomium maris Ambros. ex Basilio homil. 4. Hexameri, & habet similia Theodoretus Serm. 2. de Provid: nec non Greg. Nazianz. 2. De Theologia & Theologo. Plutar. in libello cui titulus est: *Utrum aqua an ignis utilior.* Et Cic. 2. de Nat. Deorum. Quæ loca autorum ideo allego, quia pleraque Encomia maris, sunt etiam Encomia navigationis. Sed specialius nobis fuerit deducendus navigationis finis atque usus, qui est vel principalis vel minus principali. Principalis est ad mercaturam & negotiationes, quas mari quam terrâ commodius fieri, probatur. 1. Quia major copia mercium navi quam curru advehi potest. 2. Quia major varietas mercium, ex variis & diversis locis, ad quæ curru non venit, adfertur. 3. Terrâ & curru non ita celeriter & expedite,

pedite, quam navibus mercēs apportantur; præsertim à locis longe diffitis, cum quibus si commercia exercere velis itinere terrestri, tanto opus fuit sumptu, ut expensæ lucrum multis modis sint superaturæ. Atqui dicet aliquis: *Mercatura res illaudata est.* Ergo inde navigationem laudare non poteris. Resp. Fallum est Antecedens. Est enim mercatura in se spectata res humano generi & utilissima & per consequens commendatissima, quod probatur his argumentis. *Instrumenta virtutis publica & privata sunt laudatissima. Mercatura est instrumentum virtutis publica & privata;* quod probatur, quia conducit ad servandum, augendum, & ornandum statum Reipub. Status autem Reip. est ordo laudatus, Laudatus autem ordo virtus publica est: conservari autem Reipub. status nequit sine legitima administratione: legitima administratio requirit conservationem Ecclesiæ, Scholarum, itemque dignitatis Senatoriæ, denique distributionem præmiorum & poenarum, atque adeo bella etiam quæ necessariò pro Repub. suscipiuntur. Harum autem rerum omnium nervus est pecunia, mater mercaturæ. Ad augendam etiam Rempub. mercatura mirifice conducit, sive spectes ipsam
Y urbis

urbis amplificationem, & ædium culturam seu multitudinem, incolarum copiam, quæ utraque sine mercatura obtineri nequit. Exemplo sunt tot vrbes, quæ desertæ ac solitariæ hodie jacent, propter translatam mercaturam, ut *Antuerpia*, *Vismaria*. Ornantur etiam Resp. per mercaturam. 1. Splendore Senatus & ejus auctoritate. 2. Civium opibus & munditie. 3. Ædium, palatiorum, hortorum cultura. Privata virtus per mercaturam exercetur, quia cives quo sunt ditiores, eo promptiores ad promovendam publicam utilitatē, ad procurandas in bello & pace Reipub. necessitates, ad honeste decoreque educandos liberos, ad exercendam denique erga Ecclesiam, Scholas & pauperes liberalitatem. Alterum pro mercatura argumentum est; quod adducit Arist. lib. 1. Polit. cap. 5. ubi sic disputat *mercaturam facere ad humanam vitam necessitatem & denique indigentiam humanam*. Idcirco merito Plato de Repub. inquit: *sine commercio vix potest subsistere civitas*. Et memorabile est quod celeberrimus superiorum temporum Historicus *Brutus*. 8. Florent. hist. de *Laurentio Medices*, principe florentissimo refert; qui dixit: *Mercaturam esse caput, unde robur & nervi manant in Rempub.*

Sed

Sed tamen non desunt, qui contra mercaturam argumentis ejusmodi, dispuant, quorum solutio hoc loco nobis neutiquam intermittenda fuerit. 2. ex Aristot. 1. Polit. c. 5: *Quod non est naturale acquirendarum possessionum medium, illud non est legitimum. Mercatura non est talis.* Ergo. Resp. ex ipso textu Arist. etsi mercatura non sit naturalis, quoad causam efficientem & principium, esse tamen naturalem, quoad causam finalem quia supplet defectum & indigentiam naturæ. 2. Mercator propositum habet lucrum, atque adeo videtur avaritia mancipium, sicut inquit Erasmi. in Adagiis. *Negotiatorum genus nihil habet sacrum præter unicum pecunia lucrum, cui se totos cen Deo consecraverunt: Hoc pietatem, hoc amicitiam, hoc famam, hoc divina pariter ac humana metiuntur, reliqua illis nuda.* Resp. Nō omnes mercatores esse tales, nec vitia quorundam artificum esse imputanda arti, utpote cum vitia artificū, arti sint plane accidentaria, & non pertinent ad ejus naturam, sed sunt præter naturam. Similis responsio datur ad dictum illud Apollonij, quod citat Philostratus in ejus vita: *Mercaturam esse virtutis inimicam*, per accidens, hoc est, & non de natura sed præter naturam mercatoræ, siquidem ut

supra ostendimus, *mercatura est administra publica & privata virtutis*. Et Cassiodorus in Epist. inquit, *Honestum est lucrum per quod nemo læditur*, unde sequitur, *honestam esse mercaturam, per quam nemo læditur*. 3. *Mercatores non admittuntur ad dignitates publicas*. Ergo est *inhonesta*: Antecedens probatur ex Livio qui inquit: *Quæstus omnibus Patribus indecorus visus est*. Et refert Arist. 2. Pol. 1. *Thebanis civibus non aliter licuisse Magistratum vel petere, vel oblatum accipere, quam si totos decem annos à mercatura abstinnissent*. Ac legibus Imperialibus ordini mercatorum aditus ad imperia & honores præclusi sunt, & nobilium ordini æque est interdicta negotiatio, ut mercatoribus militia. Resp. non propterea interdicti magnatibus & nobilibus mercaturam, quod honesta sit per se, sed ut ii qui Rempub. administrant, ab omnibus aliis negotiis vacui, Rempub. tanto rectius possint administrare, atque adeo ut *curia sit curia Magistratui non forum, aut lucrum*. Nobilibus vero ideo *leges Romanas* negotiationes interdicere, ut sit discrimen inter urbes & nobiles, atque cives suas habeant immunitates & commoditates, quas iis præriperent nobiles, si eis mercari liceret. Quamvis hodie in Italia & Anglia etiam nobi-

obiles mercaturam exerceant , imo principes , & Comites. Et sane quod ad Romanos attinet satis apparet ex Cic. quod illa lex de interdicta *Patribus & Equitibus Rom.* mercatura , jam ipsius tempore fuerit mortua , quod idem allegat Bodin. 3. De Repub. cap. 8. ita ut posteriores *Icti.* mercaturam rerum omnium affluentiam copiosam , nihil natalium splendori , nil ordini , nil nobilitati derogare pronuntiaverint. Quare idem Bodin. cit. cap. & lib. recte concludit , mercaturam civitatibus non modo esse utilem sed & honestam , nec solum honestam , sed & honestam , nec solum honestam , sed & necessariam. Quid enim (inquit) solo tam sterili cōdita civitas ut *Athenae olim & nunc Noriberga* , aut eo in loco posita , ut in eam nō modo frumenti , sed nec vini quicquam importari possit , sine mercatura praestiterit ? Et memorabile est quod *Jovianus Pontan. c. 45.* de liberalitate refert , quosdam *Neapolitanorum* reges subditis suis eripuisse mercatura facultatem , sed ita ut provinciales suos ad magnam inopiam redegerint , & regnum suum mirifice deformarent , donec mercaturam publice iterum permitterent. De *Solone* refert *Plutar.* in ejus vita ; quod cum pater ipsius facultates suas largitionibus attrivisset , & interim magnifice eductus *Solon* , accipere aliquid erubesceret ,

ret, contulerit sese adolescens ad mercaturam, eamque ad opes acquirendas feliciter exercuerit. Postea cum populum regeret Solon, voluit mercaturam suo tempore in magna dignatione apud omnes esse, ut refert Cael. lib. 16. cap. 8. Hinc factum, quod reges & principes magna privilegia indulerint mercatoribus, sicut in primis est memorabile privilegium illud, quod anno 1288. *Henricus III. Anglia rex*, civitatibus *Hanfsaticis* in suo regno dedit, de quo *Polyd. Virgil.* libro 16. *Anglic. Histor.* Sequitur ut de altero fine navium & navigationis breviter agamus: qui quidem magnus est, sed non ita principalis, ut prior, & spectat res bellicas. Marina autem bella terrestribus ideo præferenda sunt. 1. Quia in illis nulla devastatio agrorum, pagorum, urbium. 2. Quia minor licentia prædandi & libidines exercendi datur militibus mari quàm terra, atque adeo sanctior est disciplina bellica marina, quam terrestris. 3. quia minori apparatu armorum & equorum, marina quam terrestria bella conficiuntur. Quantus autem sit usus navium ad bella marina, atque adeo ad defendendam patriam & arcendos hostes, *Themistocles* intellexit. Cum enim magna vis pecunia è proventu metallorum esset in exercitio

rio Atheniensium æque dividenda, virum
in singulos puberes ciues drachmis: Themis-
tocles suasisit, ut ex ea pecunia classem ducen-
tarum navium ad Ægypticum bellum com-
pararent. Incidit in ea tempora Xerxis expe-
ditio contra Græcos. Itaq, Athenienses Ægy-
netis reconcilitati, contra communem hostem
ea classe felicissimè sunt usi ad Salaminam, &
Themistocles eodem consilio quo naves para-
vit, patriam servavit, utpote quæ tuta esse non
posset, nisi in muris ligneis, id est, navibus.
De qua re Herod. lib. 7. Cum de Sicilia pos-
sessione bellum Punicum primum, inter Ro-
manos & Carthaginienses ortum esset, Cartha-
ginenses mari præstarent, Romani de bello feli-
citer gerendo desperantes, nisi hostibus mari ob-
viam ire possent de classe publice paranda de-
cretum tulerunt, quæ naves. 120. contineret,
quarum centum quintuplici ordine agerentur,
terno reliquæ. Rom. pop. tum nautica rei ig-
narus, intrepide pelagus tractare ausus est, &
prius cum hoste navali bello certavit, quam
ullum fecisset maritima rei periculum. Nam
cum in Sicilia primo Romani transfretarunt,
Tarentinorum & aliorum sociorum fuerant
usi navibus, cum ipsi eo tempore ne lembum
quidem unum publice possiderent. Erant per
id tempus circa fretum pleraque Carthaginen-
sium naves, ex quibus quinqueremis una se-

*milacera ad Romanos devenit. hoc unicum illis exemplum fuit ad naves adificandas. Dum autem ad hoc exemplar naves magno studio struuntur, multitudo ingens ad remigium exercebatur, subselliis in arena dispositis futuri remiges insidentes ad nutum & vocem unius stantis, qui ordine medio versabatur, remorum pulsus accommodabant, intendentes remos una, atque inhibentes. Sabell. 9. Enneade. 4. Et memorabile est quod Front. lib. 1. cap. 7. refert de Caelio Metello, qui cum usus navium, quibus Elephantibus ad bellum transportantur, deficeret, junxit dolia constravitque tabulamentiis, ac super ea positos Elephantos, per Siculum fretum transmisit. Cum Pub. Cornel. Scipio. consul creatus esset, eique senatus permetteret, ut si ex usu Reip. videretur, cum omni exercitu in Africam trajiceret, quadragésimo quinto die, quod vix cuiquam credibile videtur, instructa & parata classe ex Italia in Siciliam contendit. Posterioribus vero temporibus quam ingens navium usus ad res bellicas fuerit; testatur *Historia Veneta*, ex qua perspicimus Venetos tam amplum, quod habent imperium, & tam multas maris mediterranei insulas, vi & ope navium potissimum acquisivisse ut testatur *Sabell. lib. 8. Dec. 1. quod de Lusitanis & Anglis quoque statuendum**

tuendum est, ita ut recte Arist. judicaret.
 7. Polit. *Vrbibus ac regnis expedire, ut promptam expeditamque habeant navigationis commoditatem, si libera esse velint.* Nostra certe patria, unius navis velocitate & vi, libertatem suam videtur asseruisse, cum in bello Stephanico Vistula ponte strato, occupari, & propugnaculum maritimum ab hoste teneri maximo dolore conspiceretur, ut merito *Leo Albert. 5. cap. 12.* rei ædificatoriæ, *navem vocet arcem obambulandi,* addens, *primarius usus navium est, ut te tuæque transvehant, proximus, ut bello subministrent opem.* Hinc etiam factum est quod *Honorius & Theodosius.* Impp. supplicium capitale statuerint in eos, qui conficiendi naves, in cognitam ante barbaris peritiam tradiderint, propter ingentem nimirum in bello navium usum.

III. Sitne Navigatio res temeraria & ab humana natura aliena? Vbi simul per occasionem disputatur, an iter navale præstet terrestri?

Dignum sane problema opinor quod accuratius pertractetur, propter auctoritatem

toritatem garvissimorum autorum veterum & recentium, qui magno consensu navigationem impugnant & abominantur, tanquam temerariam, audacem, & periculi certissimi plenissimam. *Anacharsis* enim *cuidam* interroganti, *utrum plures sint mortui an vivi*, *Navigantes* (inquit) *in utro numero ponis*, dubitans an hi essent inter vivos habendi, qui vitam undarum & ventorum arbitrio commississent teste *Laër.* lib. 1. c. 6. Quod idem & *Bias* unus ex septem sapientibus dixerat, *Navigantes nec inter vivos nec inter mortuos esse numerandos*. Et idem *Anacharsis* interrogatus, *quæ naves essent tutissimæ?* *quæ in siccum* inquit *pertrahæ sunt*. *Callimachus* dixit, *Iucundissimum esse mare sed si quis de terra illud contempletur*. Et *Plautus* false dixit, *Negotii qui velit sibi vim comparare, navim & mulierem hac duo comparato*. De *Catone* scribitur, quod dixerit: *ejus se pœnitentia inter alia duci, quod quo terrâ pervenire potuisset, navi juerit*. *Plin.* in procem. lib. 19. navigationem vocat summam audaciam & injuriam humane nature, quo pervenire nulla execratio sufficiat, contra inventorem, cui non fuerat satis hominem in terra mori, nisi & insepultus periret. Sunt & alia apud *Tibull.* & *Propert.* testimonia, quæ de industria omitto. Antipater

ter *Tharsensis* cum ex hac vita migraturus esset, fortunæ maximas gratias egit quod cum se aliquando mări credidisset, optima usus esset navigatione. Et observatu dignum est proverbium: *Sicalus mare*, id est, prospectat. de iis usurpatum, qui denuo sollicitantur ad subeundum periculum. Sed & recentes autores quidam, navigationem ut rem temerariam damnare videntur inter quos *Polyd. Verg.* lib. 3. de invent. rerum c. 15. *Quis non fatetur* (inquit) *humanum genus, merito summa insania audaciaque coargui, cum sese intra suos fines minime sciat tutum continere? Nā quamvis Deus ei optime consulerit, sua tamen sponte in pericula ruit. Ille etiam nobis terrarum velut solidum, & ad nos sustentandos idoneum elementum dedit, nos cælum atque mare tentamus. Et nota est vulgata admonitio: qui nescit orare, discat navigare.* Et refert *Philip. Melanch. Granvelanum*, præcipuum *Caroli V.* Imperatoris confiliarium, cum ex Africa cum Imperatore rediisset, sic dixisse: *O malum, malum hospitium mare.* Hisce omnibus testimoniis veteribus & recentibus hæc argumenti vis inest. *Res periculossissima temerariè suscipitur. Navigatio est talis.* Ergo. Resp. *Majorem non esse simpliciter veram. Est enim periculum duplex:*

plex; unum *temeritatis* & *audaciæ*, alterū *vocationis* & *officii*. Major tantum de priorī periculorum genere vera est, de quo & Scriptura dicit: *Qui amat periculum, peribit in illo*. Nam si generaliter de omnibus periculis vera foret major, etiam bella legitime suscepta damnanda forent, utpote in quibus non minus est periculi, quam in navigatione: damnanda etiam foret veritatis aperta confessio, quæ in multis locis cum præsentissimo periculo instituitur. Idcirco Psal. 96. periculum quidem navigantium indicat, sed ita tamen, ut indicet licere ejusmodi pericula subire quod etiam docet cap. 14. Sapient. ubi finis navium simul & navigationis sic describitur, ut simul admonitio addatur, divina providentia gubernari illud fragile lignum: & Ezech. 37. magnis laudibus effert & prædicat beneficium navigationis, mercimoniorum, & commodi portus, quod Deus *Tyriis* concesserat. Non potest autem hoc esse temerarium & insanum, quod S. S. laudat. Sed ad *Minorem* quoque Resp. non esse tantum hoc nostro tempore navigationis periculum, quantum fuit temporibus antiquis, quibus nondum fuit usus magnetis & pixidis nauticæ, chartarum item nauticarum & aliorum instru-

men-

mentorū, quorum ope & adminiculo hodie per Dei gratiam & commodius multo & minus periculose navigatur quam olim. Concludimus ergo usum optimi elementi hominibus adimi, si navigatio damnetur quam Hesiod. lib. 2. Djerum & operum, *optimam & compendiariam rei familiaris agenda viam* appellat, imò & mercaturam à præcipuo hoc navigationis compendio *ναυικλας* denominat. Oritur hoc loco quæstio, *an navigatio terrestri itinervi sit præferenda*, quam Clariss. *Danaus* attingit loco supra citato, ita quidem ut concludat, navigationem præferendam. Et sunt pro hac sententia rationes. 1. Cum omne iter est motus ad metam, *illud præstantius erit quo citius ad metam pervenitur*. At vero navigando citius ad propositam itineris metam perveniri potest, quam terra eundo. 2. *Iter marinum est minus sumptuosum & plures affert utilitates quam terrestre*. Ergo est præstantius. Si quis dicat, *terrestre est tutius*. Ergo præstantius: illi probanda erit major, quod omnia tutiora sunt præstantiora, quinimo contra, virtus in arduo posita est, & quæ difficilia sunt, eadem & pulchra sunt.

PARS ALTERA COM-
MENTATIONIS NAUTICÆ,
quæ est Specialis.

Actum est in genere de Navigatione, ejusque causis efficientibus & finalibus, sequitur ut in specie ea breviter pertractemus, quæ ad navigationem instituendam pertinent.

Sunt autem vel naturalia vel Artificialia.

Naturalia Navigationis duo sunt præcipue, Mare & Venti.

Mare ad navigationem se habet ut circumstans, sive locus principalior. Nam etsi multa flumina sint navigabilia, tamen mari præcipue hoc tribuendum est, tanquam omnium fluminum generali receptaculo, in quo cursus navigationis & frequentior, & plenior, ac liberior, quam in fluminibus. Quare de eo potissimum Problemata nobis aliquot proponenda erunt.

Sit ergo Primum. An mare sit altius terra, & quanta ejus profunditas?

Inter quæstiones Physicas nobilis sane & difficilis hæc est: *Utrum terra sit mari altior*

altior an depressior. *Affirmativam* partem, quod mare sit altius, magni tuerentur auctores & graves rationes. Cic. 2. de Nat. Deor: *Mare* (inquit) *cum supra terram sit, medium tamen locum expetens, congregatur undique aquabiliter neque redundans, neque sese effundens.* Et Basil. homil. 4. Hexameri. *Ne aqua è locis quæ ipsam susceperant, exundaret, in unum sese colligere iussa est: alioquin quid prohiberet mare rubrum suæ in exundatione totam obruere Egyptum, utpote quæ mari est multo depressior, nisi Creatoris præcepto tanquam compedibus prohiberetur.* Argumenta hanc auctoritatem stabilientia præcipua hæc. 1. Elementorum hic est ordo, ut sit terra loco infimo, altiori aqua sublimiori aer, eminentissimo ignis. Cum ergo mare ex verissima Aristotelis sententia sit ipsum aquæ Elementum, utique erit altius terra. 1. Qui ex mari ad terram contendunt, ex alto littora prospicientes, iudicio oculorum, terræ humilitatem perspiciunt. Pro sententia negante, non minus sunt firma argumenta. 1. si mare terra altius, quid causæ reperiemus, cur aqua quæ sua natura deorsum tendit, ad declivia magno impetu fertur, terram non inundat. Ad providentiam divinam hoc referunt ii, qui
affir.

affirmativam tuentur, allegantes locum
*Pl. 104. Terminum posuisti mari, quem
 non transgredietur.* Similia loca sunt *Job.*
35. Jer. 5. Sed cum Deus res naturales
 per media administret, & Physicus per
 causas naturales sua Theoremata demon-
 stre, videtur res in difficultate & dubio
 versari. 2. ab Insulis quæ hinc inde pluri-
 mæ supra mare extant; Insula enim nihil
 aliud est, quam terra supra mare emi-
 nens. 3. Navis æquali ventorum impe-
 tu impulsæ, ex portu in mare apertum
 tam celeriter fertur, quam ex mari in
 portum, quod utique fieri non posset, si
 mare terra altius foret. Nam necesse est
 navem si in locum superiorem elevari
 debeat, difficilius & tardius vehi, quam
 si ex loco altiori in decliviorē vergat.
 Accedit, quod flumina magno impetu fer-
 untur in mare, quod fieri non posset, si ma-
 re terra altius foret, sic enim flumina non
 descenderēt in mare, sed ascenderent, quod
 sane est contra communem omnium homi-
 num opinionem, quo constat loca mariti-
 ma longe humiliora esse mediterraneis, ut
Dantiscum longe humiliori loco situm est,
 quam *Polonia* unde *Vistula* defluens prope
Dantiscum se in mare exonerat. Sic ergo in
 utramque partem videmus penè æqualiter
 verge-

vergere argumentorum lancem, nec opinor aliter enodari hanc difficilem quæstionem posse, quam commoda aliqua limitatione. Diverso igitur respectu verum est, quod mare sit altius, & quod etiam depressius terra. Altius est, respectu littorum & orarum ad quas ita appellit, ut sensim tantum in globum seu circulum extumescat, atque ita tandem in medio sui velut fastigiatum assurgat, altitudinemque obtineat majorem, quam obrinet in iis partib. quæ à maris medio vergunt ad littora, quarum quidem partium altitudo sic decrescit, ut quo propius ad littora accedunt, eo sint ipsius littoribus, seu partib. terræ depressiores, ita nimirum ut terra in littoribus mari sit altior. Quod advertit *Danaus*, tract. 3. Phys. c. 4. Sed nobis Demonstratio hujus rei quærenda erit, quam memorabilem sanè suppeditat *Arist.* lib. 2. de cælo. c. 4. ubi has ponit verissimas hypotheses. 1. *Aqua non minus globum & circulum constituit quam terra*: sua enim natura sic descendit, ut sensim collecta assurgat, inque tumorem se efferat, sicut & exiguas aqua guttulas facere videmus. 2. *Efficat autem aqua circulum*, cujus idem sit cum mundi centro centrum: de qua re etiam acutiss. *Scaliger.* exerc. 75. ubi disputat, aquam sua natura

descendere, contra naturam ascendere, contra eos qui opinantur aquam sua natura ascendere & descendere. Atque ex iisdem hypothefibus etiam, quas ex Arist. recensuimus, definiri potest jucundissimū *Theorema Mathematicorum*, quod vas seu vitrum aliquod in loco humiliori, utpote ad radices montis vel in cella profunda plus aquæ aut vini capiat, quam idem illud vas capere potest in monte, aut in fastigio ædium, de qua re disputavimus lib. 2. de loco. c. 7. Concludimus ergo mare diverso respectu esse altius terræ & depressius, idque contra D.D. *Conimbricenses* qui lib. 2. de coelo c. 14. quæst. 4. ad tit. simpliciter & sine ulla limitatione statuunt mare esse terræ depressius, quod sanè & contra naturam aquæ est, & contra manifestum sensum navigantium, qui ex portu solventes in altum deferuntur, qui ex mari ad portum adnavigantes propugnacula & turres maritimas navium fastigiis cernunt depressiores. *Objectis* illa de Insulis, quod ante monuimus talis omnino est, ad quam respondendum est. Quare in primis sciendum, mare non secus ac terram habere suos in fundo campos, valles, colles, montes denique eminentissimos qui insulas etiam in medio mari constituunt,

unt, sed ita ut ipsa aqua marina, quoad medium sui, & supra has insulas emineat, quod inde probatur. Quia si insulæ supra mediam aquam marinam emerent, nulla forent in insulis littora, nulli portus, ad quos ex alto naves appellere possent. Quod ad *alteram objectionem* attinet, quæ opponebatur, navem ventis secundis utentem, eadem velocitate ex portu ferri in altum quâ fertur ex alto in portum, respondendum arbitror id fieri propterea, quod fluctus marini anteriores, etiam si sint eminentiores, cedant tamen facile impulsu impetu subsequens fluctuum, & sulcationi navis ipsius, & denique ventis velum contra fluctus anteriores intendentibus. quamvis nonnullos nautas audiverim, qui affirmant, iisdem ventis velocius in portum navigari quam ex portu in altum. Jam vero quia ad maris altitudinem profunditas pertinet, de ea quoque in hoc problemate nobis tractandum fuerit & querendum, *quam profundum sit mare?* Et sunt nonnulli in ea sententia, quod mare profundius sit ipsa terra, inter quos est *Burgensis* celebris comment. ad c. 1. Genes. Sed hæc opinio ab aliis autoribus merito rejicitur; cum constet terræ profunditatem continere milliaria 6070. De Profundi-

tate autem maris et si non omnes idem auctores certo referant, tamen nemo est qui tantam ejus profunditatem, vel minima ausit ratione asserere. Scribit inter auctores alios veteres *Priscian. Cæsarem missis per universum orbem terrarum exploratoribus tandem comperisse profunditatem ejus se extendere ad 15. stadia quæ nondum adæquant medium milliare Germanicum.* Alii vero posterioribus temporibus scripserunt, se in profunditate maris reperisse 30. stadia: *Solinus c. 54.* tradit mare in multis locis esse imperitcrutabile, quod etiam *Plin. ait lib. 6. c. 22.* Sed id de certis tantum locis intelligendum est, nimirum de *India Orientali* ut ex citatis auctorum locis diserte apparet. Nec verisimile est antiquos nautas habuisse tantam peritiam explorandæ profunditatis marinæ, quantam hodie habent nostri, qui cum totum Oceanum perne navigarint, ejusque altitudinem explorarint, tradunt paucissima esse loca in mari ad littora Norvegiæ, & in Oceano, quorum profunditas explorari nequiverit. Summam autem quæ in mari hætenus explorata sit profunditatem, sese extendere ad miliaria duo cum dimidio, quanta nimirum existimatur esse celsitudo altissima quorundam montium. Qui Septentriona-

lem

lem plagam perlustrarunt, profundiora tradunt esse illa maria quam totius orbis, præsertim in *Norvegia*, ubi adeo recta in profundum ascendunt litora, ut videantur abscissa, & nulla industria, nullis immensissimis funibus, ne quidem tantis, quantis maxima navigia onerari possint, addita etiam plumbi ferrive massa, explorari maris profunditas possit. Sed id refert *Olaus Magnus* lib. 2. Septent. Hist. cap. 10. qui autor dubiæ est interdum fidei. Videat qui vult plura apud *Ternell*, lib. 1. Cosmotheoriæ c. 2. & *Alex. Piccolh.* singulari libro de magnitudine terræ & aquæ. Cæterum quia profunditatem maris nautæ explorant peculiari instrumento, quod bolidem vocant, ideo hic breviter describendum erit. Est autem *Bolis* instrumentum ut diximus nauticum, pyramidalem trunculam forma referens, & acuta parte perforatum, quâ funibus attexitur, ita ut sebum ex altera parte applicantes nautæ in fundum demergant, quoties locum stationi aptum nactos se esse existimant. Quod si ei arena adhæserit, commodam esse stationem colligunt, sin minus limum aut rupem subesse agnoscunt, cui anchora defigi non possit, atque adeo properandum alio esse. In Oceano præsertim Occidentali fundum ista-

bolide non reperiri quidam ajunt, inter quos fide dignissimus *Joh. Lerius* c. 2. navigationis in *Brasiliam*, quo loco ridet opinionem eorum, qui existimant nautas antiquos bolide humum ex fundo maris eruisse, qua humo cognoscerent, qua mundi parte & quibus in oris verferentur. Id quod propterea nonnulli confinxerunt, ut persuaderent antiquos nautas sine *Magnetē* & *Pixide* nautica etiam commode in Oceano navigare potuisse, adminiculo bolidis, qua ex fundo arenam aut limum attrahentes regionis situm cognoverint, colore videlicet istius terræ, arenæ aut limi edocti.

II. An maris falsedo aliquid ad navigationem conducatur?

DE falsedine maris tractat *Arist.* lib. 2. *Meteor.* cap. 1. & causas ejus affert partim ex *maris natura* partim ex *solis efficacia* desumptas. Ex natura quidem maris, quia aqua marina propter variam agitationem & commixtionem terræ, ex littoribus & fundo fiat crassior. Ex *Solis efficacia* quod is calore suo partes tenues in superficie aquæ marinæ educat, & in vapores

res resolvat, qui quidē vapores, solis isto calore adusti, aquæ marinæ permittentur, atque adeo salcedinem illi conciliant. Et hanc suam sententiam confirmat Philosophus, exemplo corporis humani, in quo calor nativus cibos etiam dulcissimos resolvit in falsum humorem, qui in renibus collectus egeritur. 2. Idem confirmat ab experientia quæ docet esse mare falsius æstate quam hyeme, item esse falsius ad orientem & meridiem quam alibi. Cui addi libet, quod aqua marina per ceram percolata dulcescat. Item: quod aqua maris circa fundum non sit falsa, sicut scribit a. cutiffi. Scalig. exercit. 511. *Urinatores vitreis vasculis aquam è fundo maris extulisse, quæ dulcior fuerit quam in superficie.* Jam si quæretur: Utrum ad navigationem conducat Salsedo maris? omnino responde- rim conducere, ratione nimirum causæ, quæ est crassities; neque enim falsesceret maris aqua, nisi prius increpesceret, crassities autem plurimum conducit ad navium moles & onera ejusmodi sustinenda. Merguntur enim citius naves in aqua dulci quam falsa; quia dulcis aqua propter subtilitatem & tenuitatem suam, facile cedit, falsa autem propter crassitiem magis oneri renititur. Sed & existimarim,

materiam ligneam navium, trabes & asseres a carie & putride præservari, per istam aquæ marinæ falsuginem. Salis enim hæc vis est, & natura ut putredinem arceat. Atque hoc loco minime nobis prætereundum est, quod de aqua marina & autores fide digni, & ipsa inprimis experientia testatur, eam nimirum *non extinguere sed irritare incendium*, atque adeo sæpissime accidisse, ut naves imò navium classes totæ in medio salto, conflagrarent, de qua re *Macrob.* lib. 7. cap. Saturnal. 13. & *Plutar.* 10. Symposiac: quæst. 9. Causa hujus rei est quod aqua marina crassior sit & magis terrestris. Quod autem terrestre est, id siccum est, quod siccum ignem non extinguit sed alit, quia siccitas est qualitas amica igni. Accedit & hoc, quod *Plutar.* & *Macrob.* ex *Arist.* allegant, nimirum aquam marinam quia falsa sit, habere in se pinguedinem seu oleositatam quandam, qua ignis & alitur & incitatur, ut notum est ex communi proverbio, *Oleum igni affundere*. Vnde & experientia testatur magis ignem exardescere sale. Sali enim aliquid olei & pinguedinis inest. Hist. & exempla ad hanc rem valde accommodata refert *Clarissimus Philosophus Camerarius* Crat. Met. 1. c. 26.

III. Vtrum certa aliqua causa assignari possit fluxus & refluxus marini: & cur in nostro mari Balthico non accadat?

AD navigationis cursum feliciter dirigendum accuratissime à Nautis observatur fluxus & refluxus maris in illis Oceani & maris mediterranei partibus, in quibus ista maris reciprocatio vehementius dominatur. Et est sane inter miracula ejusmodi, ut & antiquorum & recentium Philosophorum ingenia vehementer torserit. Nobis propositum est breviter tantum & simpliciter rem ita expedire, ut primo causam efficientem reddamus istius reciprocationis, post rationem inquiramus, cur ea non in omni mari accadat, non certe in *Ligustico & Balthico* nostro. Cæterum quid sit fluxus & refluxus maris, ex ipso nomine innotescere potest, nimirum *subitum recessum* aquæ marinæ ex fundo & loco suo ad locum alium & ejusdem aquæ subitum reditum ad locum pristinum. Nec maria tantum sed & flumina sese in maria exonerantia hanc mutationem patiuntur, utpote quæ maris sese expandentis & tumescen-

Z 5. mescen.

mescentis impetu retroacta subinde vide-
 as, æstuque ejusdem maris refluentis ve-
 lut ingurgitantia subito & affluentia. Sic
Tamesis fluvius ad Londinum in Anglia 5.
 à mari miliaribus fluere ac refluerere cerni-
 tur, ad Hamburgum *Albis* 18. à mari mil-
 liaribus. Ad Antuerpiam *Scaldis* 18. à ma-
 ri miliaribus. Causa hujus æstus seu reci-
 procationis est partim à cælo, partim à ma-
 ris fundo. Cœlestis causa est a *Sole* præci-
 pue & *Luna*, quamvis interim negandum
 non sit etiam reliquarum *stellarum* effica-
 ciam concurrere. Luna autem ut in reli-
 quis omnibus corporibus inferioribus hu-
 morem minuit vel auget, ita etiam in va-
 stissimo corpore maris singularem vim ha-
 bet & virtutem, utpote quæ radiis suis ita
 diversimodè afficit, ut aqua marina inter-
 dum intumescat, interdum detumescat;
 non secus ac videmus in olla aquam feru-
 entem variè reciprocari, ita ut modo in-
 tumescat, interdum detumescat. Quando
 autem intumescit aqua, tum necesse est ex
 loco pristino & à tumore isto remotiori
 aquam subtrahi & defluere: contra quan-
 do detumescit, iterum oportet in locum
 pristinum velut ex monte quodam reflue-
 re. Prout ergo augetur lux lunæ & prout
 validius sparguntur radii lunares copiosio-
 res

res & validiores in undas marinas, pro eo etiã validius intumescunt, & contra: prout radii & lux lunæ decrefcit & minuitur, pro eo aquæ marinæ remittuntur & refluant. Totus porro lunæ motus, qui quidem 24. horis peragitur, in quatuor velut divifus est partes quæ partes motus lunaris, partes etiam cœli 4. five p̄ncta 4. designant, nimirum Ortum & Occafum & duplex culmen feu medium, unum diei, alterum noctis. Singulis ergo 24. horis mare fequendo curfum lunæ quater movetur bis fluendo & bis refluyendo. Fluendo, cum luna ab ortu ad culmen diei afcendit quod fit intra tres horas refluyendo, cum eadem lunæ ab isto fastigio feu culmine diei descendit ad occafum. Rurſus cum luna ab occafu ad culmen noctis afcendit, mare intumefcit feu affluit, cum vero à noctis culmine ad ortum redit, mare detumefcit ac refluit. Cum enim luna ab ortu ad fastigium diei movetur, tum ſupra noſtrum verticem afcendit, & ita aquas marinas ſuo motu & aſcenſu velut elevat: aquæ autem elevatæ per ſex horas defluunt; dum autem movetur à culmine diei five à meridie ad occafum, per ſex horas continenter recedit à noſtro vertice feu Hemifphærio, atque ita remittendo
vim

vim sui motus facit, ut aqua marina decrescens refluat, non secus ac calor ignis si remittat, facit ut aqua in olla seu aheno detumescat. Cum denique ab occasu ad culmen noctis luna movetur, quia supra Hæmispheriū nobis oppositum ascendit, efficit, ubi etiam mare intumescat, & contra cum descendit etiam detumescat. Ita fit ut in nostra parte seu Hemisphærio intra 24. horas bis mare æstuet semel à portu in altum affluendo, & semel ex alto in portum refluyendo: In parte vero mundi nobis opposita etiam bis æstuat, defluendo nimirum, & refluyendo, atque ita intra 24. horas integrum mare quater reciprocatur, nostri respectu bis, & bis etiam eorum respectu, qui ex adverso nobis habitant. Sed quærat aliquis non immerito, *quomodo radii Lunares in aquam agant & istum tumorem efficiant.* Resp. id fieri mediante aere, qui lumen & radios lunæ excipit, & secum intra undas marinas defert, ita ut radii aquam marinam velut tepore quodam afficiant, tepor autem iste rarefaciendo, flatibus plenum mare reddit, ut turgescat, sicut in aheno videmus aquam propter calorem & rarefactionem turgescere. Est enim regula certa in Phisicis & Medicis, *Quod calor imbecillis conjunctus*

janctus cum fortiori frigore, efficiat ventos & flatus. Sic etiam in ipso maris fundo à radiis lunaribus flatus efficiuntur, & venti quibus aqua marina ita turgescit & intumescit, ut varia reciprocatione æstuans defluat & refluat. In ipso autem mari hæc causa reperitur, quod magnitudine sua & vasta expansione facile radios cœlestes admittat, & deinde etiam quod fundus ita sit comparatus, ut varios halitus producat, & in altum educat, quibus superior unda maris intumescit. Hinc est quod Oceanus reciprocationes habeat sæviores. Mediterraneum vero, quia minus amplum est, leniores, quia Oceanus sua patentissima magnitudine siderum vim efficacius excipit, mediterraneum angustius Oceano minus efficaciter radios istos sentit. Duo autem sunt præcipua maria, quæ nullam reciprocationem sustinent, nostrum nempe Germanicum seu Balthicum, & Ligusticum. Ac causa cur nostrum mare Balthicum reciprocationem non patiatür triplex reddi potest. 1. *angustia alvei*, per quam fit, ut copiam radiorum cœlestium sufficientem excipere nequeat, atque adeo ita vehementer inturgescere, ut inturgescunt maria ampliora. 2. Quod mare hoc nostrum nimis sit *septentrionale*, atque adeo à ra-

à radiorum cœlestium efficaci projectu longius diffitum, ut nimirum Luna in illud directis radiis agere satis nequeat. 3. Summa hujus maris *profunditas*, propter quã fit ut radiis cœlestibus minus sit pervium. Cum vero Ligusticum est alienum à fluxu & refluxu causa reddi potest. 1. angustia alvei. 2. laxositas fundi, per quam halitus in fundo resolvi nequeunt.

IV. An naves velocius ab Ortu in Occasum, quam ab Occasu in Ortum ferantur?

Velociorem esse navigationem ab Ortu in Occasum, tardiorē ab occasu in ortum experiuntur & testantur Nautæ. Illi enim qui ex Anglia in Hispaniam navigant, longe velocius eo perveniunt, quam qui ex Hispania in Angliam redeunt. Est autem Anglia respectu Hispaniæ Orientalior. Et Lusitani qui Africæ oram & promontorium Bonæ spei præternavigant, in Indiam Orientalem, eo multo tardius accedunt, quam inde revertuntur, Illi etiam qui ex Hispania in Americam navigant, testantur 24. dierum spatio ex Hispania in Americam ab ortu in Occasum se

se pervenisse, cum contra Hispaniam repetentibus vix tres aut quatuor menses sufficiant. Et poterunt ejusmodi rei testimonium etiam nautæ perhibere, quod hinc tanquam ab ortu; citius in Hispaniam contendant, quam inde possunt ad nos reverti. Hujus rei causam nonnulli in eo ponunt, quod maria omnia sua natura ferantur ad commune illud omnium marium receptaculum Oceanum Orientalem. Sed *Casp. Peuc. Lul. Scalig.* & alii celebres autores causam referunt ad motum primi orbis cœlestis, sive *primi* ut vocant *mobilis*, ab ortu in occasum rapidissime currentis, atque adeo secum tum inferiora Elementa mobilia, tum ipsum aquæ elementum seu aquas marinas arcano quodam impulsu ab Ortum in occasum rapientis. Qui ergo ex occasu in ortum navigant; illis contrario cœli motu impulsæ maris undæ, ita obnituntur, etiam ventis secundis spirantibus, ut cursum habeant navigationis impeditiorem, quam habituri essent, si pari ventorum flatu navigarent ex ortu in occasum quo nimirum aqua marina cœli motu impulsæ fertur. Ad eundem cœli impulsu referunt causam, quod *mare mediterraneum mirabili quadam ratione in gyrum circumagatur. A Palesti-*
na

bolide non reperiri quidam ajunt, inter quos fide dignissimus *Joh. Lerius* c. 2. navigationis in *Brasiliam*, quo loco ridet opinionem eorum, qui existimant nautas antiquos bolide humum ex fundo maris eruisse, qua humo cognoscerent, qua mundi parte & quibus in oris verferentur. Id quod propterea nonnulli confinxerunt, ut persuaderent antiquos nautas sine *Magnete* & *Pixide* nautica etiam commode in Oceano navigare potuisse, adminiculo bolidis, qua ex fundo arenam aut limum attrahentes regionis situm cognoverint, colore videlicet istius terræ, arenæ aut limi edocti.

II. An maris salsedo aliquid ad navigationem conducat?

DE salsedine maris tractat *Arist.* lib. 2. *Meteor.* cap. 1. & causas ejus affert partim ex *maris natura* partim ex *solis efficacia* desumptas. Ex natura quidem maris, quia aqua marina propter variam agitationem & commixtionem terræ, ex littoribus & fundo fiat crassior. Ex *Solis efficacia* quod is calore suo partes tenues in superficie aquæ marinæ educat, & in vapores

res. resolvat, qui quidē vapores, solis isto calore adusti, aquæ marinæ permittentur, atque adeo salledinem illi conciliant. Et hanc suam sententiam confirmat Philosophus, exemplo corporis humani, in quo calor natus cibos etiam dulcissimos resolvit in salum humorem, qui in renibus collectus egeritur. 2. Idem confirmat ab experientia quæ docet esse mare salius æstate quam hyeme, item esse salius ad orientem & meridiem quam alibi. Cui addi libet, quod aqua marina per ceram percolata dulcescat. Item: quod aqua maris circa fundum non sit falsa, sicut scribit acutiss. Scalig. exercit. 511. *Urinatores vitreis vasculis aquam è fundo maris extrulisse, quæ dulcior fuerit quam in superficie.* Jam si quærat: Utrum ad navigationem conducat Salsedo maris? omnino responde- rim conducere, ratione nimirum causæ, quæ est crassities; neque enim falsesceret maris aqua, nisi prius incrassesceret, crassities autem plurimum conducit ad navium moles & onera ejusmodi sustinenda. Merguntur enim citius naves in aqua dulci quam falsa, quia dulcis aqua propter subtilitatem & tenuitatem suam, facile cedit, falsa autem propter crassitiem magis oneri renititur. Sed & existimarim,

materiam ligneam navium, trabes & afferes a carie & putride præservari, per istam aquæ marinæ falsuginem. Salis enim hæc vis est, & natura ut putredinem arceat. Atque hoc loco minime nobis prætereundum est, quod de aqua marina & autores fide digni, & ipsa imprimis experientia testatur, eam nimirum *non extinguere sed irritare incendium*, atque adeo sæpissime accidisse, ut naves imò navium classes totæ in medio salo, conflagrarent, de qua re *Macrob.* lib. 7. cap. Saturnal. 13. & *Plutar.* 10. Sympotiac: quæst. 9. Causa hujus rei est quod aqua marina crassior sit & magis terrestris. Quod autem terrestre est, id siccum est, quod siccum ignem non extinguit sed alit, quia siccitas est qualitas amica igni. Accedit & hoc, quod *Plutar.* & *Macrob.* ex *Arist.* allegant, nimirum aquam marinam quia salsa sit, habere in se pinguedinem seu oleositatam quandam, qua ignis & alitur & incitatur, ut notum est ex communi proverbio, *Oleum igni affundere*. Vnde & experientia testatur magis ignem exardescere sale. Sali enim aliquid olei & pinguedinis inest. Hist. & exempla ad hanc rem valde accommodata refert *Clarissimus Philosophus Camerarius* Crat. Met. 1. c. 26.

III. Vtrum certa aliqua causa assignari possit fluxus & refluxus marini: & cur in nostro mari Balthico non accidat?

AD navigationis cursum feliciter dirigendum accuratissime à Nautis observatur fluxus & refluxus maris in illis Oceani & maris mediterranei partibus, in quibus ista maris reciprocatio vehementius dominatur. Et est sane inter miracula ejusmodi, ut & antiquorum & recentium Philosophorum ingenia vehementer torserit. Nobis propositum est breviter tantum & simpliciter rem ita expedire, ut primo causam efficientem reddamus istius reciprocationis, post rationem inquiramus, cur ea non in omni mari accidat, non certe in *Ligustico* & *Balthico* nostro. Cæterum quid sit fluxus & refluxus maris, ex ipso nomine innotescere potest, nimirum *subitum recessum* aquæ marinæ ex fundo & loco suo ad locum alium & ejusdem aquæ *subitum reditum* ad locum pristinum. Nec maria tantum sed & flumina sese in maria exonerantia hanc mutationem patiuntur, utpote quæ maris sese expandentis & tu-

mescentis impetu retroacta subinde vide-
 as, æstuque ejusdem maris refluents ve-
 lut ingurgitantia subito & affluentia. Sic
Tamesis fluvius ad Londinum in Anglia 5.
 à mari miliaribus fluere ac refluxere cerni-
 tur, ad Hamburgum *Albis* 18. à mari mil-
 liaribus. Ad Antuerpiam *Scaldis* 18. à ma-
 ri miliaribus. Causa hujus ætus seu reci-
 procationis est partim à *cælo*, partim à *ma-
 ris fundo*. Coelestis causa est a *Sole* præci-
 pue & *Luna*, quamvis interim negandum
 non sit etiam reliquarum *stellarum* effica-
 ciam concurrere. Luna autem ut in reli-
 quis omnibus corporibus inferioribus hu-
 morem minuit vel auget, ita etiam in va-
 stissimo corpore maris singularem vim ha-
 bet & virtutem, utpote quæ radiis suis ita
 diversimodè afficit, ut aqua marina inter-
 dum intumescat, interdum detumescat;
 non secus ac videmus in olla aquam feru-
 entem variè reciprocari, ita ut modo in-
 tumescat, interdum detumescat. Quando
 autem intumescit aqua, tum necesse est ex
 loco pristino & à tumore isto remotiori
 aquam subtrahi & defluere: contra quan-
 do detumescit, iterum oportet in locum
 pristinum velut ex monte quodam reflue-
 re. Prout ergo augetur lux lunæ & prout
 validius sparguntur radii lunares copiosio-
 res

res & validiores in undas marinas, pro eo etiã validius intumescunt, & contra: prout radii & lux lunæ decrefcit & minuitur, pro eo aquæ marinæ remittuntur & refluent. Totus porro lunæ motus, qui quidem 24. horis peragitur, in quatuor velut divifus est partes quæ partes motus lunaris, partes etiam cœli 4. five pñcta 4. designant, nimirum Ortum & Occafum & duplex culmen feu medium, unum diei, alterum noctis. Singulis ergo 24. horis mare fequendo curfum lunæ quater movetur bis fluendo & bis refluyendo. Fluendo, cum luna ab ortu ad culmen diei afcendit quod fit intra tres horas refluyendo, cum eadem lunæ ab isto fastigio feu culmine diei descendit ad occafum. Rurſus cum luna ab occafu ad culmen noctis afcendit, mare intumefcit feu affluit, cum vero à noctis culmine ad ortum redit, mare detumefcit ac refluit. Cum enim luna ab ortu ad fastigium diei movetur, tum ſupra noſtrum verticem afcendit, & ita aquas marinas ſuo motu & aſcenſu velut elevat: aquæ autem elevatæ per ſex horas defluunt; dum autem movetur à culmine diei five à meridie ad occafum, per ſex horas continenter recedit à noſtro vertice feu Hemifphærio, atque ita remittendo vim

vim sui motus facit, ut aqua marina de-
 crescens refluat, non secus ac calor ignis si
 remittat, facit ut aqua in olla seu aheno
 detumescat. Cum denique ab occasu ad
 culmen noctis luna movetur, quia supra
 Hæmispheriū nobis oppositum ascendit,
 efficit, ubi etiam mare intumescat, & con-
 tra cum descendit etiam detumescat. Ita
 fit ut in nostra parte seu Hemisphærio in-
 tra 24. horas bis mare æstuet semel à por-
 tu in altum affluendo, & semel ex alto in
 portum refluyendo: In parte vero mundi
 nobis opposita etiam bis æstuat, defluen-
 do nimirum, & refluyendo, atque ita intra
 24. horas integrum mare quater recipro-
 catur, nostri respectu bis, & bis etiam eo-
 rum respectu, qui ex adverso nobis habi-
 tant. Sed quærat aliquis non immerito,
quomodo radii Lunares in aquam agant &
istum tumorem efficiant. Resp. id fieri me-
 diante aere, qui lumen & radios lunæ ex-
 cipit, & secum intra undas marinas de-
 fert, ita ut radii aquam marinam velut te-
 pore quodam afficiant, tepor autem iste
 rarefaciendo, flatibus plenum mare red-
 dit, ut turgescat, sicut in aheno videmus
 aquam propter calorem & rarefactionem
 turgescere. Est enim regula certa in Phy-
 sicis & Medicis, *Quod calor imbecillis con-*
junctus

janctus cum fortiori frigore, efficiat ventos & flatus. Sic etiam in ipso maris fundo à radiis lunaribus flatus efficiuntur, & venti quibus aqua marina ita turgescit & intumescit, ut varia reciprocatione æstuans defluat & refluat. In ipso autem mari hæc causa reperitur, quod magnitudine sua & vasta expansione facile radios cœlestes admittat, & deinde etiam quod fundus ita sit comparatus, ut varios halitus producat, & in altum educat, quibus superior unda maris intumescit. Hinc est quod Oceanus reciprocationes habeat sæviores. Mediterraneum vero, quia minus amplum est, leniores, quia Oceanus sua patentissima magnitudine siderum vim efficacius excipit, mediterraneum angustius Oceano minus efficaciter radios istos sentit. Duo autem sunt præcipua maria, quæ nullam reciprocationem sustinent, nostrum nempe Germanicum seu Balthicum, & Ligusticum. Ac causa cur nostrum mare Balthicum reciprocationem non patiatur triplex reddi potest. 1. *angustia alvei*, per quam fit, ut copiam radiorum cœlestium sufficientem excipere nequeat, atque adeo ita vehementer inturgescere, ut inturgescunt maria ampliora. 2. Quod mare hoc nostrum nimis sit *septentrionale*, atque adeo à ra-

se pervenisse, cum contra Hispaniam repetentibus vix tres aut quatuor menses sufficiant. Et poterunt ejusmodi rei testimonium etiam nautæ perhibere, quod hinc tanquam ab ortu; citius in Hispaniam contendant, quam inde possunt ad nos reverti. Hujus rei causam nonnulli in eo ponunt, quod maria omnia sua natura ferantur ad commune illud omnium marium receptaculum Oceanum Orientalem. Sed *Casp. Peuc. Lul. Scalig.* & alii celebres autores causam referunt ad motum primi orbis cœlestis, sive *primi* ut vocant *mobilis*, ab ortu in occasum rapidissime currentis, atque adeo secum tum inferiora Elementa mobilia, tum ipsum aquæ elementum seu aquas marinas arcano quodam impulsu ab Ortum in occasum rapientis. Qui ergo ex occasu in ortum navigant; illis contrario cœli motu impulsæ maris undæ, ita obnituntur, etiam ventis secundis spirantibus, ut cursum habeant navigationis impeditiorem, quam habituri essent, si pari ventorum flatu navigarent ex ortu in occasum quo nimirum aqua marina cœli motu impulsæ fertur. Ad eundem cœli impulsu referunt causam, quod mare mediterraneum mirabili quadam ratione in gyrum circumagatur. A Palæsti-

ne enim scopulis qui ad orientem sunt inta-
ta, & secundum Phœnicia, Pamphylia &
Græcia oras provoluitur, dehinc Dalmatie,
Istriae, & Illyria legit continentem, mox inde
angulum Adriatici maris, in quo Venetia si-
ta sunt, obiens in oppositum Italia litus, Fla-
miniam versus reflectitur, indeque Galliam,
Hispaniam, & per angustias freti Herculei
labens, Mauritania, Africa, & Egypti
littora præterlabens, in ortum redit. Causa
hujus rei reddi alia nequit, quam quod
mare mediterraneum angustioribus litto-
ribus veluti repagulis coerceatur, ita ut et-
si cœli motu, impulsu ab ortu in occasum
contendat, tamen propter angustiam lit-
toris cursum illum rectum tenere neque-
at, percussis nimirum & repulsis ejus
undis ad latera, quæ percussio fit à litto-
ribus in partem oppositam.

Cæterum de numero marium, atque ad-
e de hoc nostro Balthico breviter hic no-
bis quædam subjicienda sunt, antequam
ad diversam materiam Commentatio no-
stra accedat. Communis autem est senten-
tentia propriè loquendo unum tantum es-
se mare; idque tale, ut totum orbem ter-
rarum velut ambiat, quod Basil. Homil.
4. Hexam. his verbis testatur: *Mare u-*
num est, veluti narrant illi, qui orbem perlu-
strare.

straverunt, etiamsi enim *Hyrcaenum* & *Caspianum* mare per se circumscripta sint, attamen si quid oportet credere illis, qui *Geographiam* conscripserunt, inter se mutuo perforata sunt. Quod hic *Basil.* dicit de perforatione, id accipiendum est, de occultis subterraneis meatibus, quibus hæc duo maria sese inſiſnuant in *Pontum Euxinum*. *Pontus* autem *Euxinus* manifeste se exonerat in mare *Mediterraneum*. Etsi autem maria particularia, cum mari universali quod unicum est, certis partibus conjunguntur, tamen nihil obstat, quominus varia & diversa maria numerari possint, sicut unicus terræ globus in diversas regiones dividitur. Quotnam vero sint maria particularia, nondum certo calculo subductum esse video ab autoribus. De *Julio Casare* refertur, eum magno studio, magnisque impensis huc illuc missis exploratoribus, naturam & numerum marium indagasse, tandemque ad eum relatum, esse 30 in toto orbe terrarum insigniora. Sed longe plura posterior ætas aperuit, nimirum *novo orbe*, & inventis *Indiis Orientalibus*. Communiter *Geographi* partes *Oceani* seu maris Universalis sic dividunt, ut aliud sit *Indicum* in Oriente, aliud *Atlanticum* versus occidentem, *Magellanicum* versus Meridi-

em, *Glaciale* versus septentrionem. In Medio velut globi terreni mare *Mediterraneum*. Et denique mare *Germanicum*, quod à diversis gentibus varia sortitur nomina, diciturque mare Suevicum, Cymbricum, Sarmaticum, Scythicum, Pomeranicum, Veneticum, Codoneum, & denique Balthicum a *Balthia* quæ est peninsula Daniæ seu Scandiæ, Interluit autem tria Septentrionis regna, *Daniam*, *Sueciam*, *Norvegiam*, & ab Helleſponto Danico vel urbe Lubeca initio factò per 250. miliaria Germanica, inter *Germaniam*, *Borussiam*, *Livoniam*, *Russiam* & opposita *Dania* & *Finlandiæ littora* ad ortum extenditur multis sane partibus summè profundum, quinetiam ob angustiam littorum & scopulos periculofum ut multi nautæ tēstantur, se in aperto Oceano felicius navigare, quam in Balthico. Ac tantum de re marina, ad Rem nauticam pertinente.

De mari quod navigatur, quantum instituto nostro satis fuit scimus. Consequens est ut strictim pertractemus de ventis, tanquam præcipuis navigationis effectoribus & aëtoribus. Navita enim de ventis, inquit Poeta, de tauris narrat arator. Sit vero primum Problema marinum minimè ἀνεμώλιον. Utrum Ventus sit aer commotus, an vero diversa ab

sa ab aere exhalatio? De ventis *Aristoteles* disputationem orditur. 1. Met. cap. 13. quam absolvit 2. Meteor. cap. 4. ad 6. Quibus locis duplicem de ventorum natura, & generatione sententiam proponit. Unam eorum, qui nihil aliud ventum esse voluerunt, quam *aerem commotum* & agitatam. Verum etsi interdum vocabulum venti in plebeia significatione usurpetur, pro aere agitato, tamen proprie & Physicè ventus quiddam aliud est, quam aer, quod hoc argumento patet *quod venti ex certis & distinctis mundi regionibus spirent, quodque diversas qualitates & operationes habeant*, quod sane de aere affirmari nequit. Verior ergo habeatur alia sententia, quod ventus sit *exhalatio* ab aere diversa. Exhalatio, inquam, primaria & plerumque calida, & sicca interdum vero mixta cum vapore frigidiori & humidiori. Quod vero sit exhalatio probatur his argumentis. 1. quia venti plerumque *exsiccant*, aer vero sua natura humectat. 2. Quia *color igneus* in nubibus apparens nunciat ventos, & luna rubicunda eosdē præfagit. Cujus rei ratio reddi nulla potest nisi, quod fumi, id est, exhalationes calidæ, & siccæ eleventur in aerem atque interjiciantur inter lucem cœlestem & no-

strum aspectum, lux autem immista fumo rubescit, ut in igne apparet; quando ergo densiores isti in aere fumi attenuantur & resolvuntur, exoritur ventorum flatus. Accedit, & alia ratio quia sunt *crebriores* venti vere & autumnno, quia nimirum his partibus anni, etiam crebriores ex terra fumi exhalant. Denique etiam *experientia* testatur, circa ortum solis ventos plerumque oriri, tota alioqui nocte tranquilla, quia nimirum sol suis radiis appropinquans, exhalationes movet & elevat. Ita ergo sentiamus: *ventum esse exhalationem præcipue calidam & siccam quæ circa terram oblique & transversim movetur. Efficiens* ejus prima est. Virtus radiorum solarium attrahentium è terrâ, & aquis, materiam spirationibus ventorum idoneam. Accedit, frigus mediæ regionis aeri obstitans nimirum & propellens eousque elevatam exhalationem, quæ propter id frigus ad mediam regionem penetrare nequit, sed magna vi repulsa, atque intra infimam aeris regionem coercita, atque interim in altum enitens, tumultuariè & transversim in infimam regionem aeris prope nos impellitur. *Finem* ventorum naturalem & Artificialem assignemus. *Finis naturalis* est purgatio aeris & aquæ ne putrescant, vel

vel in se vel in illis corporibus quibus insunt, de quo *Senec.* inquit lib. 5. *Nat. quæst:* *Ergo ventos dedit summus ille rerum artifex, ad custodiendam cæli terrarumq; temperiem, ad evocandas suppressendasque aquas ad alendos satorum atque arborum fructus.* Alter finis artificialis navigationem in primis spectat, neque enim dubito, quin Deus idcirco frequentiores in mari ventos oriri voluerit, ut navigatio humano generi res commodissima perficeretur. Si quis quærat, *cur illud ventorum genus, quod ex sicca & calida exhalatione generatur, manifestum frigus importet?* Resp. id accidere propter longinquum aeris motum per loca frigida non aliter, ac experimur anhelitum nostrum etiam calidissimum frigescere tamē, si per angustum velut oris nostri canalem & contracta labia expiretur. Neque interrim negamus exhalationi isti siccæ & calidæ etiam vaporem frigidiorē & humidiorē permisceri, quia non tantum sicca & calida, sed etiam humida & frigida exhalatio, è terra & aquis in aerem erumpit, ita ut facillime ista duo exhalationum genera queant inter sese commisceri, præfertim, cum exhalationes non tantum è terra, sed etiam è mari maxima copia eleventur, ut mirum non sit, si quidam ven-

tus siccus, quidam frigidus & humidus operatione existat.

IV. Vnde Ventorum tanta vis esse possit, qua naves non modo impellat, sed evertat?

Mira sanè de ventorum vi & impetuum *historia*, tum *experientia* testantur. Nam ut taceam, quod c. 1. Job. de vehementissimo vento narratur, memorabile est quod *Olaus Magnus* lib. 1. cap. 4. Septent. Hist. refert, ventorum in terris Septentrionalibus, tantam vim saepe esse, ut cataphractos equites prosternat & lib. 7. cap. 3. ait equites saepe à ventis ex ephippio abripi. De Tartarorum regione Historici scribunt, quod media aestate venti ita invalescant, ut iis flantibus nemo possit equitare. Nec tantum in Septentrionali parte, sed etiam in Orientali ea ventorum vehementia deprehenditur. Nam à Sinarum regione in Japoniam navigantibus, id narratur sæpius accidere ut navigia ventis in aerem velut elevata, ad litus elidantur. Et anno 1456. in Italia tantus fuit ventorum impetus, ut multæ villæ agri Florentini, & oppidum etiam *Cassianum* eversum, & dirutum fuerit. Sed non

non aliunde ſtrependa illa vis ventorum
cognoſci poteſt, quam ex *terra motu*. Cum
enim terra ſit corpus ſolidum & durum u-
tique incredibilem virtutem oportet eſſe
ejus rei, quæ terram concutit. Vnde *A-
riſt.* in doctrina de terræ motu, *inter omnia
mundi corpora, ſummam vim flatui & vento
tribuit, & vocat corpus maxime movens.* Et
quid vehementius eſſe poſſit, quam Spiritus
è tormento bellico erumpens, in quem
exigua pulveris pyrii pars reſolvitur. Cau-
ſa tanti impetus, primò quærenda eſt in
radiis Solaribus & aliorum aſtrorum, qui
magna vi & efficacia agunt in materiam
flatibus idoneam. Altera cauſa eſt, *copia
iſarum exhalationum*, quæ paulatim &
continenter è terra & aqua aſcendentes
ſeſe mutuo propellunt, ut altera alteram
veluti trahat. Tertia cauſa eſt *ipſa aeris
commotio*, qua rapiuntur halitus & venti,
qui & ipſi ſimul aerem rapiunt. Moveretur
autem aer paulatim initio factò, ſed tan-
dem vehementiſſimo medio ac fine, non
ſecus ac videmus aquam injecto lapillo
paulatim per parvos circulos devenire ad
maximos. Cæterum ut ad rem propius
veniamus, tres potiffimum ſunt ſpecies
vehementium & impetuoſorum ventorum,
quas Nautæ obſervant & formidant. Pri-

ma dicitur *Ecnephias*, quando nimirum multæ exhalationes densæ & confertim collectæ cavam nubem subeunt, ubi vel per circumfistentiam frigoris, vel mutuo collisu calefactæ rarefunt, tandem per disruptam nubem magno impetu densim propelluntur, unde & nomen habet *ἐκ τῶν νέφω*. De nautis *Lusitanis* scribitur, quod sub *Æquinoctiali*, ejusmodi ventorum impetum frequenter sint experti, tandemque crebris periculis moniti, ubi nubem conspiciunt, vela subito contrahunt, quod nisi faciant, naves isto vibratu merguntur. Altera species est *Turbo*, flatus nimirum ex diversis nubibus, vel ex diversa ejusdem nubis parte globatim protrusus inque se tortus ac retortus in gyrum, instar corticis in aqua. Dicitur idem flatus & *Typhon*. Hic quidem capitalis est velut nautarum hostis, utpote qui non vela tantum rumpat & dejiciat, sed ipsas naves frangat, absorbeat, & in altum non nunquam evehat, sicut & in terra arbores & saxa suis locis mota secum devehit. Tertia species est *Prester* à *πρὸς* quod est *incendo*, halitus nempe impetuofus, qui vel ex circumfistentia frigoris, vel ex vario percussu & arietatione, ignem concipit, & ex nube erumpens, flatum simul & ignem miscet, ita ut non solum

solum prosterнат obvia sed & comburatò
 Ex hoc vento mare dicitur interdum ef-
 ferverescere sub ipsis navibus, quia naves
 magna vehementia penetrant in profun-
 dum aquæ. Dominantur autem sævi ejus-
 modi impetus, uno in mari plus, altero
 minus, unde minus est periculi navigan-
 tibus in uno mari, quam in altero. In *In-
 dica navigatione*, propterea valde periculo-
 sa est ea pars Oceani Atlantici, quæ est ad
 promontorium *Bona spei*, & cum ex portu
 in *Japoniam* navigatur, ferunt nautæ eam
 navigationem, inter omnes hujus tempo-
 ris navigationes, esse periculosissimam.

*V. Vtrum sciri possit, ex quibus mundi
 partibus spirent, & quotnam sint
 numero venti?*

Sunt nonnulli in ea sententia, rem esse
 imperuestigabilem, undenam venti
 oriantur & spirent, proque ea opinione
 allegant loca nonnulla Scripturæ, ut Psal.
 135. *Depromit ventum è thesauris suis.* Et
 Jerem. 10. v. 13. similis est locus. Resp.
 eodem plane versu Psalmi, causam & ori-
 ginem ventorum exponi, dum inquit, Fa-
 cit ut ascendant vapores à superficie terræ.

A a r

Per

Per thesauros autem intelligit specus & loca abdita, unde prima halituum origo. Citant locum consideratione dignum. Joh. 3. v. 8. ubi Christus inquit: *ventus quo vult spirat, & sonum ejus audis, sed nescis unde veniat, & quo vadat.* Resp. Salvatorem non simpliciter negare, quod sciri non possit, unde venti spirent, sed id tantum dicere, cum ventus sit quiddam hominibus invisibile, per se ex flatu ventorum sciri non posse ad sensum, unde ventus spirent, nisi deprehendatur certis signis, ut sunt vèxilla in culminibus ædium & templorum, quæ ad motum ventorum convertantur. Lamb. *Danaus* insignis Theol. tract. 2. Phys. c. 30. de ventis agens, ita hunc locum Ioannis interpretatur. *Ea, inquit, Christi sententia de hominum vulgo vel eorum qui Physicam non didicerant accipienda est cognitione. Itaque non antiquat hanc pulcerrimam Physica partem, qua de ventis agit, sed tantum docet, omnes omnium Physicorum regulas Dei imperio & nutui subjici, ut eatenus vera sint, quatenus ipse vult, quod ex cap. 20. Job. manifestum est.* Alias ut c. 1. Eccles. v. 6. apparet, est omnium ventorum motus & flatus certa quadam ratione cognitio. Concludimus ergo sciri posse, unde venti spirent, nimirum

rum ex diversis mundi partibus *Ortu, occasu, Septentrione, Meridie, & locis intermediis*. Ex his mundi partibus, ventorum divisio & numerus subducitur, quod nimirum alii sint *Cardinales*, alii *Collaterales*. Cardinales venti sunt, qui ex 4. mundi partibus Cardinalibus spirant, ab Oriente *Subsolanus*, ab occasu *Favonius*, à septentrione *Aquilo*, à meridie *Auster*. Collaterales venti non eodem modo definiuntur ab Autoribus. *Aristot.* ventos 11. numerat, sed ex his octo universales & præcipuos, Nam præter Subsolanum, Favonium, Boream, Austrum alios numerat, à punctis solstitialibus, tam hybernis quam æstivis, prout videre est in Schemate ventorum quod in suis *Physicis Lieblerus* ex *Aristotele* designavit. Verum recentes Hydrographi & Nautæ ventorum numerum ex longa observatione, sic auxerunt, ut jam 32. numerent, quorum Schema in pixide nautica depingi solet. Numerant autem ita, ut totum Horizontem, id est, dimidiam mundi plagam dividant in partes æquales. 32. & sub ea parte, quæ est ad *Polum Arcticum* collocant Aquilonem, in partem autem Diametraliter opposita Austrum, & sic in Circulo, linea Diametralis ab uno polo ab alterum ducitur. Hanc deinde

deinde Diametralem lineam ad angulos rectos interfecant, ab ortu æquinoctiali, id est, exactè medio ad Occasum æquinoctialem, & sub ortu Æquinoctiali ponunt Solanum, sub occasu vero Æquinoctiali, Favonium. Deinde in puncto medio inter quoslibet duos horum Cardinalium ventorum, collocant ventum unum collateralem à Cardinali proximum, atque ita jam octo ventos habent. Deinceps iterum puncto medio, inter quosvis duos horum octo Ventorum adhuc alium collateralem designant, ut fiant 32. quæ res non tam ex textu doctrinæ, quam ex oculari inspectione percipi potest, ideo illis qui regiones ventorum exactè cognoscere volunt, commendo *quadratum Nauticum Gemma Frisii*, quod extat ad caput 15. *Cosmographia Appiana*.

VI. An sint quidam Venti statim qui continuis aliquot mensibus ab aliqua mundi plaga spirant?

TRadunt Nauticæ rei periti in nostris regionibus & nostro mari, valdè instabiles & mutabiles esse ventos: contra ve-

ro alibi statos magis ac durabiles. In *mari Indico* qua Calecutum versus navigatur & *Insulas Moluccas*, à Junio usque mense ad Octobrem spirare dicitur ventus Orientalis, sex autem qui sequuntur, continue fiat occidentalis. Tales statim venti fuerunt ii, quorum iudicio *Christoph. Columbus* novum terrarum orbem humano generi detexit. Etenim cum homo sagacissimus observaret in littore *Lusitania* statos ventos mare perflantes, certis anni temporibus, conjecturam ingeniosam fecit, eos ventos non ex mari, sed ex humectata terra oriri, idcirco constantissime in ea sententia perstitit, ultra Oceanum, terras humano generi nondum cognitae existere, unde isti tam constantes venti in *Lusitania* perspirarent. In nostris regionibus etsi ut apte diximus, magna sit ventorum instabilitas, tamen singulari Dei beneficio accidit, quod interdum etiam quandam ventorum constantiam experiamur, nempe tum temporis, quando oritur ardentissimam *Canicula sydus*, sole nimirum primam Leonis partem ingrediente. Hujus Caniculæ ortum, dies 8. aquilones antecedunt, quos *præcursores* Phyci vocant, post biduum autem exortus, iidem Aquilones constantius perflant diebus 40, quos
Etc.

Etesias vocant, propter anniversariam nimirum istam Periodum.

Cæterum antequam ex doctrina hac digrediamur, subjiciam quasdam regulas & observationes ventorum ex quibus prima est. *Quod venti induant diversas qualitates, propter regiones diversas è quibus ad nos spirant.* Etenim Septentrionales venti frigidi sunt, qui perflant loca nivosa. Australes autem calidi & humidi, qui perflant maria & terram humidam, & calida per zonam nimirum torridam. 2. *Quod venti qui cum sole oriuntur, vel in contrarios vel in maxime collaterales mutantur.* 3. *Quod venti qui cum sole oriuntur paulatim invalescant, & fiant vehementissimi meridie, à meridie vero mitigentur, & desinant circa solis occasum.* Qui vero venti sole occidente incipiunt, media nocte sunt savissimi, mane vero cessant. Et tantum etiam de ventis.

Naturalia Navigationis hætenus expedivimus, Restant artificialia; quæ sunt vel Externa navis vel Interna.

Externa navis voco ea, quæ non sunt partes navis, ut inprimis est admirabilis illa Pixis Nautica, cujus consideratio liberalibus ingeniis utilissima est.

VII. Quomodo pixis Nautica fabrefacta sit, & quis ejus usus?

Pixis Nautica inter omnia quæ homines fabrefecerunt & usurparunt instrumeta maxime omnium admiratione digna est, ut Clariss. Philosophus Cardanus lib. 17. de artibus & artificiosis rebus merito dicat: *Inter cetera inventa primam admirationem deberi pixidi Nautica, quippe qua tot sulcantur maria, veteribus nec navigata, nec nota, & cui tot hominum salus, tanta varietates mercium, tanta pecunia vis creditur. Ipsorum regum & Principum vita committitur vasculo tam parvo, virguleque, imò acui modica. Nec solum sufficeret hoc credidisse, nisi ea nos regat & doceat, lapisque sensus expertus, tot viris sapientissimis oculatis atque auritis præstet.* Et Bodin. c. 7. Methodi Histor. *In tota rerum natura, nihil est admirabilius magnete, estque usus ejus plane divinus.* Inventa autem est hæc pixis ante annos 300. à Flavio quodam Melphi, qui in Campania regni Neapolitani provincia habitavit. Ejus fabrica breviter sic describi potest. 1. Est vasculum seu pixidecula lignea, plana, & rotunda, altitudine duorum aut ad summum trium digitorum. In hujus

jus vasculi fundo rotula quædam est versatilis papyracea. Hanc rotulam papyraceam planam, sustinet ferramentum tenue & velut bipartitum, in centro vero ænea quædam & acuminata turricula defixa est, quæ stylo seu cuspidi acutæ insidet, atque hinc inde voluitur in æquilibrio. Ubi autem conquiescit, ea ejus pars, quam lilii imagine nautæ insigniunt, & in qua ligula seu ferramentum, magnete confricatum definit, ibi *Septentrio* & *Polus Arcticus* ostenditur, quocunque contorto clavo navis impellatur. Qui autem fiat, quod pars ferramenti sive ligulæ, ea quæ ad Magnetem affricata est, septentrioni obvertatur, id nullius hominis adhuc ingenium potuit pervestigare. Cæterum in ejus quam diximus rotulæ circulo, ductæ sunt à centro ad circumferentiam 32. lineæ æqualiter distantes in hunc usum. 1. ut designent cœli cardines & ventos, quos 32 à Nautis numerari supra diximus. 2. Ut denotent terræ ac maris spatia celebrioribus partibus distincta per gradus in quos lineæ incurruunt, & qui depicti sunt in quadrato nautico *Gemma Frisii*. Diligentissimè autem hanc pixidem nauticam asservant, muniunt, obducuntque vitrea aliqua lamina, quia facile corrumpi hoc tam pretiosum

tiosum instrumentum potest, si vel pulvis inspergatur, vel pinguedo aliqua, vel etiam si pixis hiet nimis atque adeo aerem admixtat, quo vis magnetis facile dissipatur & exhalat: de quibus cautionibus circa pixidem nauticam adhibendis, videri potest *Petrus de Medina* lib. 6. rei Naut. cap. 1.

Inter instrumenta quæ sunt partes navis, præcipua sunt Gubernaculum & velum, de quo utroque problema hoc ex Aristotele libet movere.

VIII. Quæ causa sit cur vela eorumq; antennæ, quo altius malo affiguntur, eo velocius navim impellant, & cur tam exiguo gubernaculi ligno, tanta navium moles promoveatur?

IPlum enim quod videlicet antennæ velorum, altioribus mali partibus alligantur, satis manifestum est. Sed ratio ejus rei diligenter investigata est ab *Arist.* 6. quæst. mechan. c. 11. ubi docet navim construi ex circuli Hypothesibus, ita nimirum ut malus sit semidiameter, qui exurgat directe ex ipso navis Centro. Quo ergo ali-

B b

quid

quid est altius in malo positum, eo est à centro navis remotius. Jam autem certissimum est Axioma Mathematicum: *Virtus movens, quod est remotior à centro, eo est velocior & validior.* Est autem remotior antenna à centro navis, quando ad mali fastigium alligatur, unde necesse est, vela à nautis non humili, sed altiori loco extendi, ut impetu ventorum excepta velociori & validiori navem propellere possint. Et sane si in ima mali parte vela extenderentur, aut plane non propellerent navem, aut debiliter admodum, quia essent nimis vicina centro navis. Illustrat hoc *Arist.* duobus jucundis exemplis, dum primo quærit, *cur lapis è funda eiciatur velocius & validius, quam è manu, & causam esse ait, quod in corpore humano centrum constituendum sit, manus autem seu brachia sint lineæ ex Centro ad circumferentiam ductæ, quorū autem lineæ à Centro ad circumferentiam ductæ est longior, eo validior, velocioremque habet in extremitate motum.* Cum autem funda sit lineæ longior à centro corporis humani, quam manus, ideo velocior erit & validior è funda jactus lapidis, quam ex manu. Alterum exemplum petit à ligno genibus admoto & frangendo: Si velis inquit pedibus admotum lignum frangere,

gere, utique apprehendis utraque manu lignum non ad ipsum genu sed in extremitate ligni remotius à genu. Ratio ex eodem fundamento circuli petita est, quia, inquit Aristoteles, genu est centrum, lignum admotum est linea utrinq; à centro promanans ad circumferentiam. Ergo in extremitate hujus ligni tanquam lineæ à centro ductæ; longe validior & fortior erit tuarum manuum motus, quam esse possit ad ipsum genu, tanquam ad centrum. Atque ex eodem fundamento ratio reddi potest, cur si adverso flumine, quod sæpe fit, navigia protrahenda sint, vel equis vel viris, funis quo navis trahitur, non alligetur medio mali, sed summitati, nimirum, quia ut supra diximus, malus est linea à centro navis ducta: ideo erit expeditior motus in ista linea extrema, quam media. Qui autem fiat, quod tam exiguum gubernaculi lignum, tantâ navis molem facile flectat, id etiam *Arist.* in mechan. tractavit c. 10. Et rationem ejus petit à natura vectis: vectem autem reducit ad circulum, ita ut statuatur propterea navem à tam exiguo temone flecti posse, primò, quia gubernaculum seu temo est velut vectis, urgens onus navis pondere fluctuum, quibus gubernaculum annitur, & isto annu na.

vi renititur. Accedit, deinde, quod gubernaculum à centro navis est remotissimum, quò quid autem à centro est remotius, eo validiorem habet motum. Antequam hæc Problemata concludamus, non possum non addere, quod *Leo Baptista Albert.* lib. 5. rei ædificatoriæ. cap. 12. & post hunc *Lilius Gyraldus* cap. 3. de Nautica re monet, *navium fabricandarum exempla veteres & lineamenta duxisse à piscibus, ita ut ab illorum dorso, carinam, à capite proram, à cauda remonem, à branchiis remos formaverint: alii ab avibus rationem extruendi & regendi naves ductam volunt, pro quorum sententia hoc facit, quod Poetæ vela vocent alas & remigium alarum pro remigibus nomenclant.*

IX. *Quæ & quanta fuerit apud Veteres navigandi peritia?*

Sicut postremis his temporibus in humano genere ad artium commoditatem & lucem plura sunt addita, idem quoque judicandum est de re *Nautica*, quæ longe fuit incommodior & infelicior apud veteres, quam hodie est apud nos. Namprimo veteres caruerunt magnetis & pixi-

& pixidis Nauticæ usu, cursumque direxerunt ad Vrsam majorem vel minorem, quæ stellæ cum obductæ nubium caligine non apparerent, ignorarunt nautæ ubi terrarum & gentium versarentur. 2. Veteres tantum usi fuerunt navibus actuariis, id est, talibus quæ remis aguntur, sine remis autem non navigarunt ut ex 1. Ionæ vers. 23. inter alia constat. 3. Mare mediterraneum pene solum obnavigarunt veteres, Oceanum autem Occidentalem vix ausi fuerunt attingere. Et denique oras tantum & littora maris plerumque legerunt veteres nautæ, medio mari non facile sese committentes, ut ex navigatione *Apost. Act. 7.* descripta, videre est. Quò de argumento inter alios tractat *Petrus Citizius. lib. 2. Hist. Indicæ*, ubi docet, *sine acus marine usu navigationem in alto Oceano institui non posse. & idcirco veteres in illo Oceano non potuisse navigare.* Sed obiicitur. 1. Auctoritas *Levini Lemnij. lib. 3. de Occult. nat. mirac. c. 4.* & aliorum aliquot doctorum virorum, qui existimant etiam *pixidem Nauticam, veteribus fuisse notam & usurpatam, eamque nomine Versoria à Plauto denotatam fuisse in Mercatore, ubi inquit: Hic ventus nunc secundus est, cape versoriam. Et in Trinummo. Cape versoriam,*

recipe te ad berum. Sed horum opinionem rectè improbat *Hadr. Turnebus* lib. 2. ad-
versariorum c. 4. ubi ostendit *versoriam*
apud Plantum nihil esse aliud, quam fun-
nem quo velum vertitur. Altera objectio
moveretur. 2. Reg. 9. 10. ubi Scriptura te-
statur : *Salomonem regem instructa classe*
emisisse, qui in Ophir navigaverint : Ophir
autem partem *America* fertilissimam, nē-
pe auri. Sed hæc opinio nullis nixa ratio-
nibus facile refutatur. Nam 1. Ophir
dicta est ab *Ophir filio Iectan* cujus Gen. 10.
v. 19. fit mentio, quique sedem in Orien-
te constituit, teste *Iosepho*. lib. 1. Antiquit.
14. Verisimilius ergo multo est, non in oc-
cidentem ubi *America* sita, sed in *Indiam*
Orientalem, istam *Salomoniam* navim na-
vigasse, nimirum ad *Tabrobanam*, celeberrimam
Indiæ orientalis provinciam, *aurea*
Chersonesus veteribus dicitur, quamque
Ophir olim dictam fuisse, *Iohannes Lin-*
schot testatur in navigatione sua Indica c.
19. Et sane in Occidentem emissam illam
classem fuisse, manifesto argumento est
quod Scriptura testatur, eam adornatam
fuisse in littore *Idumæo*, adhibitis nautis
Sydoniis & Tyriis. Quod si in Orientem
navigandum fuisset, quid in *Tyrico* poti-
us aur *Sydonio* littore, quam ad mare ru-
brum

brum classis parata fuit? Ex mari enim mediterraneo ad quod Tyrus & Sydon sitæ fuerunt, recta per fretum Herculeum navigatur, flexis ad sinistram velis, ad Hispaniolam, & inde porro in Americam.

X. *An Echeneis piscis navigia retardet?*
Et nonnulla etiam de Nau-
tulo pisce.

INter summa naturæ miracula numerari potest, quod piscis non ita magnus, ingentem navium molem, ventis remisque impulsam retardare possit & sistere. Neque id facile nobis credendum foret, nisi magni authores allegata experientia testarentur. Autores inquam sacri: *Basil. Hom. 7. Hexam, Ambros. eodem Hexam. profani etiam veteres Plin. lib. 37. cap. 1. Æliani. lib. 15. cap. 14. Plutar. 2. quæst. convival. quæst. 7. Sed & recentes Philosophi id comprobant, ut Fracastorius lib. 8. de Antipatheia, Scalig. exer. 218. Cardan. 3. de rerum varietate, cap. 37. Vocatur autem piscis ille Græcis ἐχένη à tenenda nimirum nave, Latinis remora, à remoranda nave. Quæ causa sit ejus rei, id torquet ingenia Philosophorum. Fraca-*

storius ait, non ipsum piscem esse causam, cur navis retardetur, sed esse tantum signum, quod adsint scopuli quibus navis sistitur. Sed acutiss. Scalig. citata exercit. recte refutat hanc opinionem, utpotè experientiæ contrariam. Ipse tamen hujus rei refert causam ad occultas qualitates hominibus ignotas, aitque non magis queri debere, cur remora navim sistat, & quietem causetur, quam ignis sit calidus. Dicam tamen breviter quid mihi hac de re videatur, sumpta nimirum investigandi occasione ex *Torpedine*, id est, eo pisce qui piscatorum insidiantium manus stupere facit & tremere, ipsumque adeo rete velut brutescere, ut capi non queat, propter effusos nimirum è corpore sive spiritus sive Humores, qui nervos & digitos piscatorum stupore quodam debilitant. Ita existimo etiam Remoram piscem effundere è corpore suo humorem quendam viscosissimum & frigidissimum, qui eam aquam quæ est circa gubernaculum navis, velut congelat, ut ad motum reddatur inhabilis. Sub finem hujus contemplationis libet addere, id quod etiam magnum naturæ miraculum *Plinius* appellat. l. 9. cap. 29. nimirum esse piscem quendam, qui *sautilus* vocatur, qui peritus navigandi & gubernandi,

cum

cum hominibus arte nautica veluti certat. *Sapinus*, inquit, *in summa aquorum perfluit*, ita sese paulatim subrigens, ut emissa omni per fistulam aqua, veluti exonerata sentina facile naviget, postea duo prima brachia retorquens, membranam inter illa mirae tenuitatis extendit, qua velificante in aura ceteris subremigans, brachiis media cauda ut gubernaculo se regit. Qua de re prolixius & evidentius aliquanto scribit *Ælian.* lib. 6. c. 33. Nobis nunc libet vela commentationis nauticæ contrahere, & ingenii navim in portum deducere.

F I N I S.



COMMONITIO

Ad Lectorem:

Spectans

VARRERIUM

&

KECKERMANNUM;

Quod ad OPHYRÆ REGIONEM.



Uæ memorantur pag. 249, quibusque respondet Varrerius Thomæ Cajetano, ex verbis sacrae Scripturae, ubi dicitur, *Hiram Rex misisse Salomoni naves & nautas &c.* perperam existimanti, quasi Hiram Rex ex Tyro Phœnicia, celebri eo ævo ad mare mediterraneum oppido, ac rebus navalibus præpolente, classem suam, ut ea navibus Salomonis, quæ erant in mari Rubro, jungeretur, per mare illud mediterraneum, perque Herculis fretum, ac omnem eam Africæ oram, flexo postremum Bonæ Spei promontorio, circumduxerit, ac intra tandem angustias maris Rubri stiterit: His inquam accurate respondet Varrerius, sed ob brevitatem, qua utitur, ac Laconismum nonnihil obscurius. Hoc enim vult Varrerius,

rerius, habuisse Hiram Regem; non minus quam Salomon, suam in mari Rubro classem naviumque stationem, sed alio ejusdem maris loco constitutam: & ideo dici, misisse eum naves & nautas suos ad Salamonem: Nec esse necesse, quod fecit Cajetanus, accipere eam missionem ea mente, quasi tanto flexu eam classem ex mari mediterraneo per Africæ interioris exteræque sinus ac littora circumduxisset. Nam, ut provide subdit Varrerius, quis vetet, quæ apud Alexandriam in mari mediterraneo sunt naves, quin mittantur Carthaginem, atque hinc Uticam sive Hipponem, quæ ejusdem ibi maris sunt oppida? Ita quoque Hiram Rex cum classem nauclerosque eodem in mari ad manus haberet, quid vetet, quo minus ex iis & classem & classiarios Salomoni in auxilium submittere potuerit. Animadvertit idem maximus virorum Franciscus Vatablus in Annotationibus, quas loco isti 3. Reg. cap. 9. subjecit; Sed iis id verbis extulit, quæ ut cuncta hic reddantur illustriora haud quaquam hoc loco sunt omissenda. Ait enim: *Hiram misit non è Tyro Phœnicia, quæ erat juxta Sidonem ad mare Syriacum, sive mediterraneum: sed ex insula quadam, cui nomen Tyrus ad mare Rubrum,*

jus Geographicæ satis attestantur omniumque oculis spectandum exhibent. Recte igitur nec temere Vatablus.

Quam tanti viri palmariam observationem, præteritam à Varrerio, cum ejus tamen sententiæ juvandæ haud leviter faciat, oppidò miratus fui, & eo magis, quod idem Varrerius Vatabli de Hispaniola opinionem jam ante posuerit ac confutaverit. Nam sane nullus nunc esse ulterior scrupulus potest in verbis SS. *literarum*, cum dicatur, *Hiram Rex misisse naves ac nauceros suos Regi Salomoni*, non ex Tyro scilicet Phænicæ (quomodo præpostere existimarunt, & in his, ut patuit, Cajetanus, eruditorum haud infimus) sed ex Tyro finis Persici, qui & Erythræum seu Rubrum mare dicitur, eos missos advenisse. Hos vero atque ejusmodi nauceros classariosq; Indicis eorum locorum insulis ac peninsulis tanto propiores, eo quoque habuisse illis in oris exploratiora omnia eoque præcipue expetitos à Rege Salomone, qui interius colebat, nullum sit dubium.

Jam qui sequitur Keckermannus, jure, quod ad idem quoque argumentum, censuram meretur. Nam ille cum utramque de Ophyra regione opinionem: quarum altera Josephi est, statuentis in Indiam Orienta-

rientalem versus Aurēā Cherfoneſum claſſem Salomonis miſſam, & alteram, quæ verſus Hiſpaniolam & Americam per Herculis fretum è littore Tyrriorum navigatum vult, ſatis evidenter Probl. 9. Partis ſecundæ, propoſuerit, ſe in poſteriorē concedere memorat. Rationes ejus hæ ſunt, quia claſſis adornata ſit in littore Idumæo, adhibitis nautis Sidoniis & Tyriis: Nam, ut addit, ſi in Orientem navigandum fuiſſet, quid in Tyrico potius aut Sidonio littore, quam ad mare Rubrum claſſis parata fuit? Ex mari enim mediterraneo, ad quod Tyrus & Sydon ſitæ fuerunt, recta per fretum Herculeum navigatur, flexis verſus ſiniſtram ad Hiſpaniolam, & inde porro in Americam velis.

Reſponderi jam facile his poſſe ex antecedentibus tam Varrerij quàm noſtris, ſatis liquet. Nam ſane littus illud Idumæum, in quo adornata claſſis fuit, ad mare Rubrum fuiſſe, diſerte habent verba Paralipom: ubi dicitur abiſſe Salomonem in Aſion Gaber & Ailath ad oram maris Rubri, quæ eſt in terrâ Edom. Et adde, quod ex Vatablo jam meminimus, naves nauclerosque Regis Hiram ſive Tyri ex inſula Perſici ſinus Tyro etiam dicta, non verò Tyro Sydoniæ, Salomoni fuiſſe ſub-

c. 8. v. 17.

submissas. quamvis & fieri potuerit, quod Varrerius Cajetano opponit, ut Tyri Rex materiam dolatam, ex qua naves fieri solent, camelis & aliis jumentis, superato Isthmo inter illa duo maria interjecto, Afion-Geber deportari curarit, quomodo olim à Sultanis Ægypti, & nunc à Turcis fieri suevit, quodcumque classes, quas illic habent, reficere, seu ædificare novas usus efflagitet. Quam Varrerij, seu alteram Vatabli cui sequi sententiam siue responsionem lubet, per me licet.

Et præter hæc, alia item à Keckerman-
no adferuntur Systematis Geographici
lib. 2. quibus novum, quem vocamus, or-
bem veteribus olim cognitum vult osten-
dere, dicendo, Platonem in Timæo & Cri-
tiâ ita Atlantidis meminisse, ut pene de-
scribat hunc orbem: Et Aristotelem in li-
bro de Mirabilibus Mundi memorare,
senatum Carthaginensem publico edicto
cavisse, ne cives, belli Romani tædio,
amplius in Atlantidem navigarent, quasi
in alium orbem: & Plinium referre, Han-
nonem Poenum novas terræ partes repe-
risse; & denique Senecam in Medea sub
finem cecinisse:

Cap. 4.

lib. 2. cap. 66. & lib. 6. cap. 32.

Veniet annis

*Secula feris, quibus oceanus
Vincula rerum laxet, & ingens
Pateat tellus Typhisque novos
Detegat orbes, nec sit terris
Ultima Thyle.*

Si ergo veteres, ita porro addit, nihil sciverint de novo orbe, quomodo Seneca tam expresse potuit de eo vaticinari?

Respondendum, ut à fine incipiam, Senecam non de certo aliquo orbe novo sed de orbibus, id est, Terris & insulis novis, poetice aliquid iniecisse, deque iis, ut futuris, non tum cognitis, vaticinatum: & locum hic ea non habere, ubi demonstrandum erat, non quid esset futurum, aut fieri aliquando posset, sed quid esset: Atlantidem vero Platonis & Aristotelis, sive Atlantides insulas, haud alias esse, quam quæ in Oceano Atlantico sunt positæ insulæ Fortunatæ, Plurarcho etiam in Sartonio nominatæ; & Plinio, qui Hesperides appellat. Nec aliud, quod Hannonem spectat, respondendum; nihil eas terræ partes ad novum, qui hodie est notus, orbem pertinere, nec ullam ibi Ophyram reperiri; cum Orbis novus, si aurum Peruanum excipias, nihil earum rerum habeat,

beat, quæ ex Ophyrâ Salomoni apportabantur: cujusmodi erant gemmæ pretiosissimæ, ebur, pavones, simiæ lignaque rarissima, ex quibus citharæ aliaque musica organa fabricabantur. Quod à Varrerio superius quoque inter cetera memoratum: Ubi Opinioni secundæ de Hispaniola respondet.

Quod habet porro pag. 319 Varrerius Jectani filium, qui Ophir est dictus, habitationem suam, ut memorat Moyses cap. 11. Genes. versus Sephar, montem Orientis, sortitum; Et eum montem cum in India, & circa Indum collocet Hieronymus, quid esse certius potest, quàm Ophyræ regionem haud alibi quàm apud Indiæ Orientalis populos quærendam? Et vero juvet haud leviter ista, quod Ophradus, circa Indum quoque fluvius, si Ortelio fides, Plinio memoretur. Ophradus inquam, vestigium regionis Ophyræ haud obscure referens, Lib. 6. c. 17. quanvis apud Plinium, ubi Asiam descabit non tam Ophradi quam Ophari, Lagonum influentis, vocabulum occurrit. Cujus tamen ut in ista disputatione haud omitteretur mentio, monuit me amicus vetus cum ei nuper adessem deque hisce sermones cæderemus clarissimus ac reverendus vir Theologiæ D.

In Locis Hebraicis.

Constantinus L, Empereur, qui præter exquisitissimam sacrarum literarum, qua excellit, cognitionem, linguam hoc tempore sanctam Lugduni Batavorum profitetur utpote in Orientalibus vel maxime rebus illisque linguis regnum nunc tenens.

Sunt vero & alii præterea, estque, ut videtur, coryphæus in his, Bened. Arias Montanus, qui, ut Hispalensis, Hispaniæ suæ favens Ophyræ quoque regionem apud Peruenes in Orbe novo vestigandam vult, Idque, quod Ophir, ut conjectant, videatur esse à Radice *Parah*, à *Parah* vero *Pern* non obscure deducatur. Quæ sane conjectatio ejusmodi est, quam ego, ut ille loquitur, nebulæ cyatho non emerim. Et est quoque conjectura altera, de qua, uti & priori ista, submonuit me clarissimus collega & amicus noster Doctor Dieftius, Et verò hæc, priori, ut putant, solidior, ex aliâ voce, huic cognatâ, petitur. *Aurum* quippe quod *Ophir* appellatur in Navigatione Salomonis & Josephati, illud 2 Paralip. 3, 6, 7. vocatur *Aurum Parvajim*, ut habent editiones Biblicæ clarissimorum virorum Francisci utriusque Vatabli & Junij. nam textus vulgatus *aurum probatissimum* nominat. Hic autem *Parvajim* in numero Duali, pro *perujim*, à *Pern* sit singu-

singulari. Quo loci accurate ac provide additum oræ marginali à Junio, *Parvajim* Chavilæ regionem esse, ubi præstantissimum aurum fuisse testatur Moles Genes. 2. 11, & unde memorante primo Reg. 6, 20, Rex quoq; David ex devictis principibus illi regioni finitimis aurum est consecutus, & cujus denique Plinius meminerit sub corrupto nomine Babytaces memorante doctissimo eodem Francisco Junio Notis marginalibus ad Genes. 10, 7. Cum igitur tantis testibus Paravaica hæc regio intra Asiæ terminos habeatur, & illis authoribus, qui alium, præter hunc nostrum, orbem novere nullam, nominetur, quid ea quæso ad Orbem illum novum, quem Peruanum appellamus?

Lib. 8. cap.
27.

Quin, quod ex Talmudicis in Lexico suo adducit clarissimus Boxdorffius, omnino observatione hic dignum, nullum scilicet 2. Paralip. 3, 6. voce *Parvajim* regionem, sed aurum indicari, quod colore suo sanguinem referat juvencorum: Talmudicos enim auri genera septem numerare in *forma*; quorum septimum sit aurum *Parvajim* 2. Paralip. 3. 6, sic dictum, quod simile nimirum sit sanguini juvencorum: *Par* enim vocabulo *juvencorum* Hebræis notari, quod nec dissonet multrum (ut obiter

hoc interiiciam) à nostrate dictione *var* idem notante, Ipsa verba Buxtorpſij iſta ſunt: *Talmudici ſeptem auri genera numerant in Ioma Fol. 44. 2. Primum זהב generale eſt. 2. זהב טוב aurum bonum, Genes. 2. 12. quod diſtinctum ab auro vulgari. 3. זהב אופיר aurum Ophir, de quo in אפר. 4. זהב מופי 1. Reg. 10, 18. vide פון. 5. זהב סגור 2. Par. 9. 15. vide שחט 6. זהב פרוים 1. Reg. 6. 20. 7. זהב זרם 2. Par. 3. 6. ſic dictum quod ſimile ſit לזרם sanguini juvencorum. Hęc ille. Quibus ex verbis accuratiſſimi Buxtorſii liquere hoc etiam poteſt, aliud eſſe aurum Ophyranum & aliud viciffim hoc Parvaicum. Hęc mihi præ ceteris palmaria obſervatio, ſuggerente præſertim eam, quem dixi, præſtantiſſimo Buxtorſio.*

Sed ne, quod huc ſpectet, omiſſum à nobis quidquam videatur, ſubiiciemus oportune, quid poſt Varreſium obſervarit geographus noſtri ſeculi celeberrimus Abrahamus Ortelius. Ejus in Lexico, quod edidit Geographicum, hæc verba ſunt:

Ophyræ regio aurifera, in ſacris litteris unde Salomoni aliſque Hebræorum Regibus, ternis annis (uti 3. Reg. 9. 8. 2. Paralip. c. 9. habetur) magna vis auri advehebatur. Sed ubi terrarum hæc regio ſita ſit, & an alio etiam

nomi-

nomine cognita esset haftenus ignoratum fuit. *εωφρεσ & οολοις*, legunt lxx interpretes. Josephus eam in India ponit: & *TERRAM AVREAM* *χρυσιν γιν* suo tempore vocatam addit. Eupolemus auctor apud Eusebium lib. 9. cap. 4. Praperat. Evangelica *URPHEN* *εωφρη* appellat, & dicit insulam Maris Rubri esse, navesque cogi solere Melanis, Arabia urbe (Hesion Geber hanc vocat sacra scriptura: etsi Epiphanius Atlon in sacris literis prodat) Hinc Marius Niger eam *AVREAM CHERSONESUM* Ptolemai interpretatus est, non parum enim ad terram auream alludit; & Rubri Maris nomen huc usque pertingere, ex classicis authoribus doceri potest. Sed hanc Chersonesum, auri divitem olim fuisse, nemo veterum, quod sciam, author est, neque nunc etiam esse, ex recentioribus palam est. Edidit tamen Caspar Varrerius Lusitanus nuper peculiare opusculum, de Ophyra Regione; in quo constanter asseverare multisq; argumentis persuadere conatur, sacra Scriptura Ophyram esse auream Chersonesum: aut potius omnem eam oram quae Pegusis, Malaca & Somatra continetur. In Bibliis Vatabli à Rob. Stephano excusis, pro Hispaniola, Novi Orbis insula, habetur. Postello autem Peru videtur: cui suffragatur doctissimus Goropius in

sua Hispania. Idem affirmat Benedictus Arias Montanus. Cujus viri sententiam non solum ob multiplices ejus virtutes, quibus à natura abunde ornatus, sed ob omnis generis doctrina solidam peritiam multarumque linguarum cognitionem admirabilem, libenter amplecterer, nisi deterreret me ab eâ vastus ille Oceanus intermedius, quem omnis antiquitas innavigabilem atque à mortalibus, quia sacrum divumque sedem existimarit, navigatione minime violandam (ut docet apud Senecam Peto Albinovannus) credidit. Neque ullum veterem autorem reperiens, ab ullo mortalium ante repertum magnetis lapidis usum (quem nuperum habemus) unquam tentatum, nec immerito. Neminem hoc enim potuisse, vel posse, norunt intelliguntque qui navigant omnes. Casu forte aut felicitate hoc aliquando evenisse, ut credam, facit Plutarchus in Sertorio: At consilio aut scientia hunc ab ullo trajectum, nulla apud priscos sive sacros sive prophanos scriptores memoria. Circa littora autem navigatum sæpius, testes exstant antiquorum Græcorum Peripli, ut Hannonis, Arriani, Jasonis, Nearchi: & qui temporis injuria intercidere Ctesia, Menippi, Marcelli, Alexandri, Theophili &c. Ego Ophyr Cephalam vel ut alij pronunciant Sofalam Africa versus Orientem regionem interpretari

cum

cum Volaterrano malim, tum quod hæc, teste gravissimo Jo. Barroso, admodum aurifera sit, adeo ut etiamnum nihil præter aurum, ut Lusitanorum testantur peregrinationes, exteris mercatoribus communicet: Tum quod scribat in sua Indica navigatione Thom. Lopesius, hos Sofalenses habere libros patriæ lingua scriptos, in quibus legitur Salomonem regem tertio quoquo anno hinc aurum tulisse. Ex Ophir etiam ebur habuisse Salomonem sacra referunt literæ, atque hoc non ex Peruana regione, ubi nullus unquam Elephas. Pro Ophir, Ophats õpat legit Ioan. Tzetza, & insulam, siue peninsulam auream in Indiâ esse dicit. De Ophir adde quod habet Josephus à Costa Societ. Jesu lib. 1. c. 14. de natura Novi Orbis. Vbi Ophir Indiam Orientalem, cum Iosepho Iudæo interpretatur. VPHAS locus unde aurum adfertur, Hierem; 10. MOPHAS legunt lxx. OPHI autem D. Hieronymus & Chaldaus.

Hactenus Ortelius. Qui, recitato, quid alii insuper sentiant, in eandem cum Volaterrano sententiam concedit, esse scilicet Ophyram Africæ Æthiopicæ regionem versus Orientem; quod ea præcipue aurifera sit &c. Quæ à Varrerio cum satis superque superius pag. 305 & seqq. inspecta discussaque sint, hic repetere, es-

fet; quod dicitur actum agere. Itaque lectorem eo remittimus.

II.

COMMONITIO,

Quâ Problema Keckermani III & V propius inspicitur ac illustratur.

Accessum & recessum Oceani, de quo Problemate III disputatur à Keckermanno, eleganter ac proprie Latinis olim veteribus *Veniliam* & *Salaciam* dictum docet nos Romanorum doctissimus Varro. Ejus verba sunt: *Venilia*, unda que ad litus venit; *Salacia*, que ad salum redit. Hujus autem utriusque, veniliæ inquam salaciæque expertem esse Oceanum Balthicum & Ligusticum, ob causas, quæ à Keckermanno sunt memoratæ, non tam mirum sit, quam quod idem quoq; de Indico novi orbis littore refert Joh. Metellus Metalius in Præfatione sua ad Antonium Augustinum, quæ libris Hieronymi Oforij Lusitani de Rebus Emmanuelis est præfixa. Etenim in ea (addo, quia nihil ejus à Keckermanno memoratur) hæc leguntur, Numero IX: *Oceanus quâ australe novi orbis latus adluit, estus est vehementissimus;*

Lib. 4. de
Analys.

simus, adeo ut in nonnullis promontoriis, ad duo miliaria decreseat, in aliis verò, aquam ejus regressam è summo littore vix visũ assequi queas. at idem ille, quã boreale latus occupat, nullam propemodo accessus recessusque reciprocaionem admittere, magnocum philosophorum stupore deprehensus est. mirari hoc multo inquam magis nos oportet, cum apertum hĩc ac patens littus sit. Sed ut intelligatur quod nam hic novi orbis littus innuat Metellus, sciri refert, capere haud dubio eum id littus quod est Oceani Sur sive Pacitici dicti. quod doceat nos in Exercitationibus suis adversus Cardanum Julius Scaliger. Nã de altero littore, quod nostro orbi adversum est, quis authorum hoc tradidit; Quamvis & hic quod memoratur, penes authorem, quod dicitur, fides esto. Verba interim ejus, quia digna sunt quæ adscribantur, ista habent: *In Oceani Sur littore boreali nullus est astus. In Britannico rehemens ubique. In Australi Sur ad Beragam validus. In Ligustico vestigium nullum. In Adriatico insignis. In plaga Indica secundum Gangis atque Indi fauces magnus. In Erythrao tantus, ut osiores sacrarum literarum temere mentiti sint, Moſen in sicco transisse, nactum refluxionis occasionem. Quod tamen fieri non potuit. propterea*

Exercit. 52.

quod ad Sues usque quod intimo in recessu
 jacet, mare operit litus illud: neque unquam
 regrediens ita nudat, ut inferiores partes, qua
 transferunt Hebrai, sua decessione aperiat.
 Huc usque ille. Et præter hæc, notabile
 etiam est, hucque spectans, quod Garum-
 na, Galliarum clarissimum flumen, septe-
 nis horis Oceanum accedentem experia-
 tur, ac quinis vicissim eundem dimittat. Cu-
 jusetiam inæqualitatis rationem inqui-
 rens magnus ejus olim accola Julius idem
 Scaliger, ita loquitur, vel, ut proprie ma-
 gis dicam, argumentatur in libris de Sub-
 tilitate adversus Cardanum: *At cur sep-*
tem horis intumescit Oceano Garumna, quin-
que detumescit? Propterea quod Atlantica
Oceanus accedente Luna ad meridiem Vene-
tiarum, insinuat sese in arcticos sinus. Qua
protrusione abit aqua sursum versus à littori-
bus Aremoriciis ad litora, qua incurvescunt
inter Tartaros & Terram laboratoris, trans
Grunlandiam, & insulas parum notas nobis.
Itaque non implet Garumnâ, quantum ca-
pere potest: quoniam partim abit. Vbi vero
Luna cursum perfecit illius clivi, cujus fasti-
gium directo despicit Burdegalam: tunc ab
Arctico sinu redentiibus aquis, non solum ob-
sidentur Garumnæ fauces, ne descendat, atque
exeat aqua sed etiam complentur novis flucti-
bus.

Exercit. 52.

bus. Qua impressione fit, ut addatur ad incrementi tempus ordinarium hora illa, quæ septima numeratur in accessione, primaque debebatur discessioni. Unde quod reliquum est ad horam duodecimam, qua alterius quadrantis cursus terminatur, in regressu quinque tantum horis expeditur. Non enim verum est, quod ajunt, Produci tempus ingressionis, quia resistat Garumna. Quippe neque locus, neque meta ulla proposita est, aut destinata, ad quam maris ultimus fluctus pertingere jubeatur. Sed celerius tantum minueretur, si esset ita. Quod si alteram velis adjungere, causam, non laboro. Moles enim maris gravior: idcirco diutius instat: & ubi subducit sese, abit celerius. Hucusque Julius Cæsar Scaliger, apud quem plura ibidem huc spectantia, qui inquirere volet, reperiet.

Exercit. 5. f.

Quod deinde sequitur altero post tertium, de quo jam dictum, Problemate nimirum quinto pag. 376: Typhon est flatus capitalis & velut nautarum hostis, utpote ex diversis ubibus, vel ex diversa ejusdem nubis parte globatim protrusus inque se tortus ac retortus in gyrum &c. Quod alibii memoratum nobis scio, miror Physicorum nemini, præsertim iis, qui ex SS. literarum observationibus vel augere Physicam, vel ipsis etiam SS. scripturis ex Physica aliquam lucem

In disputationibus nostris
Physicis.

lucem foenerare studuerunt, cujusmodi præter alios fuit clarissimus theologus Lamb. Danæus, & ipse hic quoque qui Physicen edidit Keckermannus, de Typhone hoc vento nihil addidisse, quod ei illustrando esset, ex iisdem sacris Scripturis. præsertim cum ejus in Navigatione beati Pauli tam discrete meminerit in Actis suis divus Lucas, qui, vocabulo haud omnibus obvio, *Euroclydon* appellatum ait. Legitur enim Actor. cap. 27. vers. 14. *Misit se contra ipsam ventus Typhonicus, qui vocatur Euroclydon.* Vetus versio reddidit non *Eurolydon*, quomodo textus ipse Græcus habet, & commode retineri id vocis potuerat, sed voce Græca & Latinâ minus concinnè vertit *Euroaquilo*. At quomodocunq; vertatur, dum ait esse *ventum Typhonicum*, satis indicatur non regulare sed irregulare venti genus habendum, quoniam nimirum veluti typhone quodam & vento turbulento huc illuc jactati, aliisque superingruentibus tempestatibus à recto cursu ac navigatione institutâ aberraverint. Batavos hodieque Belgasque omnes ejusmodi ventum *cen Wervelwint* appellare satis constat. Est enim Græcis *κλύδων* idem quod *vortex* & *fluctuatio* Latinis; rerum naturalium scriptoribus *Typhon* seu *Turbo*;

Turbo; quomodo & Lucas ipse interpretatur, cum dicat, *ventus Typhonicus*, qui vocatur *Euroclydon*: quamvis versiones Germanicæ ac Belgicæ ad præscriptum vocabuli *Euroaquilio*, quod est in Latinis versionibus à vero longiuscule recedentibus, reddiderint *Rooydoost*, cum debuerint ex ipso textu & voce Græcanicâ interpretari *een werbelwint*. Id enim est *ventus Typhonicus* & *Euroclydon*. Germani dicunt *een krauselwint*. Faciunt huc verba Plinij lib. 2. cap. 28: *Vagi & ruentes flatus, vorticem faciunt, qui Typhon vocatur, id est, vibratus ecnephias*. Quid clarius potuit, ad explicandum, quod inuenire se voce *Euroclydon* diuus Paulus significat?

III

C O M M O N I T I O

Addi his ob ea, quæ habentur Pdoublemate 1 de Hispanis, Lusitanis, Anglis, Hollandis ac illis, qui navigationibus quâ maximè celebrati memorantur, paucula possunt. Et quidem super eo argumento cum in literas retulisse nonnulla Richardum Dinothum reperiarn, ejus primo loco verba ponam; atque inde, si necessum sit, de meo nonnihil subijciam. Ait Dinothus:

Lib. 3. de
Reb. Belli-
cis.

NA

NAVIGANDI artem antiquissimam esse, ex Bero lo videre est, qui in seculo aureo Janum & Saturnos in novas colonias classe advectos esse scribit. Primi in ea Ægyptii excelluerunt, qui longè maria, insulas & littora lustrarunt, ut terrarum metas invenirent, aded ut doctrinæ cosmographicæ initium darent, & aliis populis similia tentandi & explorandi exemplo essent. Primus omnium regum Sesostris longis navibus usus, Arabicum sinum prætervectus populos Rubri maris accolæ usque ad Indos penetrans in potestatem redegit.

Diod. Sicul.
lib. 1. Ann.
Viterb. in
Mauret.

Diod. lib. 5.
Halyc. lib. 1.
Ann. Viterb
in Maureth.

Turrheni fortitudine egregii, classe potentes, quum diutius mari imperitassent: Italum pelagum à se Turrhenum denominaverunt, nauticarum rerum aded periti, ut quocunque classe deferrentur, facile victoria potirentur.

Post illos Tyrii in ea arte excelluere, qui libero utentes mari sæpe terras cæteris nationibus incognitas adiere: In ultimo Hispaniæ tractu insulam Oceano circumfusam perexiguo à continenti divisam freto condiderunt: & in Africa Uticam, in Bœotia Thebas, sic ut eorum coloniæ

a. Reg. Val. toto orbe diffusæ fuerint. Tanta famæ celebritate florentes rex Judeæ Salomon sibi
P. lib. 2.
30
foedere

foedere sociare curavit, cui aurum & gemmas, aliaque rara & preciosa adferebant. Cum autem totum triennium in una navigatione consumerent, multa maria sulcasse, & longinquas mundi partes explorasse facile credere est. nec ullos populos postea eorum conatus adæquasse legitur.

Phœnices classe in Libyam venientes Byrsam, quæ & Carthago nominata est condidère, demum subacta Libya magnam maris tenuère partem. Vtèrius bella moventes Siciliam, Sardiniam, cæterasque iusulas, quæ mari illo continentur occuparunt, & in Iberiam usque emisère colonos.

App. in. Lyb.
bic.

Carthaginenses aded classe valuère, ut maris mediterranei imperium diu tenerint, à Românis Sardiniam, & omnem Iberiam abstulerint, Hannone duce à Gadibus circumacti ad extremam Arabiam usque permearint.

App. in. Lyb.
bic, Plin. lib.
2, cap. 6.

Liburni Illyrici populi navali gloria etiam percelebres fuère, qui Ioniam insulasque Ægei maris dicto audientes habuère. Velocibus navibus usi, quæ ex causa Romani naves, quæ celeritate levitateque præstant, Liburnicas nominarunt.

App. in Illyr.

Nec postremum hac in parte laudis Athenienses locum sunt habituri, qui magno
classis

classis apparatu freti imperium amplum
& victorias insignes acquiescere. Ad clas-
sem, quæ cum Xerxe ad Artemisium felici
eventu pugnavit, in qua 378 naves fuisse
dicuntur: majorem partem suo milite, su-
isque sumtibus instruxerunt. In Salami-
nensi prælio naves 400 habuere. unde præ-
cipua earum victoriarum palma ipsis ex-
tra omnem controversiâ attribuitur. Cum
bellum adversus Lacedæmonios move-
runt: triremes ad quadringentas habuere
præter alia navigia. In multis & maximis
certaminibus cum Persis, Macedonibus
& Lacedæmoniis pugnares superiores
fuisse, in paucis prospero successu caruere.
Victis Persis Græciæ & Asiæ tributum ad
tuendum maris imperiû imposuere: tanta
in re navali eorum fama apud externos fuit;
ut Persæ contra Lacedæmonios bellum ge-
rentes semper Atheniensem ducem qua-
rerent, quem classe sua præficerent. Tan-
tum etiâ emolumentum inde sunt assequuti,
ut quicquid rarum aut suave, vel in Sici-
lia, vel in Italia, Cypro. Ægypto, Lydia;
Ponto, Peloponneso, vel alibi erat, in u-
num coegerint ob maris imperium.

Cilices piratæ, quibus se aggregarunt
Syri, Cyprii, Pamphili & Pontici non so-
lum mare, quod ad orientem spectat: sed
quod,

Justin. lib.
16 Plut. in
Them. xe-
no, hist.
Græc. lib. 1.
6. 7. & lib.
dereb. At-
hen Thucy.
beli. Pelop.
lib. 1.

quodcunque intra Herculeas columnas situm est, in potestate habuerunt. Aliquot Romanorum duces navali prælio superarunt, inde tanto terrori fuere omnibus, ut in tam magno spacio nemini tutam navigationem relinquerent, bello Mithridatico regiae classi contra Romanos operam navarunt, deinde Romanis & civilib. bellis inter se commissis multitudine freti mare præfidio classis destitutum invaserunt, insulas & maritimas urbes expugnantes. Navæ habuere militariter instructas amplius mille, urbes cœperunt ultra quadringentas. Classes eorum fuere strenuorum virorum copiis, gubernatorum peritia, levitate atque celeritate navium magnifico apparatu, longo usu & exercitatione formidabiles. Omne internum mare ab illis occupatum, unde nemini commercia libera: sed omnia invia, infida, clausa, donec à Pompejo fuerint debellati.

Plut. in Pompei
App. in Mithrid.
Zoner.
ann. Tom. 2

In declinatione Romani imperii Sarceni innotescere cœperunt, qui in re navali postea maximam gloriam sunt assequuti: sicut eorum res bello gestæ ostendunt. Ab Alexandria cum valida classe solventes Rhodum nobilem in re nautica insulam vi cœperunt. Deinde in Ægeum mare delati multas ex Cycladibus affligerunt. Inde in

D d Sicili-

Blond. de
reb. gest.
Venet.
Æmyl. lib. 1.
Finc. in
Chron. Coel.
Cúrio. Sarr.
hist. lib. 1.

Siciliam navigarunt, quam maritimis in locis spoliatam incendiis etiam per mediterranea editis vastaverunt. Numidiam quoque Tingitaniamque ac Mauritaniam occupare, Oceanum Atlanticum, & terrarum finem opum suarum terminum statuentes. In Europam per fretum Gaditanum trajicientes totam Hispaniam sibi subjecere, præter Astures & Cantabros. Italiam ingressi Capuam, & Genuam ceperunt. Venetorum classem apud Siculum mare cum multa clade vicerunt. Ita omnibus formidabiles propter rei navalis peritiam evasere. tantam potentiam ex ea adepti, ut à Persico sinu ad Gades usque maris imperium tenuerint. Numerosam habuisse classem hinc facile videre est, quod Muhamas unus ex eorum ducibus inclytæ famæ & celeberrimi nominis mille & septingentis navibus Cyprum invasit, cepit.

Saxo Gram-
mat. hist.
Din. lib. 4.
Lit. in Ch.

Decrescente eorum potentia Dani piraticam exercentes Flandris, Frisiis, Gallis, Anglis, Scotis, Orcadibus insulis & omnibus Balthici maris accolis multa damna intulere, cum certaminibus sæpius victores evaderent. Victoria utentes Angliam sunt adorti, quam vectigalem fecerunt. Maris imperium à Balthico oceano ad Thulen usque insulam diu tenuerunt.

Horum

Horum institutū sequuti Normanni sive Amyl. lib. 3.
 Norvagi valida instructa classe mare oceanum & mediterraneum sulcantes omnibus
 maritimis populis formidabiles evaserunt.
 Angliæ, Flandriæ, Gallicæ Hispaniæ &
 Italiæ oras immaniter devastarunt, & spo-
 liatis ac everfis in Italia, & Gallia multis
 urbibus Gallos ad concedendum illis habi-
 tationis sedem coegerunt.

Tres fuere in Italia præpotentes mariti- Amyl. lib. 6. Ion. hist. 2.
 mis in rebus urbes: Pisæ, Genua, Venetiæ,
 quæ post Normannos in re navali domi,
 militiæque celebres exitere. Eo magnitu-
 dinis rem Pisanam hac in parte aliquando
 evectam memorant, ut centum eorum fa-
 miliæ totidem rostratas naves privato
 sumptu ædificasse, & exornasse ad bellum
 Ligusticum dicantur.

Genuenses inveteratæ navalis discipline Amyl. lib. 6. Ion. hist. 13. & 34.
 laude cunctas nationes olim antecellue-
 runt, & longè sulcando maria versus orien-
 tem usque ad pontum Euxinum condita in
 Taurica Chersoneso Theodosiâ nobilissi-
 ma colonia famam extenderunt, & in bel-
 lo sacro egregiam operam navarunt.

Veneti mercimoniis dediti multū clas-
 se huc usque valere mercatū per om-
 nes orbis partes exercentes, multos in Sy-
 ria portus occupavere, & in bello sacro
 D d 2 multam

Mach. hist.
Flor. lib. 1,
Sabell.

multam operam & laudabilem prestitere. Unde in precium illis cessit Creta, quæ nunc Candia dicitur, & diu Saracenorum & Turcarum arma insigni cum laude sustinuerunt, & quod ad gloriæ culmen eos evertit: Genuenses de maris imperio cum illis decertantes post varia prælia manus dare coegerunt.

Sed horum omnium gloriam patrum nostrorum memoria Hispani obscurarunt. periculosis & stupendis navigationibus ingenti ausu susceptis, quibus mercaturæ negocium tum sibi tum principibus suis utile admodum & quæstuosum reddiderunt, nationesque barbaras insanis superstitionibus servientes ad vitam humaniorem, & ad cultum veri dei adduxerunt. Tres autem ante alios maxime clari & memorabiles extiterunt, Ferdinandus Cortesius, Blascus Nonius & Magalanes. Cortesius in postremum occiduiitoris sinum delatus ad Mexicana regna terrestri itinere contendens subactis Indis Themistitana urbe potitus est, quum fabricatis navigiis eam urbem sallo in stagno positam; ædificiisque & incolarum frequentia Veneræ urbis instar admirabilem multis præliis prospere factis expugnasset. Exinde alteriora perquirere constituit, novamque expe-

expeditionem ad occidentis oram maritimam suscepit: eo quidem apparatu, ut non modo sarcinarum & tormentorum onera secum ferret: sed duos etiam myoparones soluta compage plicatiles multorum servorum opera comportari juberet, ut his tentaret oceanum, quem nō amplius quingentis leucis abesse constabat. Cum ad oceanum perventum: Cortesius latè explorato littore, notatisque nemoribus unde materia ædificandæ classi peti posset, Temistitam est reversus, ibiquè incolis Christianæ religionis cultum persuasit.

Blascus Noniūs diu Parix terræ, & Darienæ regionis littora legens repetit Isthmum ad Urabanum sinum, quo duo maria ingentia dirimuntur. A Comogro siquidem ingentis amnis ostio Dari, ejusque littore per inaccessos prope montes summa juga tenet, & subiectum in adverso littore vastissimi pelagi sinum conspiciit, in quo auri & unionum ditissima regna reperta sunt, atque item conspectæ, aditæque aliquot insulæ earum rerum opulentia insignes. Peruana & Culcanā regna auro & gemmis scatentia successoribus demonstravit.

Magalanes alterum Parix terræ littus in orientem obversum quinque navium classe

classe percucurrit, legendoq; oram præter-
vectus lineam capricorni, nec multum in-
de prope antarcticum circulum, & ad ipsâ
æquatoris lineam Moluccas quæritans im-
mensi prope ambitus insulas Iavanâ, Por-
nem & Subutham ipsa Britannia majores
invenit, è quibus Moluccæ propinque
spectabantur: quas ut in votis habebat
adire non potuit. Cum insulaniis enim ac re-
dimicans occubuit. Huic propter diffi-
cillimam, & periculosissimam navigatio-
nem palma datur. Cortesii navigatio, ut
magnificentiore, ita utilior & feliciore fuit,
quamvis honoris prærogativa omnium ha-
rum navigationum Christophoro Colum-
bo Liguri multorum iudicio debeat ad-
scribi. Alterum enim prope terrarum or-
bem intentato prioribus seculis Oceano
ad occidentem felicibus auspiciis naviga-
tionis studiosis aperuit, & aliis, qui post
eum maiora fecisse videntur, iter ostendit,
& si commoditate spectemus, non minus
gloriosa Hispanicæ genti ejus navigatio
fuit, quam Cortesii vel Blasii, vel Magala-
nis. nam Hispaniolam & Cubam ingentes
insulas auri copia ditissimas Castellæ regi-
bus vectigales fecit, & in commodissimis
locis ædificatis arcibus, & imposito præsi-
dio tutam Hispanicæ genti receptum dedit,
& recte

& recte æstimantibus Herculis & Liberi ,
patris famam obscurasse videtur. Nam ,
Bacchi in Indiam navigatio nullo pacto ,
cum Columbina comparanda venit, nec ,
periculi magnitudine, nec commoditatis ,
cumulo. Qui vero decus navalis discipli- ,
næ Herculi tribuunt, quum in frero Ga- ,
ditano ipsius navigationis trophea po- ,
nunt: maximè ridiculos se ostendunt, cum ,
vento secundo in uno mense ea navigatio ,
commodissimè fieri possit. Hactenus Di-
nothius;

At præter eos, & qui vel omissi ipsi vel
præteriti, inter vetustissimos referri Massi-
lienses possunt. Hi quantopere mari value-
rint ejusque gnari habiti; ostendat vel solus
Pytheas Massiliensis, cujus superius non se-
mel & cap. præsertim 4. l. 2. Discuss. Hist.
ex Strabone memini. utpote qui totam
extremam ac borei maris oram perlustrando
primus omnium Thulem ac omnem pro-
pemodo septentrionem Gallis Græcisque
aperuit, ut est à nobis memoratum loco
jam dicto prolixius. Atque inde inter re-
centiores post Cortezium, Novium, Ma-
galanem Columbumque Dinotho memo-
ratos, non omittendus quoque, præter
alios, Americus Vesputius, & nostro se-
culo, qui claruere inter Anglos *Franciscus*

Dracus, & Thomas Candischius. Dracus anno 1577 è Plimuthâ, Angliæ portu, cum navibus quinque solvens, ac superato intra paucos menses freto Magalánico, primus fuit, qui mare illud, quod Pacificum sive le Sur vocatur, post Magalanum, præter Hispanos, navigavit. Hic postquam auro Thesauroque, quem ingentem sibi comparaverant, Hispanos exuisset, in Angliam circa an. 1580, orbe terrarum tribus plus minus annis circumnavigato, magna cum omnium admiratione reversus est. Regina benigne eum excepit; navem in monumentum orbis feliciter circumvecti juxta Depfordiam ad Tamisim subduci jussit, & in eâ, magnis ibi ceremoniis memoriæ sacratâ, cum suis epulata Dracum equestri dignitate ornavit. In laudem vero Draci totiusque expeditionis affixi malo navis, præter alios, versiculi, quos dignos judicavi, qui subjicerentur, sunt autem isti:

*PLUS ULTRA Herculeis inscribas
D R A C E columnis,
Et magno, dicas, Hercule major ero.*

D R A C E, pererrasti quem navit terminus orbis,

Quemque

*Quemque simul mundi vidit uterque
Polus;*

*Si tactant homines, faciunt te sidera no-
tum.*

Sol nescit comitis non memor esse sui.

*Digna ratis qua stet radiantibus inclyta
stellis;*

Supremo cæli vertice digna ratem.

*Thomas deinde Candischius sub annum
1586. à Suffolciâ tribus cum navibus in
apertum Oceanum excurrrens, ac Frerum
mox Magalanicum feliciter pervectus in
orâ Chili, Peruviz & alibi cum Hispanis
haud semel conflixit; ac naves eorum & in
his Regiam unam, maximis opibus re-
fertam, juxta Calliforniam cepit ac dirip-
uit. Inde per Philippinas, Moluceas,
Promontorium Bonæ spei ac Helenæ in-
sulam, post biennium magnâ cum prædâ,
nec minori cum gloriâ domum rediit, ut-
pote suæ gentis alter, qui Orbem terratum
circumnavigavit.*

*Hos æmulati haud multo post Batavi,
& in his omnium primi, Jacobus Mahu
& Simon de Cordes, &c, qui eos proximè est
insecutus, Oliverius memoratur de Noort.
Hi summis cum difficultatibus nec exigui*

temporis dispendio, molestissime superat^o Magalanico Freto, mare tandem *le Sur*, Pacificum sive Australe dictum, intrarunt, ac Orbem deinde terrarum circumvecti ad suos similiter salvi redierunt. Unus eorum, *de Weert* dictus, vi tempestatum atque aquilonis Cautique pertinacissime spirantis vehementiam, repetere Fretum, atque inde inglorius redire domum adactus fuit, annum circa 1598. Quibus postmodò animadversis, & ut evitaretur non periculosus tantum ille, sed & rediosus ac morosissimus tot perfractus angustiasque Magalanici Freti transitus, insequentis tempore, qui fuit annus 1615, captâ oportunitate, duabus cum navibus ad id destinatis, relicto ad dextram Freto jam dicto, novū ac facilē invenit transitū magni aulus atq; animi juvenis Jacobus Lemerius Amstelodamensis, ac suo de nomine nuncupatū, Orbi usurpandū reliquit. Imprimis Hispaniarum Rex, compertā tanti transitus commoditate, cum ejus assidue classes id pelagus frequentare necessū haberent, haud cessavit triennio post Johannem Morum eo amandare. Ac exploratis omnibus, cognitoque, post Fretum Lemerii, quod expediti ac brevis est transitus, apertum esse in mare *le Sur* progressum, nec uspiam occur-

occurrere fyrtes aut littora, quæ navigantem remorentur, suum quoque in usum oblatum tam insperato beneficium constituerat traducere, in animo habens, si ita res tulisset, imposito præsidio fauces eas aliis occludere. Sed deprehenso, potenti-ores eas opinione suâ esse, labori atque impensis ulterioribus super sedisse videtur.

Ultimò hoc quoque libet adjicere, occasione navigationum, quas tentasse vetustissimos illos diximus, ut Pytheam Massiliensem, & qui secuti sunt boreales præcipue populi, quærereque, quomodo vastissimum illi atque apertum mare sine pixide nauticâ transmittere potuerint? Nam Pytheas enavigans è mari Mediterraneo, Freti Herculei fauces transgressus non tantum est, sed apertum exinde boream versus mare percurrentes, nec uspiam littus legens, Thulen atque oram illam universam boreæ, inter primos suo ævo, id est, ante natum Christum, posteris aperuit ac demonstravit; ut de aliis item dicere ac repetere nunc omittam. At id sine pixide nauticâ fieri hodie posse vix existimatur, quod indicare quoque superius Probl. 9. Keckermannus volens, attulit ex Historiâ Indicâ Petri Kitzi hæc verba: *Sine acus marina usu navigatio in alto Oceano institui non potest.*

potest. Aded ut dicere fere habeam, præter sidera, ac stellam vel maxime polarem, ad quam cursus suos vetustissimi illi direxere, fuisse haud dubio penes eos, latentibus præsertim stellis, ac nubilo cælo, navigandi quædam subsidia, quæ hodie deperdita nos fugiant; ut solent alii s atque aliis temporibus deperire jam hæc ac illa vicissim renasci inque usum traduci. Sed de his, & si quæ referri præterea huc possunt, aliàs & alibi, si Deus & Musæ volent, opportunius.

F I N I S.

Gratia & Gloria Deo Servatori.

ADDEN.

A D D E N D A.

Festinantibus operis & dum alia atque alia aliud trahunt, omiſſa nonnulla, quæ addi prioribus non incommode poſſunt. Et quædam quoque ab amicis oportune ſuggeſta autem mihi vellunt digna; exiſtimo, quæ vacuum hoc ſpaciū occupent. Ejuſmodi, præter cetera, vel id eſſe poteſt, quod pag. 153. verſ. 29. his verbis habetur, *cum ſervitus conceſſa, poteſtas nihil tale polliceri videantur*. Nam iis non inconvenienter adijci continuo poſſet: *ſervitus inquam, cujuſmodi non tam phraſi juris, quàm ex vocis noſſione hîc accipienda, qua poteſtas conceſſa, ſive, ut litera regiæ habent, licentia nomi natur*.

Hinc etiam ſubjungenda ſunt ad primæ Mantiffæ pag. 248. verſ. 15. ubi de Conſtantino Magno agitur, illa verba: *Quid eſſe clarius poteſt, quàm alibi natum Conſtantinum Magnum, & ibi deſuncto jam patre, veluti à borea exortum Solem imperidque à milite inauguratum præfectumque?* Illis inquam verbis adijcienda ex oratione ſive Commentario V. C L. Huberti Giphanii ſuper Imperatore Fl. Juſtiniano iſta pauca:
ſervat

Iuvat hac hand leviter doctissimus clarissimusque Giphanius. Cujus sunt verba :

Ex Oratione
de Fl. Iustini-
ano Imp.

Vobis auditores paulo esse longior in patria Justiniani investiganda, & veluti ante oculos ponenda, non modo propter hunc clarissimum Imperatorem sed etiam propter Constantinum Magnum quem video mihi observasse ex eadem terrâ Dardania oriundum. Sic enim ait Trebellius Pollio in Imp. Claudio, ex cuius sorore natus est Imp. Constantius pater Constantini Magni: in quo bello (Gothico) equitum Dalmatarum ingens exstitit virtus, quod originem ex eâ provincia Claudius videbatur ostendere: quamvis alii Dardanum & ab Illo Trojanorum atque ipso Dardano sanguinem ducerent trahere. Et mox: Claudius, Quinillius, & Crispus fratres fuerunt; Crispi filia Claudia: Ex eâ & Eutropio, nobilissimo gentis Dardana viro, Constantius Caesar est genitus. De eo & Imp. Valerianus in epistolâ quâdam: Claudium Illyricianæ gentis virum Tribunum Martia quinta legioni fortissimum dedimus. Et in aliâ epistola: Claudio ex regione Dardaniâ dabis milites ducentos &c. Plerique putant, Constantinum in Britannia natum: Ejusque matrem Helenam Cæli nescio cuius Britannorum Regis filiam fuisse comminiscantur: ignari scilicet, ortum & natalem Caesarum esse duplicem:

unum

unum hujus lucis & vita, alterum imperij. & hunc alterum, scilicet imperij, Britannia imputare potest Constantinus Magnus. O fortissima, inquit Panegyrici scriptor, & nunc omnibus terris beatior Britannia, qua Constantinum Casarem prima vidisti. Sed de hac re alio in loco oportuniore, Deo adjuvante. Hactenus Giphanius.

Pag. 400. Lin. 21. qui Hesperides nominat. illis addendum continuo, ut omitam, qui citatur de Mirabilibus Mundi Aristotelis liber, eum dubia esse fidei, nec ab omnibus hunc in censum referri.



ERRA-

ERRATA.

Pag. 18. lin. 18. lego *stem* Pag. 25. lin. 10. leg. *provin-*
ciis. Pag. 26. lin. 5. leg. *cisque* Pag. 53. lin. 23. leg.
 XXV. Pag. 187. lin. 9. leg. *reperiam*. Pag. 215. lin. 11.
 leg. *repressit*. Pag. 223. lin. 21. leg. *facilitata* Pag. 241.
 lin. 5 leg. *piemenda*. Ibid. lin. 26. eg. *sinem*. Pag. 249. lin.
 22. leg. *tyrannus*. Pag. 319. ad marginem leg. *Genes*. 11.
 Pag. 322. lin. 12. leg. *protiofissima*. Pag. 387. lin. 6. leg.
promanant. Pag. 401. lin. 23. leg. *describit*. Pag. 404. lin.
 2. leg. *Buxtorff* Ibid. lin. 18. leg. *Buxtorphio*. Pag. 411. lin.
 23. leg. *nubibus* Ibid. An. 27. leg. *verminum*. Ibid. leg. *pra-*
fertum ess. Ibid. lin. 29. leg. *etiam* Pag. 413. lin. 5. leg.
Entodagula. Ibid. lin. 19. leg. *Problemato* Monendus po-
 stremo lector, verba Dinothi, quae plincola citantur pag. 414.
 ea ad oram semilunulis notanda adusque pag. 432.

ANT
 1313063







